

ირაკლი მახარაძე ლაშა ხეცურიანი

რუსულ-ქართული ტერორი

(1880-1924 წლები)



ირაკლი მახარაძე ლაშა ხეტურიანი
რუსულ-ქართული ტერორი (1880-1924წლები)

IRAKLI MAKHARADZE LASHA KHETSURIANI
Russian-Georgian Terror (1880-1924)

რედაქტორი
ლალი ქადაგიძე

გარეკანის დიზაინი და დაკაბადონება
ირაკლი მახარაძე, გიორგი ტაბლიაშვილი,
ლაშა ხეტურიანი

გარეკანზე: ელადიმერ ულიანოვი, ივან კალიაევი, იოსებ ჯუღაშვილი,
სერგო ორჯონიკიძე, სიმონ ტერ-პეტროსიანი, ფილიპე მახარაძე

© ირაკლი მახარაძე, ლაშა ხეტურიანი 2009
© Irakli Makharadze, Lasha Khetsuriani 2009

ყველა უფლება დაცულია

ISBN 978-9941-11-136-5

გამომცემლობა „დიოგენე“
თბილისი, კეკელიძის ქ.6
ტელ.: 95 63 94, ტელ./ფაქსი: 96 79 71
www.diogene.ge

ავტორებისაგან.....	5
წინათქმა	7
შესავალი.....	9
ისტორიული ექსკურსი	13
რუსული ტერორის სათავეებთან.....	19
ქართული ტერორის სათავეებთან.....	28
ბანალური ტერორი – ილია ნებიერიძის ამბავი	38
შემობრუნების ნერტილი – რევოლუციონერი ტერორისტის ხატის ჩამოყალიბება	45
რუსული სახელმწიფო ტერორი საქართველოს წინააღმდეგ	57
პირველი ტერორისტული აქტი	71
აგრარული ტერორი: თავად დიასამიძის მკვლელობა.....	79
გურული ტერორი, „გურიის, ყვირილისა და სხვა რესპუბლიკები“	85
დუშეთის ხაზინის ექსპროპრიაცია.....	104
გენერალ გრიაზნოვის მკვლელობა.....	113
ექსპროპრიაცია ერივანსკის მოედანზე – ჯულაშვილი და მისი რაზმი.....	120
ერივანსკის „ექსის“ შემდეგ	139
ეპილოგი – „ნაღმა-უკუღმა“ გადახნული საქართველო, ანუ „წითელი“ ტერორი	147
პირთა საძიებელი	160

ნიგნში ნარმოდგენილი ფოტომასალა დაცულია შსსსს-ში, სცსსა-ში, სახელმწიფო არქივის კინო-ფოტო-ფონო დოკუმენტების გამოყენებისა და პუბლიკაციის განყოფილებაში, ოზურგეთის ისტორიულ მუზეუმსა და გურამ შარაძის კერძო კოლექციაში.

შსსსს – შინაგან საქმეთა სამინისტროს საარქივო სამმართველო
სცსსა – საქართველოს ცენტრალური სახელმწიფო საისტორიო არქივი

ავტორებისაგან

ხასიათობრივად და სამყაროს აღქმის თვალთახედვით ისეთი განსხვავებული ქვეყნები, როგორც რუსეთი და საქართველოა, ძნელად მოსაძიებელია. მაგრამ ერთად ყოფნის ორასწლიანმა ისტორიამ ქართულ ცნობიერებასა და ხასიათში ისეთი გარდატეხა შეიტანა, რომ ქართველი ადამიანი რუსების მიერ წამოწყებულ ტერორისტულ ბაკქანალიაში თავგამოდებით გადაეშვა და მის ავანგარდშიც კი მოექცა.

ჩვენი ქვეყნების ურთიერთობის სხვადასხვა ეტაპზე რუსეთის ხელისუფლება ხან ერთმორწმუნეობის ხაზით, ხან მარქსისტული მოძღვრების დროშით, ხან კი ხიშტით საქართველოს მოტყუებასა და დაპყრობას ახერხებდა. ყველაზე გასაოცარი, გასაკვირი და აღმაშფოთებელი ის არის, რომ ქართველთა უდიდესი ნაწილი, ჩრდილოელი მეზობლის მიერ თითქოსდა მოჯადოებული, დღემდე ვერ აცნობიერებს, ვისთან აქვს საქმე, საკუთარ დაშვებულ შეცდომებს არათუ აანალიზებს და გულდასმით შეისწავლის, რათა გარკვეული დასკვნები გამოიტანოს და მომავლისთვის გაითვალისწინოს, არამედ ისევ თავგამოდებით ცდილობს „ერთმორწმუნე“ რუსეთის კალთის ქვეშ შეძრომას.

წინამდებარე წიგნი რუსულ ტერორთან გაიგივებულ და მასთან იდენტიფიცირებულ, XIX-XX საუკუნეების მიჯნაზე აღმოცენებულ ქართულ ტერორიზმსა და ტერორისტების თავგადასავალს ეხება.

განეული დახმარებისათვის მადლობას ვუხდით თბილისის სახელმწიფო უნივერსიტეტის ქართული ემიგრაციის მუზეუმის, საქართველოს პარლამენტის ეროვნული ბიბლიოთეკის, საქართველოს ეროვნული არქივის, ხელნაერთა ეროვნული ცენტრის, შინაგან საქმეთა სამინისტროს საარქივო სამმართველოს თანამშრომლებს.

განსაკუთრებული მადლობა თემურ ბერიძეს, ლეილა ნანიტაშვილს, ლია სოხაძეს, ქეთევან სადაგიშვილს.

წინათქმა

1905 წლის 22 ოქტომბერს რუსი ეროვნების შავრაზმელებმა, ე. წ. პატრიოტებმა¹, თბილისში, გოლოვინის პროსპექტზე (დღევანდელი რუსთაველის პროსპექტი), დემონსტრაცია გამართეს. ეს მოხდა ცნობილი 17 ოქტომბრის მანიფესტის გამოცხადების შემდეგ, რომელიც ერთგვარ სიგნალს წარმოადგენდა კონტრევოლუციური გამოსვლებისათვის მთელ რუსეთის იმპერიაში და, რა თქმა უნდა, საქართველოშიც. თვითმხილველების გადმოცემით, დემონსტრაცია, რიცხვით ათას ადამიანამდე, შედგებოდა კაცებისა და ქალებისაგან, რომელთაც ხატები, დროშები და მეფის სურათები მიჰქონდათ. გოლოვინის პროსპექტზე მიმავალი დემონსტრანტებისთვის არავის შეურაცხყოფა არ მიუყენებია, არც რაიმე პროვოკაციულ ქმედებას ჰქონია აღვლილ, მაგრამ, მოუხედავად ამისა, სათავადზნაურო გიმნაზიის ჭიშკართან მდგომ ხალხს რამდენიმე მანიფესტანტი მიუახლოვდა და ჩხუბი აუტეხა. ერთმა პატრიოტმა კი გიმნაზიელებს იარაღი ესროლა. გასროლის ხმის გაგონებისთანავე იქვე მყოფმა ჯარისკაცებმა სრულიად უდანაშაულო ხალხის მისამართით სროლა ატეხეს. პირველი მსხვერპლი პატრიოტებში აღმოჩნდა, რადგან ისინი ჯარის წინ იდგნენ. სროლა თითქმის ორ საათს გაგრძელდა. ისროდნენ გიმნაზიაში, ალექსანდრეს ბაღში, ესროდნენ სახლებს და ქუჩაში მოსეირნე ხალხს, ზუბალაშვილისა და მანთაშვიის ქარვასლებს, „ტიფლისკი ლისტოკის“ რედაქციას და არტისტული საზოგადოების შენობას. ჯარისკაცები და პატრიოტები არავის და არაფერს ინდობდნენ: ოფიციალური ცნობებით იმ დღეს მოკლეს 43, დაჭრეს 88 კაცი, დაარბიეს და გაძარცვეს რამდენიმე შენობა. განსაკუთრებული სიმხეტვით და სისატიკით გამოირჩეოდნენ პოლტავის პოლკის კაზაკები. ერთმა კაზაკმა, გვარად კლადმა, საკუთარი ხელით მოკლა 14 უდანაშაულო ადამიანი. ამ ამბის მონაწილის, კავკასიის სამხედრო ოლქის ჯარის მთავარსარდლის „კანეოის“ ოფიცრის ბიგაევის კითხვაზე, თუ რატომ ჩაიდინა ეს, მან უპასუხა, ამ რევოლუციონერებმა (ისინი კი რევოლუციონერები არიან, რადგან ნითელ ბავთებს ატარებენ) მოკლეს ჩემი მეგობარი კაზაკი მიხნევი და სხვებიო². კაზაკები სამაგიეროს უხდიდნენ 1905 წლის 30 აგვისტოსთვისაც, როცა თბილისში განლაგებულ კაზაკთა ყველა რაზმს „საშინელი დამამგრეველი სიძლიერის“ ე. წ. ავჭალური ბომბები ესროლეს (ამ ბომბებს სიმონ ტერ-პეტროსიანი, ცნობილი როგორც კამო, იოსებ სტალინის ჯგუფის სხვა წევრებთან, ილიკო ჭაჭი-

¹ „პატრიოტთა კავშირში“ გაერთიანებული უმთავრესად რუსი ეროვნების ადამიანები მთავრობის ყველა გადადგმულ ნაბიჯს მხარს უჭერდნენ, არ მონაწილეობდნენ ვაფიცვებში, საბოტაჟსა და სხვა ანტისამთავრობო გამოსვლებში. რევოლუციონერები კი ყველას, ვინც რევოლუციურ მოძრაობას არ თანაუგრძნობდა, მტრად მიიჩნევდნენ და მათ წინააღმდეგ ტერორის სხვადასხვა მეთოდებს მიმართავდნენ. ბევრი რუსი მუშა, თავი რომ გადაეჩინა, პარტიაში წევრიანდებოდა, ბევრი სამსახურს თავს ანებებდა ან საცხოვრებლად სხვაგან გადადიოდა.

² მიხნევი 1905 წლის 24 აგვისტოს სოციალ-დემოკრატმა ტერორისტებმა (ეს მოკლულთა დოკუმენტებით დედასტურდა) მოკლეს, როცა მას სხვა კაზაკთან ერთად შაჰის მიერ ნაჩუქარი ორდენები მეფისინაცვალ ვორონცოვ-დაშკოვისათვის მიჰქონდა. Н. А. Бугаев, Последние Наместники Кавказа (в свете личных воспоминаний) (1902-1917).

ამპილთან და ვანო კალანდაძესთან ერთად, ავჭალაში მდებარე ლაბორატორიაში ამზადებდა, რომელიც პოლიციამ 1905 წელს აღმოაჩინა და გაანადგურა). კახაკები განსაკუთრებით უსწორდებოდნენ გრძელთმიანებს (кучулатыи – როგორც მათ ეძახდნენ), რადგან ადამიანი გრძელი თმით, მათი აზრით, აუცილებლად სოციალისტი, ანუ მეფის და ნესრიგის მტერი, იყო, რომელიც უნდა განადგურებულიყო (იმ დროს ახალგაზრდა რევოლუციონერები, როგორც წესი, გრძელ თმას ატარებდნენ).

დარბევის შემდეგ გამარჯვებული „პატრიოტები“ მეფის სურათით, ჰიმნის სიმღერით და „ურას“ ძახილით ისევ განაგრძობდნენ სვლას. იმავე დღეს დიდუბეში საქართველოში არსებული ყველა პარტიის მიერ ერთობლივი დიდი მიტინგი იყო გამართული (პარტიების ხელმძღვანელთა გადანყვევტილებით, პატრიოტების მანიფესტაციასთან შეტაკების თავიდან ასაცილებლად ქალაქის ცენტრში დაგეგმილი მიტინგი ავლაბარსა და ნაძალადეგში გადაიტანეს). როცა გოლოვინის პროსპექტზე დატრიალებული ტრაგედიის ამბავი შეიტყო, ხალხი აღელდა და დაშლა დაიწყო. საზოგადოება რომ დაემშვიდებინა, სოციალ-დემოკრატიული პარტიის ერთ-ერთი თვალსაჩინო წარმომადგენელი სილიბისტრო (სილვა) ჯიბლაძე ხატის მაგვარად გაკეთებულ კარლ მარქსის სურათს აქეთ-იქით იქნევდა და დამტვრეული რუსულით ყვიროდა: „იმენმე მარქსა პრიზივაიუ კ პარადუ!“ („მარქსის სახელით წესრიგისაკენ მოგიწოდებთ!“).

ზემოთ აღწერილი ამბები – პოლიტიკური მრწამსით გამართლებული კაცისკვლის მასშტაბები, განსაკუთრებით „ტუზემეცი“ (Туземца – რუს. მკვიდრი, ადგილობრივი მცხოვრები) კავკასიელების განუკითხავი ხოცვა-ჟლეტა³, რელიგიური რწმენის რეგისტრში აყვანილი მარქსის მოძღვრება, იმპერიის მომხრეებისა და რევოლუციონერებად ნოდებული მონინალმდეგეების სისხლიანი დაპირისპირება – XIX-XX საუკუნეების მიჯნაზე რუსეთის იმპერიის შემადგენელი ნაწილის – საქართველოს ყოველდღიურობად იქცა. ხელისუფლების მხრიდან განხორციელებულ ტერორს უამრავი რევოლუციური პარტიის ბრძოლის მეთოდად აღიარებული ასეთივე ტერორი დაუპირისპირდა.

მარქსისტული მოძღვრება უამრავი ადამიანისთვის მიზნის მიღწევის უებარი საშუალება აღმოჩნდა (თუ მიზნად მეფის თვითმყრობელობის ჩამოგდებას მივიჩნევთ), რაც რუსეთის მიერ დაპყრობილი ერებისთვის მაინც არცთუ ურიგო უნდა ყოფილიყო. თუმცა, მცირე გამოწვევების გარდა (პოლონეთი, ფინეთი), იმავე ერებმა მეფის დამხობისა და ბოლშევიკური დიქტატურის დამყარების შემდეგ ადამიანური და ეროვნული ღირსების შელახვის იქამდე არნახული მაგალითები მიიღეს. რუსულ მარქსიზმში განვითარებული ნგრევის ყოველსწამლეკავი იმპულსი ხომ პირველ რიგში პიროვნების შინაგან ნგრევას გულისხმობს... ნგრევას, რომელიც ყველაზე უფრო თვალსაჩინოდ ტერორიზმში ვლინდება.

³ ნიშანდობლივია, რომ რუსეთში ხელისუფლებისა და საზოგადოების პოზიცია არარუსების მიმართ ერთსულოვანი იყო და არის – ყველა არარუსი მათ „დერჟავის“ პოტენციურ მტრად მიაჩნდათ და ანლაც ასეა.

შესავალი

კაცობრიობა ტერმინის „ტერორისტიკა“ და „ტერორიზმის“ შემოღება-დამკვიდრებას საფრანგეთის რევოლუციას უნდა უმაღლოდეს. ამ ტერმინის გამოყენება 1793-94 წლებში, ე. წ. „ტერორის ბატონობის“ პერიოდში, იაკობინელების რევოლუციური ხელისუფლების დროს დაიწყო, რომელმაც მსხვერპლად ათიათასობით ადამიანის სიცოცხლე მოითხოვა. „ტერორი სხვა არაფერია, თუ არა მართლმსაჯულება, დაუყოვნებელი, დაუნდობელი, შეუდრეკელი მართლმსაჯულება“, – აცხადებდა იაკობინელთა დიქტატურის ერთ-ერთი მოთავე და თეორეტიკოსი მაქსიმილიენ რობესპიერი, რომელიც სხვათა შორის დიქტატურის დამხობის შემდეგ გაუსამართლებლად სიკვდილით დასაჯეს.

მრავალი სპეციალისტის აზრით, ტერორიზმის ისტორია უხსოვარი დროიდან იწყება. ზოგიერთი მკვლევარი პირველ ტერორისტულ აქტად და, შესაბამისად, პირველ ტერორისტად ძმის მკვლელ ბიბლიურ კენს მიიჩნევს, რაც, რა თქმა უნდა, საკამათო თემაა. სიტყვა „ტერორიზმის“ (ლათინური სიტყვიდან *terror* – შიში, საშინელება, ტერორი, შიშის მომგვრელი საშინელება) განმარტება შემდეგნაირია: ძალადობის გამოყენება პოლიტიკური მიზნების მისაღწევად. შეიარაღებული თავდასხმა, რომლის მიზანია არა მოწინააღმდეგისადმი რაიმე სტრატეგიული ზიანის მიყენება, არამედ შიშის დანერგვა.

ტერორისტული აქტი – ეს ძალადობის გამოყენებაა იმ პიროვნებების თუ პიროვნებათა ჯგუფის მიმართ, ვინც ტერორისტებს ხელს უშლის რაიმე კონკრეტული მიზნის მიღწევაში. ხშირად ეს აქტები მიმართულია იმ უდანაშაულო ადამიანების წინააღმდეგ, რომლებსაც ტერორისტების პოლიტიკურ პოზიციასთან საერთო არაფერი აქვთ. წითელი არმიის სულისჩამდგმელი ლევ ტროცკი წერდა, რომ ძლევამოსილ ომში დამარცხებული მოწინააღმდეგის არმიის მხოლოდ ნაწილი ნადგურდება, რითაც დანარჩენებს ამინებს და გამარჯვების სურვილს ართმევს. ზუსტად იგივე ხდება რევოლუციის დროს – ის თავიდან იცილებს ერთეულებს და შიშს ჰგვრის ათასებს. „ტერორი – ეს უმთავრესად არასაჭირო სისასტიკეა, რომელსაც იჩენს შეშინებული ხალხი საკუთარი თავის დასაცენარებლად“, – წერდა ფრიდრიხ ენგელსი კარლ მარქსს ერთ წერილში⁴.

მიუხედავად ამისა, დღემდე არ არსებობს ტერმინ „ტერორიზმის“ იურიდიულად დახვეწილი, ლოგიკურად გამართული და ყველასათვის ნათელი განმარტება. ფენევის 1949 წლის კონვენცია განმარტავს, რომ „ხალხის ბრძოლა უცხო დამპყრობლების, კოლონიური ბატონობისა და რასისტული რეჟიმების წინააღმდეგ მათი თვითგამორკვევისა და დამოუკიდებლობის უფლებების გასატარებლად არის ლეგიტიმური და საერთაშორისო კანონებთან შესაბამისობაში მოსული“. თუ თავს დავანებებთ შეიარაღებულ კონფლიქტის „სამართლიანად და უსამართლოდ“ დაყოფას, რაც ამ კონცეფციის ნაკითხვიდან გამოდინარეობს (მისი მიღების შემდეგ უამრავი შესწორება იქნა შეტანილი და იქ წამოჭრილი საკითხების უმრავლესობა კვლავ დღის

⁴ www.memo.ru/history/terror/postnikov.htm

ნესროგოში), ძალის გამოყენების როგორი ფორმა შეიძლება ჩაითვალოს „სამართლი-
ნად“? ანუ არსებობს თუ არა ლეგიტიმური ტერორი?

ჩვენი მტრები ტერორისტებს გვეძახიან... ამ ლათინურ ტერმინს ის ხალხიც ხმა-
რობს, ვინც არც ჩვენი მტრია და არც მეგობარი... მაგრამ ჩვენ არა ვართ ტერორ-
ისტები... ადამიანის ღირსებისათვის, ჩავგრისა და დამონების წინააღმდეგ ბრძოლას
რა კავშირი აქვს ტერორთან?“ ამ ციტატის ავტორი არა რომელიმე არაბი ფუნდა-
მენტალისტი, არამედ მენახიმ ზეგინი – ისრაელის სახელმწიფოს დამაარსებელი. ეს
გამონათქვამი პალესტინაში მშვიდობისმყოფელური მანდატით მყოფი ბრიტანული
არმიის წინააღმდეგ ებრაელების ბრძოლის პერიოდს ეხებოდა⁵.

მენახიმ ზეგინის ლოგიკას თუ მიყვებით, რომელიც ასევე ეხმაურება ჟენევის ცნო-
ბილ კონვენციას, „სამართლიანი, განმართავისუფლებელი“ ბრძოლის ნებისმიერი მე-
თოდი ტერორისტულად არ შეიძლება ჩაითვალოს. თუ ეს ასეა, ამჟამინდელი პალესტი-
ნელი თვითმკვლელი, როცა ისრაელის არმიის საკონტროლო გამშვებ პუნქტთან თავს
იფეთქებს და ჯარისკაცებს კლავს, ან იგივე ერაცელი, როცა ამერიკელ ჯარისკაცს
აფეთქებს, ითვლება თუ არა ტერორისტად, ან არის თუ არა ის „კარგი“ ტერორისტი?
ორივე შემთხვევაში დაპყრობილი ქვეყნის მოქალაქე ოკუპანტ ჯარს ებრძვის.

ან რამდენად ნათელია, ვინ არის თავისუფლებისთვის მებრძოლი და ვინ ტერორ-
ისტი? რომელ განმარტებაში ჯდება IRA (ირლანდიის რესპუბლიკური არმია), ბრი-
ტანეთის ხელისუფლების წინააღმდეგ მებრძოლი, რომელმაც უამრავი მშვიდობიანი
მოსახლეობა შეიწინა?

ან შეიძლება გამართლება მოეძებნოს გასული საუკუნის 70-იანი წლების ბოლოს
და 80-იანის დასაწყისში გერმანიასა და იტალიაში მოქმედი „ნითელი არმიისა“ და
„ნითელი ბრიგადების“ მიერ ჩატარებულ ტერორისტულ აქტებს, რომლებიც „იმპე-
რიალისტური და კოლონიზატორულ-რასისტული“ დასავლეთის სახელმწიფოების
წინააღმდეგ იყო მიმართული?

რამდენად სამართლიანი იყო რუსეთის იმპერიაში წარმოებული ტერორისტული
აქტები მშვიდობიანი მოქალაქეების მიმართ, თუ გავითვალისწინებთ, რომ ბრძოლა მიმ-
დინარეობდა ცარიზმის თვითმყოფელური და დესპოტური რეჟიმის წინააღმდეგ?

განიხილება კი ტერორიზმად ე. წ. კოლაბორაციონისტების, უმეტესწილად მშვი-
დობიანი მოსახლეობის, განადგურება (მაგალითად, მეორე მსოფლიო ომის დროს
რუსეთსა და საფრანგეთში წარმოებული წინააღმდეგობის მოძრაობის დროს), რომ-
ლის მიზანსაც შეადგენდა სხვებში შიშის დანერგვით დამპყრობელთან თანამშრომ-
ლობის აღკვეთა?

არის კი ტერორის განმარტება დამოკიდებული იმაზე, თუ ვინ ახორციელებს სა-
კუთარი მიზნის მისაღწევად ამ „შიშის გამომწვევ აქტს“?

გაეროს გენერალური ასამბლეის 1994 წლის 9 დეკემბრის რეზოლუციის მიხედ-
ვით ცნება „ტერორიზმი“ შემდეგნაირადაა განსაზღვრული: „კრიმინალური აქტები,
მიმართული ან გამიზნული, რათა პოლიტიკური მიზნებით შიში გამოიწვიოს ფართო
საზოგადოებაში, ადამიანთა ჯგუფსა ან კონკრეტულ პირთა შორის, მიუხედავად
იმისა, თუ როგორი პოლიტიკური, ფილოსოფიური, იდეოლოგიური, რასობრივი, ეთ-
ნიკური, რელიგიური ან ნებისმიერი სხვა მონოდებით არ უნდა იყოს ამ ქმედების
გამართლების მცდელობა“⁶.

ეს განმარტება ზემოთ მოყვანილ ყველა მაგალითს ცალსახად ტერორისტულ
ქმედებად წარმოაჩენს. ისტორიული კონტექსტიდან გამომდინარე, ტერორიზმის

⁵ S. Zizek, Violence. 2008 წ., გვ. 118.

⁶ გენერალური ასამბლეის რეზოლუცია 49/60.

მორალური მხარის გააზრება უამრავ ურთიერთსაინანაღმდეგო აზრსა და ემოციას აღძრავს. ტერორის შესახებ თხრობა შეფასებებისა და მსჯავრის გამოტანის გარეშე საკმაოდ ძნელი ამოცანაა. ამიტომ, ალბათ, გაცილებით იოლია ამ ძალმომრეობითი აქტიონადმი ზემოთ მოყვანილი განმარტების მისადაგება იურიდიულ და ზნეობრივ წინააღმდეგობებში გახლართვის გარეშე.

პეტრე ლავროვი, გამორჩეული რუსი რევოლუციონერი ფილოსოფოსი, ერთ-ერთი ის „ნაროდნიკი“⁷ იყო, რომელიც ტერორს ამართლებდა. 1885 წელს გამოქვეყნებულ სტატიამი „სოციალური რევოლუცია და ზნეობის დანიშნულება“ ის ავითარებს აზრს, რომ ზნეობრივი სიდიადე სოციალური სამართლიანობისთვის ბრძოლაში არათუ არ გამორიცხავს ტერორს, ძალმომრეობას, არამედ ის აუცილებელი ზნეობრივი ნაბიჯია. იმავდროულად „არც ერთი წვეთი ზედმეტი, უსარგებლო სისხლისა არ უნდა დაიღვროს“ (უსარგებლო სისხლად არ ითვლებოდა ტერორისტის სისხლი). „ჩვენ გეჭირდებიან თავგანწირული ახალგაზრდები, რომლებიც ყველაფერს შეაგდებენ სასწორზე, განირავენ ყველაფერს, ჩვენ გეჭირდებიან მარტივნი...“ – წერდა ლავროვი. ლავროვისეულ განმარტებაში ჯდება დიდი თავადის სერგეის მკვლელის⁸, ივან კალიაევის, საქციელი, რომელმაც „უსარგებლო სისხლის“ დაღვრაზე უარი განაცხადა, როცა პირველი თავდასხმის მცდელობის დროს ეტლს ბოში არ ესროლა, რადგან თავადთან ერთად ეტლში მისი ოჯახი იმყოფებოდა⁹. ასეთივე „ზნეობრივი ტერორისტია“ ვერა ზასულჩინი: 1878 წლის 24 იანვარს პეტერბურგის ქალაქისთავის, გენერალ ტრეპოვის დაჭრის შემდეგ ის შემთხვევის ადგილზე შეგნებულად დარჩა და პოლიციას ჩაბარდა. ალბათ, დარწმუნებული იყო, რომ ჩამოხრჩობას მიუსჯიდნენ. მისთვის ეს ტერორისტული აქტი უდიდესი სათნოების გამოხატულება იყო. ჩამოხრჩობას იმან გადაარჩინა, რომ ტრეპოვი გადარჩა.

თუ რა იგულისხმებოდა რევოლუციური ტერორის ზნეობრიობაში, კარგად გადმოსცა რუსმა ტერორისტ-რევოლუციონერმა და მწერალმა სერგეი სტეპანიაკ-კრაეჩინსკიმ („კრანანას“ ავტორის, ეთელ ლილიან ვოინიჩის შთამაგონებელმა და მენტორმა), რომელმაც 1878 წლის 4 აგვისტოს, დღისით-მზისით, პეტერბურგის ერთ ქუჩაზე საიდუმლო პოლიციის შუფი მეზენცევი ხანჯლით განგმირა. აი, რას წერს ის თავის წიგნში „Underground Russia“: „რევოლუციონერის (ტერორისტის) მიზანი სხვისი ბედნიერებაა, ამისთვის ის მზადაა, განიროს საკუთარი ბედნიერება და სიცოცხლე, მისი იდეალია ტანჯვითა და მონამებრივი სიკვდილით საესე სიცოცხლე“¹⁰.

როგორც შემდეგ დავინახავთ, რუსულ რევოლუციურ მოძრაობაში ტერორისტულმა აქტმა მალევე დაკარგა განსაკუთრებული ზნეობრივი დატვირთვა. „უსარგებ-

⁷ Народиик (რუს.) – ხალხოსანი.

⁸ რუსეთის შინაგან საქმეთა მინისტრის ვ. პლევკსა და მოსკოვის გენერალ-გუბერნატორის, დიდი მთავრის სერგეი ალექსანდრეს ძის (დიდი მთავარი ისტორიაში შევიდა არა მარტო როგორც ცნობილი პომოსეუსული, არამედ როგორც მძევინარე ანტიემიტიცი. 1891-92 წლებში მისი ბრძანებით ათასობით ებრაელი გაასახლეს მოსკოვიდან. გასახლება ხასიათდებოდა ებრაული მოსახლეობის შეურაცხყოფითა და პოლიციური ბაკქანალით) მკვლაცხვის ორგანიზატორი, ესერთა პარტის ერთ-ერთ ლიდერი ბორის საინკოვი რევოლუციონერს და საზოგადო მოღვაწეს, ახალგაზრდა რევაზ გაბაშვილს მოსკოვში ტერორისტული აქტის განხორციელებას სთხოვდა, მაგრამ პირდაპირ აფრთხილებდა, რომ „...უნდა იცოდეთ, ასეთი „აქტის“ შედეგი 90 პროცენტით სიკვდილია ან ადგილზევე, ან სახრჩობელაზე...“. რ. გაბაშვილი, რაც მახსოვს, დაბრუნება, ტ. 3, 1992 წ., გვ. 36.

⁹ მსგავსი შემთხვევები ქართულ რევოლუციურ-ტერორისტულ სინამდვილეშიც იყო: ტერორისტმა ბურჭულაძემ ქუთაისის ბოქსული კედია იმის გამო დაინდო, რომ მასთან ერთად ეტლში უცნობი მანდილოსანი იჯდა; გენერალ გრიაზნოვზე პირველი თავდასხმაც ამის გამო გადაიდო...

¹⁰ S. Kravchinsky, Underground Russia, 1883 წ.

ლო სისხლის“ ცნებამ ძალზე ფართო მნიშვნელობა მიიღო, „лес рубят – щепки летят“ (სადაც ხე იჭრება, იქ ნაფოტებიც ცვივავო) პოზიცია (ქართველი ვალიკო ჯუღელი ამ გამოთქმას ილია ჭავჭავაძის მკვლევლობის შესახებ გამოიყენებს, იმავეს წერდა ნოე ჟორდანიას 1907 წლის ზაფხულის მიწურულს ჭავჭავაძის სიკვდილთან დაკავშირებით გამოქვეყნებულ წერილში. მსგავსი დამოკიდებულება ამ დიდი პიროვნებისადმი დამახასიათებელი იყო სოციალ-დემოკრატებისათვის) მიზნის მიღწევის ყოველგვარ საშუალებას გაამართლებს და ყოველი ტერორისტული აქტი ზნეობრივ აქტად იქცევა. ტერაქტის ჩასადენად საკუთარ სინდისთან სულ უფრო და უფრო ნაკლები „შინაგანი ბრძოლა იქნება საჭირო“. გერმანული ფაშიზმის მისამართით ჰანნა არდანტის მიერ გამოყენებული ტერმინი „ბოროტების ბანალურობა“ რუსულ-ქართულ ტერორიზმში ასევე „ბანალურ“ ფორმას მიიღებს, რაც საბჭოთა კავშირის შექმნისთანავე სახელმწიფოებრივი ბიუროკრატის ჩვეულებრივ ყოველდღიურობად გადაიქცევა

ჩვენი წიგნის მიზანი რუსულ ტერორთან გაიგივებული და მასთან იდენტიფიცირებული, XIX-XX საუკუნეების მიჯნაზე აღმოცენებული ქართული ტერორიზმისა და ტერორისტების თავგადასავლის მოყოლაა. იმ ქართველი ტერორისტებისა, რომლებმაც ერთგვარი უინით აიტაცეს სხვისი საკეთებელი საქმე და არათუ ახალ საფეხურზე აიყვანეს ის, არამედ წარმატებულადაც დაასრულეს. ის ფაქტი, რომ თებერვლის რევოლუციის შემდეგ ოქტომბრის გადატრიალებამდე რუსული სოციალ-დემოკრატის უმძლავრეს ხელმძღვანელ ბირთვს ქართველები შეადგენდნენ (კარლო ჩხეიძე, კაკი წერეთელი, ნოე რამიშვილი, აკაკი ჩხენკელი...), ის, რომ რუსული ტერორის ლოგიკური გამგრძელებელი და დამაგვირგვინებელი ქართველი სოსო ჯულაშვილი იყო, ნათლად მეტყველებს იდენტიფიკაციაზე, „სხვასთან“ (ანუ რუსეთთან) გაიგივების პროცესზე. ქართული ანდაზისა არ იყოს, „ხარი ხართან რომ დააბა, ან ზნეს იცვლის, ან ფერსაო“, ზნეც შევიცვალეთ, ფერიც და აზროვნების სტილიც (რად ღირს თუნდაც ქართველი ბუდუ მდივანის ცნობილი ფრაზა – „ჩვენ, რუსი კომუნისტები...“ სტალინიც ხომ ყოველნაირად ცდილობდა, ეჩვენებინა, რომ ის „ქართველი კი არა, არამედ მოსკოვის მიერ გამოგზავნილი ბოლშევიკი იყო, რომ ქართველები მისთვის უბრალოდ ერთ-ერთ ეროვნებას წარმოადგენდნენ... რომ მისი ჭეშმარიტი სამშობლო პატარა საქართველო კი არა, დიდი რუსეთია“¹¹). ფიქრიც და მოქმედებაც რუსულად დავიწყეთ და დღემდე ხშირად, ინერციით, ასევე რუსულად (საბჭოურად) ვაზროვნებთ. რუსეთის (ანუ სხვისი) საქმის კეთებას მივყავით ხელი და „წარმატებულად“ დავასრულეთ კიდევაც. სხვისი სიზმრით ვიცხოვრეთ და ცხადად ასრულებული ეს სიზმარი კომმარად გადაგვექცა ჩვენც და სხვასაც.

¹¹ სტალინი ისტორიასა და ისტორიკოსთა შეფასებებში, 2002 წ., გვ. 5.

ისტორიული ექსკურსი

პოლიტიკური ტერორი იმავე ასაკისაა, რამდენ ხანსაც პოლიტიკა არსებობს. ტერორიზმი პოლიტიკის ყველაზე ეფექტური და აპრობირებული მეთოდია: მონი-ნაალმდეგის მოპოვება ფიზიკური განადგურების გზით უძველესი დროიდან არის ცნობილი. ძველი სამყაროს უამრავი ცნობილი პოლიტიკური ფიგურა ტერორის მსხვერპლი შეიქნა.

რეკლუციური, ნაციონალისტურ-განმათავისუფლებელი და რელიგიური ტერორის საფუძვლები ერთმანეთს გადაეჯაჭვა ანტიკური ხანის იუდეაში არსებული ორგანიზაციის მოქმედებებში, რომელიც „ზელოტების“ სახელით არის ცნობილი. თანამედროვე ტერორიზმი თითქმის ყველა თავისი გამოვლინებით და კონტექსტით დასაბამს ამ მოძრაობიდან იღებს.

ჩვენი წელთაღრიცხვით პირველი საუკუნის რომაელ-იუდეელი ისტორიკოსი, იოსებ ფლავიუსი, დანვრილებით აღწერს ზელოტების მოძრაობას. ლათინურად Zealot ფანატიკოსს ნიშნავს (რასაც სიამაყით უწოდებდნენ საკუთარ თავს ამ მიმდინარეობის წევრები). ზელოტების ფილოსოფიურ და რელიგიურ დოქტრინებში ჩაღრმავება შორს წაგვიყვანდა. საკმარისია მხოლოდ ითქვას, რომ ამ დოქტრინებიდან აღმოცენდა ორგანიზებული მკვლევლობების მთელი სისტემა, რომელიც მეფე ჰეროდე დიადის მეფობისას და მის შემდგომ პერიოდში ბატონობდა. „ამ ხალხს ჰქონდა თავისუფლები-სადმი გაუტყუბელი ერთგულება და თვლიდა, რომ მხოლოდ უფალი იყო მათი მმართველი და ბატონი“, – წერდა იოსებ ფლავიუსი¹². აქედან გამომდინარე, ისინი არავის ემორჩილებოდნენ, თვით მეფესაც კი. საკუთარი თუ სხვისი (სისხლით ნათესავების ჩათვლით) სიცოცხლე მათთვის არანაირ ფასეულობას არ წარმოადგენდა.

ამ მიმდინარეობის ერთ-ერთი ფრთა სიკარებად იწოდებოდა. ამ ჯგუფის მიზანი რომაელების განადგურება და იმ ებრაელების (თანამედროვე ტერმინოლოგიით – კოლაბორაციონისტების) სიკვდილით დასჯა იყო, რომლებიც რომაელების წინააღმდეგ ომის წარმოებას ეწინააღმდეგებოდნენ. მკვლევლობის იარაღად ისინი მოკლე დაშნას ხმარობდნენ (დაშნის აღმნიშვნელი ლათინური სიტყვა Sicarii მომავალში დაქირავებული მკვლელის მნიშვნელობას მიიღებს). მათი პირველი ტერორისტული აქტი მეფე ჰეროდეს წინააღმდეგ იყო მიმართული – ათმა სიკარიმ მეფეზე თავდასხმა მოაწყო, რომელიც უშედეგოდ დამთავრდა.

აღსანიშნავია, რომ ყველა ზელოტი რწმენის თანაბარი სიმტკიცით არ გამოირჩეოდა, ბევრი მოძრაობას მხოლოდ იმისთვის მიეტმასნა, რომ ძარცვა-გლეჯით და კაცთა კვლის ხარჯზე გამდიდრებულიყო. იოსებ ფლავიუსის გადმოცემით, სიკარების მასობრივი ტერორი იმდენად შემანუხებელი იყო ებრაელებისთვის, რომ ისინი ეიურუსალიმიდან გააძევეს. გაძევებული სიკარები დაბა მასადაში დასახლდნენ. ფლავიუსის გადმოცემით, ისინი ხშირად ესხმოდნენ თავს მახლობელ დაბებს, ყლექტდნენ მშვიდობიან მოსახლეობას და მიზეზად ისევ და ისევ საღვთო კანონების დარღვევას და რომაელებთან თანამშრომლობას ასახელებდნენ...

¹² Josephus, Antiquities Book, XVIII, chapter 1.

მასადა იყო ბოლო ციხესიმაგრე, რომელიც რომაელების შემოტევას შეენირა. მასადის ბრძოლის თხრობა და აქედან წარმოშობილი მითოსი თანამედროვე ებრაული ცნობიერებისა და ინდეტურობის ერთ-ერთი მძლავრი ჩამომყალიბებელი ფაქტორია. მასადის დაცემის ისტორია ჩვენთვის საგულისხმოა ერთი მომენტის – სუიციდური ტერორიზმის ლოგიკის – „თვითმკვლელობა გამარჯვებისთვის“ (ამქვეყნიურის თუ იმქვეყნიურის) – ხაზგასასმელად და საჩვენებლად.

ფლავიუსის აღწერით, მასადის მეციხოვნეთა მეთაური, „ტირანი“ ელეიზად ბენი-არი, დაარწმუნებს ალყაში მყოფ თანამოაზრეებს, რომ ლეთისთვის საკუთარი სიცოცხლის მსხვერპლად შენირვა უდიდესი სათნოებაა. შედეგი – მასობრივი სუიციდი: ათმა წინასწარ ამარჩეულმა მამაკაცმა ყველა გამოასაღმა სიცოცხლები, ბოლოს ერთმა რჩეულმა დარჩენილები დახოცა და თავი მოიკლა. როცა რომაელები ციხესიმაგრეში შევიდნენ, მათ 960 გვამი დაითვალეს, მხოლოდ ორმა კეთილგონიერმა ქალმა (როგორც მათ ფლავიუსი უწოდებს) ცხრა ბავშვთან ერთად მოახერხა გადაშლვა და სიცოცხლე შეინარჩუნა¹³.

სიკვდილისადმი ასეთი აბუჩად ამგდები დამოკიდებულებით რომაელებიც გაცილებული დარჩნენო, – წერდა ფლავიუსი¹⁴. თუმცა მასადის ბრძოლაში სიკარებმა სიკვდილს თვითმკვლელობა ამჯობინეს, ისიც აღსანიშნავია, რომ ბრძოლის ველზე ისინი ზეადამიანური თავდადებით გამოირჩეოდნენ. ფლავიუსის მონათხრობით, ზელოტებმა რომაელთა მთელი არმია უკუაქციეს, როცა თორმეტმა ლეგიონმა შაბათ დღეს სალოცავად წასულ ებრაელებს შეუტია – ზელოტებმა 22 კაცი დაკარგეს, რომაელთა დანაკარგი 500-ს აჭარბებდაო.

მნიშვნელოვანია აღინიშნოს, რომ იუდაიზმი, როგორც რელიგია, მკვლელობას ან თვითმკვლელობას კეთილგანწყობით არ უყურებს. ეს არ არის რელიგია, რომელიც სიკვდილის კულტს განადიდებს, თუმცა ნებისმიერი რელიგიური მიმდინარეობა „თვითმკვლელი მონაშენების“ უამრავ მაგალითს იცნობს.

რუსი ძველმორწმუნეები (სტაროვერები) სუიციდს თვითდანვით განადიდებდნენ. ამას „ცეცხლთი მონათვლას“ უწოდებდნენ. ვინმე და. საპოფნიკოვმა მთელი წიგნი მიუძღვნა ამ თემას, სადაც აღწერილია მასობრივი თვითდანვის 53 დოკუმენტირებული შემთხვევა 10 000-ზე მეტი მსხვერპლით¹⁵. განმარტებისათვის – სტაროვერები იგივე რუსი ქრისტიანები არიან, რომლებიც ქრისტიანულ დოგმებს ეწინააღმდეგებოდნენ და ერთგვარ ანარქისტებს წარმოადგენდნენ. მათ რუსული ეკლესია ანტიქრისტიანულად მონათლეს და მის აგრესიას მასობრივი თვითგვემის რიტუალური პრაქტიკით დაუპირისპირდნენ.

„არაპირდაპირი“ სუიციდი ჰქონდათ საკუთარ არსენალში სხვა ქრისტიანულ სექტებსაც. IV საუკუნეში არსებული სექტის „ცირკუმცელიონებისთვის“ ჭეშმარიტი ქრისტიანული სათნოების გამოხატულება „მარტვილობა“ იყო და ისინი ყველანაირი მეთოდებით ცდილობდნენ „მარტვილად“ გახდომას. კომბლებით შეიარაღებული ცირკუმცელიონები თავს ესხმოდნენ წინასწარ შერჩეულ უკეთესად შეიარაღებულ „მსხვერპლს“ იმ მიზნით, რომ ის თავის უპირატესობას გამოიყენებდა და თავდამსხმელს „მარტვილად“ გადააქცევდა. მსგავსი ტაქტიკით მუშაობდნენ „დონატისტებიც“, კართაგენელი ეპისკოპოსის, დონატას მიმდევრები. ისინი გზაზე გამვლელებს აჩერებდნენ და აიძულებდნენ, მათთვის სასიკვდილო ჭრილობა მიეყენებინათ, რისთვისაც გასამრჯელოსაც ჰპირდებოდნენ. თუკი მგზავრი უარს აცხადებდა, მა-

¹³ Josephus. Wars Book. VII. chapter 7.

¹⁴ ივე. chapter 9.

¹⁵ D. Rancour-Lafferriere. The Slave Soul of Russia. 1995 წ., გვ. 25.

შინ მას სიკვდილით ემუქრებოდნენ¹⁶. მარტვილი თვითმკვლეელი ვერ გახდება – ის სხვისი ხელით უნდა მოკვდეს. ეს იყო ამ ორი სექტის რწმენა...

XI-XII საუკუნეების სპარსეთში ისმაილ შიას სექტა, ასასინებად წოდებული, ფართოდ იყენებდა პოლიტიკური მკვლელობის და დაშინების მეთოდებს. აქედან წარმოდგება ლათინურ ენაში შესული სიტყვა Assassin, რაც მკვლელს ნიშნავს. ასასინების სექტა ფართოდ გავრცელდა მთელ ახლო აღმოსავლეთში, მათთან მრავალი მითი და ლეგენდა არის დაკავშირებული. თავად ტერმინის ეტიმოლოგია ბუნდოვანია. ზოგი ავტორი თვლის, რომ ის წარმოდგება არაბული „ჰაშაშინ“-იდან, რაც ჰაშიმის მომყვანს და მომხმარებელს ნიშნავს. სხვები სახელის წარმომავლობას მათი ერთ-ერთი გამორჩეული ლიდერის, ჰასანის სახელს მიაწერენ. მიუხედავად შეხედულებათა განსხვავებისა, მკვლევარები თანხვედრიან იმაში, რომ სექტა უაღრესად დაოსტატებული იყო პოლიტიკური ან რელიგიური მონიხალმდევის მკვლელობებში. ნეოს-მაილიტური ასასინთა სექტა მიზნად ისახავდა სუნიტ სელჩუკთან გამორჩეულ წარმომადგენლებთან ბრძოლას, მაგრამ ძალთა ნაკლებობის გამო ისინი ინდივიდუალურ მკვლელობებზე იყვნენ გადასული, რასაც ფიდაების (მორწმუნე მუსულმანები, რომლებიც საკუთარ სიცოცხლეს სწირავენ თემის მიერ დასახული ამოცანის, განსაკუთრებით ტერორისტული აქტების, შესასრულებლად) საშუალებით ახორციელებდნენ. მკვლელობის იარაღი მხოლოდ ხანჯალი იყო – ასასინები სანამლავის, ყულფის და სხვა მომაკვდილებელი იარაღის წინააღმდეგი იყვნენ; ისინი არ ერიდებოდნენ მკვლელობას მეჩეთშიც. ასასინების სექტამ 1256 წლამდე იარსება, საბოლოოდ ისინი მამულეუქებმა გაანადგურეს 1273 წელს.

„სუიციდური ტერორიზმის წყარო არის არა რელიგია, არამედ ნაციონალიზმი“, – აცხადებს რობერტ ფიფი თავის ნაშრომში *Dying to Win: The Strategic Logic of Suicidal Terrorism*. ავტორის ეს დასკვნა ეფუძნება 1982-86 წლებში ისრაელის მიერ ლიბანის ოკუპაციის დროს თვითმკვლეელი ტერორისტების დემოგრაფიულ სტატისტიკას: აღმოჩნდა, რომ „ჰეზბოლას“ თვითმკვლეელი ბომბისტების 71% კომუნისტ-სოციალისტი იყო, 21% – ისლამისტი, 8% – ქრისტიანი¹⁷. მიუხედავად მოყვანილი სტატისტიკისა, ავტორის ამდაგვარი განზოგადება და კატეგორიულობა ძნელად მისაღებია. თუმცა ეროვნულ-განმათავისუფლებელ მოძრაობას, თვითგამორკვევას და ნაციონალურ იდენტურობას განსაკუთრებული როლი ენიჭებოდა წარსულში და გამორჩეულად მნიშვნელოვანია თანამედროვე ტერორის გააზრებისთვის. მაგალითისთვის ირლანდიური *Irish Republican Brotherhood* ან ესპანური *ETA* კმარა.

ფეოდალური ეპოქის ევროპაშიც უამრავი ტერაქტი ხორციელდებოდა. ევროპაში ტერორიზმის საფუძვლებისა და ისტორიის მკვლევარები მოიხსენიებენ რელიგიური იერარქიის უმალეს საფეხურზე მდგომ კათოლიკური ეკლესიის მესვეურებს, რომელთაც დააკანონეს ევროპული მონარქების მკვლელობა. ასე იყვნენ მოკლულნი მებრძოლი კათოლიციზმის მონიხალმდევნი ვილჰელმ ორანელი, ჰენრი III და ჰენრი IV.

XIX საუკუნეში ტერორიზმმა ევროპის ყველა ქვეყანაში არნახული სიძლიერით იფეთქა. თავდაპირველად ტერორიზმი ინდივიდუალური აქტიურობით გამოირჩეოდა, ნაპოლეონის შემდგომი ეპოქა კი უკვე რევოლუციური აღმავლობით ხასიათდებოდა, როდესაც რადიკალური მიმდინარეობების მომხრეები მიზნის მისაღწევად ძალადობრივ ქმედებებს ირჩევდნენ. იქმნებოდა ტერორისტული დაჯგუფებები მაფია, კომორა

¹⁶ Г. Чхартишвили (Борис Акунов). Писатель и самоубийство, 2000 წ., გვ. 58.

¹⁷ R. Pape. Dying to Win: The Strategic Logic of Suicide Terrorism. 2005 წ. <http://en.wikipedia.org/wiki/Dying-to-Win>

და სხვ. ტერორიზმი პოლიტიკური ცხოვრების განუყოფელ ნაწილად იქცა. ტერორისტების თავდასხმების მსხვერპლი შეიქმნა მრავალი სახელმწიფო მოღვაწე, მათ შორის საფრანგეთის პრეზიდენტი სადი კარან, ამერიკის პრეზიდენტები აბრაჰამ ლინკოლნი, ჯონ გარფილდი, უილიამ მაკკინლი. პირველ მსოფლიო ომამდე ტერორიზმი მემარცხენე ნაციონალურ-რევოლუციურ იდეებზე იყო ორიენტირებული. როგორც წესი, ტერორისტული აქტიურობა რევოლუციური ქართველების ფონზე ვითარდებოდა პირველი მსოფლიო ომიც ხომ ტერორისტის გასროლილ ტყვიას მოჰყვა, შედეგად კი კაცობრიობამ მილიონობით მოკლული, დანგრეული და მიწასთან გასწორებული სახელმწიფოები და წარმოჩენილი ნაციონალური საკითხები მიიღო.

თანამედროვე სიონისტური ტერორიზმის ათვლის ნერტილად 1944 წლის 6 ნოემბერს კაიროში „Lehi“-ის მიერ ბრიტანეთის მინისტრის – ლორდ მონის მკვლელობა ითვლება¹⁸. ამ ტერაქტს მოჰყვა სასტუმრო „King David“-ის აფეთქება იერუსალიმში, რომელმაც ძირითადად სასტუმროს პერსონალი – 91 ადამიანი შეიწირა და 46 დაასახიჩრა. ეს აფეთქება ისტორიაში შევიდა, როგორც ერთ-ერთი ყველაზე უფრო უღმობელი ტერორისტული აქტი და რომლის პირდაპირი თუ არაპირდაპირი განმხორციელებელი თანამედროვე ისრაელის სახელმწიფოს დამაარსებლები იყვნენ. მენახიმ ბეგინს ეს ტერაქტი ურბანულ პირობებში განმათავისუფლებელი ბრძოლის წარმოების მაგალითად მოჰყავს¹⁹. იმავე „Lehi“-ს მიენერება 100-ზე მეტი არაბი სამოქალაქო პირის (ქალების და ბავშვების ჩათვლით) მოკვლა 1948 წლის 9 აპრილს დაბა იერ ასინოთ²⁰.

ზემოთ მოყვანილი მაგალითების საფუძველზე იბადება კითხვა: აღწევს კი ტერორიზმი დასახულ მიზანს? ზელოტების მოძრაობიდან გამომდინარე, რომლებიც რომის პროტექტორატიდან განთავისუფლებას და საღვთო კანონებზე დაფუძნებული ებრაული სახელმწიფოს შექმნისთვის იბრძოდნენ, პასუხი ცალსახად უარყოფითია – მათი წინააღმდეგობა იუდეიდან ებრაელთა 2000-წლიანი განდევნით დასრულდა.

მეორე მხრივ, მეოცე საუკუნის სიონისტური მოძრაობა უხვად სარგებლობდა ტერორის ელემენტებით და საბოლოოდ შეძლო თავისუფალი, დემოკრატიული ისრაელის სახელმწიფოს შექმნა. ამისგან საპირისპიროდ პალესტინის განთავისუფლების მომხრე ტერორისტული ორგანიზაციების საქმიანობის შედეგი ნაკლებად წარმატებულია. ტერორიზმის ეფექტურობა გამოვლინდა ფრანგების წინააღმდეგ ალჟირის ნაციონალური განმანთავისუფლებელი არმიის ბრძოლაში, რის შედეგადაც ფრანგმა კოლონიზატორებმა ქვეყანა დატოვეს.

თუკი ჩვენი წიგნის მთავარ თემას დავუბრუნდებით, უნდა აღინიშნოს, რომ რუსულ-ქართული ტერორი, განსაკუთრებით რუსული რევოლუციური ტერორი, ბევრ საერთოს პოულობს რელიგიურ ნიადაგზე აღმოცენებულ ტერორთან იმავე ფუნდამენტალიზმით, მესიანიზმით, მიზნისთვის თავის განწირვით, მიუხედავად იმისა, თუ რა მოიაზრება „მიზანში“ – ღმერთი, საყოველთაო მშვიდობა, „სათნობა კაცთა შორის“, კომუნისტური თუ სულიერი სამოთხე.

რუსეთის იმპერიამ რამდენიმე რევოლუცია გადაიტანა, ტერორიზმი ყოველი მათგანის შემადგენელი ნაწილი იყო. ტრადიციულად არსებული წარმოდგენა, რომ რევოლუციური ტერორი რუსეთში მთავრობის რეაქციული პოლიტიკის შემდეგ (განსაკუთრებით 1905 წლის რევოლუციის დამარცხების შემდეგ) დაიწყო, სიმართლეს არ შეესაბამება, რადგან ტერორის რუსეთის იმპერიაში XIX საუკუნის 60-იანი წლებიდან

¹⁸ [http://en.wikipedia.org/wiki/Lehi_\(group\)](http://en.wikipedia.org/wiki/Lehi_(group)).

¹⁹ http://en.wikipedia.org/wiki/King_David_Hotel_bombing.

²⁰ Y. Gelber. Palestine. 1948. <http://en.wikipedia.org/wiki/Deir-Yassin-massacre>.

მიეცა დასაბამი; მხოლოდ ტერორის მასშტაბები იყო სხვა – ამერიკელი მკვლევარის, ანა გეიგმანის გამოკვლევით, 1860-იანებიდან XX საუკუნის დამდეგამდე ტერორისტების მიერ მოკლულ მსხვერპლთა რიცხვი დაახლოებით 100 ადამიანს შეადგენდა. 1866 წელს იმპერატორ ალექსანდრე II-ზე თავდასხმა, ცნობილი იურისტის ანატოლი კონის თქმით, რუსეთის შიდა პოლიტიკისთვის შემობრუნების წერტილი იყო. შეშინებული და დანაღვლიანებული მეფის მთავრობა, რომელსაც გარდაქმნათა და რეფორმათა სისწორესა და საჭიროებაში უკვე ეჭვი ჰქონდა შეტანილი, საზოგადოებას, განსაკუთრებით ახალგაზრდულ ნაწილს, ძალზე უნდობლად უყურებდა²¹. ამ ხნიდან რადიკალურად განწყობილ ადამიანთა ნაწილში მეფის შეუზღუდავი ხელისუფლების ერთი დარტყმით დამსხვერვის და განადგურების ცდუნებამ საბოლოოდ მოიკიდა ფეხი. ამ მეთოდით, მათი აზრით, საზოგადოება საერთო სამოთხემდე მივიდოდა. ასეთი მოსაზრების დაბადებას ხელი იმან შეუწყო, რომ რუსეთში პოლიტიკური ურთიერთობის კულტურა უდაბლეს დონეზე იდგა, ხელისუფლებასა და საზოგადოებას შორის ღრმა უფსკრული არსებობდა. ადამიანებს არანაირი ბერკეტები და მექანიზმები არ გააჩნდათ, რათა ხელისუფლებაზე რაიმე სახის ზეწოლა მოეხდინათ, ამიტომაც რადიკალებისთვის ყველაზე ხელმისაწვდომი იარაღი ტერორი აღმოჩნდა. ძალადობას კი მთავრობა ძალადობითვე პასუხობდა. სტატისტიკის მიხედვით მარტო 1881 წლიდან 1887 წლის ჩათვლით 22 ტერორისტი იყო სიკვდილით დასჯილი, მათი ხელით 27 ადამიანი დაიღუპა, ხოლო რამდენიმე ათეული დაიჭრა და დასახიჩრდა. XX საუკუნის დასაწყისიდან კი პოლიტიკურმა ტერორმა რუსეთში უკვე სისტემატური ხასიათი მიიღო.

რუსეთში მძლავრად ამუშავებული ტერორისტული მანქანისგან განსხვავებით, საქართველოში XX საუკუნის დასაწყისამდე, ერთეულ ტერორისტული აქტს თუ არ მივიღებთ მხედველობაში, ტერორს საზოგადოებრივ-პოლიტიკურ ცხოვრებაზე მნიშვნელოვანი გავლენა არ მოუხდენია.

1904 წელს გამოქვეყნებულ წერილში სათაურით „როგორ უტყვიერო ჩვენ ტერორს“²² ქართველი რევოლუციონერები ტერორის საჭიროებას ვერ ხედავენ (ეს მხოლოდ ქალაქებში, როგორც შემდეგ დაინახავთ). ისინი წერენ: „...ცდება ის, ვინც ფიქრობს, ვითომ ტერორს შეეძლოს გამოაფხიზლოს ვითომ და მიძინებული მუშათა კლასიური თვითცნობიერება; ვინც ასე ფიქრობს, მას ავიწყდება ის უბრალო ფსიხოლოგიური ჭეშმარიტება, რომ ერთხელ გავლიძებულ კლასიურ ანტაგონიზმს ველარაფერი ჩააქრობს. ეს ანტაგონიზმი თანდათან იზრდება, მასასადამე, ტერორი ამ მხრით ყოვლათ უმნიშვნელო და უადგილოა... რა რეფორმებისათვის აიძულა მთავრობა ევროპიულ ანარქისტების ევიდემიურმა ტერორმა? რა შესძინა მან ხალხს? არაფერი! რა გააკეთა რუსეთში მესამოცდაათე და მეოთხმოცე წლებში მომხდარმა ტერორმა? არაფერი. განა ცოტა სისხლი დაიღვარა? განა ერთი და ორი საუკეთესო შვილი რუსეთისა იმსხვერპლა ამ შემცდარმა შეხედულებამ, და რალა შორს მივიდვართ, რა გააკეთა თვით პატრიოსან ბალმაშევის²³ თავგანწირვამ?..“ მიუხედავად ასეთი მსჯელობისა, XIX საუკუნის 70-80-იან წლებში მომხდარმა ტერორისტულმა შეტევამ შეძლო გამოეღვიძებინა ინერტული ხალხური მასა, რომელიც რუსეთში დაყოფილი იყო პირობითად ორ ნაწილად – „ხალხად“ და „არახალხად“. ხალხში იგულისხმებოდა უსწავლელი, გაუნათლებელი, დაბალი წარმომავლობის ფენა, ხოლო არახალხში

²¹ А. Кошл. Собрание сочинений, т. V, 1968 წ., გვ. 278

²² „რევოლუციის მატრიანე“, №1, 1923 წ., გვ. 222-223.

²³ 1902 წლის 2 აპრილს პეტერბურგში ესერმა სტეპან ბალმაშევიმ მოკლა შინაგან საქმეთა მინისტრი სიპიაგინი. ბალმაშევი გაასამართლეს და ჩამოახრჩვეს.

- ინტელიგენცია²⁴. ამ „ხალხის“ გამოვლიძებას კი მოგვიანებით ისეთი სიძლიერის აფეთქება მოჰყვა, რამაც „არახალხი“ და ყველა დანარჩენი ლამის მთლიანად ალგავა პირისგან მიჩნისა.

თავად წერილის პათეტიკური ტონი, გულისამრევი დიდაქტიკა უკვე მიანიშნებს იმ რეალობაზე, რომ წერილის გამოცემის დროისთვის ქართულმა რევოლუციურმა ტერორმა რუსულ სიმძლავრეებს მიაღწია. სიმძლავრეებს არა მარტო რაოდენობრივი (ტერაქტების რიცხვი), არამედ თვისებრივი თვალსაზრისითაც (მკვლელობის გამართლების ემოციური „გადახარშვა“ და რაციონალიზაცია), რასაც წიგნის შემდეგი თავი წარმოგიდგენთ. აღნიშნული წერილის ავტორები მხოლოდ მომავალ „სარგებლის მომტან“ ტერორს ელოდებიან, ტერორს, რომელსაც „კლასობრივად გამოვლიძებული „ხალხი“ მოუწყობს „არახალხს“: „...ხალხი დაჰკრავს ბუკსა და ნა-ღარას, მაშინ შეიძლება მახვილიც დაგვჭირდეს, მხოლოდ მაშინდელი ტერორი სულ სხვა იქნება – დანა ხირურგის ხელში სიცოცხლის მომცემია...”

რუსული ტერორი, თავისუფლების, ტირანიისგან ხალხთა განთავისუფლების მიზნის დამსახველი, სწორედ ამ „ხირურგიული ტერორის“ საშუალებით კაცობრიობისთვის მანამდე არნახული ტერორისტული სახელმწიფოს – საბჭოთა კავშირის – წარმოშობით დასრულდა. იმ სახელმწიფოსი, რომელმაც მილიონობით საკუთარი მოსახლეობა ამოყლიტა და იოსებ სტალინის სიკვდილის შემდგომაც წარმატებით გააგრძელა საერთაშორისო ტერორიზმის მისია. ის მიზანძვის და თავყანისცემის სა-განი გახდა სხვადასხვა რჯულისა და მრწამსის მქონე ტერორისტული ორგანიზაცი-ისთვის²⁵.

ამჟამინდელი პუტინის („საბჭოთა კავშირის დაშლა საუკუნის უდიდესი გეო-პოლიტიკური კატასტროფა“, – ეს სიტყვები ვლადიმერ პუტინს ეკუთვნის) რუსეთ-იც ღირსეული მემკვიდრეა ტერორისტული სსრკ-სი, რომელიც თავის მხრივ შექმ-ნილი იყო „მუტანტი-ადამიანების“ მიერ, „რომლებიც შედეგი იყვნენ 1917 წლის ანთროპოლოგიური, კოსმიური კატასტროფისა, რომელთაც აღარ გააჩნდათ გაგება იმისა, თუ რა არის გაგება...”²⁶ ჟურნალისტებისა და ოპოზიციონერების დამინება და მოკვლა, უამრავი ჩეჩენის განადგურება და საკანონმდებლო აქტებით ტერორის აქტების დამკვიდრება – სახელმწიფო უფლებებს იტოვებს, გაანადგუროს თავისი მტერი მსოფლიოს ნებისმიერ წერტილში, რასაც 2008 წლის აგვისტოში საქართვე-ლოში რუსების არმიის შემოჭრა და ტერიტორიების ოკუპაცია მოჰყვა – ამის ნათელი დადასტურებაა.

²⁴ I. Чартишвили. Писатель и самоубийство, 2000 წ., გვ. 195.

²⁵ ალბათ, ყველაზე უფრო სახიფათო ტერორისტულ იარაღად „სემტექსი“ (magic marble) ითვლება. ეს ძლიერმოქმედი, პლასტიკური ასაფეთქებელი მასალაა, რომელიც 1966 წელს ჩეხოსლოვაკიის ქალაქ სემტინში ვინმე სტანისლავ ბერბერამ გამოიგონა. უსუნო, უფერო და ძალის ყნოსვისთვის მოუნდომელი „სემტექსი“ საბჭოთა კავშირმა თავისი სატელიტური ქვეყნების საშუალებით მარტო 70-იან წლებში 690 ტონა გააერცელა მსოფლიოს სხვადასხვა კუთხეში. ყველა ტერორისტული ორგა-ნიზაცია, ყველა ტერორისტული სახელმწიფო (განსაკუთრებით ლიბია) სარგებლობდა „სემტექსით“ და საბჭოთა კავშირში ტრენირებული ამ დარგის „სპეციალისტები“. C. Townshend Terrorism, a very short introduction, 2002 წ., გვ. 92.

²⁶ მ. მამარდაშვილი, საუბრები ფილოსოფიაზე, 1992 წ., გვ. 183.

რუსული ტერორის სათავეებთან

„პირველი რომი სიბილნის გამო დაეცა, მეორე (კონსტანტინოპოლი) მუსულმანური ძალმომრეობის გამო, მესამე რომი მოსკოვია, მეოთხე კი არასოდეს იქნება.“²⁷ XVI საუკუნეში მცხოვრები რუსი ბერის ფილოფეის მიერ გაჟღერებულმა ამ პანეგირიკმა რუსულ ცნობიერებაში მესიანიზმის, სამყაროს გადამრჩენი ქვეყნის იდეის დაბადებას მისცა ბიძგი. რუსეთის, როგორც ქრისტიანული ცივილიზაციის უკანასკნელი ფორპოსტის, „მესამე რომის“ ამ აპოკალიფსურმა იდეამ რუსული ცნობიერების მნიშვნელოვანი ფორმირება მოახდინა. ასევე მნიშვნელოვანი როლი ითამაშა რუსული სახელმწიფო თუ რევოლუციური ტერორის ფორმირებაში. ამიტომ, სანამ უშუალოდ ქართველ და რუს ტერორისტებსა და მათ საქმიანობაზე ვისუბრებთ, უპირიანი იქნება, თვალი გადავავლოთ ყველა იმ ობიექტურ თუ არაობიექტურ წინაპირობას (და ამგვარად გვეჩვენება რუსული მესიანიზმის ზემოთ აღნიშნული იდეა), რამაც დასაბამი მისცა იმ საყოველთაო ძალადობას და ანარქიას, რომელმაც მოიცვა მთელი რუსეთის იმპერია და მასში შემავალი სუბიექტები.

რუსი ფილოსოფოსი ნიკოლაი ბერდიაევი წერდა, რომ თავის დროზე თურქული იმპერიის შექმნა იყო სვლა აღმოსავლეთისა დასავლეთის მიმართულებით. თურქეთის იმპერიის დანგრევა იქნება პირუკუ სვლა დასავლეთისა აღმოსავლეთისაკენ. რომ რუსეთს კიდევ ექნება შანსი, ვახდეს მონღოლური აღმოსავლეთის საშიშროების წინააღმდეგ აღმართული ბურჯი. მაგრამ ამისთვის, პირველ რიგში, ის თვითონვე უნდა გათავისუფლდეს ყველაფერი მონღოლურ-აღმოსავლურისაგან. რუსეთის ერთადერთი ბუნებრივი მოთხოვნილება კონსტანტინოპოლი და ზღვებისკენ გასვლა... რუსული კონსტანტინოპოლი უნდა იქცეს აღმოსავლეთისა და დასავლეთის გაერთიანების ცენტრად.²⁸

რუსული ინტელიგენციისთვის მეტად მტკივნეული იყო უზარმაზარი კულტურული და ინდუსტრიული ნახტომებით წინ მიმავალი დასავლეთის შედარება საკუთარ ჩამორჩენილ, ბატონყმური წყობის, პოლიციურ სახელმწიფოსთან. სამაგიეროდ რუსულ ცნობიერებაში ვითარდება იდეა, თითქმის მისტიკური განცდა, რომ თავად რუსეთის ამ ჩამორჩენილობაში არსებობს ის სინამდინდე, რომელსაც დასავლეთის მორალური ხრწანადობა ვერ შეეხება. რომ სწორედ ეს მისტიკური სინამდინდე არის მომავალი სამართლიანი საზოგადოების საფუძველი. რუსული შოკინიზმი გამოხატულებას იძენს „მატერიალისტური დასავლეთის მიმართ სულიერი უპირატესობის პრეტენზიაში“.²⁹

მესიანური იდეის საპირისპირო აზრმა მხოლოდ ერთხელ გაიჟღერა გადამდგარი სამხედროს, დეკაბრისტების ორგანიზაციის წევრის (თუმცა მას აჯანყებაში მონაწილეობა არ მიუღია) პეტრე ჩაადაევის ნაშრომში «Философическое писание» (1836 წ.). ავტორი უაღრესად კრიტიკულია რუსეთის ისტორიული როლის მიმართ საკაცობრიო კულტურაში. ის ამტკიცებდა, რომ რუსეთი ჩამორჩა დასავლურ ქვეყნებს და მისი

²⁷ <http://www.hrono.ru/biograf/bio-f/filofey.html>

²⁸ Н. Бердяев, Судьба России.

<http://www.lib.ru/HRISTIAN/BERDQEW/russia.txt>

²⁹ В. Улам, The Bolsheviks. 1998 წ., გვ. 31.

წვლილი მსოფლიოს პროგრესში ნულის ტოლია³⁰, რომ რუსეთმა ყველაფერი თავიდან უნდა დაიწყო ევროპული პოლიტიკური და ეკონომიკური ინსტიტუტების მექანიკური მიბადებით³¹. ჩაადაევი რუსეთის ჩამორჩენილობის საფუძველს ორთოდოქსული ქრისტიანობის ნიაღში ხედავდა. რუსეთი განწირული გახდა ჩამორჩენისთვის, როდესაც კათოლიკური სარწმუნოება არ მიიღო, – აცხადებდა ის. სლავოფილური რუსეთისთვის ჩაადაევის „მკრეხელური“ აზრები სულით ავადმყოფის ბოდვას უტოლდებოდა. ასეც მოხდა, ჩაადაევი სულიერ ავადმყოფად შერაცხეს და პოლიციურ-სამედიცინო მეთვალყურეობა დაუნიშნეს. მერაბ მამარდაშვილი წერდა: „რუსულ ისტორიას ინერტულობის უშველებელი დალი ასვია და ეს ინერტულობა დადასტურებულია საუკუნის დასაბამიდანვე ერთ-ერთი თვითმყოფადი ფილოსოფიური ნააზრევით, ჩაადაევის ნააზრევით. მან დაადასტურა რუსეთში განმანათლებლობის მარცხი და ამ კონსტატაციიდან იშვა მისი, როგორც ფილოსოფოსის, თვითმყოფადი და მეტაფიზიკური ნააზრევი“³².

ხატოვანი გამოთქმა „რუსეთს ჭკუით ვერ გაიგებ, რუსეთი გულით უნდა შეიგრძნო“, რომელიც სწორედ უნიკალურად სლავური, რუსული, კაცობრიობის გადამრჩენელი სულიერი სიმდიდრის მიმანიშნებელი მტკიცებულება იყო, უფრო რეალურ თვალსაჩინოებას მოითხოვდა. ეს თვალსაჩინოება თანდათანობით იხვეწება რუსი მოაზროვნეების (განსაკუთრებით ბაკუნინის, გერცენისა და ჩერნიშევსკის) შრომებში. ამ შრომებმა ამასთანავე პირდაპირი თუ არაპირდაპირი ზიძგი მისცეს ინდივიდუალური და სახელმწიფო ტერორის კანკითარებას.

მიხეილ ბაკუნინის (ითვლება კოლექტიური ანარქიზმის მამად) რევოლუციური ფილოსოფია ჩაგვრის ყოველნაირი ფორმის წინააღმდეგ იყო მიმართული. მისი მტკიცებით, ჩაგვრის განხორციელების ყველაზე მძლავრი მექანიზმი სახელმწიფო და რელიგიაა. ბაკუნინის თქმით: „თუ ღმერთი არსებობს, მაშინ ადამიანს არა აქვს თავისუფლება, ის – მონაა; მაგრამ თუ ადამიანს შეუძლია და ის უნდა იყოს თავისუფალი, მაშინ ეს ნიშნავს, რომ ღმერთი არ არსებობს“. ადამიანმა ბედნიერებას და, შესაბამისად, თავისუფლებას რომ მიაღწიოს, ამისთვის საჭიროა რელიგიისა და სახელმწიფოს, როგორც ინსტიტუტისა და ხელისუფლების პრინციპის, ლიკვიდაცია. მარქსის თანამედროვე და თანამოქალაქე, ის დაუპირისპირდა მარქსიზმს, განსაკუთრებით კრიტიკული იყო მარქსის „პროლეტარიატის დიქტატურის“ თეორიის მიმართ. მას მარქსიზმი (მსგავსად რელიგიისა) ჩაგვრის განხორციელებისთვის აუცილებელ იდეოლოგიურ საფუძველად ჰქონდა მიჩნეული, რაც ერთგვარად გამართლდა კიდევ (ყოველ შემთხვევაში, რუსეთის ისტორიაში). ბაკუნინის თეორიულ სწავლებას მსჭვალავდა ასევე ანტისემიტიზმი, პანსლავიზმი და ქსენოფობია. ეს უკანასკნელი გამორჩეულად გერმანული რასის წინააღმდეგ იყო მიმართული. იმპერიულ რუსულ სამეფო ოჯახს ბაკუნინი „გერმანო-თათრულს“ უწოდებდა.

რუსულ ცნობიერებაში შემოსული „მესამე რომის“ მისტიკური ბუნება ბაკუნინთან თანდათანობით კონკრეტდება რუსი ხალხის სახით (ტერმინი „ხალხი“ შემდგომში გლეხობის მნიშვნელობით იხმარებოდა)³³, რომელიც ამ მისტიკური ბუნების მატარებელია და რომელიც ორი „მონსტრის“ (ებრაელების და გერმანელების)

³⁰ <http://www.philosophy.ru/library/chaad/leir/chaad1.html>

³¹ F. Copleston. A History of Philosophy. 1994 წ., გვ. 27.

³² მ. მამარდაშვილი, ჩაბშული ფიქრი, 1992 წ., გვ. 72.

³³ ამ ტერმინის გამოყენებას ქართველებიც ვერ ასცდნენ. XX საუკუნის დასაწყისში მარქსისტი პროპაგანდისტების ზეგავლენით გურიაში სიტყვა „გლეხს“ და „გლეხობას“ აღარაეინ ხმარობდა. გურული შეურაცხყოფილად იგრძნობდა თავს, „გლეხი“ რომ დაგვძახა, იმ დროს ხმარებაში შემოვიდა „მოქალაქე“ ან „ხალხი“.

გამხრწნელ ზეგავლენას უნდა გადაურჩეს. ჯერ კიდევ დეკაბრისტებიდან დანწყებულმა ანტისემიტიზმმა სხვადასხვა რევოლუციური თეორიებით „გამეცნიერებულ“ მტკიცებულებების ელფერი მიიღო. ამან რუსული ფანტაზია კიდევ უფრო გააძლიერა: მტრის ხატის საბოლოოდ „ებრაულ-მასონურ“ თემაზე შეჩერდა. ტერმინი „მასონური“ ზოგადად ევროპულ ცივილიზაციაზე მინიშნებაა. სწორედ იმ ევროპულზე, რომლის განვითარების „არასწორი“ გზა კაცობრიობისთვის დამლუპველია და რუსული – „ჭეჭმარიტი“ – გზის ხელის შემშლელია. ამ ელემენტის „გამეცნიერებასა“ და შესაბამისად, ერის ფანტაზიაში დამკვიდრება-გამყარების საქმეში დიდი როლი სწორედ ბაკუნინმა ითამაშა³⁴.

სამეუღლიდან ყველაზე უფრო პროდასავლურ მოაზროვნედ ალექსანდრე გერცენი ითვლება, თუმცა მისი პროდასავლურობა, ალბათ, შედარებითია. მართალია, ის არ იზიარებდა თავისი თანამედროვე დისიდენტი პარტიზონის ბაკუნინის (ისინი ერთად გამოსცემდნენ გაზეთ „Колоса“-ს) პათოლოგიურ ანტისემიტიზმს და გერმანოფობიას, მაგრამ რუსეთის, „მესამე რომის“, მესიანური ბედისწერა მის ნაწერებში ნამყვან ადგილს იკავებს. ევროპული დემოკრატიული სტრუქტურების მიმართ ღრმად ჩანერგილი რუსული უნდობლობა, შიში დასავლეთის რყვნადი „მატიერალიზმის“ დამლუპველი გავლენისა რუსული ბუნების შინაგან სინამდვილეზე, ალბათ, ყველაზე უფრო გერცენთან გამოვლინდა. ის, ბაკუნინის მსგავსად, არც XVII საუკუნის გლეხთა აჯანყებების მსგავსი რევოლუციის მომხრე იყო და არც რადიკალი რუსი რევოლუციონერების (ჩერნიშევსკის, პირველ რიგში) ნააზრევისა ესმოდა. ეს უკანასკნელნი ზიზლით უყურებდნენ ყოველგვარ რეფორმას და მასებს რუსეთის სოციალური და პოლიტიკური სისტემის საბოლოო განადგურებისკენ მოუწოდებდნენ, რათა ამ ნანგრევებზე თავისუფალი და სოციალისტური სახელმწიფო აშენებულიყო.

„კაცობრიობის განმათავისუფლებელი გზის მაჩვენებელი შუქურა რუსი გლეხობაა“, – როგორც ხედავთ, გერცენი ამ მხრივ ორიგინალურობით ვერ დაიკვეხნის. სამაგიეროდ მან დიდი როლი ითამაშა ამ მითოსის პოლიტიკური სარჩულით შემოსევში. კაცობრიობის განვითარების „განსაკუთრებით რუსული“ გზის პოლიტიკურ-ეკონომიკური გადაწყვეტა გერცენისთვის თეორიულად ჩამოყალიბდა გერმანელი ბარონის, შპესტჰაუზენის ნაშრომის გაცნობის შემდეგ. ეს პოლიტიკური ეკონომისტი მეფე ნიკოლოზ პირველმა დაიქირავა და გააგზავნა რუსეთის იმპერიაში მინის მფლობელობის საკითხის შესასწავლად. შპესტჰაუზენი ძლიერ გაიტაცა რუსული სოფლის თემური ორგანიზაციის – „ობშინის“ (Община – რუს. თემი) – პრინციპმა. მინა, ბატონყმობამდეც და მისი გადავარდნის შემდეგაც, არსებობდა არა ინდივიდუალური გლეხის ოჯახის საკუთრებად, არამედ კომუნას ეკუთვნოდა. „ობშინა“ აწარმოებდა

³⁴ http://en.wikipedia.org/wiki/Mikhail_Bakunin#Anti-semitism

* თომას რისი წიგნი The Orientalist: Solving the Mystery of a Strange and Dangerous Life (2006 წ.) აღწერს ნიკოლოზ II-ის ოჯახის ბოლო დღეებს. თურმე მეფე ყოველ საღამოს ოჯახს უკითხავდა ვრცელ ნაწყვეტებს რუსი ორთოდოქსი მღვდლის, სერგეი ნილუსის წიგნიდან „Великое и малое“, რომელიც მსოფლიოს დაპატრონების ებრაულ შეთქმულებას შეეხება. კარგად ცნობილი ფაქტია, რომ სწორედ ნიკოლოზის საიდუმლო სამსახურმა, „ობრანკამ“, შეთხზა და გაავრცელა ტექსტების კრებული სახელწოდებით „სიონის ბრძენკაცთა პროტოკოლი“, რომელსაც ეყრდნობა ნილუსის წიგნი (მოგვიანებით თავად ნილუსი აცხადებდა, რომ მას არ გააჩნდა ამ „პროტოკოლების“ ნამდვილობის დამამტკიცებელი არანაირი საბუთი). როგორც ყოველთვის, რუსული ოხრანკა ჩვეული ხერხებით მუშაობდა – უკვე არსებულ ფანტაზიებს „ნივთიერი მტკიცებულებებით“ აღრმავებდა, ან ახალ ფანტაზიებს უფრიადა საფუძველს. ალბათ, ძნელი წარმოსადგენია, რომ მეფე ნიკოლოზი იმთავითვე არ იყო ინფორმირებული შეთხზული ფაბულის შესახებ. მაგრამ საინტერესოა ის, რომ მან სწორედ ეს ფიქცია გამოიყენა (რაც ნიშნავს, რომ დაიჯერა შეთხზული), რათა საკუთარი სულიერი სამყაროს პარამონოზაცია მოეხდინა, „გავიგო“, რა მოხდა, რა განვითარდა უკუღმართად, რამ გამოიწვია დედარუსეთის მონარქიის დაცემა.

მინის მოსავლის გადანაწილებას მის წევრებს შორის. სადავო საკითხებს გლახთა საკრებულო – „მირი“ (Мири – რუს. თემის ყრილობა) – წყვეტდა. ეს უკანასკნელი მინათმფლობელებისა და სახელმწიფოს მოხელეების გავლენის ქვეშ იმყოფებოდა.

კომუნალური ორგანიზაციის ამ პრინციპით დატყვევებული პოლიტიკური ეკონომისტის აზრით (ეს მონუსხვა, გერცენის პუბლიკაციებიდან გავრცელებული, იმუამინდელი რუსეთის ყველა პოლიტიკურ სფეროს გადაეცა), რუსული „ობშჩინა“ ჩანასახში შეიცავდა „ერთადერთ და ჭეშმარიტ“, უძველეს ცივილიზებული საზოგადოების კომუნისტური მონუსობის ნესს, რომელიც სხვა დანარჩენ მსოფლიოში ძირფესვიანად ამოიძირკვა. თურმე გარეგნულად ჩამორჩენილი რუსეთი საკაცობრიო საგანძურს ფლობს. საგანძურს, დაუნჯებულს რუს „მუჟიკი“, რაც „ობშჩინური“ ორგანიზაციის სახით ვლინდება³⁵.

რუსული „ობშჩინა“, როგორც ცივილიზაციის (იგულისხმება ევროპა) გადამრჩენი, ბაკუნინში ირონიულ რეაქციას იჩენებს. „კი მაგრამ, – წერდა ის თავის მეგობარ გერცენს, – რატომ მოხდა, რომ ამ „ობშჩინამ“, რომლისგანაც ასეთ სასწაულებს ელით მომავალში... ვერ მოახერხა თავისი თავისგან შექმნა რაიმე, გარდა უსაზიზღრესი მონობისა? პატრიარქალური ჩვევების გულისამრევი სიამაყე, კოლექტივთან მიმართებაში პიროვნების აბსოლუტური უფლებობა, იმავე კოლექტივის მიერ მიღებულ გადანყვეტილებებში არათუ იურიდიული, არამედ სამართლიანობიდან გამომდინარე უფლებების არარსებობა... მზადყოფნა, ვედრო არყად გაიყიდოს ყოველგვარი სიმართლე და სამართლიანობა – აი, რა არის მთლიანობაში ველიკორუსული გლეხური „ობშჩინის“ საფუძველი“³⁶. მოგვიანებით ამ „ობშჩინასთან“ დაკავშირებული ნააზრევის აბსურდულობაში ბევრი რუსი და ქართველი რევოლუციონერი თავად დარწმუნდა. სოციალისტურ-ფედერალისტური პარტიის ერთ-ერთი დამაარსებელი, პუბლიცისტი და საზოგადო მოღვაწე გიორგი ლახხიშვილი მარქსის, სტრუვეს და პლენხანოვის ნაშრომების შესწავლის შემდეგ მივიდა დასკვნამდე, რომ ეს არის „წმინდა წყლის რუსული უტოპია, ვითომ თემი და არტელი იხსნიან რუსეთს კავიტალიზმისაგან და შესაძლებლად გახდიან მისთვის პირდაპირ სოციალიზმის დამყარებას...“³⁷

გერცენის პორტრეტი უფრო მკაფიოდ რომ წარმოჩნდეს, საჭიროა ვთქვათ, რომ ის ერთადერთი რუსი მოაზროვნე იყო, რომელმაც პოლონელების მხარე დაიჭირა რუსეთის წინააღმდეგ პოლონეთის 1863-64 წლების ჯანყის დროს, რამაც რუს შოვინისტებთან დიდი შეხლა-შემოხლა გამოიწვია. დღევანდელი რუსი პატრიოტებისთვისაც გერცენი ანტირუსული ტერორის ერთ-ერთ პირველ წამქეზებლად და იდეოლოგად რჩება, რადგან სწორედ მაშინ გააჩაღეს პოლონელებმა ტერორი რუსი დამპყრობლების წინააღმდეგ³⁸. ამავე დროს გერცენის ნაშრომები საყვავილი იყო ორჭოფობა და

35 A. Llam. The Bolsheviks. 1998 წ., გვ. 48.

36 А. Мережковский. Большая Россия, 1991 წ.

37 გ. ლახხიშვილი, მეზუარები, 1992 წ., გვ. 69.

38 პოლონეთის ეროვნულ-განმათავისუფლებელ აჯანყებაში საზოგადოების ყველა ფენა მონაწილეობდა. მეფის მთავრობამ მის ჩასახშობად უზარმაზარი ძალები გაგზავნა, რომელთაც ნამდვილი სასაქლაო მიანყვეს. აჯანყების ჩახშობას ხელმძღვანელობდა გენერალ-გუბერნატორი მიხეილ მურავიოვი, რომელმაც უამრავი პოლონელი ჩამოაბრძო, აქედან წარმოდგება გამოთქმა „მურავიოვის პალსტუხი“ (1905 წლის რევოლუციის დამარცხების შემდეგ რუსეთის მინისტრთა საბჭოს თავმჯდომარეს და შინაგან საქმეთა მინისტრის პეტრე სტოლიპინის განკარგულებით სამხედრო საველე სასამართლოები შეიქმნა და რამდენიმე ასასი რევოლუციონერი ჩამოაბრძევს. მაშინ სახრჩობელას ხალხმა „სტოლიპინის პალსტუხი“ უწოდა). გუბერნატორი ხშირად ამბობდა: „მე იმ მურავიოვთან კი არა ვარ, რომლებსაც აბრჩობენ, არამედ იმათგანი, რომელიც აბრჩობს“. მას მხედველობაში ჰყავდა სერგეი მურავიოვი, რომელიც სხვა დეკარისტებთან ერთად ჩამოაბრძევს. სისხლისღვრის შეწყვეტის მოთხოვნით ინგლისმა, საფრანგეთმა და ავსტრიამ საპროტესტო ნოტები გაუზავნეს რუსეთის მთავრობას, მაგრამ აღუქმანდრე II-მ ეს ნოტები კატეგორიულად უარყო.

ურთიერთსაინიანაღმდეგო გამონათქვამებით. „კაცობრობის გადამრჩენი რუსეთის“ დღეის წარმოჩენის პარალელურად მას შეეძლო შემდეგი აზრი გამოეთქვა: „ჩვენ არსად გვაქვს დასაბრუნებელი, სახელმწიფოებრივი ცხოვრება პეტრეს წინანდელ რუსეთში იყო მახინჯი, ღარიბი, ველური... სხვა ხალხების ისტორია მათი განათავისუფლების ამბის თხრობაა, რუსული ისტორია კი ბატონყმობისა და თვითმპყრობელობის განვითარებაა. პეტრეს გადატრიალებამ ჩვენგან შექმნა ყველაზე უარესი რამ, რაც კი შეიძლებოდა ადამიანებისაგან შექმნილიყო – განათლებული მონები...“³⁹

მიუხედავად პარტიული კუთვნილებისა, რუსი რევოლუციონერების უმრავლესობა (მათ შორისაა ლენინიც) საკუთარ „რევოლუციურ გამოღვიძებას“ უკავშირებს ნიკოლაი ჩერნიშევსკის წანარმოებების გაცნობას და მათგან განსაკუთრებით გამოყოფს რომანს „Что делать?“ ჩერნიშევსკიმ რომანის წერა პეტრე-პავლეს ციხეში თავისი ორწლიანი პატიმრობისას დაიწყო (ეს პატიმრობა ციმბირში 10-წლიანი გადასახლებით გაგრძელდა). ციხეში გამომწყვდევამდე მან საჯარო დასჯის დამცირება გადაიტანა – კისერზე ჩამოკიდებული დაფით, რომელზეც ეწერა „სახელმწიფო დამნაშავე“, ჯალათმა ჩერნიშევსკი ეშაფოტზე დააჩოქა და თავზე დაშნა გადაამტვრია, რის შემდეგ ის სამარცხვინო ბოძზე მიაჯაჭვეს. ყოველივე ამან ჩერნიშევსკი ტანჯულის შარავანდედით შეამკო, რაც უდავოდ ხელს უწყობდა მისი წიგნის და იდეების საყოველთაო აღიარებას, განსაკუთრებით ახალგაზრდობის ფართო წრეებში. თუ რა დიდი პოპულარობით სარგებლობდა ჩერნიშევსკი საქართველოში, ამაზე თუნდაც ერთი ფაქტი მეტყველებს: „ხალხოსანმა“ ივანე ჯაბაძარმა „ვეფხისტყაოსნის“ შესახებ რუსულად სტატია დაწერა და მის დაბეჭდვას აპირებდა. დაბეჭდვამდე კი გადაწყვიტა, წერილი „ივერიის“ რედაქციის თანამშრომლებისათვის გაეცნო. ჯაბაძარი პოემის გმირებს, ნესტან-დარეჯანს და ტარიელს, განუწყვეტელ ჩივილს, ცრემლის ღერას, პასიურად ყოფნას და გულხელდაკრეფით ჯდომას საყვედურობდა. აეტორი მათ მოუწოდებდა, ჩერნიშევსკის რომანის გმირებით მოქცეულიყვნენ. წერილმა თურმე ნყოფიდან გამოიყვანა ილია ჭავჭავაძე, რომელმაც ჯაბაძარს უთხრა: „...რუსული კრიტიკის ზენაქვერული ნავარდობა აქ არ გამოდგება... ვისაც რუსთაველზე წერა უნდა... უნდა შეეთვისოს იგი არა ჭკუით მხოლოდ, არამედ გუნთაც, უნდა იგრძნოს მისი გმირების სულისკვეთება, ჩასწედეს გულის სიღრმეს, იგრძნოს მისი მაჯის ცემა. ეს იქნება ქართველი კაცის ნამდვილი სულისთქმა, მისი რწმენა, მისი სამართლიანი განსჯა...“ აღმოჩნდა, რომ ჯაბაძარს მხოლოდ პოემის შინაარსის გადმოცემა ეკუთვნოდა, კრიტიკული განხილვა კი მისი რუსი ცოლის იყო. ის თურმე რევოლუციონერი „ნაროდოვოლცი“ ყოფილა და მეგობრობა აკავშირებდა ტერორისტ კრაჩინსკისთან, რომელმაც უანდარბთა შეფი მეზენცევი მოკლა⁴⁰.

ჩერნიშევსკი იყო რუპორი ახალი, რადიკალურად განწყობილი, ყოველნაირი კონფორმიზმის, კულტურის და ტრადიციის მონინაღმდეგე თაობისა, რომელიც „ნიჰილისტად“ მონათლა („ნიჰილისტი“ შემდგომში ტერორისტის სინონიმად გადაიქცევა). ჩერნიშევსკი გატაცებული იყო ფოიერბახის მატერიალისტური ფილოსოფიით. მისი გამონათქვამი – „ადამიანი წარმოადგენს იმას, რასაც ის ჭამს“ – ჩერნიშევსკის მიერ სიტყვასიტყვით იყო გაგებული და გადამუშავებული შემდეგ პოსტულატში: მშრომელმა კლასმა, რომელიც სიდუხჭირის გამო უპირატესად მხოლოდ კარტოფილით და ბოსტნეულით იკვებება, ძროხის ხორცი უნდა ჭამოს, რათა ხორცისმჭამელ არისტოკრატიას გაუმკლავდეს. რევოლუციური საქმე დიდი რაოდენობით ძროხის ხორცის მოხმარებას საჭიროებს!⁴¹

³⁹ A. Герцен. Былое и думы, ნაწ. 1-5, 1969 წ., გვ. 449.

⁴⁰ ი. მანსეეტაშვილი, მოგონებები, 1985 წ., გვ. 88-89.

⁴¹ A. Ulam, The Bolsheviks, 1998 წ., გვ. 59.

ფოიერბახის ფილოსოფიამ ასახვა პოვა რომანის „რა ვაკეთოთ?“ გმირში, რახმე-ტროვიში, რომელიც რევოლუციური ბრძოლისთვის მზადების პერიოდში მხოლოდ ძროხის ხორციით იკვებება და ლურსმნებზე სძინავს. რომანის კიდევ ერთი გმირი, „ახალი ადამიანი“ ლაპუნოვი განზე გადგება, რათა მეუღლე ვერას და საუკეთესო მეგობარ კირსანოვის ბედნიერებას ხელი არ შეუშალოს. ეს ერთგვარი გამოძახილია ჩერნიშევსკის პირადი ცხოვრებისა – ის არათუ ცდილობდა, დაემალა საკუთარი მეუღლის ცოლქმრული ღალატი, არამედ ყოველნაირად უწყობდა ხელს მის სექსუალურ ესკაპადებს.⁴²

ჩერნიშევსკის რევოლუციურ ფილოსოფიაში, მატერიალიზმის გარდა, დიდი ადგილი უჭირავს ინგლისური უტილიტარისტული ფილოსოფიის ერთგვარად გადამუშავებულ ვარიანტს, ე. წ. „გონიერი ეგოიზმის“ სახით. ჩერნიშევსკის „გონიერი ეგოიზმი“ ადვილად შეიძლება გამოდგეს პოლიტიკური ტერორის რაციონალიზაციად. „ახალი ადამიანი“ თავს განირავს ხალხის საკეთილდღეოდ მაშინაც კი, როცა ხალხის უმრავლესობა კმაყოფილია თავისი მდგომარეობით და ამ მსხვერპლშეწირვის აუცილებლობას ვერ ხედავს. „გონიერი ეგოიზმის“ თეორია ამტკიცებს, რომ არ არსებობს იმაზე უფრო მეტი სიამოვნება, ვიდრე „სხვისთვის“ თავის განირვავა, თავის განირვა პირდაპირი გაგებით; ალტრუიზმის ყველაზე ძლიერი გამოვლინება სუიციდური ეგოიზმია და პირიქით. რევზ გაბაშვილი ციხეში გატარებულ დღეებს რომ იგონებდა, აღწერდა, რა ალტყინებითა და აღმაფრენით ატყობინებდნენ მსჯავრდებულნი რევოლუციონერები საკუთარი სასჯელის შესახებ: „– ამხანაგო, ოცი წლის კატორღა გადამინყვიტეს! – ამხანაგო, სიკვდილით დასჯა გადამინყვიტეს! ...არასოდეს დამაყენებდა უჭედო, ლამაზი მრგვალი სახის, თვრამეტი წლის ყმაწვილი ავალიანი, რომელმაც იგივე გამიმეორა ისეთი ამაყი კმაყოფილებით, თითქო სიკვდილი კი არა, ქორწილში წასვლა მიესაჯათ“⁴³.

ჩერნიშევსკი, გერცენის მსგავსად, იმჟამინდელი რევოლუციური მოძრაობის ავანგარდს, სტუდენტობას, ხალხში (ანუ გლეხობაში) გასვლას მოუწოდებდა. ამ მოწოდების ტალღამ ახალი ძლიერი მუხტი სამოცდაათიანი წლების შუაში მიიღო. მაგრამ შედეგი სავალალო იყო: რევოლუციურად განწყობილი სტუდენტობისა და ინტელიგენციის „ხალხში გასვლა“ უაღრესად ტრამეული აღმოჩნდა რუსული რევოლუციური პროცესისთვის.

თავიდანვე არსებობდა შეურყეველი რწმენა, რომ რუსი „მუჟიკი“ თავისი ბუნებით სოციალისტი და რევოლუციონერია. რომ ის კერძო საკუთრებისადმი ზიზღითაა განწყობილი და მისთვის სუნთქვასავით ბუნებრივია კომუნალურ საზოგადოებაში არსებობა. საჭიროა მხოლოდ რევოლუციური თესლის დათესვა და გლეხობა „იფეთქებს“ ისევე, როგორც ადრე აფეთქებულა პუგაჩოვისა თუ რაზინის დროს. რუსეთიდან წამოსული ხანძარი მოწოდებულია, რომ ბურჟუაზიული ტიპის მსოფლიო ცივილიზაცია გაანადგუროს და ის, ავტონომიისა და ფედერალიზმის საფუძვლებზე დაყრდნობით, ხალხთა შორის თავისუფალი კავშირით შეცვალოს...

სტუდენტობისა და ინტელიგენციის „ხალხში გასვლა“ არნახულ მასშტაბებს

⁴² ამ გარემოებაზე ირიბად მიანიშნებს გამოჩენილი პუბლიცისტი და მოაზროვნე ნიკო ნიკოლაძე, რომელიც კარგად იცნობდა ჩერნიშევსკების წყვილს. „ერთხელ, როცა ჩვენ, ქართველ სტუდენტთა ჩვეულებრივ საზოგადოებაში, გარს უსხედით ჩაის მაგიდას და ჩერნიშევსკი, თავის ჩვეულების წინააღმდეგ გამოვიდა სტუმრებთან ერთად ჩაის დასალევეად, და მასალა ჩემზე ლაპარაკის დროს უთხრა, რომ მე ერთადერთი კავკასიელი ვარ, რომელიც მას არ ეარმყევა, და ამისთვის მას მე განსაკუთრებით უნდა უყვარდე... მე არ ვიცოდი, როგორ გადამერჩინა ჩემი ამხანაგები, რომელიც ქანა-ობაზე ასე დაურობებლად გასცა თავის ქმართან. როცა სახლში მივიდილიდი, მე უთხარა ამხანაგებს: – ხომ გეულებოდი, თქვე ოსრებო, ამ ქალის თავისუფალი მოქცევა სრულებით არა ნიშნავს, რომ ის თქვენ კისერზე ჩამოგეპორნიალებათ!“. ნ. ნიკოლაძე, მოგონებები, 1984 წ., გვ. 135-136.

⁴³ რ. გაბაშვილი, რაც მახსოვს, დაბრუნება, ტ. 3, 1992 წ., გვ. 58.

აღწევს. ბევრი ინტელიგენტი თავს ანებებდა თავის პრივილეგიურულ მდგომარეობას და გლეხობასთან მათი მძიმე ხვედრის გაზიარებისა და შემსუბუქების მიზნით მიდოდა. მაგრამ მისივე თეთრი ყვავივით გამოირჩეოდნენ გლეხურ მასაში. მათი ფილანტროპიული მიზნები გლეხობას ანაფერმა აქიქვა. ბერისონებმა ჩიგორინის რევოლუციონერის შეფარება ან მასთან ურთიერთობა ისედაც დამძიმებული ყოფის უფრო მეტად დამძიმებას ნიშნავდა. დაიწყო მასობრივი დასმენები ხელისუფლებასთან. „აგიტატორ ხვედრისგამზიარებელთა“ დიდი ნაწილი ამ დასმენების შედეგად ციხეში აღმოჩნდა.

ხალხოსნების ურთიერთობას გლეხობის მასასთან ამძიმებდა ხალხოსანთა აგიტაციის ფორმები – მიზნის მისაღწევად ყველაფერი ნებადართულია. „ჩიგორინის აჯანყება“ აგიტაციის ამ მეთოდების კარგი მაგალითია: მას შემდეგ, რაც გლეხთა რევოლუციური ცნობიერების დამოღვიძებას ანაფერმა უშველა, ხალხოსნებმა ჩიგორინის ოლქის (უკრაინა) გლეხები დაარწმუნეს, რომ მეფის სურვილი იყო, ისინი სისხლისმსმელ მიზნის მეპატრონეებს აჯანყებოდნენ. „მეფე-მამის მოთხოვნა“ გლეხებმა შესაშური მონდომებით შეასრულეს. ტყუილი მალე გამოაშკარავდა, თუმცა დაგვიანებით – აჯანყება სავალალო შედეგით დასრულდა: უამრავი მოკლეს და გადაასახლეს.

„ხალხში გასვლაში“ აქტიურად მონაწილეობდნენ რუსეთში მოღვაწე ქართველი სტუდენტები: ი. ჯაბადარი, გ. ზდანევიჩ-მაიაშვილი, მ. ჩიკოიძე. უფრო მეტიც, იმ პერიოდში, ანუ 70-იან წლებში, ერთ-ერთი უძლიერესი ხალხოსნური ორგანიზაცია „მოსკვიჩები“ იყო, რომლის ორგანიზატორები ისევ და ისევ ქართველი სტუდენტები იყვნენ. ამ ორგანიზაციის ბევრი წევრი (მათ შორის ქართველები) დააპატიმრეს და 1877 წლის თებერვალ-მარტში პირველად რუსეთის ისტორიაში ჩატარდა პოლიტიკური სასამართლო, რომელსაც „50-ის პროცესი“ უწოდეს.

საქართველოში ხალხოსნური მოძრაობა 70-იანი წლების დამდეგიდან გაჩაღდა და ის რუსეთში მიმდინარე პროცესების სუსტი გამოძახილი გახდა. ქართველ ხალხოსნებს მიაჩნდათ, რომ თვითმპყრობელობის ლიკვიდაცია სრულიად რუსეთის იმპერიის რევოლუციურ ძალთა შეთანხმებით და კოორდინაციით უნდა მომხდარიყო. რასაკვირველია, მათ მჭიდრო თანამეგობრობა ჰქონდათ რუს ხალხოსნებთან, ქართველებიც მიისწრაფოდნენ სოციალურად თანასწორი საზოგადოების შექმნისაკენ და გლეხთა საყოველთაო აჯანყების მოწყობა სურდათ. მიუხედავად თანამგრძობებისა, მათ ხალხი არ აპყვა, ვერც რუსი ხალხოსნების ტერორისტულმა ტაქტიკამ პოვა გასაქანი საქართველოში (ეს მოგვიანებით მოხდებოდა). ამის ერთ-ერთი მთავარი მიზეზი ეროვნული მოძრაობის აღმავლობა იყო, რომელსაც სათავეში ილია ჭავჭავაძე და მისი თანამოაზრეები ედგნენ. უანდარმერიის მიერ ხალხოსნური ორგანიზაციის წევრების დაპატიმრებების შემდეგ კი ეს მოძრაობა საქართველოში თითქმის მთლიანად ჩაქრა.

მასების გამოღვიძებით ხელისუფლების დახშობის იქნის მიუდგაცრუება რევოლუციური ცენტრალიზებული კონსპირატორული ორგანიზაციის შექმნის იდეაში გადაიზარდა. რუსეთისთვის კატასტროფა, თუკი მოხდებოდა ავტორიტარიზმის მშვიდობიანი გადასვლა კონსტიტუციონალიზმში, – ამ თემაზე მსჯელობა ისევ გრძელდებოდა, – ამიტომ აუცილებელია მტკიცე, შეკრული და ცენტრალიზებული

⁴⁴ რუსი რევოლუციონერი, „პირველ ბოლშევიკად“ მონათლული, ხალხოსანი პეტრე ტაჩაივი ერთ-ერთი პირველი იყო, რომელიც რუსეთის რეალობასთან რევოლუციური თეორიების ადაპტაციას ცდილობდა. მას თვით ფრიდრიხ ენგელსმა მიაქცია ყურადღება, რომელიც „მამამეილური“ დარიგებებით შეეცადა მისი უკიდურესად ტერორისტული აქცენტების, ნაწილობრივ მაინც, ბრძოლის დემოკრატიულ მეთოდებზე გადატანას. ტაჩაივის პასუხი მკვახე და უხეში იყო, თუმცა ამჟამინდელი გადასახედებიდან ეს პასუხი გაცილებით მეტი შორსმჭვრეტელობით გამოირჩევა, ვიდრე დიალექტიკისა და მენცერული სოციალიზმის მამის რჩევა. აი, რას უნდათადა ტაჩაივი ენგელსს: „რუსეთი ჩამორჩენილი ქვეყანაა, რაც მისი დიდი უპირატესობაა, ყოველ შემთხვევაში, რევოლუცი-

რევოლუციური ორგანიზაციების შექმნა, რომლებიც დაელოდებოდა საჭირო მომენტიც და ერთი ძლიერი დარტყმით მოახდენენ სახელმწიფო გადატრიალებას. ეს იდეოლოგია შეჯამდება ორი სიტყვით – კონსპირაცია და რევოლუცია. კონსპირაციულობის პრინციპი გულისხმობდა შეთქმულთა მცირერიცხოვანი ჯგუფის „ხედვას“, ისინი წყვეტდნენ, რა სჭირდება ხალხს ბედნიერი მომავლისთვის და თუ ჯგუფი ტერორს გადაწყვეტს, აუცილებელი არ არის ამ აქტის მასებთან შეთანხმება. ტერორისტული აქტის მორალური მხარის ამგვარი რაციონალიზაცია აადვილებს მის განხორციელებას. კიდევ ერთი მომენტი, რაც უფრო ადვილს ხდის ტერორისტული აქტის განხორციელებას, არის კონკრეტული მიზანი – მაგალითად, მთავრობის მოხელის ან პროვოკატორის დასჯა...

ტერორისტული ტაქტიკისკენ გადახრა იყო შედეგი ბრძოლის დანარჩენი ყველა სხვა ფორმის მარცხისა. როგორც ვნახეთ, გლეხთა თანდაყოლილი რევოლუციურ-სოციალისტური ინტუიციის გავლენების ცვდელთა, რაც ხალხოსნების მოძრაობის მიზანი იყო, სრული კრახით დამთავრდა. პროპაგანდა-აგიტაციამ არათუ შედეგი ვერ გამოიღო, არამედ უზარმაზარი უფსკრული წარმოშვა გლეხობასა და ინტელიგენცია-სტუდენტობას შორის.

1878-79 წლებში შეიქმნა რევოლუციური პარტია სახელწოდებით „ზემლია ი ვოლია“ (Земля и воля – რუს. მიწა და თავისუფლება) პარტია სწრაფადვე გაიყო ორ ნაწილად. გაყოფის მიზეზი ტერორთან დაკავშირებული უთანხმოება იყო. ერთმა ნაწილმა გიორგი პლუხანოვის მეთაურობით სათავე დაუდო რუსულ მარქსიზმს. ნიწინა ტერორის მომხრეებმა „ნაროდნაია ვოლია“ (Народная воля – რუს. სახალხო თავისუფლება) დაირქვეს. მათი მოთხოვნა იყო კონსტიტუციური ყრილობის ჩამოყალიბება, მიზანი – სოციალისტური სახელმწიფო გლეხთა კომუნებზე აქცენტით, მიზნის მისაღწევი საშუალება – ტერორი, ტერორის უმთავრესი ობიექტი – იმპერატორი ალექსანდრე II. საინტერესოა, რომ „ნაროდნაია ვოლია“ გლეხთა რევოლუციის დაწყების ერთ-ერთ საშუალებად თვლიდა (და გეგმავდა) ებრაელთა დარბევა-დანიოკებას – „პოგრომს“, რადგან პოგრომებში მონაწილეობა ხალხს რევოლუციურ გამოსვლებს მიაჩვენებსო. ისინი აცხადებდნენ, რომ პოგრომები სამართლიანობის აქტია, რადგან მიმართულია მშრომელი მასების ექსპლუატატორების წინააღმდეგ. მხედველობაში ჰქონდათ ებრაელების მონაწილეობა სავაჭრო-ეკონომიკურ საქმიანობაში, რომელიც „მავნე გავლენას ახდენს მკვიდრი (რუსული) მოსახლეობის ყოფა-ცხოვრებაზე“. ეს „ებრაული ექსპლუატაცია“ მათ წარმოსახვაში შეადგენდა იმ ძალას, რომელიც თანდაყოლილ რუსულ გლეხურ სოციალიზმს ებრძოდა და ამით ხელს უშლიდა რუსული გზის განვითარებას⁴⁵.

ბაზგასასმელია, რომ „ნაროდნაია ვოლიას“ რიგებში უამრავი ებრაელი ირიცხებოდა, მათ პარტიაში მიღებაზე უარს არ ეუბნებოდნენ⁴⁶. სხვათა შორის, პარტიებისა-

ის თვალთახედვით მაინც. დასავლეთში სოციალური ნესრიგი საშუალო ფენის ფართო მხარდაჭერას ეყრდნობა. რუსეთში ეს ფენა მხოლოდ ახლა იწყებს ფორმირებას. რა ინარჩუნებს მთლიანობას ჩვენს ევჯანაში? მხოლოდ სახელმწიფო და არმია. რა არის საჭირო იმისთვის, რომ სახელმწიფო ფრავმენცებად დაიშალოს? ძალიან ცოტა: ორი ან სამი სახმედრო დამარცხება... გლეხთა აქა-იქ გამოსვლები, ღია აჯანყება დედაქალაქში...“. Kingston-Mann. Lenin and the problem of Marxist peasant revolution, 1983 წ., გვ. 29. რუსეთში კი ყველა დიდი მოძრაობა და ცვლილება სამხედრო მარცხის შემდეგ იწყებოდა – ყირიმის ომი, რუსეთ-იაპონიის ომი, პირველი მსოფლიო ომი...

⁴⁵ Pogroms-Anti-Jewish Violence in Modern Russian History. edit. By J. Klier and S. Lambroza, გვ. 69.

⁴⁶ ებრაელ რევოლუციონერებს აზრადაც არ მოსდიოდათ, რომ საკუთარი ხალხის კეთილდღეობისათვის ებრძოდნენ და ეზრუნათ. „ნაროდოვოლცების“ იდეალების გავლენის ქვეშ მყოფი ებრაელი ახალგაზრდობა, პირიქით, საკუთარ ფესვებს შორედებოდა, უფროსი თაობის ებრაელებს რალაც ანომალიად მიიჩნევდა და რუსებთან ასიმილირდებოდა. გარდატეხა მათ ცნობიერებაში მხოლოდ 1881-82 წლების ებრაელთა დანიოკების შემდეგ მოხდა.

გან განსხვავებით, ჟანდარმერიაში გამონაკლისებს არ უშვებდნენ: აკრძალული იყო ებრაელების, კათოლიკეების ანდა კათოლიკეებზე დაქორწინებულთა მიღება⁴⁷. აღსანიშნავია, რომ თუ რუს რევოლუციონერებში დაბალი ფენის, წერა-კითხვის უცოდინარები ჭარბობდნენ, ებრაელები მდიდარი და განათლებული ოჯახებიდან იყვნენ. ეს დამახასიათებელი ნიშან-თვისება იყო თითქმის ყველა პარტიისა, გამონაკლისი არც ქართული პარტიები იყო, სადაც უმთავრესად ახალგაზრდა მუშებსა და ლტაკ გლეხებს იღებდნენ.

1901 წელს „ნაროდნაია ვოლიას“ ნანგრევებზე შეიქმნა „სოციალისტ-რევოლუციური“ – ესერების – პარტია, იმავე მიზნებით (აგრარული პოლიტიკა) და იმავე საშუალებებით (ტერორი). საყურადღებოა, რომ პარტიაში ებრაელები დომინირებდნენ. 1903 წლის მოსახლეობის აღწერის მიხედვით 136-მილიონიან რუსეთში სულ შვიდი მილიონი ებრაელი ცხოვრობდა, რევოლუციური პარტიების 50%-ს კი სწორედ ებრაელები შეადგენდნენ⁴⁸. ესერების პარტია რუსეთში მძლავრ ძალას წარმოადგენდა, ამიერკავკასიაში და, კერძოდ, საქართველოში კი „...სოციალისტ-რევოლუციონერთა პარტია, შეიძლება ითქვას, არ არსებობდა, – იმდენად უმნიშვნელო იყო მისი გავლენა მასაში... ის შესდგებოდა სულ მცირე ჯგუფისაგან, უმეტეს ნაწილად მოსულ ელემენტებისაგან. სოციალისტ-რევოლუციონერების მოქმედება გამოიხატებოდა თითქმის ტერორში“⁴⁹.

⁴⁷ თ. სიმაშვილი, საიდუმლო (პოლიტიკური) პოლიცია რევოლუციური პარტიების წინააღმდეგ საქართველოში 1894-1908 წლებში, 2003 წ., გვ. 11.

⁴⁸ А. Гейфман, Революционный террор в России 1894-1917, 1997 წ., გვ. 47.

⁴⁹ ფ. მახარაძე, 1905 წელი ამიერ-კავკასიაში, 1932 წ., გვ. 300.

ქართული ტერორის სათავეებთან

საქართველო და მთლიანად კავკასია ფაქტობრივად გადაურჩა XIX საუკუნის მეორე ნახევარში რუსეთში განვითარებულ რევოლუციურ მღელვარებას, რაც ხშირად „ნაროდნიკების“, ანარქისტების და ზოგადად „ნიჰილისტების“ სისხლიან ქმედებებში ვლინდებოდა. ბუნებრივია, რუსეთის მესიანისტური იდეა დაპყრობილ საქართველოში განვითარებას ნაკლებად იპოვიდა, მით უფრო რუს „მუჟიკსა“ თუ „ობჰჩინაში“ დაუნჯებული კაცობრიობის გადამრჩენელი მისტიკური იდეა.

იმ დროს საქართველოში ილია ჭავჭავაძის მიერ დანყებული ეროვნული თვითშეგნების გამოღვიძებისთვის მიმდინარე განმანათლებლური მოძრაობა ტერორისტული თუ ავანტიურისტული ქმედებებისგან არიდებული იყო. მაგრამ XIX საუკუნის 90-იან წლებში საქართველოში შექმნილმა მარქსისტულმა ჯგუფმა სულ რაღაც ხუთ-ექვს წელიწადში არათუ ახალ საფეხურზე აიყვანა მეფის ხელისუფლების წინააღმდეგ მიმართული მოძრაობის შინაარსი, არამედ საფუძველი ჩაუყარა სოკოეზით მომრავლებულ პარტიებს (ფედერალისტები, ანარქისტები, ესერები, დამნაკები და ა. შ.)⁵⁰ და კატალიზატორის როლი ითამაშა მათ აგრესიულ აქტივობა-ქმედებებსა და ტერორის მრავალფეროვან ფორმებში. რევოლუციური მოძრაობის ავანგარდი ქართველი სოციალ-დემოკრატები (მისი ორივე ფრთა – მენშევიკებიც და ბოლშევიკებიც) რუსული სოციალ-დემოკრატიული პარტიის ანარქელი და შემადგენელი ნაწილი იყო და მოქმედების ფორმებითაც რუსულს ეხმიანებოდა, თუმცა მისგან „უნიკალური“ ქართული (კავკასიური) „ხიბლით“ გამოირჩეოდა. „ხიბლით“, რომელმაც XX საუკუნის 10-იან წლებში ევროპაში ქართველი (კავკასიელი) ტერორისტ-ექსპროპრიატორის სინონიმად აქცია. თავის მემუარებში ნადეჟდა კრუჰსკაია ჰყვება თავსესაქცევე ამბავს, თუ როგორ ჩამოვიდა ერთხელ მათთან, ყენევაში, სტუმრად მიხა ცხაკაია. შეშინებულმა სახლის მფლობელმა ქალმა, რომელსაც ქართველი რევოლუციონერი ცოცხალ ექსპროპრიატორ-ტერორისტად მოეჩვენა, ცხაკაიას კარი ცხვირწინ მიუხურა⁵¹.

ლევ ტროცკი აღნიშნავდა, რომ საქართველოს ჰყავდა მრავალრიცხოვანი ინტელიგენცია, რომელიც ყველა პროგრესულ მოძრაობასა და რუსეთის სამ რევოლუციონარულ შესაძენვე როლს თამაშობდა⁵². მართლაც, საზოგადოდ, ქართველების მონაწილეობა რუსული სახელმწიფოს საქმეებში და, კერძოდ, ქართველი მარქსისტების უზარმაზარი როლი რუსეთის რევოლუციებში კარგად ნაცნობი თემაა, რომ არაფერი

⁵⁰ „Кто? Грузинцы?.. Партий всяких у них. брат. развелось больше, чем блох в собаке. И все друг друга опровергают. и все друг друга не признают. и кто у них за что борется. кто прав, кто виноват - сам архиерей не разберет...“. А. Веселый. Россия кровью умытая, 1990 г., гл. 72. „ვინ? ქართველები? მათთან სხვადასხვა პარტიები ისეა გამრავლებული, ძმაო, როგორც რწყილები ძაღლზე. ერთმანეთს უარყოფენ, ერთმანეთს არ ცნობენ, და ვინ რისთვის იბრძვის, ვინ არის მართალი და მტყუანი, ამას არქიელიც ვერ გაარჩევს...“

⁵¹ И. Дубинский-Мухалзе. Камо, 1974 г., гл. 102-103.

⁵² Л. Троцкий. Сталин, 2007 г.

ეთქვათ იოსებ სტალინის ფენომენზე, რომლის განხილვა ამ წიგნის ინტერესებს სცილდება. თუმცა ქართულ-კავკასიურ ტერორიზმში გარკვევისთვის სოციალ-დემოკრატიის ქართული ფრთისა და მისი მთავარი მოქმედი პირების შესახებ მოკლედ მოყოლა აუცილებლად გვეჩვევება.

XIX საუკუნის მეორე ნახევარში კარლ მარქსის იდეები, უკვე თეორიულად განმტკიცებული და დასაბუთებული, მძლავრად შეიჭრა და მოედო მთელ ევროპას და ამერიკას. თუმცა ოთხმოცდაათიანი წლების დასაწყისში, როცა ლენინი მარქსისტულ ჯგუფში განვერიანდა (ცნობისთვის: პირველი რუსული მარქსისტული ჯგუფი ფენევაში 1883 წელს ჩამოყალიბდა გიორგი პლეხანოვის ხელმძღვანელობით; ლენინის გარდაქმნა მარქსისტად მოხდა 1889 წელს „კაპიტალის“ ნაკითხვის შემდეგ), მოსკოვსა და პეტერბურგში მხოლოდ რამდენიმე პატარა ჯგუფი არსებობდა. მეფის ხელისუფლებას სოციალიზმი ნაკლებ უბედურებად მიაჩნდა იმ დროს უაღრესად აგრესიული და გავრცელებული „ნაროდნიკული“ მოძრაობის ფონზე. შემორჩენილია „ოხრანკის“ ერთი ფუნქციონერის რემარკა ლენინის დაჭერის თაობაზე 1895 წელს: „ასეთი პატარა მოძრაობა ...ალბათ, ამისგან რაიმე 50-60 წლის შემდეგ გამოვა...“ მართლაც, მაშინდელ რუსულ რადიკალურ რევოლუციურ წრეებში მარქსისტული თეორია ნამდვილ უაზრობად მიიჩნეოდა. „დამპალი დასავლეთის“ მარქსისტული გზა წმინდა რუსული „უნიკალური“ გზის განვითარებისთვის აბსოლუტურად შეუსაბამოდ ითვლებოდა, მით უმეტეს, მცირერიცხოვანი მუშათა კლასის არსებობის შემთხვევაში.

ობიექტური მიზეზების გამო ინდუსტრიული კაპიტალიზმი კიდევ უფრო უმნიშვნელოდ იყო ჩამოყალიბებული საქართველოში, რომელსაც, სხვა ქვეყნებისაგან განსხვავებით, ჩამოყალიბებისა და განვითარების კარდინალურად განსხვავებული გზა ახასიათებდა. საქართველოს დიდი ხნის განმავლობაში ერთიანი, მთლიანი სახელმწიფოებრიობის განცდა არ გააჩნდა. ის მონყვეტილი იყო კულტურულ გარე სამყაროს, იმ განმანათლებლურ იდეებს, რომლებიც ევროპაში ჩაისახა, ამიტომაც ქვეყანა ამოვარდნილი იყო სოფლიო განვითარების ერთიანი სისტემიდან. ეს მდგომარეობა კი სავალალოდ აისახა ქართული ეთნოსის ცნობიერებასა და განვითარებაზე. მისი ეკონომიურ-კულტურული განვითარება თითქმის ექვსი საუკუნის მანძილზე იყო გაჩერებული. XIX საუკუნეში დაპყრობილ საქართველოს გარე სამყაროსთან ურთიერთობა, როგორც უზარმაზარი იმპერიის ერთ პანანინა ნაწილს, დანამატს, ისე უხდებოდა. თავიდანვე რუსეთის ხელისუფლება ცდილობდა, ხელში ჩაეგდო საქართველოს ბუნებრივი სიმდიდრე (რაც წარმატებით განახორციელა), აქედან გამომდინარე მას ხელთ ჰქონდა სოფლის მეურნეობის პროდუქტები და იაფი ნედლეული საკუთარი წარმოებისათვის (ასეთივე პოლიტიკა გრძელდებოდა საბჭოთა კავშირის ბატონობის დროსაც). ისიც არ არის გასაკვირი, რომ რუსეთის მიერ ოკუპირებულ ტერიტორიაზე რუსული წარმოების საქონელი დომინირებდა და უცხოური მრეწველობა აქ ძნელად იკიდებდა ფეხს. კაპიტალი ხელთ ჰქონდა ჩაგდებული უცხოელებს, უმთავრესად სომხებს, რუსებს და სხვა ეროვნების წარმომადგენლებს, რომელთაც ყოველნაირი შეღავათი ეძლეოდათ. ეს, პირველ რიგში, იმიტომ ხდებოდა, რომ ქართველები ხელისუფლებასა და ქვეყნის ეკონომიკურ სადავეებთან არ მიეშვათ. ამაში კი ქართველობაც, საკუთარი ქცევისა თუ უკვე გამოიმუშავებულ-შეთვისებული ზნე-ჩვეულების და სიზანტის გამო, ყოველნაირად უწყობდა ხელს. იმ დროის საქართველოში თავადაზნაურობის, ანუ ქვეყნის წარმართველი ძალის, გაღარიბება და დეგრადაცია სწრაფი ტემპით მიმდინარეობდა. მისი შესახებ, როგორც ოდესღაც მეფეებმა და წარჩინებული ფენისა, მთლიანად მშრომელ მასას აწებობდა მხრებზე. ბატონყმობის გაუქმების შემდეგ საგლეხო რეფორმამ ისედაც გაჭირვებული გლეხი, განსაკუთრებით დასავლეთ საქართველოში, უფრო მძიმე მატერიალურ

მდგომარეობაში ჩააგდო, რაც დროთა განმავლობაში კიდევ უფრო უარესდებოდა. მარათალია, მწარმოებელი კლასის მცირე ნაწილი ეკონომიურად ძლიერდებოდა და საოჯის ბურჟუაზიის რიგებში გადადიოდა, მაგრამ აბსოლუტური უმრავლესობა უძლურდებოდა და უკიდურესი სიღატაკისკენ მიექანებოდა. ეს იყო მიზეზი იმისა, რომ გლეხი საარსებო წყაროების მოსაპოვებლად საკუთარ კარ-მიდამოს ტოვებდა და სამოვარზე მიდიოდა. ქართველ გლეხებს ბათუმში, ტუაფსეში, ნოვოროსიისკში, ოდესაში, ციმბირსა და რუსეთის სხვა ადგილებში შეხვედებოდათ.

როცა ჩვენს სიმდიდრეებს უცხოტომელები ეპატრონებოდნენ, ქართველები დროსტარებითა და ქეიფით იყვნენ დაკავებული. ცნობილია, რომ მეფისნაცვალ ვიროსცივის მმართველობის დროს, პირველი ოპერის თეატრის მშენებლობა რომ გადწყდა, ეს საქმე ვაჭარ თამამშევს დაევალა. მშენებლობისთვის მიწა მან დღევანდელი თავისუფლების მოედანზე თავად ესტატე ციციშვილისაგან ორ დოშად და ორი კაცის საკაბედ (!) შეიძინა (რომ იტყვიან, კომენტარი ზედმეტია). ამას ისიც დაუმატეთ, რომ ქართველების ლამის ყველა ფენის წარმომადგენელი ამპარტავნობდა და უკადრისობდა ვაჭრობაში მონაწილეობას და ის საკუთარი ღირსების შელახვად მიაჩნდა. ქართველის „...რაინდულ ხატში ვაჭრობა არ შედის...“ – წერდა მერაბ მამარდაშვილი⁵³. ოდითგანვე ყოველ ქართველს საკუთარი თავი გამორჩეულ და ლამის ღმერთისგან რჩეულ პიროვნებად წარმოედგინა. „რა გინდ ღარიბი ყოფილიყო იმერელი კაცი, ვაჭრობას მაინც არ კადრულობდა. გლეხიკაცის ქოლი ბაზარში ქათამს ან გოჭს გასაყიდათ რომ გამოიყვანდა, პირისახეს თათრის ცალივით აიხვევდა: არავინ ნამესწროს ასეთ საზიზარ საქმეზეო“⁵⁴. ასე აღწერდა ზოგადად ამ ქართულ კუდაბ-ზიკობას ვაჭრის ოჯახში დაბადებული ნიკო ნიკოლაძე, რომელმაც უდიდესი ამაგი დასდო ქართული ეკონომიკის ჩამოყალიბება-აღორძინების საქმეს. ზემოთ ჩამოთვლილ მიზეზთა გამო საქართველოში ეროვნული ბურჟუაზია თითქმის არ არსებობდა, ან მისი აქტივობა ნულს უახლოვდებოდა.

ქართველების ემოციური და ინტელექტუალური სამყარო, თუ სხვადასხვა მოგონებებს დავეყრდნობით, გაჯერებული იყო ზღაპრების, მითოსის და ფანტაზიების ტვრითით. მძიმე რეალობას რომ გაქცეოდნენ, ადამიანები „ფანტასტიკურ ატმოსფეროში“ იხარშებოდნენ. მიუხედავად მძლავრი ქრისტიანული მრწამსისა, ცრურწმენა ყველა სოციალურ წრეში იყო გავრცელებული. „ჩემი ბავშვობის ხანაში... ქონდათ წარმოდგენა ქვეყნიერებაზე სავსებით ზღაპრულათ და სანაულებრივათ. საერთო აზრი იყო: ქვეყანა დასახლებულია უჩინარი სულებით, რომლებიც ებრძვიან ადამიანებს... ჭინკა, ქაჯი, ეშმაკი, დევი, კუდიანი, მზაკვაი და სხ. ბავშვებს ყავთ მიჩენილი ჭინკა, ხოლო დიდებს ყველა დანარჩენი...“⁵⁵ და აი, ასეთ სამყაროსა და ცნობიერებაში შემოღის მარქსიზმი, რაციონალური აზროვნების წესით, ათეიზმით, მეცნიერებაზე აქცენტით, რელიგიური მითოსის კრიტიკით და ამ სწავლების მოპოვებარზაციით, რაც უამრავი არაღლეგალური თუ ნახევრად ლეგალური გაზუთისა და პუბლიცაციის გავრცელებას, სასწავლო ჯგუფების შექმნას და „მასებთან საგანმანათლებლო“ მუშაობას გულისხმობდა.

პირველი მარქსისტული ჯგუფი საქართველოში 1892 წელს შეიქმნა (აღსანიშნავია, რომ ჯერ კიდევ 70-იანი წლების ქართულ პრესაში ქართული ინტელიგენცია უკვე მსჯელობდა ევროპაში მარქსიზმის გავრცელების შესახებ. იმ დროიდან ჩვენში მარქსისტული ლიტერატურაც გაჩნდა). ამ ჯგუფის, რომელსაც „მესამე დასი“

⁵³ მ. მამარდაშვილი, 2007 წ., გვ. 93.

⁵⁴ ნიკოლაძე, მოგონებები, 1984 წ., გვ. 23.

⁵⁵ ნ. ჟორდანი, ჩემი წარსული, 1990 წ., გვ. 17.

დაერქვა (თუმცა მოსახლეობაში „ახალი თაობის“ სახელით იყო ცნობილი), შეკრების ინიციატორი ქართველი მწერალი და პუბლიცისტი, მარქსიზმის ერთ-ერთი პირველი მიმდევებელი ეგნატე ნინოშვილი (ინგოროყვა) იყო. შეკრება გაიმართა ზესტაფონში 1892 წლის 25 დეკემბერს, შობადღეს, 12 კაცის შემადგენლობით: ეგნატე ნინოშვილი, ნოე ჟორდანიას, ნიკოლოზ (ქარლო) ჩხეიძე, მიხა ცხაკაია, ისიდორე რამიშვილი, არსენ ნითლიძე, ევგენი ვანაძე, ისიდორე კვიციანიძე, იოსებ კაკაბაძე, დიმიტრი კალანდარიშვილი, რაჟდენ კალაძე და სილიბისტრო ჯიბლაძე.

შეხვედრის მიზანი საქართველოსთვის განვითარების ახალი გზის გეგმის შემუშავება იყო. ორი დღე-ღამის განმავლობაში მიდიოდა ბჭობა – რუსული „ნაროდნიკული“ მიმდინარეობა აერჩიათ თუ მარქსიზმის პოზიციაზე გადასულიყვნენ⁵⁶. საბოლოოდ ჯგუფი მარქსიზმზე შეჩერდა. „მესამე დასკვნებზე“ ნამდვილი რევოლუცია მოახდინოს ქართულ ცნობიერებაში, – წერდა ცნობილი მენშევიკი გრიშა ურატაძე, და არ შეიძლება, მას არ დაეთანხმო.

ძალიან მალე „მესამედასკვნების“ დახმარებით და მონაწილეობით ჩამოყალიბდა პირველი მარქსისტული წრეები, სადაც იმართებოდა კამათი და დისკუსიები, ვრცელდებოდა და იკითხებოდა არალეგალური ლიტერატურა და ქართული ჟურნალ-გაზეთები. გურიის და შემდეგ მთელი საქართველოს გლეხები და მუშები გროვდებოდნენ და უსმენდნენ განსხვავებული პოლიტიკური მიმდინარეობების ორატორების დიალექტიკურ პაექრობებს. ფაქტია, რომ მარქსიზმმა მძლავრი ბიძგი მისცა საქართველოში, პირველ რიგში, წერა-კითხვის განვითარებას და შემდეგ მითოსურ ცნობიერებაში რეალისტური, ლოგიკაზე დაყრდნობილი აზროვნების შემოსვლას.

ადამ ულაში მარქსიზმის შესახებ წერდა: „მარქსიზმის ემოციები და მეტყველება სუნთქავს მეცხრამეტე საუკუნისთვის დამახასიათებელი ძალმომრეობით და ხელისუფლებისადმი გამონევეით, ამასთანავე მისი დასკვნა არის ყინულივით რაციონალური და პრაქტიკული. რუსეთის „პოპულიზმის“ ინტენსიური ემოციონალიზმის შემდეგ მარქსიზმი უნდა წარმოემდგარიყო, როგორც მოდელი „გამოფხიზლების და რეალიზმისა“. მსგავსი განვითარება უნდა მომხდარიყო საქართველოშიც, სადაც მითოსური აზროვნება რეალიზმის ნაკადით გაზავდა, და, რაც მთავარია, მეცნიერულად დასაბუთებული, გარდაუვალი გამოსავლის (რევოლუცია) იდეამ რწმენის თეოლოგიური მოდელი ჩაანაცვლა. სტალინის ყრმობის მეგობარი და იდეური მონინააღმდეგე, მენშევიკი იოსებ ირემაშვილი წერდა: „...უკიდურეს სილატაკეში მცხოვრები რუსეთის ქვეშევრდომებისათვის ახალი მოძღვრება სახარებად იქცა“⁵⁷.

ქართველთაგან მარქსიზმის იდეებს პირველად დიდი მოღვაწენი ნიკო ნიკოლაძე, ილია ჭავჭავაძე და სხვები საფუძვლიანად გაეცნენ, ბევრად უფრო ადრე, ვიდრე ეს „მესამედასკვნებმა“ შეძლეს, მაგრამ „...ცხადია, აქედან არ გაუყოლებიათ ის დასკვნები, რაც ქართველმა „მესამედასკვნებმა“ გააკეთეს“⁵⁸. ილია ჭავჭავაძემ შეისწავლა ბელინსკის, ჩერნიშევსკის, გერცენის, დობროლიუბოვის რევოლუციურ-დემოკრატიული იდეოლოგია, ასევე გაეცნო ევროპელი ეკონომისტების, ფილოსოფოსებისა და პოლიტიკური მოღვაწეების შეხედულებებს. მან ეს ყველაფერი შეითვისა და გადახარშა, მაგრამ „...არა ბრმად, არამედ შემოქმედებითად და კრიტიკულად, ყველა ამ იდეას იგი მისი სამშობლოს ინტერესებიდან მიუდგა... იმგვარად, როგორადაც მისი ქვეყნის პროგრესისათვის გამოადგებოდა“⁵⁹. გიორგი ლასხიშვილი იხსენებს ილია

⁵⁶ Г. Уратадзе. Воспоминания грузинского социал-демократа. 1968 წ., გვ. 12.

⁵⁷ ი. ირემაშვილი, სტალინი და საქართველოს ტრავედია, 2006 წ., გვ. 26.

⁵⁸ გ. ყორანაშვილი, ილიას ფენომენი, 2007 წ., გვ. 260.

⁵⁹ ა. სურგულაძე, ნარკვევები ქართველი ინტელიგენციის ისტორიიდან, 1980 წ., გვ. 114.

ჭავჭავაძესთან ერთ მუხედრას, სადაც მსჯელობა იყო გამართული რევოლუციური მოძრაობის, თვითმპყრობელობის მოსაზრებასა და საქართველოში საკონსტიტუციო რეჟიმის დამყარების შესახებ. რუსეთს ჭავჭავაძე მძინარე ილია შურომეცს ადარებდა, რომელიც თუ გაიღვიძებდა, საქართველოს ჯერ ეკონომიკურად დაიპყრობდა, შემდეგ კი ან გაარუსებდა, ან საერთოდ გაანადგურებდა (ალბათ, თვით ილიასთვისაც შეუძლებელი იყო, დაენახა დროში განელილი ის ნგრევა და საბოლოო ჯოჯოხეთური აფეთქება, რომელიც რუსულმა მარქსიზმმა წარმოშვა). მან ამის მიზეზად ქართველების ეკონომიკური და ნაციონალური თვითშეგნების სისუსტე დაასახელა, რაც არ ახასიათებდათ არც პოლონელებს და არც ფინელებს (მაშინ რუსეთის ქვე-მეგრდომებს), რომელთათვისაც საკონსტიტუციო რეჟიმი სასარგებლო იქნებოდა, რადგანაც ისინი „ძლიერი არიან როგორც ეკონომიურად, ისე ეროვნულის შეგნებით“. ხოლო „სამართლიანი სამეფოს“ შესახებ მან განაცხადა: „ჯერჯერობით ეგ ნამდვილი ოცნება და ზღაპარია, ყოველ შემთხვევაში, ისეთი შორეული ამბავია, რომ სანამ პავლე მოვა, პეტრეს ტყავს გააძრობენ“⁶⁰. ტყავი რომ ქართველებს გააძრეს, ეს ყველამ კარგად დაეინახეთ, თუმცა ტყავის გაძრობის პროცესშიც კი (რასაც თვითონვე ვუნწყობდით ხელს), ჩვენ ისევ რუსეთს მივდევდით კუდში, ამ გენიოსი ქართველის გზას არამცთუ გადავუხვიეთ, თვით ეს ადამიანი გავუყენეთ საიქიოს გზას. „ილიას მკვლელობა იყო სიმბოლო იმ ფაქტისა, იმ შინაგანი სულიერი პროცესისა, რომელიც ხდებოდა ქართველებში და იმით გამოვლინდა, რომ ქართველი ერი განუღვა ილიას მიერ შემოთავაზებულ გზას“⁶¹. სიმპტომატურია, რომ, როცა სოხუმის საპატიმროში მყოფმა ფედერალისტმა თედო სახოკიამ ილია ჭავჭავაძის მკვლელობის ამბავი შეიტყო, ყველა პოლიტიკურ პატიმარს მოუწოდა, სამძიმრის დეპუტა გაეგზავნათ გაზეთის რედაქციაში. სოციალ-დემოკრატებმა – „პარტიული მოსაზრებით ვერ შემოვიერთდებითო“ – უარი განაცხადეს⁶².

როგორც აღვნიშნეთ, ქართველი სამოციანელები, „თერგდალეულები“ ილია ჭავჭავაძის მეთაურობით რუსი რევოლუციონერი დემოკრატების იდეებზე იყვნენ აღზრდილი, მაგრამ ამას მათთვის ხელი არ შეუშლია, მყარად მდგარიყვნენ ეროვნულ ნიადაგზე. „თერგდალეული“ მიზანს ხომ ქართველების ეროვნული ცნობიერების გამოვლინება და მათი გაერთიანება წარმოადგენდა ერთი საერთო მიზნისთვის – სახელმწიფოებრივი დამოუკიდებლობის და მთლიანობის აღდგენისათვის (იმ დროს ერთიანი საქართველოს ცნება, როგორც ასეთი, საზოგადოებაში არ არსებობდა და ვერც იარსებებდა. „...საქართველო ნიშნავდა ქართლს, ქართველი ქართლელს, ხანდახან – კახელსაც. ერთი მთლიანი საქართველო მის (ქართველის) წარმოდგენაში სრულებით არ არსებობდა...“ – იხსენებდა ნოე ყორღანია⁶³. ამ მხრივ ასევე ნიშანდობლივია საზოგადო მოღვაწისა და მწერლის იოსებ იმედაშვილის მოგონება ეგნატე ნინოშვილის შესახებ, სადაც ის წერს: „...გურია გავგონილი მქონდა მხოლოდ მაშინა, ჯაბა და ვახტანგ გურიელების სახელით, თვითონ გურია რას წარმოადგენდა, ჩემთვის უცნობი იყო“⁶⁴). ეროვნული ცნობიერების განცდა ერთიანი სახელმწიფოებრივი ინსტიტუტისა მანამდეც არსებობდა. ის, რომ ქართველებს ეს ცნობიერება ლამის

⁶⁰ გ. ლასხივილი, მემუარები, 1992 წ., გვ. 82.

⁶¹ მ. მამარდაშვილი, 2007 წ., გვ. 93.

⁶² ჩვენ შეგნებულად თავი ავართოდეთ საქართველოში მომხდარ ყველაზე გახმაურებული, დღემდე გაურკვევლობის ბურუსის მოცული ტერაქტის შესახებ საუბარს, რადგან მიგვაჩნია, რომ ეს ეპიზოდი ცალკე განხილვის საგანია.

⁶³ ნ. ყორღანია, ჩემი წარსული, 1990 წ., გვ. 15.

⁶⁴ ზ. ტულუში, მოგონებები ნინოშვილზე, გურული ლექსიკა, 2008 წ., გვ. 65.

გაუქრათ, ობიექტური მიზეზების შედეგი იყო, რომელშიც ლომის ნილი იმავე რუსულ თვითმპყრობლობას მიუძღვის, რომელიც ყოველთვის ცდილობდა, ემოქმედა რომაეთს აპრობირებული ტაქტიკით – გათიშე და იზატონე (ტერმინი „გათიშვა“ ამ შემთხვევაში ადამიანთა ცნობიერებას ეხება). იგივე გრძელდება დღესაც, XXI საუკუნეში, როდესაც რუსული პროპაგანდისტული მანქანა ცდილობს, დაამტკიცოს, რომ უძველესი ქართული სახელმწიფოებრიობაც და ქართველი ერიც გამონაგონია და რომ ქართველი ერი სულ ახლახან, XIX-XX საუკუნეების მიჯნაზე, ჩამოყალიბდა.

პირველი ქართველი მარქსისტები სამოციანელთა იდეოლოგიაზე გაიზარდნენ, ეს მდიდარი მემკვიდრეობა უადვილებდა მათ ახალი მიმართულებების ძებნას. XIX საუკუნის მიწურულს ქართული ეროვნული მოძრაობა მიმდინარეობდა დაიშალა და დაიწყო პოლიტიკური პარტიების აღმოცენება. ამგვარი პარტიები უდიდეს როლს თამაშობდნენ ევროპის მონინავე ქვეყნებში, რასაც არ შეიძლებოდა გამოძახილი არ ჰქონოდა რუსეთში, შესაბამისად საქართველოშიც. როგორც აღვნიშნეთ, საქართველოში პირველად პოლიტიკურ პარტიად ორგანიზება სოციალ-დემოკრატიულმა პარტიამ დაიწყო „მესამე დასის“ სახელით. თუ თავდაპირველად ქართველი სოციალ-დემოკრატების პროგრამაში ეროვნული სოციალიზმის იდეებს განსაკუთრებული ადგილი ეკავა, XIX-XX საუკუნეების მიჯნაზე იქ ფეხს იკიდებს რუსული სოციალ-დემოკრატიის იდეები, რის გამო ხდება ამკარა დაპირისპირება ეროვნულ მოძრაობასა და ეროვნულ საკითხებსა. ამის დასტურია ილია ჭავჭავაძისა და „დასიანების“ ლიდერის ნოე ყორდანისა საგაზეთო პოლემიკა. იმის მაგივრად, რომ მარქსისტებს საკუთარი ძალები სხვა გზით წარემართათ, მონინალმტვედ ის ადამიანები, ის ჯგუფი აირჩიეს, რომელსაც პატრიოტულად განწყობილი საქართველოს დიდი ნაწილი უჭერდა მხარს. „თერგდალეულები“ კიცხავდნენ „მესამედასელებს“ ეროვნული ნიშნისა და ინდეფერენტისთვის, ამ უკანასკნელთ კი ეროვნული (ისევე, როგორც თავის დროზე ხალხოსნებს, რომლებიც სოციალურ პრობლემებს სწევდნენ წინს) არაფერი აინტერესებდათ. მათი აზრით, მუშას, რევოლუციის მამოძრავებელ ძალს, სამშობლო არა აქვს, ერი მამინ გათავისუფლებოდა, როცა ქვეყანაში სოციალიზმი გაიმარჯვებდა. რუსული და ქართული მარქსისტული მსოფლმხედველობის თანხვედრა კარგად არის ასახული ერთ საგულისხმო ფაქტში, რომელიც მოყვანილი აქვს თავად სიმონ სიდამონ-ერისთავს მემუარებში და რაც კიდევ ერთხელ ადასტურებს რუსი და ქართველი სოციალისტების მსოფლმხედველობის ერთობას: როცა მეფე ნიკოლოზ II გადადგა და მთელი რუსეთი ანარქიამ მოიცვა, პეტერბურგის სამხედრო აკადემიაში შედგა საუბარი რექტორ კრილენკოსა და ცნობილ რევოლუციონერ ბონჩ-ბრუცივიჩს შორის. ამ უკანასკნელის ნათქვამზე, რომ ახლა რუსეთის ინტერესებია დასაცველი, კრილენკომ იატაკზე დააფურთხა, ქუსლით გასრისა და უპასუხა: „აი, რას ვუმერები მე რუსეთის ინტერესებს. ჩემთვის საერთაშორისო კომუნისმის ინტერესები უფრო მნიშვნელოვანია“⁶⁵.

რევოლუციონერი და ბომბების დამზადების სპეციალისტი, ვლასა მგელაძე იხსენებს გიორგი წერეთლის ერთ გამონათქვამს: „სოციალისტობა კარგია, ბატონო,

⁶⁵ The Memoirs of Colonel Prince Simon C. Sidamon-Eristoff. 2002 წ. გვ. 142.

*... 1903 წელს ლონდონის ყრილობაზე... ქართველი სოციალ-დემოკრატია პროგრამულადაც და ორგანიზაციულადაც საბოლოოდ რუსის სოციალ-დემოკრატისა შეუკავშირდა... აქედან იწყება ჩვენი მესამე დასის გადაგვარება, მისი გათქვეფრა რუსულ უსახო და უფორმო ოპორტუნისში. ერთს დროს ამ ხალხმა თითქმის სრულიად დაივიწყა საკუთარი ტრადიციები და რუსულ-ებრაული ყარგონი შეითვისა. გადაგვარების პროცესმა არ დაინდო თვით ნოე ყორდანია. სექტანტურმა ფინანსობამ დაჩრდილა მისი ნათელი აზროვნება, მენშევიკებისა და ბუნდისტების გავლენამ მას ნაკლებ სასიქადული სტრიქონები უკარნახა ფედერალისტებისა და ტერიტორიული ავტონომიის იდეის წინააღმდეგ...“ გ. ქიქოძე, ეროვნული ენერგია, 1919 წ., გვ. 110-111.

მარა ისეთი სოციალისტი უნდა იყო, როგორც პოლშელი სოციალისტებია. რუს სოციალისტს პოლშელი სოციალისტი სახლში არ შეუშვებს. სოციალისტი უნდა იდგეს ეროვნულ ნიადაგზე და როცა განთავისუფლდებით, მეურვეელსთან კავშირი⁶⁶. მენშევიკებად და ბოლშევიკებად გაყოფის შემდეგაც ქართული სოციალ-დემოკრატია ყველანაირი სახის ფრაქციულ ბრძოლაში იქნა ჩათრეული, მაგრამ, შიდა პარტიული ბრძოლების მიუხედავად, ორივე ფრაქცია დიდი ძალისხმევით უპირისპირდებოდა ეროვნულ მოძრაობას⁶⁷. ამ პარტიაზე ყურადღება იმიტომ გავამახვილეთ, რომ მას თავისი პოპულარობით, მრავალრიცხოვნობითა და გავლენით ბადალი არ ჰყავდა. 1906 წლის 16 მარტით დათარიღებულ „პოლიტიკურ მიმოხილვაში“ თბილისისა და ქუთაისის გუბერნიებში რევოლუციური მოძრაობისა და თბილისში პოლიტიკურ ძალთა განდიდების შესახებ ვკითხულობთ: „უმთავრესი რევოლუციური ძალა თბილისში ადგილობრივი პროლეტარიატია, უპირატესად ქართული, რომელიც დგას რუსეთის სოციალ-დემოკრატიული მუშათა პარტიის დროშის ქვეშ. სოციალისტ-რევოლუციონერები, სოციალისტ-ფედერალისტები და დაშნაკისტები, როგორც რევოლუციური ძალა, არსებული პოლიტიკური რეჟიმის წინააღმდეგ კავკასიაში აქტიური საქმიანობის გამწევი არ არიან“. ასევე მითითებულია, რომ „აქ პოლიტიკური საკითხი მჭიდროდ არის გადახლართული ეროვნულ საკითხთან, რაც აძლევს დიდ უპირატესობას რევოლუციურ და ოპოზიციურ ძალებს თავის საქმიანობაში, ამიტომ მათი ამოცანა სანახევროდ გაადვილებულია“⁶⁸. გაუგებარია, რას გულისხმობდა ამ პარტიის ავტორი, როცა ამტკიცებდა, რომ პოლიტიკური საკითხი ეროვნულთან გადახლართვა რუსეთის დროშის ქვეშ მდგარ იმავე სოციალ-დემოკრატებს საქმიანობას უადვილებდა, მაშინ, როცა ამ უკანასკნელთ მხოლოდ მსოფლიო რევოლუციის ინტერესები ანუხებდათ და ეროვნული საკითხის გაგონებაც კი არ სურდათ და ამას არც მალავდნენ („ქართველებს ყველაფრის გადაჭარბება გვიყვარს, და ჩვენი მარქსისტებიც ისე შორს წავიდნენ თვისი ინტერნაციონალიზმით, რომ „ხალხს“ აყვირებდნენ, – „არ გვინდა ავტონომია“, და რაიცა მართლაც საკვირველია, არც ქართული ს. დ.-ული პარტია შექმნეს მათ, არამედ „რუსეთის ს. დ. მუშათა პარტია“ ნერვები იყვნენ. ქართველები იყვნენ მხოლოდ, რომლებსაც საკუთარი ს. დ. პარტია არ უნდოდათ, სხვას კი ყველას ჰქონდა იგი რუსეთში: სომხებს, ებრაელებს, პოლონელებს და სხვ.“⁶⁹).

როცა განგებამ უნიკალური შანსი ჩაგვივდო ხელში, რომელზეც ყოველი სალად მოაზროვნე ქართველი პატრიოტი ოცნებობდა, ანუ დამოუკიდებელი სახელმწიფოს აღდგენის შანსი, მაშინაც კი ბევრი განთქმული ქართველი რუსეთს მისტიროდა: 1918 წლის 25 მაისს, საქართველოს დამოუკიდებლობის გამოცხადების წინა დღეს, რუსეთის დუმის ყოფილმა დეპუტატმა კაკი წერეთელმა, რომელიც იმ დროს უკვე

66 ვ. მეღლაძე, მოგონებები, 1972 წ., გვ. 38.

67 სანამ ერთმანეთს სამკდრო-სასიცოცხლოდ გადავიდებოდნენ, მენშევიკ-ბოლშევიკებს ერთმანეთში ძალზე თბილი და მეგობრული დამოკიდებულება ჰქონდათ. XIX საუკუნის 90-იანი წლების დასაწყისში გურიის სხვადასხვა ადგილებში გაიმართა თეატრალური წარმოდგენები, სადაც სუფილიორობას სილიბისტრო ჯიბლაძე კისრულობდა. გაყიდული ბილეთებიდან შემოსული მთელი შემოსავალი – 300 მანეთზე მეტი – გაეგზავნა ფილიპე მახარაძეს ვარშავაში, სადაც ის ექვთერინარულ ინსტიტუტში ნოე ჟორდანიასთან ერთად სწავლობდა. ა. წულაძე, ეთნოგრაფიული გურია, 2009 წ., გვ. 148.

68 თ. სიმამელი, საიდუმლო (პოლიტიკური) პოლიცია რევოლუციური პარტიების წინააღმდეგ საქართველოში 1894-1908 წლებში, 2003 წ., გვ. 107.

69 მ. წერეთელი, ერი და კაცობრიობა, 1990 წ., გვ. 293-294.

თბილისში იმყოფებოდა, გაიგო თუ არა დამოუკიდებლობის ამბავი „...გულშენუბ-
ბული ჩავარდა სავარძელში და გააკიოდა ისტერიო-„ისტორიულ“ სიტყვებს: „რას
შვებით, თქვენა ლუპავთ რუსეთის დემოკრატიას!“⁷⁰ ისიც სათქმელია, რომ თვით
უმალეს ემელონებშიც კი არ იცოდნენ, რა ექნათ ამ თითქოს ციდან ჩამოვარდნილი
დამოუკიდებლობისათვის. ნოე ჟორდანიას წერდა: „მაშასადამე, დღის წესრიგში დაის-
ვა საქართველოს დამოუკიდებლობის გამოცხადება. ეს იყო სრულიად მოულოდნელი,
არასოდეს არ გათვალისწინებული ამბავი, მისი გატარება ჩვენს რევოლუციონურ ორ-
განიზაციებში გახდა დიდ თავსამტკრევე ამოცანათ...“⁷¹ დამოუკიდებლობის გამოცხად-
ების აუცილებლობა გამომდინარეობდა იმდროინდელი მსოფლიო სიტუაციიდან,
როცა რუსეთმა საქართველოზე კონტროლი დაკარგა, შიდა ეროვნულმა ძალებმა
მოძრაობა დაიწყეს და აქედან გამომდინარე სოციალ-დემოკრატები იძულებული
იყვნენ, ქვეყნის დამოუკიდებლობა გამოეცხადებინათ, დამდგარიყვნენ ეროვნულ
ნიადგავზე, ანუ გადაედგათ ის ნაბიჯი, რის წინააღმდეგაც ისინი წლების მანძილზე
გააფთრებით იბრძოდნენ.

ოდინდელი რუსული კითხვის – „რა ვაკეთოთ?“ მსგავსად, ქართველებმაც სა-
კუთარ თავს უნდა დაუსვან – „რა მოხდა?“, როგორ მოხდა, რომ ერმა შინაგანი
„სახე“ დაკარგა და რუსულ აპოკალიფსში ასე თავდავიწყებით გადაეშვა, სიკვდილის
„ხიბლით შეიპყრო და სიცოცხლის გემო დაკარგა“⁷². ქართველს უყვარს საკუთარი
თავის წარმორჩენა, წინა პლანზე წაწევა, თავისი ბუნებით ის არტისტია, პოზიორი და
გამოირჩევა განსაკუთრებული ემოციურ-ხასიათობრივი თავისებურებებით, ხშირ
შემთხვევაში ისტერიული მახასიათებლებით, და როგორც ყველა ისტერიელს, ახა-
სიათებს „სხვასთან“ იდენტიფიკაციის (გაიგივების) უნარი. ამ გაიგივებით ქართველი
სახეს იცვლის და „სხვად“ გარდაისახება. სხვასთან გაიგივება შესაძლებელია, როცა
მსგავსებას აღმოაჩენ შენსა და იმ ობიექტს შორის, რომელთანაც იდენტიფიკაციას
ახდენ⁷³.

ქართველობის გამმსახურებელი ნიშანი არის და იყო (და, ალბათ, იქნება) „სამი
ლეთაბრივი საუნჯე“ – მამული, ენა, სარწმუნოება. როცა „უცხო ტომისა“ და გან-
სხვავებული სარწმუნოების ხალხი შენი მამულის წართმევას ცდილობს, მომხდურ-
თან იდენტიფიკაციის მოხდენა უბრალოდ ძნელია ან კიდევ შეუძლებელი. ზემოთ
აღნიშნული ინდივიდუალურობის „მიმნიშნებლები“ ან რაიმე მსგავსების ქონა მომხ-
დურთან, რაც ამ იდენტიფიკაციას გაადვილებდა, არ არსებობდა უთვალავ თათარ-
მონღოლ-თურქთან მიმართებაში. ერთმორწმუნეობის არსებობას კი ქართველი
რუსებთან „ნათესაურ“ კავშირად აღიქვამდა, რამაც გაიგივების პროცესს დაუდო
საფუძველი.

ამ იდენტიფიკაციის პროცესში ობიექტი, რომელთანაც გაიგივება ხდება, კარ-

⁷⁰ რ. გაბაშვილი, რაც მახსოვს, დაბრუნება, ტ. 3, 1992 წ., გვ. 211.

⁷¹ ნ. ჟორდანიას, ჩემი წარსული, 1990 წ., გვ. 89.

⁷² მ. მამარდაშვილი, 2007 წ.

⁷³ „ქართველი, რომელიც ყოვლის მხრიდან შებოჭილია, – წერდა მიხაკო წერეთელი, – რომელიც ეროვნული სიცოცხლით არა სიცოცხლობს, რასაკვირველია სხვაგან ეძებს თავის რწმენის მოთხოვნილებათა დასაკმაყოფილებელ საშუალებასა. მისი აღზრდა რუსულია, ე. ი. უცხოა, რომელიც არა თუ აკავშირებს მას ეროვნულ წარსულთან და კულტურასთან, არამედ სრულიად უწყვეტს მასთან შემაერთებელ ძაფებსა და აზიარებს სხვა, უცხო, რუსულ ანუ ევროპიულ კულტურულ სფეროსთან, – მაგრამ მხოლოდ მახინჯად... ასეთი ზიარება კი ქართველს ვერც ევროპიელად ხდის და ვერც რუსად, თანაც ქართველობას აცლის და ამგვარად იგი რაღაც უცნაურ ტიპად ხდება, სულიერ არარაობად...“. მ. წერეთელი, ერი და კაცობრიობა, 1990 წ., გვ. 201.

გავს „უცხოს“, მომხდურის, მტრის თვისებებს, უფრო ზუსტად, იდენტიფიკატორი ითავისება მის (ობიექტი) თვისებებს. რუსეთი „ჩემიანი“ ხდება, შესაბამისად – აშკარა მტრისადმი სიფიზღე დუნდება. ძალდატანება მხოლოდ აღრმავებს წინააღმდეგობას თავსმომხვეულისადმი – ხეარაზმის შაჰის ჯალალედინის მიერ ქართველებისთვის ქრისტიანობის უარყოფის მოთხოვნას 100 000 ქართველი შეენირა, სარწმუნოებაზე და, მაშასადამე, „მეობაზე“ უარის თქმას უმრავლესობამ ცნობიერად სიკვდილი არჩია. ყოველი მათგანისთვის ქრისტიანობა პიროვნულის განმსაზღვრელი მომენტი იყო და პიროვნულზე უარის თქმა ფსიქოლოგიურ სიკვდილს ნიშნავდა, რაც ფიზიკური სიკვდილისკენ ნაბიჯის გადადგმას აიოლებდა. იგივე ძალდატანება, „შენიანისგან“ მომდინარე, შერბილებული თუ გაუკუღმართებული ფორმით აღიქმება. რა თქმა უნდა, საუკუნეების მანძილზე თვითგადარჩენისთვის ბრძოლით ფიზიკურად და სულიერად დაბლილი ერს „ერთმორწმუნეში“ ნათესავის დანახვის დიდი სურვილი ჰქონდა და ამ სურვილის აშკარად სანინააღმდეგო რეალობის დანახვა, ბუნებრივია, ძნელი აღმოჩნდა. მაგრამ აღსანიშნავია ისიც, რომ რუსეთთან გაიგივების პროცესს ისტერიული სურვილის ასრულებაც მოჰყვა – მსოფლიო ასპარეზზე გამოსვლის სურვილის აღსრულება!

რა უნდა ყოფილიყო იმაზე უფრო „მოკლე გზა“ მსოფლიო სცენაზე გამოსვლისა, ვიდრე დედამიწის ერთ მეექვსედზე გადაჭიმული სახელმწიფოს სიცოცხლით ცხოვრება და ინტერნაციონალურ მარქსისტულ მოძრაობაში თავქუდმოგლეჯით გადაშვება. რა უფრო ააგზნებდა ქართველს – მსოფლიოსთვის უცნობი და „მიყრუებული“ ქვეყნის ნაბიჯ-ნაბიჯ რუტინული შენება, თუ რუსული სოციალ-დემოკრატიის ავანგარდში ყოფნა და მისი წარმმართველი ძალის შექმნა, რაც მსოფლიო პროცესების ფერხულში გადავარდნას და გარდაუვალის („მარქსისტული“ სამოთხის დამყარება, ერთდროული სოციალისტური რევოლუცია ევროპის ყველა ქვეყანაში და არა მარტო იქ. ჩე გევარას ხსენებაც კი არ იყო, როდესაც 1908 წელს ქართველები („გურჯები“) სპარსეთში რევოლუციის დასახმარებლად გაიჭრნენ) შენებაში წამყვანი როლის შესრულებას ნიშნავდა, რაც იმავდროულად ისტერიული თვითტკბობის უმძაფრესი განცდაც იყო. საზოგადო მოღვაწე გრიგოლ ლორთქიფანიძე ალტაცებული წერდა: „...ჯერ კიდევ უკანასკნელ რევოლუციამდე და საქართველოს გათავისუფლებამდე ქართველი ხალხი სოციალ-დემოკრატიის მეთაურობით იღებს ამიერკავკასიაში პოლიტიკური გეგემონის როლს. კიდევ მეტი, ქართველი ერი რევოლუციის დროშით ხელში სრულიად რუსეთის სარევოლუციო მოძრაობის სათავეში ექცევა და აქ, მაღალ ტრიბუნაზე, მთელი მსოფლიოს წინაშე ბრწყინვალეთ იჭერს პოლიტიკურ სიმნიფის ეგზამენს“⁷⁴. მართლაც, ქართველი რევოლუციონერების მოღვაწეობა მთელი რუსეთის მასშტაბით სამაგალითო გახდა: იმპერიის სხვადასხვა ადგილებში სამხედრო ორგანიზაციები ქართულის მსგავსად იქმნებოდა, არალეგალური სტამბების შესაქმნელად და პრესის გამოსაცემად ქართველ „სპეციალისტებს“ და მათ გამოცდებით, დაბლილებით ასი ათასმა ადამიანმა უარი განაცხადა რუსულის შეცვლას და სიმნიფის გათელვაზე, რისთვისაც მათ თავი მოკვეთეს და მტკიარში გადაყარეს.

⁷⁴ 1226 წელს ჯალალედინმა თბილისი აიღო და გაუგონარი სისასტიკით დაიწყო მოსახლეობის ამოუღება. მან მეტეხის ხიდზე ქრისტესა და ღვთისმშობლის ხატები დააწყობინა, ქრისტიანებს უბრძანა, მაშპადაინათა ელიარეზინათ და ხატები ფეხით გაეთლათ. ვინც ამას არ შეასრულებდა, თავის მოკვეთით უმუქრებოდნენ. მხოლოდ მცირე ნაწილმა მიიღო ეს წინადადება. თვითმხიველთა ადამოციებით, დაბლილებით ასი ათასმა ადამიანმა უარი განაცხადა რუსულის შეცვლას და სიმნიფის გათელვაზე, რისთვისაც მათ თავი მოკვეთეს და მტკიარში გადაყარეს.

⁷⁵ გ. ლორთქიფანიძე, ფიქრები საქართველოზე, 1995 წ., გვ. 99.

დენდენ... ახდა ცნობილი გენერალ-მაიორის, მაქსუდ ალიხანოვ-ავარსკის ნინას-ნარმეტყველება, რომელიც მან გააუღერა თბილისში ვორონცოვ-დაშკოვთან შეხვედრისას, რომ საქართველოს რევოლუციური მოძრაობა ტონს აძლევს მთელ რუსეთის იმპერიას. დადგება დრო, როდესაც საქართველოს სოციალ-დემოკრატიული პარტია რუსეთის რევოლუციის ავანგარდში აღმოჩნდება, რომელიც იმპერატორის ტახტს პირქვე დაამხოვს. ამიტომაც, – ამბობდა ალიხანოვ-ავარსკი, – რაღაც უნდა დამიჯდეს, ეს მოძრაობა საქართველოში უნდა ჩაეახშო და თითოეულ კაცზე ორ-ორი კაზაკი და სამ-სამი ტყვია უნდა ვიანგარიშო.

მსოფლიოს ავანსცენაზე ყოფნა მხოლოდ ქართული თვითმყოფადობის („მეს“, სახის) დაკარგვის საფასურად იყო შესაძლებელი, თუ „მე“-ში ილიას გზას, ქართული სახელმწიფოებრიობის განცდას გავითვალისწინებთ. დამონებული და სახელმწიფონარმეთული ქართველი მარქსისტები და სოციალისტები მთელი თავდადებით, მუხლწაუხრელად იბრძოდნენ საერთაშორისო ინტერნაციონალიზმისა და მსოფლიო სოციალიზმის გამარჯვებისათვის, თითქოს თავისუფალი და გაფურჩქნილი ქვეყნის შვილები იყვნენ. საერთოდ, ეს დამახასიათებელი თვისებაა ქართველი კაცისა – უცხო ქვეყნის სამსახურში ჩადგომა და მისთვის თავგანწირვა, როცა თავზე საკუთარი ჭერი გენგრევა. კაკი წერეთლის რეაქციაც საქართველოს დამოუკიდებლობის გამოცხადებაზე – „ამით თქვენ რუსეთის სოციალ-დემოკრატიას უთხრით ძირს“ – გლობალურიდან კერძოზე, პროვინციულზე, ყველასთვის უცნობ „პატარა“ სახელმწიფოში დაბრუნების პანიკური შიშის გამოვლენა იყო, ისტერიელის შიში „გაბრწყინების“ საშუალების მოსპობის გამო.

მარქსიზმის შემოსვლამ დააჩქარა კულტურული ტრადიციების რღვევა, მოშალა შინაგანი მორალური მუხრუჭები, შემოიტანა ახალი ღირებულებები, რომლებიც უმაღლეს სათნოებად სოციალისტურ რევოლუციას სახავდნენ და იეზუიტური დოქტრინის – „მიზანი ამართლებს საშუალებას“ – პრინციპით ოპერირებდნენ (1891-92 წლებში სამარაში დაწყებული შიმშილობის დროს, როცა მოსახლეობა კატასტროფული სისწრაფით იხოცებოდა, ყველა რადიკალური რევოლუციური ჯგუფი ხელისუფლებას დაუკავშირდა შიმშილობის ერთობლივი ძალეობით დაძლევის მიზნით. ერთადერთი რადიკალი, რომელმაც ხელისუფლებასთან თანამშრომლობაზე უარი თქვა, სამარაში მცხოვრები ვლადიმერ ულიანოვი იყო. „რაც უარესია, მით უკეთესია“ – ამ პრინციპით ამართლებდა მომავალი ბელადი თავის საქციელს).

ავტორიტარული თვითმმართველობის, ანუ მეფის თვითმპყრობელობის, შეცვლის, დემოკრატიული ინსტიტუტების ჩამოყალიბების, ადამიანის ღირსებისა და უფლებების (ძმობა, ერთობა, თავისუფლება) მაქსიმალურად განვითარების ამ კეთილშობილურმა მიზანმა რუსულ-ქართული მარქსიზმის შემთხვევაში მეორე „ულანზე“ გადაინია და მარქსიზმი რევოლუციის მოხდენისა და ადამიანის სისხლით ტკბობის საშუალებად იქცა. ეს იყო მარქსისტული იდეოლოგიის მებრძოლი ვერსია – მრისხანე და დაუნდობელი მარქსიზმი⁷⁶, მიმართული ყველასა და ყველაფრის წინააღმდეგ, რაც მას საკუთარი მიზნების მიღწევაში შეუშლიდა. როდესაც უძველეს ქართულ ჭურჭელში ახალი მარქსისტული ღვინო ჩაასხეს, ღვინომ ეს ჭურჭელი გახეთქა...

⁷⁶ სტალინი ისტორიასა და ისტორიკოსთა შეფასებებში, 2002 წ., გვ. 57.

ბანალური ტერორი – ილია ნებიერიძის ამბავი

XX საუკუნის დასაწყისიდან საქართველოში ისევე, როგორც მთელ რუსეთის იმპერიაში, განურჩევლად ყველა პარტია ახდენდა ტერორისტულ აქტებს, ექსპროპრიაციებს, მკვლევებს, შეიარაღებულ თავდასხმებს და ძარცვა-გლეჯას სახელმწიფო, კერძო სექტორსა და კერძო პირებს. ამ შემთხვევაში ისინი არაფრით განსხვავდებოდნენ უბრალო მძარცველებისაგან (ისიც აღსანიშნავია, რომ ამ საქმეებში რევოლუციონერები უპარტიო სისხლის სამართლის დამნაშავეებს, მკვლელებსა და მძარცველებს იყენებდნენ – რევოლუციაში ყველა უნდა გამოვიყენოთ). ნაშოვნ ფულს იდეურ მიზნებსაც ახმარდნენ და საკუთარ თავსაც. ამ მხრივ სოციალ-დემოკრატების ორივე ფრაქცია იყო გამორჩეული, თუმცა ისინი ამაში მუდმივად ერთმანეთს სდებდნენ ბრალს⁷⁷. კავკასიაში მიმდინარე მოვლენებთან დაკავშირებით პრემიერ-მინისტრი სტოლიპინი მეფისნაცვალ ვორონცოვ-დაშკოვთან მიწერილ წერილებში ღრმა შემოფოთებას გამოხატავს და მოჰყავს 1907 წელს მომხდარ დანაშაულთა სტატისტიკური მონაცემები, საიდანაც ჩანს, რომ კავკასიაში მხოლოდ 1907 წელს 3050 ტერორისტული შემთხვევა მოხდა, აქედან 1732 ძარცვა იყო, მოკლულთა რიცხვი 1239-ს შეადგენდა, ხოლო დაჭრილების – 1253-ს. ამავე ცნობებით, მხარეში იზრდებოდა როგორც ნაციონალისტური, ისე საერთო რევოლუციური პროპაგანდა, რომელიც მჭიდრო კავშირშია რევოლუციონერთა ქმედებასთან რუსეთში. ჩადენილი დანაშაულებების მიხედვით გუბერნიებში ადგილები ასე გადანაწილდა: 1) თბილისის, 2) ქუთაისის, 3) ბაქოს, 4) ყუბანის, 5) ერევნის, 6) ელიზავეტოპოლის და ა. შ.⁷⁸

საქართველოში არსებული ტერორისტული აქტივობა რუსეთის იმპერიის სხვა ნაწილებში არსებულ სიტუაციას, მაგალითად პოლონეთის მდგომარეობას, რომ შეეადაროთ, ერთი თვალში საცემი განსხვავება წარმოგვიდგება: პოლონელი სოციალ-დემოკრატებისა და საზოგადოდ პოლონელების ტერორი მიმართული იყო პოლონეთის სახელმწიფოებრიობის აღდგენისკენ, განსხვავებით ქართველების მიერ წარმოებული ტერორისა. პოლონელებმა იცოდნენ, რომ ტერორის საშუალებით საკუთარ მიზნებს ბოლომდე ვერ მიაღწევდნენ, მაგრამ ამით ისინი შიშის ატმოსფეროს ბადებდნენ რუსულ ადმინისტრაციაში და ძალადობრივი გზით აიძულებდნენ ზოგიერთ დათმობაზე წასვლას. ტერორისტების მიერ რუსული ადმინისტრაციის წარმომადგენლების დახოცვა პოლონურ საზოგადოებაში დიდი თანაგრძნობითა და ენთუზიაზმით აღიქმებოდა, რადგან ტერორისტები პოლონელების მტრებს ანადგურებდნენ და ამით საკუთარი ქვეყნის განთავისუფლებას და დამოუკიდებლობის აღდგენას უწყობდნენ ხელს.

საქართველოში არსებული იმდროინდელი მდგომარეობის შესახებ „ივერია“ წერდა: „...ისე დღე არ გაივლის, რომ ოცი და ოცდაათი შემთხვევა არ მოხდეს თავ-

⁷⁷ თ. სიმაშვილი, საიდუმლო (პოლიტიკური) პოლიცია რევოლუციური პარტიების წინააღმდეგ საქართველოში 1894-1908 წლებში, 2003 წ., გვ. 50.

⁷⁸ Письма П. А. Столыпина. Письмо графу И. И. Воронцову-Дашкову, 1908 г. www.hrono.info/libris/stolypin/stpn_dashk.html.

დასხმისა და მეკლელობისა, არავითარი ფასი და პატივისცემა აღარ აქვს არც საკუთრებას და არც სიცოცხლეს ადამიანისა. ისეთი ოჯახი აღარ არის, რომელსაც უსახელი მუქარის წერილი არ მიეღოს მძარცველთაგან, რომელიც ფულის მოთხოვნის საბუთად არა იშვიათად სხვა და სხვა პარტიებსა და „კომიტეტებს“ ასხენებენ და ადრესატებს ყუმბარისა და ტყვიის მოლოდინით აშინებენ... ეს თავზე ხელაღებული ყაჩაღები, რომელთაც თავი განწირული აქვთ, ქათმის ოდნადაც არ აფასებენ ადამიანის სიცოცხლეს.“⁷⁹

1901 წელს უანდარმთა პოდპოლკოვნიკი დებილი პოლიციის დეპარტამენტს ატყობინებდა, რომ კრებაზე, რომელიც ორთაჭალაში შედგა, თბილისის სოციალ-დემოკრატიული კომიტეტის წევრებმა მიიღეს დადგენილება: 1) არ დაზოგონ თავიანთი სიცოცხლე საზოგადო საქმისათვის. 2) არ გასცენ ამხანაგები. 3) დახოცონ ჯაშუშები. ამ ბოლო პუნქტს სოციალ-დემოკრატებიც და სხვა პარტიის წარმომადგენლებიც დიდი ენთუზიაზმით ასრულებდნენ. ბოლშევიკების იდეური მამა და წინამძღოლი ვლადიმერ ლენინი ხომ პირდაპირ მოუწოდებდა, რომ ტერორისტული რაზმის წევრებს დაუყოვნებლივ უნდა დაეწყოთ შეიარაღებული თავდასხმები: „...ახლავე შეიარაღდნენ, ვისაც როგორ შეუძლია, რევოლუერით, დანით, ნავთით გააქლენთილი ჩვრით... ზოგმა ახლავე მოკლას „შპიკი“, ააფეთქოს საპოლიციო უბანი, სხვები ბანკს დაესხნენ... ყოველი ჯგუფი გაიწვრთნას თუნდაც გოროდოვოებზე თავდასხმებით...“⁸⁰

ამ ტაქტიკის შედეგად ყველაზე მეტი დანაკარგი გოროდოვოებმა განიცადეს – მათ დღისით-მზისით, თავხედურად, ხშირად ყოველგვარი მიზეზის გარეშე ხოცავდნენ, ანუ სუსტებს ურტყამდნენ, ძლიერებს რომ შეშინებოდათ. დარაჯები და მეეზოვეები XIX საუკუნის ბოლოდან პოლიციაში ირიცხებოდნენ, ხელფასი ეძლეოდათ და მათ მოვალეობაში შედიოდა თვალყურის დევნება უკანონო განცხადებების, აფიშების, პროკლამაციების გამკერვლებისთვის, ასევე სახლის ბინადრებისთვის, რომ მათ პოლიტიკური დევნილი არ შეეფარებინათ ან კრებები არ ჩაეტარებინათ. თბილისის პოლიცემის ტერმა ბრძანებაც კი გამოსცა, რომ სახლის მეპატრონეებს თვალსაჩინო ადგილას გამოეკიდათ ყველა მდგმურის გვარები, წინააღმდეგ შემთხვევაში ისინი პასუხისგებაში იქნებოდნენ მიცემული. ყველა კანონსაწინააღმდეგო ქმედების შესახებ – იქნებოდა ეს მიტინგი, შეკრება და სხვა – მეეზოვეებს და დარაჯებს დაუყოვნებლივ უნდა ეცნობებინათ პოლიციისთვის და შეესრულებინათ პოლიციელების ნებისმიერი მოთხოვნა. 1902 წლის 12 იანვარს სოციალ-დემოკრატიული პარტიის თბილისის კომიტეტმა გამოუშვა მონოღება, სადაც ე. წ. მეეზოვეების ინსტიტუტის შემოღებასთან დაკავშირებით ნათქვამია: „...რა არის მეეზოვე რუსეთის ქალაქში? – ეს არის ყველა მობინადრეების ბატონი, და არა მარტო მობინადრეებისა, სახლის პატრონისაც... ვის იცავს მეეზოვე? თქვენ მოსისხლე მტერს – თვითმპყრობელ მთავრობას, მის ბატონობას, თვითნებობას, მის უკონტროლო მოქმედებას, ხალხის ძარცვას...“

⁸¹ ამიტომაც გასაკვირი არ უნდა იყოს, რომ მეეზოვეები და გოროდოვოები ტერორისტებს მიზანში ჰყავდათ ამოღებული, მათზე გახშირებული იყო თავდასხმები, რასაც გაზეთებიდან და არქივებიდან ამოკრებილი მასალებიც ცხადყოფს:

„Русское слово“ (1905 წ. 27 აპრილი): „ერთ ეზოში იპოვეს სისხლში მოსვრილი თავის ქალის ნაფლეთები და ქუდი მეეზოვის ნიშნით. ეს მეეზოვე წინააღმდეგ საღამოს დაიკარგა სახლიდან. ვერც გვაში, ვერც მეკლელი ჯერ ვერ აღმოაჩინეს“.

⁷⁹ „ივერია“, 1906 წ., 14.

⁸⁰ Ленин. Сочинения, 1929 წ., ტ. 8, გვ. 326.

⁸¹ გ. გიორგაძე, თვითმპყრობელობა და რევოლუცია, 1929 წ., გვ. 218.

„...ერთხელ ჯაშუშ მეგობრებსან ჩხუბი მომივიდა. ხმა რომ აეუმაღლე, უეცარივ მესმის: „დასცხე, კოტე, არ შეუშინდე ეგენი ჟანდარმერიის ნაგეში ქოფაკები არიანო. სახე არ დამენახა, მაგრამ ხმაზე უკვე ვიცანი, რომ ეს სოსო (ჯულაშვილი) იყო“⁸².

„Кавказь“ (1905 წ. 6 ივნისი): „სალამოს რეის ნახევარზე სადგურის მოედანზე რევოლვერის ტყვიით მოკლეს მეგობრე მათე ფედოსეევი, 21 წლისა. მკვლეელი ივანე ანთაძე შეიპყრეს“.

„ლაშკარი“ (1906 წ., №2): „გუშინინი, 18 აპრილს, სალამოს 6 საათზე თუმანოვის მესამე ქუჩაზე, საკუთარ სახლში მოკლეს გრიგოლ ქართველიშვილი. როგორც ამბობენ, ქართველიშვილს პოლიციის აგენტობას აბრალებდნენ“.

„Кавказь“ (1905 წ. 25 ივნისი): „ავლაბარში ძმძიმედ დასჭრეს ზურგში უზნის ზედმხედველი ილინი. იქ მყოფმა ყაზახმა თავი მოკვეთა მკვლელს. ამის შემდეგ ასტყდა განაცხადა, მაშინ უცნობებმა სთხოვეს, ერევანიანა რომელიმე ცუდად დაცული მაღაზია, რაზეც კუჭავამ სასტვენით პოლიციელები მოიხმო. უცნობებმა სასტვენი წაართვეს და გაიქცენ. ცოტა ხანში გოროდოვი გერასიმე ბანძელაძესთან, აღწერის მიხედვით, იგივე ადამიანები მივიდნენ, გაუბეს საუბარი, იარაღი წაართვეს და გაუჩინარდნენ⁸³. იყო შემთხვევებიც, როცა პოსტზე მდგარ პოლიციელს ევაჭრებოდნენ – დიდ ფულს მოგცემთ და იარაღი მოგეყიდეთ“.

ხელისუფლების დაბალი რანგის მოხელეებისადმი რევოლუციონერების დამოკიდებულება, ცოტა არ იყოს და, დამცინავი და აბუჩად ამგდებიც იყო. ერთ ღამეს ქუთაისში (ამბავი ხდება 1906 წელს) გოროდოვი გიორგი კუჭავასთან კაზაკისა და არტილერისტის ფორმაში ჩაცმული ორი უცნობი მივიდა და ერთი მანეთი მოსთხოვა, წინააღმდეგ შემთხვევაში იარაღის წართმევით დაემუქრა. კუჭავამ კატეგორიული უარი განაცხადა, მაშინ უცნობებმა სთხოვეს, ერევანიანა რომელიმე ცუდად დაცული მაღაზია, რაზეც კუჭავამ სასტვენით პოლიციელები მოიხმო. უცნობებმა სასტვენი წაართვეს და გაიქცენ. ცოტა ხანში გოროდოვი გერასიმე ბანძელაძესთან, აღწერის მიხედვით, იგივე ადამიანები მივიდნენ, გაუბეს საუბარი, იარაღი წაართვეს და გაუჩინარდნენ⁸³. იყო შემთხვევებიც, როცა პოსტზე მდგარ პოლიციელს ევაჭრებოდნენ – დიდ ფულს მოგცემთ და იარაღი მოგეყიდეთ“.

1905 წლის ოქტომბერსა და 1906 წლის აპრილს შორის რუსეთის იმპერიაში ტერორისტების მიერ მოკლული და დაჭრილი შინაგან საქმეთა სამინისტროს 671 თანამშრომლისაგან მხოლოდ 13-ს ეკავა რაიმე ადმინისტრაციული თანამდებობა, დანარჩენები უბრალო პოლიციელები, მეზოვეები და დარაჯები და ა. შ. იყვნენ. ისინი ყველანი ფორმაში იყვნენ გამოწყობილი, რაც უკვე საკმარისი იყო, რომ ტერორისტებს მათზე იერიში მიეტანათ, როგორც სახელმწიფო ადმინისტრაციის წარმომადგენლებზე.

ტერორისტული სულისკვეთებით გაჟღენთილი თვალსაჩინო მაგალითებია გამოქვეყნებული ჟურნალ „რევოლუციის მატჩანეში“, რომელიც თბილისში 1923-31 წლებში გამოდიოდა. გამოცემაში იბეჭდებოდა ცნობილი ქართველი და ხანდახან რუსი ბოლშევიკების სტატიები და წერილები. ცენტრის ნაკლებობის თუ უყურადღებობის გამო, ან იმდროინდელ სიტუაციაში ტერორის გამართლების მცდელობად წარმართული კამპანიის გამო (ეს ყველაზე დამაჯერებლად და მართებულად მიგვაჩნია) წერილები ღია ტექსტით იბეჭდებოდა, ანუ ავტორი შეუზღუდავად და დაუფარავად გადმოსცემდა თავისი ბიოგრაფიის თუ უახლესი რევოლუციური ისტორიის ყველა ფაქტს. აი, ზუსტად ერთი ასეთი პუბლიკაციაა „ტერორისტის მოგონებანი“, რომელიც ვინმე ილია ნებიერიძემ დაწერა⁸⁴. ავტორი იმდროინდელი „ჩვეულებრივი“ ტერორისტის განზოგადოებულ პორტრეტს გვიხატავს და საკმაოდ გულწრფელად და დანერვილებით გადმოსცემს მის ყოველდღიურ, „რუტინულ“ საქმიანობას. ვფიქრობთ,

⁸² კოტე ჩარკვიანი, მსსსს ფონდი 8, აღწერილობა 2, ნაწილი 1, საქმე №54, გვ. 199.

⁸³ სცსსა ფონდი 83, აღწერილობა 1, საქმე 198.

⁸⁴ „რევოლუციის მატჩანე“, №2 (22), 1929 წ.

ამგვარი თხრობა ზუსტად გადმოგვცემს ტერორისტის და საზოგადოების ინდიფერენტულ დამოკიდებულებას კაცის კვლის საზარელი ყოველდღიურობისადმი.

...1901 წლიდან ემსახურობდი რკინის გზის მთავარ სახელოსნოს სარონოდო განყოფილებაში. მაშინ 18 წლისა ვიყავი. ამავე სარონოდო სააღმშენებლო განყოფილებაში გავიცანი სტეფანე ზაქრაძე, ზაქრო ჩოდრიშვილი, გიორგი სტურუა... მალე ამირჩიეს ათისთავად და პარტიულ გადასახადს ვაგროვებდი. გარდა ამისა მავალბდნენ დაფარული კრებისათვის ოთახის მოვნას, რომელიც მეტი წილი ჩემ ოთახში ხდებოდა, აგრეთვე დავალბული მქონდა არალეგალური ბროშურების (პროკლამაციის) დანაწილება და დარიგება მთელ სარონოდო ცეხში და აგრეთვე სტოლიარის ცეხშიც.

1903 წ. სტეფანე ზაქრაძემ და გიორგი სტურუამ დამავალეს მომეკლა სარონოდო განყოფილებაში მომუშავე მექვაბე განჩაროვი, როგორც მუშათა კლასისთვის მავნე პიროვნება (საინტერესოა, ვინ დაადგინა ბედკრული გონჩაროვის „მავნებლობა“, უფრო მოსალოდნელია ვიფიქროთ, რომ ვინმეს პიროვნული წყენის მსხვერპლი გახდა. იმდროინდელ რეალობაში ხშირი იყო ტერაქტები, რომელსაც უფრო პირადული ხასიათი ჰქონდა, ვიდრე იდეური საფუძველი. კლაედნენ მევალებს, სასწავლებლიდან ან სამსახურიდან დათხოვნილები – დირექტორებს და უფროსებს, მალაზიების მეპატრონეებს, რომელთაც ნისიად საქონელი არ მისცეს და კიდევ მრავალი სხვა მიზეზის გამო. ყველაზე საველადო კი ის იყო, რომ ეს დანაშაულებანი საზოგადოების თვალში აღიქმებოდა, როგორც პოლიტიკური ტერაქტი - ი. მ., ლ. ხ.). ამ აქტის შესრულება ვიკისრე, რისთვისაც ზაქრაძემ მომცა რეკოლექტური (ბრაუნინგი). ეს იყო ჩემი პირველი გასვლა ტერორისტულ ასპარეზზე. როცა განჩაროვი სამუშაოთ მიდიოდა სარონოდო განყოფილებაში, დავხედი და ვესროლე, დავჭერი მძიმედ მუხლში, რის შემდეგ უვარგისი შეიქმნა მუშაობისათვის, მე კი თავს ვუშველე. ჩემს მაგივრად დაიჭირეს პარმენ სვანიძე, რომელიც რამდენიმე თვის ციხეში ჯდომის შემდეგ სასამართლომ გაამართლა.

ამის შემდეგ ტიხონა სანაძის ხელმძღვანელობით შესდგა ტერორისტთა ჯგუფი. 1903 წელს სტეფანე ზაქრაძის და ზაქარია ჩოდრიშვილის დავალებით მძიმედ დავჭერი სამორიგო ოთახში ბრიგადირი სამსონ გამყრელიძე, როგორც მავნებელი მუშათა კლასისა. გამყრელიძე მორჩა ქრილობისაგან და ამის შემდეგ ემხრობოდა მუშათა მოძრაობას“.

ამ ტერაქტებს იმდროინდელი პრესა ეხმიანებოდა. „Кавказ“ (1905 წ. 12 იანვარი): „დაახლოებით დილის 6 საათზე მოკვლის განზრახვით დასჭრეს ამიერკავკასიის რკინის გზების მთავარ სახელოსნოს რონოდების ამქრის ბრიგადირი სამსონ გამყრელიძე. ბოროტმზრახველმა ორი ტყვია ესროლა მას. ერთი მათგანი მოხვდა დაზარალებულს მარცხენა ბეჭში, მეორე ტყვია კი მოხვდა სახელოსნოს ფანჯრის ჩარჩოს. დაჭრილი გამყრელიძე გაიგზავნა რკინის გზის საავადმყოფოში... ბოროტმზრახველი მიიძალა“.

კვლავ ნებთერძის დაფურთხედით: „ამავე 1903 წელს სანაძის ხელმძღვანელობით მოვკალით დღურადი ეზუფოვიჩი, როგორც მავნებელი მუშათა კლასისა. ამავე წელს მე და ტიხონა სანაძე დაუხვდით ნაძალადევი რკინის გზის ეკლესიიდან მომავალ ლიანდაგის მუშების უფროსს და სროლა აუტეხეთ, მაგრამ მან თავს უშველა და თავის საცხოვრებელ ოთახში შევარდა. მეორე დღეს მუშებმა გადმოგვცეს, რომ პალტო დახვრეტილი ჰქონდაო და თვითონ კი უვნებლად გადარჩენილიყო. მიზეზი ამისა კი ის იყო, რომ ტანზე სცმოდა ჩაჩქანი, ამის შემდეგ მუშებს კარგათ ეყურობოდა.

1903 წელს მოხდა საპირველმისო დემონსტრაცია, სადაც ეხლა მუშათა სასახლეა. ავნიით ნითელი დროშა, რისთვისაც ყაზახებთან და პოლიციისათან შეტაკება მოგვიხდა. აშხ. სტეფანე ზაქრაძემ და სტეპკო პარკუსაძემ აღმოაჩინეს ჯაშუში მამულაშვილი, რომელიც იყო მოთავსებული ნაძალადევი ილიკო ხათათასის სახლში. ბევრი კითხვები შემდეგ საბუთების მიხედვითაც თვითონაც გამოტყდა... ჯაშუში მამულაშვილი ყელ-გამოჭრილი დავადეთ დეპოს ამოსასველ გზაზედ ბაკების წინ შუალამისას...

1904 წ. ჩვენ ტერორისტთა ჯგუფში მივიღეთ ნიკოლეიშვილი. ამავე წელს ს. ზაქარაძემ გამოგვიცხადა სახელოსნოს უფროსი ხელოსნის პავლოვის მოკვლა... ამ პეტის შესრულება იკისრა ამხ. ნიკოლეიშვილმა. მე კი მცველად გავყე. დავუხვედი ბომბავალს სამსახურში თავის სახელოსნოს კანტორის ახლოს, სადაც მიეპარა ნიკოლეიშვილი და ესროლა რევოლვერი. ტყვიამ თავის კანი გადასწვა, თვითონ პავლოვმა კი იმავე ნაშენი სროლითვე უპასუხა, რომლითაც მუცელში დაჭრა მსუბუქათ ამხ. ნიკოლეიშვილი. მოინდომა მისი დაჭერა, ეხმარებოდნენ მაშინდელი პატრიოტი მუშები. მე აღარ დავაცალე, ვიძრე რევოლვერი და შეუტიე, ისინი თავზარდაცემულნი გაიქცნენ. ამ შემთხვევით ისარგებლა პავლოვმა და გაიქცა თავის კანტორაში. შემდეგ მსუბუქათ დაჭრილი ნიკოლეიშვილი სახელოსნოდან გამოვიყვანე და სოფელში გავვზავნეთ. პავლოვი თუმცა გვიცნობდა ორთავს, მაგრამ რაღაც მიზეზების გამო არ გავცვა".

ამონარიდი ვახუთიდან „Русские чужие“ (1905 წ. 28 მარტი): „გუშინ, საღამოს 8 საათზე, რევოლვერის ტყვიით საკუთარ მალაზიაში მოკლეს სამაქარლამოს პატრონი ალიხანოვი. მკვლელი, ორი ახალგაზრდა ადგილობრივი მცხოვრები, შეიპყრეს“.

ნებიერიძე: „1904 წელს მთავარ სახელოსნოს წარმომადგენლები გიორგი თათუზოვმა დაგვიბარა მე და ამხ. სანაძე დიდუბეში თავის საცხოვრებელში⁸⁵. სტეფანე ზაქარაძის თანხმობით წავედით თათუზოვთან, სადაც დაგვიხვდა თბილისის კონდიტრების წარმომადგენელი... გადანყდა საკონდიტროს პატრონის ალიხანოვის მოკვლა. საკონდიტრო იყო ვორონცოვის ძეგლის პირდაპირ. წავედით მეორე დღეს

85 გიორგი თათუზოვი „აქტიურ ბოლშევიკად“ ითვლებოდა. ის უანდარმერიის მიერ განსაკუთრებით სამიმ პიროვნებად იყო მიჩნეული. თათუზოვი რამდენჯერმე იყო დაპატიმრებული, მაგრამ თავის დაღწევას ყოველთვის ახერხებდა. 1906 წელს ის ისე დააპატიმრეს, ჩხრეკისას კი სახლში ბომბები უპოვეს. თავისუფლების სანაცვლოდ მან ჯაშუშობა იკისრა. როგორც ამბობენ, ავლანის საიდუმლო სტამბა მისი გაცემულია. გადანყდა მისი მოკვლა. მან უკვე იცოდა მოსალოდნელი თავდასხმის შესახებ და ამიტომ რევოლვერით შეიარაღებული დადიოდა. 1906 წლის ერთ დღეს, როცა თათუზოვი ქუჩაში მიდიდა, მას ტერორისტმა გარსო მამაცაშვილმა ზურგში იარაღი დაახალა. სიკვდილის წინ თათუზოვი-ზიცილიანოვს ვახუთი და შემთხვევითი გამკვლელი ფეხში დაჭრა. საინტერესოა მამაცაშვილის ისტორია: ისინი განიხილეს მამნი იყვნენ, სამივე ტერორისტი, რომლებიც ერთ დროს ვანო („ტურა“) მაისურაძის წითელ რაზმში იყვნენ გაერთიანებული. ძმები მონაწილეობას იღებდნენ ტერაქტებსა და ექსპროპრიაციებში – მავალითად, კაჭრეთში ერთი თვის განმავლობაში ერთსა და იმავე ადგილას თბილისიდან მომავალი საფოსტო ეტლი ორჯერ გაძარცვეს. ამ ფულით შეიძინეს იარაღი, რომელიც თანამინდის გორაზე დამალეს. ასევე გაისტუმრეს საჯარეჯოელი ვაჭრებისა და თერძების ვალი. იქამდე ისინი ნიხად იღებდნენ ყველაფერს მაისურაძისა და ქართლ-კახეთის წითელი ზმელად გაერთიანებული შტაბის უფროსის ვანო ალიხანაშვილის (გურულის) სათითო, რადგან „...ბევრი ჩვენი ამხანაგი ტიტელი და ფეხნიშვილი იყო და ბოლო დროს ჩვენ მინათურების სახელიდან საქმელ პურისაც აღარ გვაძლევდნენ – წადით და „ერთობის პარტიამ გაჭამოთ პური“. ვანო ალიხანაშვილი, შსსს ფონდი 93, აღწერილობა 2, საქმე 1153, ფურცელი 11. ერთხელ მამაცაშვილების უმცროს ძმას გრიპის და მის ამხანაგს ჩარკვიანს ოფიცერ ტენიკოვის მოკვლა დაავალეს. ტერორისტებმა ტენიკოვს ესროლეს, მაგრამ ააცილეს. პოლიციამ ორივე დააპატიმრა და კახაკებისა და ოფიცერ იმნაძის თანხლებით მეტეხის ციხეში გადააგზავნა. როდესაც ციხის კარებთან მივიდნენ, გაქცევის ბრალდებით იმნაძემ ორივე ტერორისტი მოკლა. გარსო გვჯანყვიტა, შური ეძია და შესაფერის მომენტს ელოდებოდა (იმნაძის ძმაც პოლიციამი წააბურღა). 1907 წლის გაზაფხულის ერთ დღესა გრიბოედების ქუჩაზე გარსომ რევოლვერიდან გასროლით ერთ-ერთი ძმა მოკლა. როგორც კი მეორე იმნაძემ ძმის დალუპვის ამბავი გაიგო, ეტლში წაჯდა და მიცვალებულის სანახავად მიხეილის საავადმყოფოში გაემგზავრა. ვორონცოვის ძეგლთან გარსომ ეტლს ბომბი ესროლა. თვითმხილველების გადმოცემით, იმნაძის სხეულის ნაჭრებს ცოცხით აკრუებდნენ. ასე გაისტუმრა საიქიოს გარსო მამაცაშვილმა ორი საათის განმავლობაში ორივე ძმა. იმავე წელს გარსო სხვა ტერორისტებთან ერთად თავს დაესხა შავრაზმელ ცალხელა პიორიშკინს. მას რანდენიმე ყუმიბარა ესროლეს, მაგრამ პიორიშკინი სასწაულებრივად გადაურჩა სიკვდილს. პოლიციელებმა გარსო ფეხში დაჭრეს და შეიპყრეს. სამხედრო სასამართლომ მას ჩამოხრება მიუსაჯა და 1908 წელს გარსო მამაცაშვილი, „ძალიან ჩუმი კაცი“, რომელიც „არ გავდა ზოგიერთ ტრაბახა ტერორისტებს“, მეტეხის ციხეში ჩამოახრგეს. „რევოლუციის მატთან“, 1924 წ., 4-5.

ოთხი ამხანაგი: მე, ტიხონა სანაძე, ნიკოლეიშვილი და ნოე თევზაძე. მიეუახლოვდით თუ არა ვორონცოვის ძეგლს, დაგვიხვდენ ცხენოსანი ყაზახები, რომლებიც ყარაულობდნენ ალიხანოვს, რადგანაც მუქარის წერილი მიიღო... შემამე დღეს... მე შევედი საკონდიტროში, შემდეგ შემოვიდა აშხ. თევზაძე. ესროლა ალიხანოვს, იგი სასიკვდილოდ დაიჭრა, თევზაძე მაშინვე გარეთ გავარდა. სროლა მოუხდა პოლიციელებთან. ნიკოლეიშვილმა ულალატა და დაიმალა. მე კი დავრჩი ალიხანოვთან, რადგანაც იმ შემთხვევაში შეუძლებელი იყო გარეთ გამოსვლა. მერე ვიდროვე და გამოვიპარე გარეთ. თევზაძე და ნიკოლეიშვილი დაიჭირეს, უკანასკნელი გაიქცა, რის შემდეგ ჩვენც დაგვიჭირეს. ვიჯექი ოთხი თვე ნახევარი ციხეში".

ამონარიდი გაზეთიდან „Русское слово“ (1905 წ. 4 აგვისტო): „სამხედრო-საოლქო სასამართლოში გაირჩა თევზაძის, ნიდეირიძის (ნებიერიძის – ი. მ., ლ. ხ.), სინაძის (სანაძის – ი. მ., ლ. ხ.) და ნიკოლეიშვილის საქმე, რომელთაც ბრალად ედებათ საშაქარლამოს პატრონის ალიხანოვის მოკვლა... სასამართლოს განაჩენით 17 წლის თევზაძეს და 20 წლის ნიკოლეიშვილს მიესაჯათ ჩამოხრჩობა. ნიდეირიძე და სინაძე სასამართლომ გაამართლა. სასამართლომ დაადგინა აღძრას შუამდგომლობა მეფის მოადგილის წინაშე სასჯელის შემსუბუქების შესახებ. ბრალდებულებმა სრული სიმშვიდით მოისმინეს სასიკვდილო განაჩენი“.

კვლავ ნებიერიძე: „1904 წელს შევადგინეთ ტერორისტთა პატარა ჯგუფი სტეფანე ზაქრაძის ხელმძღვანელობით. ზაქრაძემ განმიცხადა მოკვლა მთავარ სახელოსნოში მომუშავე ჭედედელ კრაფჩენკოსი, როგორც ჯაშუშისა... მცველად გამომყვა აშხ. ტალახაძე. დაუხვდით რკინის გზის საავადმყოფოს წინა ქუჩაზედ. მივეპარე ჯაშუშ კრაფჩენკოს, ვიძრე რევოლვერი, დავაცემინე ერთი, მივაცოლე მეორე, მაგრამ გამიცრუვდა. რევოლვერმა მილალატა, არ გავარდა. მაშინათვე მომიბრუნდა და სროლა დამინყო ჯაშუშმა და თან ყვიროდა დაიჭირეთო. ამ დროს კი აშხ. ტალახაძემ მილალატა და გაიქცა დიდუბისაკენ. მე შევარდი რკინის გზის საავადმყოფოს ეზოში, სადაც დამიხვდენ მოსამსახურენი (სტოროუები), მათ განიზრახეს ჩემი დაჭერა. მე მაშინვე ვიძრე რევოლვერი და შევუტეე სტოროუებს, ისინი თავზარდაცემულნი გაიქცნენ... თავს ვუშველე. კრაფჩენკო ერთი კვირის შემდეგ ზაქრაძემ და სტეფანე ჯიქიძემ მოკლეს რკინის გზის საავადმყოფოს ასავლელ კიბეზე. ამის შემდეგ მე და აშხ. ტალახაძე წავედით მთავარ სახელოსნოს დურგალის იანას მოსაკლავათ... დაუხვდით ნაძალადევში, მას მიეპარა ტალახაძე და სროლა დაუნყო, მაგრამ არც ერთი არ გავარდა, რევოლვერმა ულალატა. მე... ვესროლე რევოლვერი, რითაც დავჭერი...“

1905 წელს საერთო გაფიცებებში აქტიურ მონაწილეობას ვლებულობდი შტრეიკ-ბრეხერების წინააღმდეგ, რათა სამუშაოთ არ გავგეშვა. 1906 წელს ჯაშუში დამკოვსკი მოკლეს ნაძალადევში იურიევის ქუჩაზე ცალ მკლავას სარდაფის წინ. ამ დროს მოვარდა სახარატოში მომუშავე ხულიგნების ტერორისტთა ნამქებუბელი სკოკოვი და ცეცხლი წაუკიდა სარდაფს. მთლად გადაინვა შენობა, რადგან არავის მისცეს ჩაქრობის უფლება“.

მომდევნო წლებში ნებიერიძე ისევ მონაწილეობდა ტერორისტულ აქტებში – მოკლეს დეპოს მემანქანე ჯაბოვი, დაჭრეს გოროდოვოი იოსები, 1908 წელს მოკლეს მეეზოვე, პოლიციის ჯაშუში, ნებიერიძის მაგივრად კი თედორე სოხაძე და ზაქარია დვალი დაიჭირეს და ციხეში გადაასახლეს.

„...1908 წელს გაჩნდა მძარცველთა ჯგუფი ნაძალადევში, რომელიც მოსვენებას არ აძლევდა მცხოვრებლებს და თბილისში მოსიარულე მეურმე გლეხკაცებს. ამ მძარცველთა ჯგუფმა მოკლა მთავარი სახელოსნოს მუშა ზინკალი პეტრე ფთაძე. ეს იყო უდანაშაულო მუშა, ხალხის წინაშე მოკლა მძარცველთა ჯგუფის ხელმძღვანელმა სანდრო ჯავახიშვილმა... მაშინ მივაგენი მძარცველების ხელმძღვანელს...“

რომელიც ლაშქარაშვილის დახმარებით სიკვდილს გადაურჩა – თუმცა მსუბუქათ დაეჭერი ტყვიით, მაშინ კი გაჯავრებულმა მძარცველთა ჯგუფმა განიზრახეს ჩემი და ლადიკო ბატონოსაშვილის მოკვლა, მაგრამ ვერ მოახერხეს...

გლეხობა გვთხოვდა გიორგი ამილახვარის მოკვლას. ვიკისრეთ აქტის შესრულება და ნავედით თბილისიდან სამი ამხანაგით ჩემის ხელმძღვანელობით... და თან ნავეყვანეთ ვანო ნაეროზაშვილი. სუყველა ამხანაგები ვიყავით საუკეთესო იარაღით შეიარაღებული; ამ დროს იყვენ ჩემთან ამხ. სანდრო ჯიქურაშვილი და დათა მიქაძე. როდესაც მივედით სოფელ მოხისში, მაშინათვე ჩაუსაფრდით მოხისიდან სოფელ ხაშურზე გადმოსასვლელ გზაზე გიორგი ამილახვარს მოსაკლავათ, სამი დღე და ღამე ვყარაულობდით, მაგრამ ჩვენი ცდა უშედეგოთ დამთავრდა, რადგანაც ამილახვარისთვის გაეგებიინებინა გლეხს ჩვენი განზრახვა, რისთვისაც გ. ამილახვარი წასულიყო მეორე გზით ს. ხაშურში". ეს მცდელობა უშედეგოდ დასრულდა – ამილახვარი გააფრთხილესო – „ასე უშლიდა ზოგიერთი ჯაშუში გლეხი ტერორისტების განზრახვას“, – დანანებით წერს ნებიერიძე. ეს შემთხვევა კარგი მაგალითია იმისა, თუ რა ადვილად ხდებოდა ტერორის ინიცირება, როგორ იოლად შეეძლო „გლეხობის წარმომადგენელს“ ან ნებისმიერს, მოეთხოვა ვინმეს დასჯა, ადამიანისთვის სიკვდილის განაჩენის გამოტანას აბსურდულად ზედაპირული გამართლება მოეძებნა („გლეხებს წყალს არ აძლევდა... ჩემს ხარს სახრე გადაუჭირა უმიზეზოდ“)...

დასასრულად, ისევ ნებიერიძეს დავუბრუნდეთ: როგორც ირკვევა, ის 1917 წლამდე აგრძელებდა პარტიული დავალებების შესრულებას. წერილს ტერორისტი ასე ამთავრებს: „...ამდენმა ბრძოლამ თვითმპყრობელ ჯალათების წინააღმდეგ იქონია გავლენა და ყურთა სმენა დამაკლდა, მაგრამ დღესაც მზათ ვარ დავიცვა მტრისაგან საბჭოთა სახელმწიფო უკანასკნელ სისხლის წვეთამდე“. ავტობიოგრაფიული ჩანაწერების გამოქვეყნებისას უკვე სახელმწიფოს ჰქონდა აღებული ტერორის განმახორციელებლის ფუნქცია, ნებიერიძისნაირი „ყურთასმენადაკლებული“ ნაბრძოლი ტერორისტების ვარგისიანობის დრო კი წარსულს ჩაბარდა.

შემობრუნების წერტილი – რევოლუციონერი ტერორისტის ხატის ჩამოყალიბება

1881 წლის 1 მარტს ყმათა განმათავისუფლებელმა, რეფორმატორმა ალექსანდრე II-მ მოიწონა შინაგან საქმეთა მინისტრის და ჟანდარმთა შეფის, თბილისელი მიხეილ ლორის-მელიქოვის⁸⁶ მიერ შემუშავებული ლიბერალური პროექტი დროებითი სათათბირო კომისიების შექმნის შესახებ, რომელიც იმპერიაში მდგომარეობის გაუმჯობესება-დანყნარებისაკენ იყო მიმართული. სწორედ ტერორმა აიძულა ხელისუფლება, ამ სახის დათმობებზე წასულიყო. ლორის-მელიქოვის ამ პროექტს ბევრი კონსტრუქციას უწოდებდა, რომლის განხილვა 16 მარტს იყო დანიშნული. მაგრამ მის განხორციელებას ბედი არ ეწერა: იმავე დღეს (პირველ მარტს) ალექსანდრე II ტერორისტებმა მოკლეს. მისი მკვლელობის დეტალები არაორდინალურია – როცა ტერორისტმა რისაკოვმა იმპერატორის ეტლს პირველი ყუმბარა ესროლა, მას არაფერი დაშავებია, თუმცა რამდენიმე შემთხვევითი გამვლელი, მათ შორის 14 წლის ბიჭი, დაიღუპა. რისაკოვი მაშინვე დაიჭირეს. იმპერატორი კარეტიდან გადმოვიდა, დაკავებულთან მივიდა და ვინაობა და ჩინი იკითხა. რისაკოვმა გამოგონილი სახელი უთხრა, რაზეც ალექსანდრე II-მ თქვა: „Хорош!“. შემდეგ იმპერატორი არხის პარაპეტთან მივიდა. ამ დროს მკვლელებისთვის შეუმჩნევლად დარჩენილმა მეორე ტერორისტმა გრინევიცკიმ ყუმბარა ააფეთქა, რის შედეგადაც მეფეც და ბომბისტიც სასიკვდილოდ დაიჭრნენ და იმავე დღეს გარდაიცვალნენ⁸⁷.

ალექსანდრე II-ის სიკვდილამდე ცოტა ხნით ადრე, XIX საუკუნის სამოციან წლებში, რუსეთში პიკს მიიღწა რევოლუციური პათოსის განვითარებამ. რევოლუციური ციებ-ცხელებით განიშპაყა თითქმის ყველა ფენა (ჯარის ჩათვლით), გარდა გლეხობისა და ფორმირებადი პროლეტარიატისა. იმავედროულად, პოლონეთის აჯანყების სისხლიანი ჩახშობის ფონზე, ახალ საფეხურზე ადის რუსული შოვინიზმი, რაც ევროპული მატერიალიზმის საპირისპიროდ რუსული მესიანიზმის ნაცნობი თემების წამოწევაში გამოიხატება. პარალელურად მიმდინარეობდა სასამართლო და სამხედრო რეფორმები. ალექსანდრე II-ის მთავრობა, უაღრესად ჩამორჩენილი რუსეთის პირობებში, ყმების ემანსიპაციასთან ერთად (რომელმაც საზოგადოების ყველა ფენაში უკმაყოფილება გამოიწვია) ევროპული ინსტიტუტების სტრუქტურების შემოტანას ცდილობდა. „ახალი რუსი“ – რადიკალი რევოლუციონერი (ინტელიგენციის უმრავლესობა რადიკალიზმისკენ იხრება) შიშობს, რომ ამ ზედაპირულმა

⁸⁶ „ოინბაზი, ლაქათაა, გრძლად გალუული მელია, ბაზრის ბიჭად გაჩენილა, ეხლა ქვეყნის მმართველია...“ – წერდა მის შესახებ ილია ჭავჭავაძე, აკაკი წერეთელი კი ამბობდა: „ჯარასავით დატრიოალდა ჩემი კინტო მიხაკუა, სასახლეში კარისკაცებს ყველას ერთად...“, ა. წერეთელი, 1950 წ., ტ. II, გვ. 24-25.

⁸⁷ ქართული ინტელიგენციის ნაწილი მიესალმა მეფის მოკვლას. ამის ერთ-ერთი დასტურია აკაკი წერეთლის ლექსი „გაზაფხული“, რომელიც გაზეთ „დროებაში“ იმავე წლის 3 მარტს დაიბეჭდა. პოეტი ერთ მოგონებაში წერდა: „1 მარტს რომ ხემნიფე იმპერატორი მოკლეს, 3-ს ჩემი ლექსი გამოვიდა... კინალამ ციბირში ამომაყოფინეს თავი... სტაროსელსკი, მაშინდელი ნაშესტნიკის კანცელარიის უფროსი, რომ არ გამომსარჩლებოდა...“, ა. წერეთელი, 1950 წ., ტომი II, გვ. 453.

დემოკრატიზაციამ შეიძლება გამოიწვიოს გლეხობის მატერიალურად მომძლავრება, ევროპულის მსგავსი საშუალო ფენის განვითარება და ამით რუსეთი რევოლუციონის „გაიძარცვოს“. როგორც ადამ ულამი წერდა, რევოლუცია ფსიქოლოგიური აუცილებლობა ხდება და არა მიზნის მიღწევის საშუალება.

ალექსანდრე II-ის მკვლელობის გამო კონსტიტუციური ყრილობის დაფუძნება და, საერთოდ, დემოკრატიული ცვლილებების განვითარება 25 წლით გადაიდო. დაიწყო იმპერატორ ალექსანდრე III-ის რეაქციული წლები, რომელიც არ შენელებულა მისი მეფობის მთელ პერიოდში. „ნაროდნაია ვოლია“ თითქმის მთლიანად იქნა დაპატიმრებული და განადგურებული.

ზოგადად რუსული ინტელიგენცია ერთგვარი სიმპათიით იყო განწყობილი ტერორისტი რევოლუციონერისადმი. სიმპათიას იწვევდა ის, რომ ტერორისტი თავ-გადანდებულია, რისკავს საკუთარ სიცოცხლეს ხალხის ბედნიერებისთვის, ნამებულის შარავანდედს იდგამს („ჯოჯოხეთის მანქანას გავიკეთებ ტანსაცმლის ქვევით, როგორმე ვინახულებ მინისტრს, ავფეთქებ, დაელუპავ მას, მეც დავილუპები!“) – ამბობდა თურმე „მუდამ მოძრავი რევოლუციონერი“ კამო). ის ინტელიგენციაში საკუთარი უსუსურობის შეგრძნებით აღძრულ სინდისის ქეჯნას აღვივებდა.

ალექსანდრე III-ის რეაქციული მეფობიდან მოყოლებული რუსული ინტელიგენციის სიმპათია ტერორისტი რევოლუციონერისადმი უფრო გაიზარდა. ჩამოყალიბდა რევოლუციონერი ტერორისტის ახალი ტიპი – ბანდიტისა და ექსტრემისტის ერთგვარი ნაზავი, გათავისუფლებული ყოველგვარი მორალური ტვირთისაგან, რომლის კონტურებიც პირველად 1862 წელს 19 წლის პეტრე ზაიჩნევსკის მიერ დაწერილ პროკლამაციაში გამოიკვეთა, რომელიც საბჭოთა ისტორიკოსებმა პირველ ბოლშევიკურ სტატიად მონათლეს. „რევოლუცია, რომელსაც ემზინა ნინ წასვლის, რევოლუცია არ არის,“ – წერდა ავტორი და რუსული იაკობინიზმის აუცილებლობას ღალატებდა: უმცირესობა მალე მოახდენს რევოლუციას, გადატრიალებას და შემდეგ უმრავლესობის საკუთარ აზრზე გადაყვანას დაიწყებს⁸⁸. ხელისუფლების სათავეში მოსვლა აუცილებელი, „პროფილაქტიკური“ ტერორით გაგრძელდება, რათა უმცირესობის დიქტატურის დამყარებას ხელი შეეწყოს. „...ჩვენ არ შეგვემინდება, – წერს ავტორი, – თუ დავინახავთ, რომ დღევანდელი რეჟიმის ჩამოსაგდებად სამჯერ მეტი სისხლი დაიღვრება, ვიდრე ფრანგმა იაკობინელებმა დაღვარეს...“ და მოუწოდებდა გაშლილი დრომით, რომელსაც აწერია „გაუმარჯოს რუსეთის სოციალურ და დემოკრატიულ რესპუბლიკას!“ ზამთრის სასახლეზე იერიშისკენ და იქ მყოფთა, ანუ რომანოვების, პირმინიდან განადგურებისკენ⁸⁹. ზაიჩნევსკის სენტენცია – „გახსოვდეს, ვინც ჩვენთან ერთად არ იქნება, ის ჩვენი მონინააღმდეგეა, ის ჩვენი მტერია, მტრები კი ყველა ხერხით უნდა განადგურო“ – ოქტომბრის რევოლუციის პირველ წლებში საკმაოდ პოპულარული გამოდგა და ბოლშევიკების აგრესიულ რევოლუციურ პროპაგანდას და მრწამსს ეხმიანებოდა.

რუსული იაკობინიზმი კიდევ უფრო პათოლოგიურ მიმართულებას იღებს სერგეი ნეჩაევის ნაშრომებში. აი, ამონაწერი მისი „რევოლუციონერის კატეხიზისიდან“, რომელსაც მან საფუძვლად ლოზუნგი „მიზანი ამართლებს საშუალებებს“ დაუდო: „...რევოლუციონერი განწირული პიროვნებაა. მას არ აქვს პიროვნული ინტერესი, არ გააჩნია ემოცია, სხვებისადმი ერთგულება, ქონება და სახელი. მასში ყველაფერი შთანთქმულია რევოლუციის მოხდენის ერთადერთ აზრსა და ვნებაში. რევოლუ-

⁸⁸ W. Laqueur. History of Terrorism. 2001 წ., გვ. 30.

⁸⁹ Yarmolinsky. Road to Revolution: A Century of Russian Radicalism, 1956 წ.

ციონერს ეზიზღება ყველანაირი დოქტრინა და მეცნიერება, ის მეცნიერებას მომავალ თაობებს გადაულოცავს. მან მარტო ერთი მეცნიერება იცის – ნგრევის მეცნიერება. მხოლოდ და მხოლოდ ამ მიზნით სწავლობს ის ქიმიას, ფიზიკას, მექანიკას და შესაძლოა მედიცინასაც... იგი ზიზღით არის განმსჭვალული არსებული სოციალური ზნეობის ყოველგვარი გამოვლინებისადმი. მისთვის ზნეობაა ყველაფერი, რაც რევოლუციის ტრიუმფს ეხმარება... დაუნდობელი საკუთარი თავისადმი, ის დაუნდობელია სხვისადმიც. ყველა ნაზი და სათუთი გრძნობა – მეგობრობა, ნათესაობა, მადლიერება და ღირსებაც კი მასში უნდა შეიცვალოს რევოლუციისადმი მიზანდასახული ვნები. მისთვის არსებობს მხოლოდ ერთი სიამოვნება, ერთადერთი ჯილდო, კმაყოფილება – რევოლუციის წარმატება... ჩვენი ამოცანაა, მოვახდინოთ საშინელი, მთლიანი, უნივერსალური და უღმობელი ნგრევა..."⁹⁰

ამ გამონათქვამების ავტორი, რომელიც საკუთარ თავს ტერორისტს უწოდებდა, თავად ცხოვრობდა იმ მოძღვრებით, რასაც ქადაგებდა. მოსკოვში მან მცირერიცხოვანი რევოლუციური ჯგუფი „ნაროდნაია რასპრავა“ (Народная Расправа – რუს. სახალხო სასჯელი) შექმნა. მისი ჯგუფის ერთ-ერთი წევრი ეჭვქვეშ აყენებდა ლიდერის ზოგიერთ ფანტასტიკურ დოქტრინას. ნეჩაევმა დაარწმუნა ჯგუფის დანარჩენი წევრები, რომ „ამრევი“ აგენტი-პროვოკატორი იყო. ჯგუფმა „პროვოკატორი“ სიცოცხლეს გამოასალმა. ნეჩაევი მეფის პოლიციას საზღვარგარეთ გაექცა, თავი პეტრე-პავლეს ციხიდან გაქცეულ რევოლუციონერად გაასალა და ბაკუნინთან დაიწყო თანამშრომლობა. მათ ერთად დაწერეს „კატეხიზისი“. მხოლოდ მას შემდეგ, რაც ევროპელმა სოციალისტებმა ამგვარ კრიმინალთან ურთიერთობისთვის ბაკუნინის გაკიცხვა დაიწყეს, ბაკუნინმა უარყო თანაავტორი, კატეხიზისის „აბრაგების კატეხიზისი“ უწოდა, ნეჩაევის შესახებ კი თქვა: „ის საშუაში ფანატისკოსია, მისი ქმედებები კი საძაგელი“. საბოლოოდ, მეფის მთავრობამ მოახეხა ნეჩაევის რუსეთში ექსტრადირება. პირადად მეფის მითითებით (ბრძანების ტექსტში საგულდაგულოდ იყო გამოყოფილი სიტყვა „სამუდამოდ“), ის პეტრე-პავლეს ციხის ცალკე საკანში მოათავსეს. მან მოინდომა გაქცევა, თავის მხარეზე გადაიბირა შეიარაღებული დაცვა, მაგრამ გაუგეს და ამ გეგმას განხორციელება არ ენერა. ნეჩაევი 1882 წელს პეტერბურგის საპრობილეში გარდაიცვალა (ნეჩაევის ჯგუფის აქტიური და თვალსაჩინო წევრი იყო ცნობილი ანარქისტი ვარლამ ჩერქეზიშვილი. პირველად ის კარაკოზოვის მიერ 1866 წელს 4 აპრილს ალექსანდრე II-ზე უშედეგო თავდასხმის გამო დააპატიმრეს, იმ ბრალდებით, რომ მან იცოდა და არ გათქვა ამ ტერორისტული აქტის შესახებ. კარაკოზოვი ჩამოახრჩვეს, ჩერქეზიშვილი კი რვა თვით ჩასვეს ციხეში. გათავისუფლების შემდეგ ის ნეჩაევის „რასპრავას“ უერთდებოდა, მაგრამ ჯგუფის ჩაფარდის შემდეგ გამართულ გახმაურებულ პროცესზე მას ხუთი წლით გადასახლება მიუსაჯეს. ჩერქეზიშვილმა თითქმის მთელი ცხოვრება საზღვარგარეთ გაატარა, სადაც ინტენსიურად თანამშრომლობდა სხვადასხვა რევოლუციურ პარტიებთან და პრაქტიკულ და პუბლიცისტული მოღვაწეობას ეწეოდა).

„ძალმომრეობის საკითხი, მეტაფიზიკური, ზნეობრივი, პირადული, საზოგადოებრივი, ყველა რევოლუციის დროს წარმოშობილია, მაგრამ არც ერთში არ გამოიშვლებულა მისი რელიგიური მნიშვნელობა ისეთი სიცხადით, ისეთი მტკივნეული სიმწვავეთ, როგორითაც რუსულში“, – წერდა რუსი მწერალი დიმიტრი მერეჟკოვსკი ესეით, რომელიც ცნობილი რუსი ტერორისტის, ბორის სავინკოვის ნაწარმოებს „Кохъ следный“ ეხება⁹¹. მერეჟკოვსკი თვლიდა, რომ რუსულ ფსიქიკაში აქცენტი სიკვდილის

⁹⁰ <http://www.uoregon.edu/~kimball/Nqv.catechism.thm.htm>

⁹¹ Д. Мережковский. Большая Россия. 1991 წ., გვ. 128.

სიყვარულზეა გადატანილი – ადამიანის სულიერი სიკვდილი აუცილებელია მისი სულიერი აღორძინებისთვის. ამ აზრს ეთანხმება მერბო მამარდაშვილიც: „...რუს ხალხს რადიკანირად დარღვეული აქვს ის ფენომენი, რასაც ჰქვია სიცოცხლის სიყვარული ან სიცოცხლის გემო. მათგან განსხვავებით ქართველებს... შერყეული და დარღვეული არა გვაქვს ფუნდამენტალური ურთიერთობა სიცოცხლესთან, როგორც ფენომენტთან. ის ოდნავ შეღახული კია, მაგრამ მისი საძირკველი ფუნდამენტში საღია, რუსეთში კი თითქოს მოჯადოებულნი არიან სიკვდილით, თითქოს ეწოთიერებათ სიცოცხლე... ეს არის ერთ-ერთი წინამძღვარი იმისა, რომ რუსეთის სივრცეში ტოტალიტარიზმა გაიმარჯვა...“⁹²

აღსანიშნავია, რომ XIX საუკუნის მეორე ნახევარში რუსეთში თვითმკვლევობამ ნამდვილი ეპიდემიის სახე მიიღო, განსაკუთრებით ახალგაზრდობაში. ბევრი ამას ნიკოლოზის შემდგომ ლიბერალურ ხანას აბრალებს, როცა ოდნავი თავისუფლების ნაკადი შემოიჭრა საზოგადოებაში; ცხოვრება სწრაფად იცვლებოდა, ძველი ყოფა ინგრეოდა, იქმნებოდა ახალი საზოგადოებრივი ინსტიტუტები, ახალი კანონები, პატრიარქალური ტრადიციული ყოფა იცვლებოდა და საზოგადოების დიდმა ნაწილმა უცარი სოციალურ-ქონებრივი გარდაქმნა განიცადა. სწრაფმა ინდუსტრიალიზაციამ და ჩამორჩენილმა პოლიტიკურმა სისტემამ ერთიანობაში სხვადასხვა წოდების უამრავი ადამიანი დატოვა უფუნქციოდ. თვითმკვლევობის, ამ „დამღუპველი ხინის“, რუსულ საზოგადოებაში შეტანას ტრადიციულად უცხოურ ზეგავლენასაც აბრალებდნენ. 70-80-იანი წლების სუიციდური აღმავლობა არც ბუმი ყოფილა და არც მოდა, არამედ, როგორც გრიგორი ჩხარტიშვილი აღნიშნავს, „ტენდენცია, რომელიც არ შემწყდარა რევოლუციამდე“. თვითმკვლევობა ნორმად იქცა და საზოგადოებაში ის წინანდებურად შოკს აღარ იწვევდა ისევე, როგორც XX საუკუნის დასაწყისში განხორციელებული ტერაქტები ყოველდღიურ, ჩვეულებრივ ამბად აღიქმებოდა.

ფრანგი იაკობინელების სისხლიან ტერორით ნასაზრდოები „ძალმომრეობის მეტაფიზიკა“ რუსულ საზოგადოებაში ნეჩაევის მიერ აღწერილ რევოლუციონერთერორისტის ხატში დაიღეპა. ვერა ზასულიჩი, რომელმაც ტრეპოვი საკუთარ მისატლებში რევოლუციონერ დაჭრა (ზასულიჩს იაკობინელთა კლუბის თავმჯდომარე უან პოლ მარატის მკვლელს, შარლოტა დე კორდეს ანდრეაგენდენს), ნაფიცმა მსაჯულებმა მოსამართლე კონის დიდი მხარდაჭერით გაამართლეს, რამაც მთელი რუსი ინტელიგენციის დიდი აღფრთოვანება გამოიწვია. ეს ტერორისტების მისამართით საზოგადოების მხრიდან ჩადენილი შემწყნარებლური პოლიტიკური აქტიც იყო და იმ ჩაგდებული თესლის გამოხატულებაც, რომ საზოგადოების გადარჩენა (სულიერიც და ფიზიკურიც) მხოლოდ ძალმომრეობაზე გადის. პირველ „რევოლუციონერ ქალს“ სასჯელის მაგივრად ინდულგენცია არგუნეს, ამან ხელ-ფეხი გაუხსნა მომავალ ტერორისტებს და ალექსანდრე II-ის მკვლელობასთან ერთად დასაბამი დაუდო ძალადობის კულტურას – დიდ რუსულ ტერორს.

პოლიტიკური ტერორის ახალი ტალღის საწყისად მიჩნეულია 1901 წელი, როცა პეტრე კარპოვიჩმა სახალხო განათლების მინისტრი ბოგოლეპოვი მოკლა. ზოგიერთი მკვლევარის აზრით, ამ ტერაქტის მნიშვნელობა იმაში გამოიხატება, რომ მან აღასრულა ის წინასწარმეტყველება, რომელსაც ბევრი რევოლუციური მოღვაწე გამოთქვამდა: ნარმატებულად ნასროლი პირველი ბომბი ტერორის დროშის ქვეშ შემოიკრებს ათასობით თანამოაზრეს და მაშინ რევოლუციაში ფული წყალივით წამოვა⁹³.

ტერორისტების დიდ ნაწილს შედაგენდენს ძლიერი სულის, ფანატიკოსი ადა-

⁹² მ. მამარდაშვილი, საუბრები ფილოსოფიაზე, 1992 წ., გვ. 20.

⁹³ А. Гейфман. Революционный террор в России 1894-1917. 1997 წ., გვ. 27.

მიანები, დღევანდელი ტერმინოლოგიით, ბოევიკები, რომლებიც იდეის გულისთვის მზად იყვნენ, საკუთარი სიცოცხლე სამსხვერპლოზე მიეტანათ. იმდროინდელ საზოგადოებაზე ტერაქტები ნამდვილად დიდ ეფექტს ახდენდა: სატახტო ქალაქის ცენტრში მიუფის მოკვლა, აფეთქება ზამთრის სასახლეში, დღისით-მზისით მინისტრების განადგურება – ეს ყველაფერი ხელს უწყობდა ტერორისტი რევოლუციონერის გამირული ხატის შექმნას, ამიტომაც ბევრი ახალგაზრდა, განსაკუთრებით სტუდენტური წრებიდან, რევოლუციური ტერორის რომანტიკით ინთებოდა, საკუთარი კერპების მსგავსად იწყებდა ფიქრსა და აზროვნებას. საგმირო საქმეების კეთების სურვილი მათ არნახული სისატიკის ქმედებების ჩადენისკენ უბიძგებდათ (მსგავსი რამ ხდებოდა რამდენიმე ათეული წლის შემდეგ საქართველოში, სადაც „...ფანატიკოსმა რევოლუციონერებმა, რომლებიც ბრძოლის საშუალებად ტერორს იყენებდნენ, და თვით თავსაც არ ზოგავდნენ, არ ერიდებოდნენ არც დევნას მთავრობის მიერ, არც ციმბირს და კატორლას, არც სახრჩობელას, შექმნეს ძლიერი კადრები თავგანწირულ პროპაგანდისტთა და დარაზმეს საქართველოში ხალხი...“⁹⁴

1901 წლიდან 1911 წლის ჩათვლით რუსეთის იმპერიაში რევოლუციური ტერორის მსხვერპლი შეიქნა დაახლოებით 17 ათასი ადამიანი, ამათგან 9 ათასი 1905-07 წლების რევოლუციის პერიოდზე მოდის. 1907 წელს ძალადობრივი სიკვდილით დღეში საშუალოდ 18 ადამიანი იღუპებოდა. პოლიციის ცნობების თანახმად, მარტო 1905 წლის თებერვლიდან 1906 წლის მაისის ჩათვლით მოკლულ იქნა 8 გუბერნატორი და ქალაქისთავი, 5 ვიცე-გუბერნატორი და საგუბერნიო მმართველობის მრჩეველი, 21 პოლიცემისტერი, მაზრის უფროსი და ისპრავნიკი, ჟანდარმერიის 8 ოფიცერი, 4 გენერალი, 7 ოფიცერი, 79 პრისტავი და მისი თანაშემწე, 346 გოროდოვოი, 57 ურიადნიკი, 257 სტრაჟნიკი, ჟანდარმერიის 55 დაბალი ჩინოსანი, სამღვდელოების 12 წარმომადგენელი, 29 ბანკირი და მსხვილი მენარმე და ა. შ.⁹⁵

ამ სტატისტიკის შემყურე უნებურად გაიხსენებ გამოთქმას, რომელსაც იოსებ სტალინს უკავშირებენ: „ერთი სიკვდილი ტრაგედიაა, მილიონი კი – სტატისტიკა“. ხაზი უნდა გაესვას, რომ ამ სტატისტიკაში საქართველო უკვე არათუ მოიაზრებოდა, არამედ მის შექმნაში ერთ-ერთ მთავარ როლსაც თამაშობდა. თუკი ქვეყანა XIX საუკუნის ტერორს, მთელი მისი განტოტებებით, ფსიქოლოგიური და ზნეობრივი შინაგანი ბრძოლით, ასცდა, XX საუკუნიდან უკვე თავდავიწყებით გადაეშვა სისხლის მორევში, ძალიან მალე ლიდერის როლში აღმოჩნდა და რუსეთის იმპერიაში საყოველთაო დაბნეულობისა და შიშის ატმოსფეროს, ზნეობრივი და პოლიტიკური ანარქიის დასადგურებაში არცთუ უმნიშვნელო როლი ითამაშა.

კატასტროფული მდგომარეობის გამოსწორების მიზნით მეფე ნიკოლოზ II-მ 1905 წლის 17 ოქტომბერს ხელი მოაწერა მანიფესტს „სახელმწიფოებრივი წესრიგის სრულყოფის შესახებ“. ამ დოკუმენტის თანახმად, რომელიც ნერტილს უსვამდა აბსოლუტურ მონარქიას, ხალხს ენიჭებოდა „სამოქალაქო თავისუფლების ძირითადი გარანტიები“. რევოლუციონერებმა ეს მანიფესტი მთავრობის მხრიდან უკანდახევის გამოვლინებად აღიქვეს და არსებული წესწყობილების ძირფესვიანად მოსპობის მიზნით მთელი ძალებით შეტევაზე გადავიდნენ. ტერორისტები ზურგიდან ესხმოდნენ კაზაკებსა და ჯარისკაცებს, ესროდნენ ბომბებს. ეს კი იმ განზრახვით ხდებოდა, რომ საპასუხო ცეცხლი გამოეწვიათ, რათა სროლის დროს უდანაშაულო ხალხი დაღუპულიყო (რაც მეტი, მით უკეთესი). ეს კი გამოინვევდა ხელისუფლების სანინაალმდეგო

⁹⁴ მ. ნერეთელი, ერი და კაცობრიობა, 1990 წ., გვ. 293-294.

⁹⁵ Wikipedia, Революция 1905-1907 годов в России.

ალჟორთებსა და სახალხო გამოსვლებს. ტყუილად არ უნოდა გრაფმა სერგეი ვიტემ ინდროინდელი რუსეთის იმპერიას „უზარმაზარი საგოყეთი“⁹⁶.

ამ სიტუაციისაგან არაფერ იყო დაცული, არც უცხოელები, მათ შორის დიპლომატიური წრეების წარმომადგენლებიც. 1906 წლის შვიდ მაისს ბათუმში ამერიკელი კონსული უილიამ სტიუარტი მოკლეს. მკვლელები მალევე შეიპყრეს. თუმცა ამ მკვლელობას პოლიტიკური სარჩული არ ჰქონდა, კონსული ძარცვის დროს შემოაკვდათ, მაგრამ ეს იმდროინდელი არანორმალური სიტუაციის გამოძახილი იყო. საქმე იქამდე მივიდა, რომ ტერორისტთა შემოტევით შეშინებულ მთავრობის მალაჩონოსნებს უსაფრთხოების მიზნით პოლიცია იცავდა. ერთი კორესპონდენტი წერდა, რომ სანამ სტოლინთან შეუშვებდნენ, მსხვილი რკინის ჯაჭვებით დაკეტილი სამი კარის გავლა მოუხდა, სადაც დაცვა ყველას გულმოდგინედ ჩხრეკდა. დერეფანში კი საიდუმლო პოლიციის იმდენი აგენტი იდგა, რომ მათი გვერდის ავლა საკმაოდ გასძნელებია⁹⁷.

კავკასიაში ყველაზე მეტი ტერორისტული აქტი 1905 წელს თბილისში მოხდა. ტერორისტ სერაპიონ ლომიძის თქმით, „...1903-1905 წლების ბოლომდე ტერორი ჩვეულებრივ მოვლენად გადაიქცა, განსაკუთრებით 1905 წელში, ვინც ცოტათი ხელს უშლიდა სოციალისტურ მოძრაობას, იმის წინააღმდეგ ყველა რევოლუციონური პარტია ტერორს მიმართავდა“⁹⁸.

საქართველოში არნახული მასშტაბის ტერორისტული აქტივობის მთავარ მიზეზებად ფილიპე მახარაძე რამდენიმე ფაქტს ასახელებს: 1) კაზაკების მეტისმეტი თავაშვებულობა. 2) ხულიგნების, ანუ რუს-პატრიოტების, შავრაზმული გამოსვლები, რომელთაც ვორონცოვ-დაშკოვი იარაღით ამარაგებდა. 3) გახშირებული ჩხრეკა-დაჭერა⁹⁹. რა თქმა უნდა, ამგვარი დასკვნა ამ ავტორისთვის დამახასიათებელი სიბეცესთან მიახლოებული სიმარტივის გამოხატულება უფროა. სოციალ-დემოკრატიული პარტიის ორივე ფრაქცია, როგორც აღნიშნული იყო, ბევრად არ განსხვავდებოდა ერთმანეთისაგან ბრძოლის ფორმებითა და მეთოდებით. ისიც საგულისხმოა, რომ პარტიის წევრები ხშირად თავს უზრუნველ სოციალ-დემოკრატებს უწოდებდნენ, ამრიგად, ძნელა იმის დადგენა, რომელი ფრაქცია ახდენდა ტერორისტულ აქტებს ან ექსპროპრიაციებს. თუმცა კავკასიაში, და კერძოდ საქართველოში, ყველაზე უფრო დიდი გავლენა მენშევიკებს ჰქონდათ. რუსეთის იმპერიის სხვა რეგიონებისაგან განსხვავებით, ისინი ყველაზე უფრო ხშირად იღებდნენ მონაწილეობას პოლიტიკურ მკვლელობებსა და ექსპროპრიაციებში. ანა გეიფმანის აზრით, ეს დაკავშირებულია ადგილობრივ ტრადიციებთან, როგორცაა სისხლის აღების უძველესი ჩვეულება, ამიტომაც ძალადობა საქართველოში ჩვეულებრივი ამბად მოიაზრებოდაო. სოციალისტ-რევოლუციონერებმა, იგივე ესერებმა, სისხლის ტბები დააყენეს რუსეთში, მათი ტერაქტები და მკვლელობები განსაკუთრებული სისასტიკითა და დაუნდობლობით

⁹⁶ მეორე მსოფლიო ომის მონაწილე მწერალი ერნსტ იუნგერი, რომელიც საკუთარ შთაბეჭდილებებს დღურებში გადმოსცემდა, რუსი პარტიზანების შესახებ წერდა: „...ამ ხალხში იღვიძებენ 1905 წლის ძველი ნიჰილისტები, რა თქმა უნდა, განსხვავებულ სიტუაციებში. მაგრამ იგივე საშუალებანი, იგივე ანოცანები, ცხოვრების იგივე სტილი, მხოლოდ ასაფეთქებელი მოწყობილობებით მათ სახელმწიფო ამარაგებს“. П. Крусанов. Действующая модель ага. Очерки о терроризме и террористах, 2004 г. gurnal.

⁹⁷ ru oct oct_krusanov.html

⁹⁸ „მწყემსი“, 1907 წ., №1-2.

⁹⁹ „რევოლუციის მატანი“, 1924 წ., №4-5, გვ. 105.

⁹⁹ ფ. ნახარაძე, 1905 წელი ამიერ-კავკასიაში, 1932 წ., გვ. 214.

გამოირჩეოდა; ისიც ცნობილია, რომ ამ პარტიაში უმთავრესად რუსები და ებრაელები ირიცხებოდნენ, მაშინ იბადება კითხვა: ამ შემთხვევაში რომელ ტრადიციებთან და წეს-ჩვეულებებთან გვაქვს საქმე? იქნებ ამას მამარდაშვილის შეფასება მიესადაგება, როცა ის ამბობს, რომ რუს ხალხს რალაცნაირად დარღვეული აქვს ის ფენომენი, რომელსაც სიცოცხლის სიყვარული, სიცოცხლის გემო ჰქვია?

ტერაქტები ხდებოდა უმიზეზოდ და ყოველნაირი პროვოკაციისა თუ საჭიროების გარეშე, იმიტომ რომ თვითმპყრობელობის სამსახურში მყოფი ადამიანების განადგურება მოდაში იყო. დაყრობილ ქვეყნებში ტერორისტული აქტი ხშირად მართლდებოდა და მართლდება, როგორც თავდაცვის აქტი. „ყველა ჩვენი ორგანიზაცია უარყოფდა ტერორს, როგორც ცარიზმის დამხობის ბრძოლის მეთოდი, როგორც ეს გაიზარებოდა რუსი ნაროდნიკების მიერ, – წერდა გრიშა ურატაძე, – ჩვენი შეხედულებით ერთი კარგი დემონსტრაცია უფრო გვაახლოებდა ჩვენ მიზანთან, ვიდრე რამდენიმე მინისტრის მკვლელობა. მაგრამ როგორც თავდაცვის საშუალება, ყველა ჩვენი ორგანიზაცია მიმართავდა მას (ტერორს)“¹⁰⁰. ახლა კი მის იდეურ მონინალმდეგეს ბოლშევიკ-ტერორისტს კოტე (ალიბი) ცინცაძეს მოვუსმინოთ: „...სახელმწიფო „ექსეზები“ და ხანდახან ტერორისტული აქტებიც პარტიზანული ომის ნაწილია, რომელსაც ერთგვარი დეზორგანიზაცია შეაქვს მთავრობის მექანიზმში“¹⁰¹.

900-იანი წლების დასაწყისში, როცა რევოლუციონერებმა სილნალის მაზრაში იმყოფებოდნენ, მასთან კბილებამდე შეიარაღებული ორი ტერორისტი მივიდა. კითხვაზე, თუ ვინ იყვნენ და რა უნდოდათ, მათ უპასუხეს, რომ ისინი სოციალ-დემოკრატებმა გამოგზავნეს ტერორისტული აქტის მოსახდენად; მიუხედავად იმისა, რომ სილნალის მაზრა (მაზრის უფროსი, სასამართლო და სხვა სახელმწიფო ორგანოები) მაშინ ფედერალისტების კომიტეტის ხელში იყო და ისინი სიტუაციას უტეროროდაც ფლობდნენ. „...სწორედ მაგიტომ, რომ მარტო სილნალის მაზრაში არ მომხდარა არც ერთი ტერორი და მშვიდობიანობაა, ჩვენ გამოგვგზავნეს“. გაბაშვილმა და კომიტეტის სხვა წევრებმა ძლივს დააჯერეს „სისხლის მოწყურებული“ ტერორისტები, რომ სილნალის მაზრას ტერორი არ სჭირდება. „მივეცით საგზაო ფული და თელავში გავისტუმრეთ. „იქნება იქა სჭირდებათ და იქ წაბრძანდით...“¹⁰²

მუდმივმა ტერორისტულმა შემოტევამ საქართველოს თითქმის მთელ ტერიტორიაზე შედეგი გამოიღო: მთავრობის აპარატი მოიშალა, დაფუნდა დემონსტრაციების, გაფიცვებისა და მიტინგების და პრესის თავისუფლება. ქუჩის სრულ ბატონპატრონებად სოციალ-დემოკრატები იქცნენ. „თბილისში მოიხსოვრება ცარცვა-გლეჯა, ლოთობა, ჯიბგრობა, მთავრობის გაქრობასთან ერთად გაქრა უნესრიგობა“¹⁰³.

¹⁰⁰ Г. Уратадзе. Воспоминания грузинского социал-демократа, 1968 წ., გვ. 130.

¹⁰¹ კ. ცინცაძე, როგორ ვიბრძოდით პროლეტარიატის დიქტატურისათვის, 1927 წ., გვ. 42.

¹⁰² რ. გაბაშვილი, რაც მახსოვს, დაბრუნება, ტ. 3, 1992 წ., გვ. 62-63.

*თბილისის „ოხრანის“ ცნობით, 1908 წელს „მუშათა ორგანიზაციის ნევრებმა გადანყვიტეს ტერორის გაკეთება პოლიციის და „ოხრანის“ ჩინოსნების წინააღმდეგ, ამისთვის ისინი უთვალთვალდნენ ამ უწყებების თანამშრომლებს და შემდეგ მათზე მიუთითებდნენ ტერორისტებს. თ. სიმაშვილი, საიდუმლო (პოლიტიკური) პოლიცია რევოლუციური პარტიების წინააღმდეგ საქართველოში 1894-1908 წლებში, 2003 წ., გვ. 138. ცნობილი მუშა-რევოლუციონერი მიხა ჩოდრიშვილი და მისი მეუღლე მელანია ყველანაირ რევოლუციურ საქმიანობაში აქტიურ მონაწილეობას იღებდნენ, გამოწაკლისი არც ჯაშუშებისთვის თვალყურის დევნება იყო. თბილისის „ოხრანის“ უფროსი 1905 წლის 22 თებერვლით დათარიღებულ წერილში იუწყებოდა, რომ ერთხელ, როდესაც ჩოდრიშვილის მეუღლე ვილაც უცნობთან ერთად ქუჩაში მიდიოდა, მელანიამ „ოხრანის“ ერთ თანამშრომელზე მიუთითა: „აი, ეს შპონია, ეს ქალბატონი კი ამ საქმეს ახლა სწავლობს“. სცსსა ფონდი 83, აღწერილობა 1, საქმე 311.

¹⁰³ ვ. მგელაძე, მოგონებები, 1972 წ., გვ. 104.

უნესკოგობა გაქრა, მაგრამ მის მაგივრად რევოლუციური თავაშეებულობა დამკვიდრდა. კაცის კვლამ ორგანიზებული ხასიათი მიიღო. საინტერესოა აგენტების ერთი აღწერილი ტერორისტების ერთი შეხვედრა „ნახალოვკის“ ბაღში 1906 წელს. შეხვედრის ყველა მონაწილე „ტუზემცურ“ ტანსაცმელში იყო ჩაცმული და სახე შავი ნახევარნიღებით ჰქონდა დაფარული. განხილვის მთავარი საგანი რკინიგზის ტექნიკური სასწავლებლის დირექტორისა და ინსპექტორის მოკვლა იყო, რაც ხმათა უმრავლესობით დადებითად გადაწყდა. შემდეგ შეთანხმდნენ, ჩაეტარებინათ კენჭისყრა, თუ ვის უნდა რგებოდა მაღალი ღირსება მკვლელობის მოხდენისა. მაგრამ კენჭისყრამდე საქმე არ მისულა: ერთმა ქართველმა, იმავე სასწავლებლის მონაწილემ, გამოთქვა სურვილი ამ ტერაქტის ჩატარებისა. ეს ინიციატივა მოინონეს და მას „სმიტ ვესონის“ სისტემის რევოლუციური გადასცეს¹⁰⁴.

აი კიდევ ერთი მაგალითი, თუ როგორ იქცეოდნენ „ნესრიგის“ მოყვარული რევოლუციონერები. „ოხრანკის“ თანამშრომლის, ივან მიროშნიკოვის დასმენით პრისტავმა გურგენიძემ აგიტატორი ზაქრო ჩიჩუა დააპატიმრა და პოლიციის განყოფილებაში მიიყვანა. მალე პოლიციაში სოციალ-დემოკრატების რამდენიმე წარმომადგენელი მივიდა და სიკვდილის მუქარით ჩიჩუას გათავისუფლება მოითხოვა. პრისტავი უარზე დადგა, თუმცა მრავალჯერადი მუქარისა და დაშინების შედეგად ჩიჩუა გაათავისუფლა, მაგრამ მიანიშნა, რომ საჭიროა მონმე მიროშნიკოვის თავიდან მოშორება. მართლაც, როცა ცოტა ხნის შემდეგ მონმე პოლიციიდან ქუჩაში გამოვიდა, ის სტეპკო ბორიანცმა ხანჯლით მოკლა. სულ მალე მკვლელიც გაასაღეს¹⁰⁵. 1905 წლის 25 ნოემბერს თბილისის „ოხრანკის“ უფროსი კავკასიის პოლიციის გამგეს სწერდა: „იმის გამო, რომ თბილისის ქუჩები სოციალ-დემოკრატი მენშევიკების ორგანიზაციის ხელშია, პოლიციის ხელისუფლება ფაქტობრივად მოსპობილია. სოციალ-დემოკრატმა მილიციონერებმა დაიწყეს დევნა ფილერებისა (მეთვალყურე აგენტების) და „ოხრანკის“ განყოფილება არის დარბევის საშიშროების წინაშე. ამიტომ მე მოვხსენი ყოველგვარი მეთვალყურეობა ტერორისტებზე“¹⁰⁶ (საჭიროების შემთხვევაში მთელი ქალაქი ერთიანად იფიცებოდა, წყდებოდა ვაჭრობა, დუქნები და მაღაზიები იკეტებოდა. დაიწყო ნოქრების გაფიცვა... აქაური ურჩი ვაჭრების მაღაზიების ვიტრინებიც ჩამიტვრა, რაშიაც მეც, 13-14 წლის ყმანელიც, ვიღები მონაწილეობას... ერთხელ მწარედ გამამათრახა ბოქაულმა სკვერთან პუშკინის ქუჩაზე. ჩემი გალახვის ადგილას რამდენიმე დღის შემდეგ მოკლეს იგი ვილაც ტერორისტებმა. კონკის ლიანდაგზე იყო გაშხლართული გასისხლიანებული ზორბა ტანის პოლიციელი. ამის ნახვაზე სიხარულისაგან ცას ვენიო“¹⁰⁷).

საქმე იქამდე მივიდა, რომ, როდესაც თბილისში სომეხ-თათართა ხოცვა-ჟლეტა დაიწყო (1905 წლის ოქტომბერ-ნოემბერი), მთავრობის განკარგულებით სოციალ-დემოკრატებს იარაღი დაურიგდათ, რათა ისინი შუაში ჩამდგარიყვნენ და სისხლისღვრა აღეკვეთათ. ამ საქმეს სილიბისტრო ჯიბლაძე ხელმძღვანელობდა. მეფისნაცვალ ვორონცოვ-დაშკოვის ბრძანებით, სოციალ-დემოკრატებს გადაეცათ ბერდანის სისტემის 500 თოფი (რომელთაგან ნახევარი უვარგისი აღმოჩნდა) და 40 ათასი პატრონა. ეს იარაღი, ხელნერილის საფუძველზე, (მთავრობის გადმოსახე-

¹⁰⁴ სცსსა ფონდი 83, აღწერილობა 1, საქმე 201.

¹⁰⁵ სცსსა ფონდი 83, აღწერილობა 1, საქმე 199.

¹⁰⁶ თ. სინაშვილი, საიდუმლო (პოლიტიკური) პოლიცია რევოლუციური პარტიების წინააღმდეგ საქართველოში 1894-1906 წლებში, 2003 წ., გვ. 128.

¹⁰⁷ თ. შავიშვილი, მეფის კატორღა, 1970 წ., გვ. 22.

დიდან) ყველაზე ზომიერ სოციალ-დემოკრატს, ისიდორ რამიშვილს ჩააბარეს. ეს იყო პირველი და ერთადერთი შემთხვევა რუსეთის იმპერიის ისტორიაში, როდესაც მთავრობამ საკუთარი ხელით გადასცა იარაღი რევოლუციურ ორგანიზაციას, რომელიც ყოველნაირად ძირს უთხრიდა და ებრძოდა მას (ნიკოლოზ II უკმაყოფილო იყო საკუთარი მეფისნაცვლის მოქმედებებით, რაც მან ვორონცოვ-დაშკოვისადმი გაგზავნილ დამიჯრულ დეპეშაში გამოთქვა: „ოუსტიციის მინისტრმა მომახსენა, რომ თქვენ დართეთ ნება, რევოლუციონერებისათვის, რომელთაც პოლიციის მაგივრად ქალაქის დაცვა იკისრეს, დაერიგებინათ ხუთასი შაშხანა... მე არ მსურს დავიჯერო ეს წარმოუდგენელი ცნობა“). იმ პერიოდში თბილისის ქუჩებიდან პოლიციელები გაქრნენ, უმოქმედოდ იდგნენ ჯარის ნაწილები და ქალაქის დაცვა ფაქტობრივად მუშათა ორგანიზაციების ხელში გადავიდა. როგორც კი თათრებსა და სომხებს შორის შეტაკებები ჩაცხრა, მთავრობამ იარაღი უკან მოითხოვა. ამის გამო დიდი დავა ატყდა მენშევიკებსა და ბოლშევიკებს შორის, მენშევიკები იარაღის დაბრუნების მომხრე იყვნენ, რამიშვილი აცხადებდა, მე მთავრობას პატიოსანი სიტყვა მივეციო (ვორონცოვ-დაშკოვის მეუღლე რამიშვილის შესახებ, რომელიც ერთხელ მეფისნაცვალთან იყო სტუმრად და მასთან ერთად ჩაის მიირთმევდა, ამბობდა: ადამიანები ასეთი სუფთა თვალებით არ იტყუებიან)¹⁰⁸. საბოლოოდ უკან მხოლოდ 250 თოფი დააბრუნეს. სხვათა შორის, ერთ-ერთი მათგანი, ვინც იარაღი არ დააბრუნა, კამო ტერ-პეტროსიანი იყო.

„სუფთა თვალებით“ და რევოლუციური შემართებით სოციალ-დემოკრატიული პარტია, რომელიც ტეროსს, „როგორც ბრძოლის მეთოდს“, უარყოფდა, მალე ტერორისტულ აქტივობას საკუთარი ბიუროკრატიული აპარატის დაქვემდებარებაში აქცევს. სოც.-დეკების პარტიიდან გარიცხული და განაწყენებული ვინმე ტიგრან კაჩაროვი (პოლიციის საქმეში ის მოხსენიებულია, როგორც მძარცველი, მკვლელი და ტერორისტი) პოლიციას ბევრ რამეს მოუყვა მათ შესახებ; კერძოდ, რომ ყოველ ახალ წევრს სოციალ-დემოკრატები ფოტოს უღებდნენ და ბინას, საჭმელსა და ყოველ-დღიურ დახმარებას სპირდებოდნენ, თუ ის ყველა იმ დავალებას შესარულებდა, რასაც პარტიის უმრავლესობა დაუსახავდა. ყოველი ტერორისტი, ანუ შემსრულებელი-ბოევიკი, 30 მანეთს იღებდა, ინტელიგენტი კი – 120-150 მანეთს (ხელფასის შესახებ სხვადასხვა ცნობები არსებობს: მაგალითად, 1909 წელს პარტია ნოე ჟორდანას თვითონ 50 მანეთს უხდიდა, უფრო დაბალი რანგის რევოლუციონერი მოხელე 25 მანეთს იღებდა. ეს თანხა მათ ეცოტაებოდათ და ისინი ხელფასის გაზრდას 40 მანეთამდე მოითხოვდნენ.¹⁰⁹ ცნობისათვის: XIX-XX საუკუნეების მიჯნაზე რუსეთში საერო მასწავლებელი თვეში 10-15 მანეთს იღებდა, მაშინ ერთი ლიტრი კარგი არაყი 12 კაპიკი ღირდა, ხოლო მეწველი ძროხა – 3-5 მანეთი). ინტელიგენტებში ითვლებოდნენ „...ასე თუ ისე თეორიულად მომზადებულნი, განსწავლულნი და მცოდნე მარქსიზმისა, მწერლობას ეწოდნენ და თანაც ქუჩებში დემონსტრაციებში იღებდნენ მონაწილეობას...“ ტერორისტები კი ასე არიან დახასიათებული: „...მუდამ დაუღალავი მებრძოლნი რევოლუციის ასპარეზზე, მუდამ გმირულად, თავგანწირვით, ქუჩებში მტრების გულმკერდის გასაპოხათ ბომბებით და თოფებით ხელში რევოლუციონურ სადარაჯოზე მყოფთ წერისთვის არ ეცალათ, მათ სიცოცხლეს წარმოადგენდა მუშათა კლასის მტრების მოშორება, თვითმპყრობელობის დამქაშების ჩაძაღვება“¹¹⁰.

¹⁰⁸ Л. Шаумян, Камо, 1959 г., гл. 35-36.

¹⁰⁹ www.ruthenia.ru/logos/number/56/10.pdf

¹¹⁰ „რევოლუციის მატრიანე“, 1928 წ., № 1, გვ. 39-40.

ამგვარი „დაულაგავი მებრძოლების“ რიცხვი ბევრად აღემატებოდა მარქსიზმში განსხვავული, ქუჩის დემონსტრაციებში მონაწილე ინტელიგენტების რიცხვს.

„ამ ამხანაგთა დიდი უმეტესობა დაიღუპა ბრძოლაში გვირუკად. დასახასიათებლად ამ ამხანაგების თავგანწირული მოქმედებისა მოვიყვანოთ მხოლოდ ორი სამი ეპიზოდი ქუჩებში მათ მიერ მოწყობილი ექსცესებისა. ერევნის მოედანზე კამოს ხელმძღვანელობით კაზაკებზე ბომბებით თავდასხმა და ფულის გატაცება... ჯორჯი-აშვილის და მისი ჯგუფის მიერ გრიაზნოვზე თავდასხმა ბომბებით და მისი მოკვლა... ალიხანოვის დაჭრა ქუთაისში, რომლის აქტის შესრულების მონაწილენი პლატონ მიქაბერიძესთან ერთად ვალოდია ოკუჯავაც იყო¹¹¹; ამხანაგ იცკა რიჟინაშვილის¹² მოქმედებზე თავდასხმა ქუთაისში ბომბებით, ბოქაული ელჩიზბეგოვის მოკვლა, „სტრაჟნიკ“ მუციევის დაჭრა ქუთაისის ბულვართან ამხ. ქიქია ჭიჭინაძის, ბაჭუა კუპრაშვილის და თავადის მიერ, შემდეგ ინგლისის ქუჩაზე ამხ. ალიოშა ჯაფარიძის მიერ მოწყობილი თავდასხმა ოცდახუთი რევოლუციონერისა კაზაკებზე, რომლებსაც შებორკილი მიყავდა თბილისიდან ქუთაისის საპყრობილეში ნოე ხომერიკი და სხვები. ამ თავდასხმებში მონაწილეობდენ აკაკი დალაქიშვილი, პროკოპი ლეჟავა (ჯიხაიშიდან), ერმილე კაკაბაძე, პავლე შალაყმაძე და იოსებ ხარაბაძე, რომლებმაც მოჰკლეს კაზაკები და გაათავისუფლეს ტუსაღები. ამ ბრძოლაში მოკლულ იქნა პროკოფი ლეჟავა, პავლე შალაყმაძე კი დაჭრილი – განა ეს საქმე მხოლოდ ქუჩაში მებრძოლი გამრებიდან არ წარმოიშობდა?“¹¹³

თავისთავად ბოვეიკები უკმაყოფილო იყვნენ ასეთი დისკრიმინაციით, რადგან ისინი სიცოცხლეს რისკავდნენ რალაც გროშების გამო, მაშინ, როცა მათ ზურგს ამოფარებულ ინტელიგენტ „მწერლებს“ თვიური სარგო მაღალი ჰქონდათ. კამო მათ შესახებ თურმე ამბობდა: „...ეგ რჯულ-ძაღვები, სხედან კაბინეტში და ჰგონიათ საქმე ისე გაკეთდებოდეს, გამოვიდნენ ერთი ყუმბარა აიღონ და მაშინ დაინახავენ, რა კარგია ბომბის ტრიალი!“.

1905 წლის რევოლუციამ ახალგაზრდების შემოღინება ტერორისტულ მოძრაობაში გააათმავა, ბევრი ახალგაზრდა მუშა, ხელოსანი და არალეგალურად მცხოვრები ყოფილი ნითელრაზმელი და ტერორისტი ჩაითრია აქტიურ მოძრაობაში. „...ყველა ესენი დაინტერესებულნი იყვნენ, რაც შეიძლება მეტი გამცემი ჯაშუშები მოემორეზიათ და ასეც იქცეოდნენ. ჰკლავდენ გამცემლებს... მე არ შემიძლია გავიხსენო ყველა ტერორისტული აქტები, რადგან ასეთები ბევრი იყო. კომიტეტს არავინ ეკითხებოდა და თუ კი დარწმუნდებოდნენ ვინმეს გამცემლობაში, იმაზე ბევრ გამოძიებას არ ნიშნავდენ და თვითონ უსწორდებოდნენ“¹¹⁴.

ასეთმა მასობრივმა ტერორმა თითქმის 1909 წლამდის გასტანა და ამ ხნის განმავლობაში ტერორისტების ჯგუფებსაც აკლდებოდათ წევრები: ზოგს იჭერდნენ და ასახლებდნენ, ზოგსაც დაჭერის და ციხეში წაყვანის დროს გზაში კლავდნენ (მსგავსი მაგალითების მოყვანა, როცა ბადრაგი დაპატიმრებულს კლავდა, მრავლად შეიძლე-

¹¹¹ იმავე წელს ქუთაისში მიქაბერიძე დაუდარაჯდა ზუგდიდის მაზრის უფროსს კელამოსს, ფაეტონზე შეუსტა, სამი გასროლით მოკლა და მიიმალა.

¹¹² ქუთაისელი აბრამ (იცკა) რიჟინაშვილი ცნობილი სოციალ-დემოკრატი პროპაგანდისტი იყო. პოლიციამ რიჟინაშვილი 1907 წლის 17 ივლისს მოკლა, როცა ის სადგურისკენ მიდიოდა ტერმის-ფორში გასაშვებ ზავრებლად. სხვა მონაცემებით, რიჟინაშვილი გორდოვოი მოშიაშვილმა იმსხვერპლა. რადდენიმე თვის შემდეგ მოშიაშვილი კოლია იოსელიანმა მოკლა კამოს მიერ ჩამოტანული „მარსის“ სისატემის რევოლვერით.

¹¹³ „რევოლუციის მატთან“, 1928 წ., №1, გვ. 39-40.

¹¹⁴ „რევოლუციის მატთან“, 1924 წ., №4-5, გვ. 122-123.

ბა. ეს ხომ დაინტერესებულ მხარეს საქმეს უადვილებდა – არ არის ადამიანი, შესაბამისად, არც პრობლემა. ერთხელ კოტე ცინცაძე დაიჭირეს და ციხეში უნდა წაეყვანათ. „...ციხეში მართო არ წაველი, რადგან ხშირი იყო იმ დროს გზაში მკვლელობა. მით უფრო არ გაეყევი, რომ ჩემი წაყვანა მოითხოვა უფროსმა „გარადავიომ“, ვილაც ინგუში იყო, რომელმაც იმ წინა კვირებში სამი კაცი მოკლა გზაში, ვითომდა გაქცევის ნიადაგზე. ჩემმა ჯიუტობამ გასჭრა და გამაყოლეს თვით ბოქაული ბახტაძე და ოფიცერი გელოვანი, ამნაირად სიკვდილს და დახრჩობას გადავრჩი“¹¹⁵).

დაბოლოს, „ფორთხლის“ შესახებ – ასე მოიხსენიებდნენ ტერორისტები ადამიანთა მოკვდილების ყველაზე ეფექტურ საშუალებას – ბომბებს¹¹⁶.

ცნობილია, რომ ტექნიკური პროგრესი სხვა სიკეთესთან ერთად ადამიანთა განადგურების ახალ-ახალი იარაღის გამოგონებასაც უწყობს ხელს. ბომბის ფართოდ გამოყენებას ალფრედ ნობელის მიერ 1866 წელს გვირაბების გაყვანილი სამუშაოების გასაადვილებლად გამოგონილმა დინამიტმა შეუწყო ხელი, რაც ტერორისტებისთვის ნამდვილი მისწრება იყო. ბომბით უფრო ადვილი იყო მსხვერპლის განადგურება (მსხვერპლთან ერთად რომ უამრავი ადამიანი დაიღუპებოდა, ხშირად საქმის შემსრულებელთან ერთად, დიდი მნიშვნელობა არ ჰქონდა), უფრო მეტ ხმაურს გამოიწვევდა და ხელისუფლებასაც დააშინებდა. ნოე ჟორდანიას წერდა: „...თფილისის კომიტეტი ახდენდა ტერორისტულ თანდასხმებს უანდარმებზე, მეტათ ერთგულ პოლიციელებზე და „ოხრანკის“ აგენტებზე. ისე ვარდებოდა ბომბები თფილისის სხვადასხვა კუთხეში, რომ გეგონებოდათ მტრის შელულია“¹¹⁷. თბილისში გასროლილმა ბომბებმა პანიკაში ჩაადგეს კაზაკები და ჯარით, – ამის შესახებ სიამოვნებით წერდა ლენინი¹¹⁸. ქართველმა ტერორისტებმა ეს ნოვატია აიტაცეს. 1905 წელს სოციალ-ფედერალისტურმა პარტიამ საკუთარი წვერი ალექსანდრე გაბუნია მაკედონიაში გაგზავნა რევოლუციური მოძრაობის გასაცნობად და როგორც ქიმიკოსს, ე. წ. „მაკედონური სისტემის“ ყუმბარების დამზადების შესწავლა დაავალა, „რომ მერე საქართველოში ყუმბარების ლაბორატორია მოაწყოს და მასალა მოუშალოს აჯანყებულთ“¹¹⁹. საქართველოში ბომბები და ასაფეთქებელი ინგრედიენტები მრავლად ჩამოჰქონდათ უცხოეთიდან და ბომბები სხვადასხვა ადგილებში – თბილისში, სამტრედიის რაიონის სოფელ კულაშში, ხაშურში, თელავის და გორის მაზრებში – არალეგალურ სანარმო-ლაბორატორიებში კეთდებოდა რუსეთში განსწავლული ახალგაზრდების მიერ. „მიუვალ ტყეში, თქმძის სათავეებთან გაიმართა მოზრდილი ფანჩატური, საცა პატარა „პრობირებიდან“ – ას-ლიტრიან თეზაფის ბოთლებამდე; შაქრის, ნახშირის,

¹¹⁵ „რევოლუციის მატჩანი“, 1924 წ., №4-5, გვ. 111-112.

¹¹⁶ ლენინი, რომელიც სახალხო უარყოფდა ტერორის ტაქტიკას, ერთ წერილში წერდა: „ღმერთო, მე თავზარდაცემული ვხედავ, რომ ბომბების შესახებ ნახევარ წელზე მეტია, რაც ლაპარაკობენ და ჯერ ერთი ცალიც კი არ გაუკეთებიათ!“ *Сочинения Ленина*, 1929 წ., ტ. 8, გვ. 326. ახლა სტალინის მიუხსენიოთ: „სანამ არსებობს რევოლუციური ტერორი, უნდა არსებობდეს პოლიციური სამმეპროც. გაეცანით, ბატონებო, რევოლუციური ლიტერატურას, ნაიკითხეთ, როგორ ასწავლიან ბრძოლას ტერორის, ბომბების საშუალებით, თანაც რეკომენდებულია, რომ ბომბები თუჯის იყოს, რათა უფრო მეტი ნამსხვერველი იყოს, ან კიდევ ისინი ლურსმნებით იყოს გატენილი...“, 11 февраля 1909; Гос. Дума: ответы П. А. Столыпина на запросы, касавшиеся бывшего сотрудника полиции Азефа в связи с преданием суду бывшего директора департамента полиции.

¹¹⁷ ნ. ჟორდანიას, ჩემი წარსული, 1990 წ., გვ. 50.

¹¹⁸ ი. ხუციშვილი, 1905-1907 წლების რევოლუცია საქართველოში, 1955 წ., გვ. 278.

¹¹⁹ თ. სახოკია, ჩემი საუკუნის ადამიანები, 1984 წ., გვ. 171.

ბერტოლეს მარლის, გვარჯილა, გოგირდიდან – „მევის არყამდე“ (ცარსკაია ვოდ-კა) ყველა მასლის სანყოფი გვექონდა; ტყვია, თუჯი, კალა და რკინა, „ბიქფორდის ბანარი“, კაპსულები ვერცხლის წყლისა, პატრონები... შუა ადგილას გამართული იყო პრიმიტიული სამჭედლო ლუმელი... თხის ტყავის საბერველით. მხოლოდ ერთი თვის შემდეგ ჩამოვიტანეთ თბილისიდან დიდი ნამდვილი საბერველი და ჩვენგან შედგენილი ხელსაწყოებისა და იარაღების სიით...“¹²⁰ გურიაში რამდენიმე იატაკქვეშა სახელოსნო არსებობდა: სურებში, ლანჩხუთში, ოზურგეთის მაზრის სოფელ ზვანის უბანში, სადაც სხვებთან ერთად სპარსეთის რევოლუციის გმირი ვლადიმერ დუმბაძეც მუშაობდა. სხვათა შორის, სპარსეთის რევოლუციაში მონაწილე ქართველ რევოლუციონერებს თან ჰქონდათ ხელყუმბარების დამამზადებელი მინილაბორატორია და საკუთარი „პროდუქციით“ თავზარს სცემდნენ სამთავრობო არმიის ჯარისკაცებს, რომელთაც იქამდე ხელყუმბარები, ისევე, როგორც მაუზერები, არ ენახათ¹²¹. ბაქოში მოღვაწე ქართველი რევოლუციონერები ძალის გამოყენებითაც ახერხებდნენ ყუმბარების დამზადებას. 1906 წლის თებერვალში ვალოდია გოგუაძე შეიარაღებულ რაზმელებთან ერთად თავს დაესხა ქარხანა „პრომეთეს“, მეპატრონე და ადმინისტრაცია ტყვედ აიყვანა, დაზებთან თავისი სპეციალისტები დააყენა და მთელი ღამე ამუშავა. გათენებისას დამზადებული ყუმბარები კონსპირაციულ ბინაზე გადაიტანეს¹²². მზა პროდუქცია რევოლუციონერებს სხვადასხვა გზით ეგზავნებოდათ: ვლასა მგელაძე, „რომელიც დახელოვებული იყო ყუმბარების და ასაფეთქებელი ნივთიერების დამზადების საქმეში“, გურიიდან თბილისში გამგზავრებისას ხურჯინში ჩალაგებულ ბომბებს ზევიდან ხაჭაპურებს ანყობდა.

ტექნიკური პროგრესის სხვა გამოგონება – ტელეგრაფიც ტერორისტებმა საკუთარი მიზნებისთვის მშენიერად გამოიყენეს – ის აადვილებდა და, რაც მთავარია, აჩქარებდა ინფორმაციის გადაცემას მსოფლიოს ნებისმიერ კუთხეში და ტერორისტული აქტის პროპაგანდისტულ ეფექტს მრავალგზის ზრდიდა; ანუ მიზანი, რისთვისაც ვდებოდა ტერაქტი – ერთეულების მოკვლით ათასების დაშინება და საკუთარი ძლევამოსილების, ხოლო მთავრობის უსუსრობის ჩვენება, მიღწეული იყო. თანამედროვე ტერორისტებისათვისაც მასმედია ერთ-ერთი უმთავრესი და უმძლავრესი იარაღია. 2001 წლის 11 სექტემბერს პირდაპირ ეთერში ნაჩვენებმა ტერაქტმა ხომ მთელ მსოფლიოს მოჰგვარა შიში.

ბუნებრივია, ქართული ტერორის ასეთი სწრაფი ტემპებით ზრდა უამრავ კითხვას ბადებს. შევეცადეთ, ნაწილობრივ პასუხი გაგვეცა ამ კითხვებზე. ქართულ-რუსული სახელმწიფოებრივი ურთიერთობის თემის წამოწვევის გარეშე კი ქართულ რევოლუციურ ტერორში გარკვევა შეუძლებელი იქნება.

¹²⁰ რ. გაბაშვილი, რაც მახსოვს, დაბრუნება, ტ. 3, 1992 წ., გვ. 44-45.

¹²¹ გ. ჭაპაშვილი, სერგო გამდლიშვილი (სერგო გურჯი) და მისი ირანული დღიურები, 1983 წ., გვ. 10.

¹²² ვ. გოგუაძე, მოგონებები, დაბრუნება, ტ. 3, 1992 წ., გვ. 382.

რუსული სახელმწიფო ტერორი საქართველოს წინააღმდეგ

ისტორიის გადმოსახედიდან საქართველო-რუსეთის ურთიერთობა დროის მცირე მონაკვეთს მოითვლის (თუ ათვლას 1801 წელს რუსეთის მიერ საქართველოს ანექსიით დაიწყებთ), მაგრამ ის სისხლიანი, ტრაგიკული და დრამატული ამბები-თაა დატვირთული. ქართველი ერი ისლამურ სახელმწიფოებთან განუწყვეტელი და სისხლისმღვრელი ომების გამო დაღლილი და გამოფიტული იყო. ამ სახით მიაღწია ჯერ გეორგიევსკის ტრაქტატამდე და შემდეგ 1801 წლამდე. შუა საუკუნეების შემდეგ ქართველ ერს უალრესად მძიმე გზა ჰქონდა გამოვლილი ერთიანი, მთლიანი სახელმწიფოებრივი იდეისაკენ. ამ იდეის განხორციელებისთვის საჭირო იყო გარეშე მტრისაგან გათავისუფლება, მათი ჩამოშორება, რაც საკუთარ გეოპოლიტიკური ადგილმდებარეობისა და სხვა ობიექტური მიზეზების გამო ვერ შეძლო. გარეშე მტრები საქართველოს აქუცმაცებდნენ, ნაწილებად ყოფდნენ და ყველანაირი მეთოდიით ცდილობდნენ ქართველი ერისა და ქართული სახელმწიფოს სრულ დანგრევა-გაქრობას. სამთავროებს შორის (ანუ ქართველთა შორის) გაჩაღებულ სისხლისმღვრელ ბრძოლებში ქართველთა ისედაც შეზღუდული ძალები იფიტებოდა, რაც ისევ მტრის წისქვილზე ასხამდა წყალს. XVIII საუკუნის მეორე ნახევარში ერეკლე მეფე ნათლად ხედავდა, რომ სამი დიდი მოქიშპე სახელმწიფო: ირანი, თურქეთი და რუსეთი ამიერკავკასიაში გაბატონებაზე პრეტენზიას აცხადებდა, აქედან გამომდინარე, საქართველოს არც ერთი მხრიდან მოსვენება არ ექნებოდა. მას აუცილებლად უნდა გაეკეთებინა არჩევანი: ან ისლამური სამყარო, ან რუსეთი, ვისი მეშვეობითაც ერეკლე მეფე სახელმწიფოებრივი სტრუქტურისა და ცხოვრების პროგრესული, ანუ ევროპული, გზით გარდაქმნას იმედოვნებდა. კონსტანტინოპოლის დაცემის შემდეგ საქართველო საბოლოოდ მოსწყდა (პირდაპირი და გადატანითი მნიშვნელობით) ევროპისაკენ მიმავალ გზას. რუსეთთან კავშირი კი, ბევრი ქართველის აზრით, შანსს იძლეოდა, გაერღვია ეს ბლოკადა, დაებრუნებინა წართმეული მიწები და რუსეთის გავლით მაინც აღედგინა ევროპულ ცივილიზაციასთან განწყვეტილი კავშირი და რამენაირად ამ ოჯახში შეედგა ფეხი. ამის შედეგად 1783 წლის 24 ივლისს გაფორმდა გეორგიევსკის ტრაქტატი, რომელსაც სხვადასხვა თაობის ისტორიკოსები განსხვავებულად აფასებენ, თუმცა ეს ხელშეკრულება არავითარ შემთხვევაში არ გულისხმობდა საქართველოს სახელმწიფოებრიობის გაუქმებას და რუსეთის განაპირა გუბერნიად გადაქცევას აქედან გამომდინარე ყველა შედეგით. ქართველი მეფეები და დიდებულები, დიპლომატები და უბრალო მოქალაქეები გულწრფელად ენდობოდნენ რუსეთს – ისიც ხომ მართლმადიდებელი სარწმუნოებისა იყო, მთავარ მტრად კი ისევ ისლამური სამყარო მოიაზრებოდა. ბევრ ქართველს ვერ წარმოედგინა, რომ რუსეთი საქართველოს არ დაეხმარებოდა და განსაცდელში მიატოვებდა. სწორედ ამით სარგებლობდა რუსეთი და საქართველოს ყოველთვის თავისი პოლიტიკური მიზნებისა და ზრახვებისათვის იყენებდა. ზოგიერთი ქართველი ამას კარგად ხედავდა, მაგალითად, ერეკლე II-ის მსაჯული სოლომონ ლიონიძე, რომელიც სულ ამას ემუდარებოდა ერეკლე მეფეს: ნუ ენდობი ჩრდილოეთს, სარწმუნოების ერ-

თოხა სრულიადაც არ ნიშნავს „სისხლ-ხორცობას“, მას ხალხის ზნე-ჩვეულებანი და განსაკუთრებული ეროვნული თვისებები აქარნელებს. „ერი, სხვის მფარველობაში მყოფი, - წერდა ლიონიძე, - სხვის ფრთას ქვეშ შეხიზნული, არის მონა, მზაკეარი, მასხარათ აგდებული. დამოუკიდებლობის დამკარგავი კარგავს საკუთარ ღირსებას და სულის ძალასაც!“ თითქმის ასი წლის შემდეგ, როდესაც სოციალისტურ-ფედერაციული პარტიის შექმნაზე მიმდინარეობდა მსჯელობა, ზოგიერთმა წამოაყენა წინადადება, რომ რუსეთის სოციალისტ-რევოლუციონერთა პარტიასთან შეექმნათ ქართული ავტონომიური ფგუფი, მაგრამ მეორე ნაწილი სასტიკი წინააღმდეგ იყო რუსული პარტიის დროშის ქვეშ დადგომისა. ამ იდეას განსაკუთრებით ეწინააღმდეგებოდა ვლადიმერ ღორთქიფანიძე: „რას ჰგავს ეს! რუსეთისაგან გინდათ თავი გინათავისუფლოთ და რუსულ პარტიას კი ემორჩილებით. რომელი რუსული პარტია იენება გულწრფელი მომხრე საქართველოს განთავისუფლებისა?“¹²³

ქართველი ერი განვითარებით, შეგნებით, კულტურულ-პოლიტიკური და ძველი სახელმწიფოებრივი სკოლის გამოცდილებით ბევრად მაღლა იდგა რუსეთზეც და ბევრ სხვა დამპყრობელზეც. ცნობილია, რომ XVII საუკუნემდე რუსეთი საერთოდ მოწყვეტილი იყო გარე სამყაროს - განათლებულ ევროპას. 1486 წელს მოსკოვში შემთხვევით მოხვედრილმა გერმანელმა რაინდმა პოპელმა დაბრუნებისთანავე აცნობა თავის იმპერატორს რუსეთის აღმოჩენის შესახებ. ასე რომ, ევროპელებმა ამერიკა და რუსეთი ლამის ერთ დროს აღმოაჩინეს¹²⁴. მაშინ, როდესაც ევროპა თანამედროვე ცხოვრებას საძირკველ უყრიდა: ავითარებდა მრეწველობას და ვაჭრობას, ხვეწდა და აუშჯობესებდა ტექნიკას, ჯ ზას აძლევდა მეცნიერული და თავისუფალი აზრის განვითარებას, „ევროპის მაჩანჩალა“¹²⁵ რუსეთი ჯერ კიდევ გაუნათლებლობისა და უკულტურობის ჭაობში იმყოფებოდა. „სამთავროდ რომ შემდგარიყო, რუსებს ვარიაგები სჭირდებოდათ, სახელმწიფოდ რომ ჩამოყალიბებულიყო - მონღოლები. ევროპიულობამ კი მოსკოვის სამეფოდან განავითარა კოლოსალური პეტერბურგის იმპერია“¹²⁶. ჩვენ კი დავამატებდით, რომ საბჭოთა იმპერიის შექმნისათვის რუსებს ქართველების უფრო სწორად, ქართველი ჯუღაპოლის, დახმარება დასჭირდათ. ამ სახის დახმარების შესახებ ამბობდა გერცენი, რომ სლავების შემთვისებელი ხასიათი, მათი ქალურობა, თვითმემოქმედების ნაკლებობა და შეთვისების დიდი უნარი და პლასტიკურობა მათ ხდის ხალხად, რომელსაც სხვა ხალხების დახმარება სჭირდება. იმავეს ამტკიცებს ბერდიაცი, როცა ამბობს, რომ „უდიდესი ჭირი რუსული სულისა მდგომარეობს მის ქალურ, „დედაკაცურში“ გარდამავალ პასიურობაში, მამაკაცურობის უქმარობაში, მისთვის უცხო და უცხოელ მამაკაცთან დაქორწინების სურვილში“.

1914 წელს ლენინი სტატიაში „ველიკორუსების ნაციონალური სიამაყის შესახებ“ რუსი ერის მისამართით ამბობდა: „არავის ბრალი არ არის, თუ ის მონად დაიბადა; მაგრამ მონა, რომლისთვისაც არა მარტო უცხოა საკუთარი თავისუფლებისკენ სწრაფვა, არამედ ამართლებს და აღამაზებს თავის მონობას (მაგალითად, პოლონეთის, უკრაინის და ა. შ. მოხრჩობას „ველიკორუსების მამულის დაცვას“ უწოდებს), ინვევს აღშფოთების, ზიზლის და გულისრევის დამსახურებულ გრძნობას და არის „ხალუი“ და „ხამი“.

მაშინ, როგორ შეესაბამება რუსეთის მონურ ბუნებას ის ფაქტი, რომ რუსეთი

¹²³ გ. ლაბიშვილი, მემუარები, 1992 წ., გვ. 121.

¹²⁴ Епископ Кириил. Культурная роль Иверии в истории Руси, 1910 წ., გვ. 61.

¹²⁵ ნ. რამიშვილი, საქართველო და რუსეთი, 2006 წ., გვ. 15.

¹²⁶ А. Герцен. Былое и думы, ნან. 1-5, 1969 წ., გვ. 451.

რევოლუციებისა და ავტორიტარული სისტემის წინააღმდეგ მიმართული ჯანყების ქვეყანაა? თუმცა „რევოლუციების ქვეყანას“ მერეჟკოვსკი სხვაგვარად უყურებდა: „კაცს ზოგჯერ გერჩევენა, რომ რუსეთში საერთოდ არ ხდება რევოლუცია, არამედ არასებობს მხოლოდ ბუნტი – იანვრის, დეკემბრის, ჩუგუევისკის, ხოლერის, პუგაჩოვის, რაზინის – მუდმივი მონების მუდმივი ბუნტი“¹²⁷.

პიროვნების გაღვივება ვერ მოხდა რუსულ ცნობიერებაში, როგორც კონსერვატორულ რუსეთში, ისე რევოლუციურ-დემოკრატიულ ინტელიგენციაში, ეს უკანასკნელი შეპყრობლია უფრო მექანიკური თანასწორობის იდეით, ვიდრე თავისუფლების იდეით, – წერდა ბერდიაევი 1914 წელს და აგრძელებდა: „ბევრისთვის რუსეთი განწირულია მონობისთვის და მისთვის თავისუფალი სიცოცხლის ასპარეზზე გამოსვლა არასოდეს არ მოხდება, ის ყოველთვის დარჩება უსახო კოლექტივის ქვეყნად“. მაგრამ ავტორი იმედს იტოვებდა, რომ ეს ყველაფერი გარდამავალი სტადიაა და არა (რუსული) „სულის სამუდამო მდგომარეობა“. ბერდიაევი იმედის თვალთ შეპყურებდა პირველ მსოფლიო ომს, ის იმედოვნებდა, რომ რუსეთი ამ ომში არათუ წარმოაჩენდა, არამედ საბოლოოდ განივითარებდა თავის სულიერებაში ნაკლებულ „მამაკაცურ სანყისს“ და ამით შინაგანად დაძლედა მონურ ბუნებას.

რუსეთი ამაყობდა და ამაყობს საკუთარი ისტორიული წარსულით, ქრისტიანობითა და კულტურით, იმით, რომ თითქოს მან შემოიტანა განახლება, ცივილიზაცია და კულტურა საქართველოში. ცნობილია, რომ მხოლოდ X საუკუნის დამავეს მიიღო დიდმა მთავარმა ვლადიმირმა ქრისტიანობა, იქამდე იქ კერპთაყვანისმცემლობა იყო მოდებული. არის ასეთი აზრიც, რომელსაც განსაკუთრებით ახშიანებს საქართველოს კათოლიკოს-პატრიარქი კირიონი, რომ როცა რუსმა ჟამთააღმწერელმა ეს ღირსშესანიშნავი ფაქტი აღწერა, მან ეპიზოდურ პირდაპირ „ქართლის ცხოვრებიდან“ მოიპარა, სადაც მოთხრობილი იყო მირიანისა და ქრისტიანობის გავრცელების შესახებ. იგივე კირიონი ამტკიცებს, რომ ასეთი შემთხვევები ხშირი იყო. რომ რუსები კარგად იცნობდნენ „ქართლის ცხოვრებას“ და იქიდან მრავალი ფაქტი აქვთ გადანერგულ-გადარუსულებული. ეს ძირითადად იმიტომ ხდებოდა, რომ საკუთარი ისტორია უფრო გაემდიდრებინათ და მრავალფეროვნად წარმოეჩინათ. აი, კიდევ ერთი მაგალითი: დამტკიცებულია, რომ ივან სუსანინი თავიდან ბოლომდე გამოგონილი პერსონაჟია, ის შექმნილია მღვდელი თევდორეს გმირული მაგალითის მიბაძვით¹²⁸.

რუსები თავს დებდნენ, რომ ისინი იყვნენ აღმოსავლეთში ქრისტიანების დამცველნი, მაგრამ XIX საუკუნის ბოლომდე მათ არც ერთი მონასტერი არ გააჩნდათ აღმოსავლეთში, მაშინ, როცა ქართველების ეკლესია-მონასტრების რიცხვი 50-ს აღწევდა ბევრად ადრე, სანამ სლავები ქრისტიანობას ეზიარებოდნენ. ისიც საინტერესოა, რომ რუსები საკუთარ ეკლესიებს ათონის ივერიის მსგავსად ხატავდნენ, რაც ქართული ეკლესიის ღიდ გავლენაზე მეტყველებს.

რუსეთი ვერ კიდევ პეტრე I-ის დროიდან ცდილობდა სხვადასხვა ხერხებით საქართველოს დაპყრობას. ტრაქტატის გაფორმების შემდეგ კი დიდი ხნის მიზანს, ანუ ქართული სახელმწიფოებრიობის გაქრობა-ჩაყლაპვას და ქართული ეთნოსის განადგურებას, ის უკვე ღიად ასრულებდა. იმავე ამოცანას ისახავდა მიზნად რუსეთის საზოგადოების ინტელექტუალური ნაწილიც, მათ შორის მეფის ხელისუფლები-სადმი ოპოზიციურად განწყობილი ადამიანებიც. ამის ნათელი დასტურია თუნდაც დეკაბრისტების აჯანყების ერთ-ერთი ლიდერის პავლე პესტელის ნაშრომი სათაურით „Русская Правда“. როგორც ცნობილია, 1825 წლის 14 დეკემბერს, იმპერატორ

127 Д. Мережковский. Большая Россия, 1991 г., гл. 138.

128 Епископ Кирилл. Культурная роль Иверии в истории Руси, 1910 г., гл. 114-115

ნიკოლოზ I-ის კორონაციის დღეს, სამხედრო გარნიზონის ამბოხება მოხდა. ეს იყო რუსი სამხედრო და არისტოკრატიული ელიტის საკმაოდ ფართო წრეების ფართომასშტაბიანი შეთქმულება, რომლის მიზანსაც წარმოადგენდა რუსეთის ავტოკრატიული ხელისუფლების დამხობა და დასავლეთის მსგავსი სახელისუფლებო ინსტიტუტების დამკვიდრება. სწორედ პესტელის ნაშრომი უნდა გამხდარიყო გადატრიალების შემდგომი კონსტიტუციის ბაზისი. შეთქმულთა მთავარი მიზანი იყო ერთეოვანი რუსეთის შექმნა, რაც ნიშნავდა აბსოლუტურ რუსიფიკაციას და იმპერიაში შემავალი ერების კულტურულ, ენობრივ და რელიგიურ ინტეგრაციას რუსულ სახელმწიფოში. ასეთი მიდგომა კი ბევრად არ განსხვავდებოდა ხელისუფლების პოზიციისგან. პესტელის აზრით, იმპერიაში შემაჯავლ ერები „მათი სისუსტის გამო“ ვერსაოდეს ვერ ჩაორაყალიბებდნენ სახელმწიფოებს, ამიტომ ისინი სამუდამოდ იქნებიან რუსეთის სახელმწიფოს ქვეშევრდომები. კავკასიელები, იმის გამო, რომ მათი „დანყარება და მორჯულება“ უშედეგოა, უნდა დაყოფილიყვნენ ორ ჯგუფად: მშვიდობიანებად და შფოთიანებად. პირველი ჯგუფი საკუთარ მიწებზე რუსეთის მმართველობაში უნდა დარჩენილიყო, შფოთიანები კი ძალით უნდა გადაესახლებინათ რუსეთის შუაგულში და დაენახევრებინათ. მათ ტერიტორიებზე კი რუსები უნდა დასახლებულიყვნენ, რათა წინანდელი მოსახლეობის ნასახიც არ დარჩენილიყო და ამ ადგილებში სიმშენი და სიხყნარეს დაესადგურებინათ. ამ საბოლოო მიზნის მიღწევას დეკაბრისტები 10-15-წლიანი გარდამავალი დიქტატურის გზის გავლით აპირებდნენ¹²⁹. აჯანყებულთა დასასრული საყოველთაოდ ცნობილია – მეფის მთავრობამ აჯანყება ჩაახშო, რის შედეგად დაიღუპა 1271 ადამიანი, აქედან 900 სრულიად უდანაშაულო, მოედანზე შეკრებილი სეირის მოყვარული. ხუთი დეკაბრისტი (პესტელის ჩათვლით) ჩამოახრჩვეს, დანარჩენებს ციმიბრში და რუსეთის იმპერიის სხვადასხვა ნაწილებში სამუდამო გადასახლება მიესაჯათ¹³⁰.

ალექსანდრე პუშკინის ცნობილი ლექსი, რომელიც პესტელს და მის თანამებრძოლებს მიეძღვნა, ყოველი რუსის ცნობიერებაში რეზონირებულ სტრიქონებს შეიცავს – „...და ნაპერწკალი გაღვივდება ცეცხლად...“ ბოლშევიკური გაზუთის სახელწოდება „Искра“ ლენინმა სწორედ პუშკინის ლექსიდან აიღო, ხოლო 1917 წლის ბოლშევიკური რევოლუცია თავისი შედეგით დეკაბრისტების ოცნების გადაჭარბებით შეასრულება იყო – დიქტატურის გზით ტოტალიტარული, იმპერიული სახელმწიფოს წარმოქმნა, რუსიფიკაციული პოლიტიკის გატარება და სატელიტური სახელმწიფოების შექმნა, პლუს მეფის ოჯახის ფიზიკური განადგურება.

დეკაბრისტების ჩანაფიქრი არაფერი იყო იმასთან შედარებით, რაც შემდეგ ბოლშევიკების მიერ დამყარებულმა რეჟიმმა და რუსული იდეების განმხორციელებ-

¹²⁹ http://vivovoco.rsl.ru/VV/LAW/VV_PES_W.HTM

¹³⁰ დეკაბრისტთა აჯანყების დროს პეტერბურგში იმყოფებოდა რამდენიმე ქართველი, მათ შორის სოლომონ დოდაშვილი, 1832 წლის შეთქმულების ერთ-ერთი ორგანიზატორი. შეთქმულების მთავარი მიზანი „მამულის გამოხსნა“ და ქართული სახელმწიფოებრიობის აღდგენა იყო. იმდროინდელი ქართული მოწინავე ძალა დეკაბრისტების დიდ გავლენას განიცდიდა. ამის დასტურია ის, რომ დეკაბრისტთა შეთქმულება, ალექსანდრე ორბელიანმა, პესტელისადმი სიმპათიის გამო მისი სახელიც კი შეირქვა. დეკაბრისტებთან დაახლოებული ქართველი შეთქმული ზ. ჩოლოყაშვილი აცხადებდა, რომ ქართველებისადმი პესტელის რჩევა იყო, პოლონეთი, საქართველო და სხვა ოლქები ისევე თავიანთ მფლობელებს დაუბრუნდნენ, რუსეთს კი ის ოლქები დარჩეს, რომლებიც მოსკოვის გარშემოა. როგორც ზემოთ ვიხილეთ, პესტელისა და სხვათა გეგმაში საქართველოს და სხვა დაპყრობილი სახელმწიფოების განთავისუფლება არც კი მოიაზრებოდა, დეკაბრისტების გამარჯვება კი, ალბათ, ბევრად უფრო მეტ უბედურებას მოუტანდა ჩვენს ქვეყანას, ასე რომ, ეს ცნობა, რომელსაც ჩოლოყაშვილი პესტელს მიანერსა, „...უფრო შეთქმულთა სურვილს გამოხატავდა...“. საქართველოს ისტორიის ნარკვევები, ტ. IV, 1973 წ. გვ. 948.

ბელმა დიდმა ქართველმა ბელადმა დაატრიალა: არა მარტო მთელი ერების აყრა, განდასახლება და გენოციდი, არამედ ის მზაკერული და ვერაფერი იდეა, რომ კარდინალურად განსხვავებული სხვადასხვა ერისაგან ერთი მთლიანი სახელდაკრაველი, უფლბააყრილი, ათვისები საბჭოთა ერი გამოქმენა... და გამოქმენა კიდევც, რის შედეგებსაც დღემდე ვიშკით. „ჩვენ გავხდით ტოტალიტარიზმის სუბიექტები, მისი ჩვევებით დამძიმებულნი – მის მიერ დანგრეული აზროვნებით ვაზროვნებთ, მის მიერ დანგრეული ცხოვრებით ვაცნობიერებთ ყველაფერს“.¹³¹

ბერისგან განსხვავებით, ქართული ეკლესია ნათლად ხედავდა, რა მიზნები ამოძრავებდათ რუსებს და თავიდანვე ცდილობდა, დაეცვა ქართული სახელმწიფოებრიობა და არ დაეშვა მისი რვეყნა. ეკლესია იყო ქართული ენის, ლიტერატურის, აზროვნებისა და კულტურის დამცველი და შემნახველი. ამიტომაც საქართველოს სამეფოს მოსპობის შემდეგ რუსეთის მთავრობა ცდილობდა, მოესპო ქართული ეკლესიაც. 1810 წელს მთავარმართებელი ტორმასოვი სინოდის¹³² ობერპროკურორს, თავად გოლიცინს წერდა: „საქართველოს პატრიარქ-კათალიკოსი ანტონი იშვიათი და ყველასაგან პატივცემული პირია, მაგრამ რადგანაც ის ავადმყოფი კაცია, სასარგებლო იქნება, საქართველოში ეგზარქოსი დაინიშნოს, კათალიკოსს კი საქართველოს შემოსავლიდან პენცია მიეცეს“. ტორმასოვის მოხსენება შეინყნარეს და მთავარმართებელმა „ავადმყოფი“ 47 წლის ანტონ II აიძულა, რუსეთში გადასახლებულიყო. საქართველოს ეკლესიის დამოუკიდებლობა, მსოფლიო კრების დადგენილებების მიუხედავად, გააუქმეს. კათალიკოსის მაგივრად ქართული ეკლესიის მმართველად სინოდის ეგზარქოსი ქართველი ვარლამ ერისთავი დაინიშნეს. ახალი მართველობის დამყარებამ აღმოსავლეთ საქართველოში ეგზარქოს ერისთავის მეცადინეობით შედარებით მშვიდობიანად ჩაიარა.¹³³

1815 წელს თბილისში სინოდის კანტორა დაარსდა. იმერეთის სამღვდელთა, მიტროპოლიტების მეთაურობით, კანტორის განკარგულებას ყურადღებას არ აქცევდა და დამოუკიდებლად მოქმედებდა. ამის გამო უწმინდესმა სინოდმა ეგზარქოსი ვარლამ გადააყენა და მის მაგივრად 1817 წელს ეგზარქოსად თეოფილაქტე რუსანოვი

¹³¹ მ. მამარდაშვილი, საუბრები ფილოსოფიაზე, 1992 წ., გვ. 10.

* სანამ უძლიერესი საბჭოთა სახელმწიფოს სათავეში მოექცეოდა, 1901 წელს ახალგაზრდა იოსებ ჯულაშვილი წინაგის ცრემლებს ღვრიდა, თუ როგორ იჩაგრება მეფის წყობილების უღელქვე არა მარტო მუშათა კლასი, არამედ საზოგადოებრივი კლასები და მთელი ერები: „...კენესიან... თავისი სამშობლოდან დეენილი და წმინდა გრძობებ-შურაცხოვრილი პოლონელები, ფინელები, რომელთაც თვითმპყრობლობამ ურცხვად გაუთელა ისტორიისაგან მიცემული უფლებები და თავისუფლება... კენესიან ქართველები, რომლებიც და სხვა ერები... იძულებულნი, დაემორჩილონ იმ სამარცხვინო და შემავინრებელ პოლიტიკას გარუსებისას, რომელსაც ასე გულმოდგინედ ატარებს თვითმპყრობლობა...“ ჯულაშვილს არც სარწმუნოება აეინყნებდა, ის სექტანტების უფლებების დამცველად გვექვინება, რომელთაც მართლმადიდებელი ხუცესები ჩაგრავენ... ი. სტალინი, თხზულებანი, 1947 წ., გვ. 21-22.

¹³² სინოდი – უმაღლესი სასულიერო პირთა კრება მთელ რიგ მართლმადიდებელურსა და პროტესტანტულ ეკლესიებში; რუსეთის მართლმადიდებლური ეკლესიის მმართველობის უმაღლესი ორგანო (XVIII საუკუნის დასაწყისი – XX საუკუნის დასაწყისი). ქართული საბჭოთა ენციკლოპედია, ტ. 9, 1985 წ., გვ. 373.

¹³³ საინტერესოა, რომ კათალიკოსებს თვით ქართველებიც არ სწყალობდნენ. 1774 წელს თბილისში აზნაურმა ტარიელ თაზიშვილმა ხანჯლით კათალიკოსი ნიკოლოზ ხერხეულიძე მოკლა. მკვლელი რიყის მიმართულებით გაიქცა, მაგრამ დაეწინგნენ და ქვები დაჩაქლეს, შემდეგ კი მისი ნათესავები დაანოკვეს. იმდროინდელი საქართველოს სინამდვილეში ტერორისტული აქტები იშვიათობა არ ყოფილა, მაგრამ „...კათალიკოსის მოკლა... განსაკუთრებით მძიმე დანაშაულად ითვლებოდა და გამოწკლის შემთხვევას წარმოადგენდა“. გ. ქიქოძე, ერეკლე მეორე, 1958 წ., გვ. 69.

დანიშნა. დანიშნვისთანავე თოვთოვლად იმერეთში გაემგზავრა, გურია-სამეგრელოში კი კანტორის მოხელეთა დაგზავნა და საეკლესიო მამულების აღწერა და ჩაბარება დაავალა. მთავარნართებელი ერმოლოვი ეგზარქოსს მხარის უჭერდა, თუმცა ეს ნაბიჯები ნაადრევად მიჩნდა, რადგან აჯანყებისა ემინოდა. ეგზარქოსი კი დანყებულ საქმეს აგრძელებდა: მან საქართველოში საეპისკოპოსო კათედრები 12-დან 4-მდე შეამცირა და ბევრი ეკლესია დაკეტა, რამაც ხალხის გაღიზიანება გამოიწვია: „ჩვენი ეკლესიები ოსმალებს არ დაუკეტიათ და ამას რა მოვესწარივ“, ამას კი აჯანყება მოჰყვა.

იმერეთის გამგებელმა გენერალმა კურნატოვსკიმ ეს ანბავი ერმოლოვს აუწყა და ჯარი სთხოვა. მაგრამ მაშინ დაღესტანში ომი მიმდინარებდა და მთელი ყურადღება იქითკენ იყო გადატანილი. შტაბის უფროსმა ველიამინოვმა თოვთოვლად სთხოვა, დროებით შეეჩერებინა თავისი საქმიანობა და ქართლში დაბრუნებულიყო. ის კი ჯიუტად აგრძელებდა ქუთაისში ყოფნას, სანამ ხალხმა არ გააგდო. ამით შეურაცხყოფილმა ეგზარქოსმა გადაწყვიტა, იმერეთიდან განედევნა იმერეთის ცნობილი მიტროპოლიტები და რუსეთში გადაესახლებინა. ეს აზრი მოინონეს და საქმის სისრულეში მოსაყვანად ქუთაისში ჯარი გაგზავნეს.

ამ დროს ხანში შესული გენერალი კურნატოვსკი სამსახურიდან დაითხოვეს და მის მგებელად ახალგაზრდა პოლკოვნიკი პუზირევსკი დანიშნეს, მასვე მიანდეს მიტროპოლიტებისა და მისი თანამშენებლის დაპატიმრება. შტაბის უფროსმა ველიამინოვმა პუზირევსკის ასეთი წერილი გაუგზავნა: „მიტროპოლიტების დახოცვას გაუფრთხილდით, ვინაიდან ეს ხალხს უფრო აღამფოთებს. თუ ვინაცოხა, ეს ზომა საჭირო გახდეს, მაშინ დახოცილთა გვამები იმერეთში არ დატოვოთ, არც სადმე მდინარეში გადაყაროთ, რომ არ გამოირიყოს – მოზღოკამდე მიიტანეთ და იქ დამარხეთ“.

1820 წლის 4 მარტს ლოცვის დროს პუზირევსკი და ხიშტებმომარჯვებული რამდენიმე ჯარისკაცი მიტროპოლიტ დოსითეოს ქუთათელის ოთახში შეიჭრნენ. პოლკოვნიკმა ლოცვის შეწყვეტა მოსთხოვა და უბრძანა, უკან გამომყვირო, რაზეც სასტიკი უარი მიიღო. მაშინ ჯარისკაცებმა მიტროპოლიტს ხელი სტაცეს, მაგრამ ის რკინის სარკმელს მოეჭიდა და არ ნებდებოდა, მას მესენაკე ყიფიანიც მიეშველა, რომელსაც თავში კონდახი ჩაარტყეს და უგრძნობლად დასცეს იატაკზე. მოხუცი მიტროპოლიტი კიდევ დიდხანს უწევდა წინააღმდეგობას, მაგრამ ბოლოს თოკებით შეკრეს და კონდახის ცემით გარეთ გამოათრეს.

იმავე ღამეს შეიპყრეს გელათის მიტროპოლიტი ევთიმე, მასთან ერთად – სოლომონ პირველის ასული დარეჯანი, სეხნია ნულუკიძე, მდივანბეგი დავით მიქელაძე და ბევრი მისი თანამოაზრე მცირეწლოვან ბავშვებთან ერთად. ტყვეებს თავზე გაფისული ტილოები ჩამოაცვეს, რომ არავის ეცნო, მხოლოდ სულის მოსათქმელი დაუტოვეს, ხელ-ფეხშეკრული ურემზე დაყარეს და რუსეთისკენ გაგზავნეს. ნაცემ-ნანამები ქუთათელი გზაში გარდაიცვალა და ის ანანურის საყდარში დაკრძალეს. პუზირევსკი კი ამის თაობაზე ერთ წერილში წერდა, მიტროპოლიტი ტიფისგან გარდაიცვალაო. ყველა დაპატიმრებული რუსეთის სხვადასხვა გუბერნიებში გადასახლეს, სადაც უკიდურეს სიღარიბეში გარდაიცვალნენ.¹³⁴

¹³⁴ პუზირევსკის სამაგიერო მალე მივხლო. ამ საქმის მოთავეების შემდეგ ის მცირე რაზმით გურია-სამეგრელოში გაემგზავრა, სადაც ქაიხოსრო გურიელთან შეფარებული სოლომონ პირველის შეიღობილი, იცაძე აბაშიძე იმალეზოდა და აჯანყებას ხელმძღვანელობდა. შემოქმედის ციხესიანს რომ მივიდა, პუზირევსკი ან ნინო ტყვედ დასაჯდა გურიელი, მათ შორის იოთამ ბოლქვაძე (სხვა ცნობებით, ბოლქვაძე მარტო იყო). ქაიხოსრო გურიელს ისინი დასაზურად გამოგზავნა. პუზირევსკიმ მათ დაუყვირა: „აღ არი ის ძაღლისძეილი ქაიხოსრო?“ და ერთ გურულს მათრახიც უთავაზა. ბოლქვაძეს ბევრი არ უფიქრია და ერთი გასროლით პოლკოვნიკი იქვე გააგორა, პუზირევსკის ერთი მხლებელი კი ხმლით მუაზე გააპო. დანარჩენი რუსები კი შეიპყრეს და თან წაიყვანეს.

რუსებმა ქართულ ეკლესიას ესეც არ აკმარეს – მათ რუსეთში გაჰქონდათ განძეულობა, სატები, ფრესკებს კი ანადგურებდნენ, კირით ლესავდნენ და მის ადგილას რუსული მხატვრობის ნიმუშებს სახავდნენ ან განადგურებულს ტოვებდნენ.

ქართული ეკლესიის დევნა რუსეთის ბატონობის მთელ პერიოდში გრძელდებოდა. „ეს ის დრო იყო (XIX საუკუნის მეორე ნახევარი – ი. მ., ლ. ხ.), როდესაც ტფილისის არც ერთ ქართულ ეკლესიაში ქართულ ლოცვა-წირვას ვეღარ გაიგონებდით. ეს ის დრო იყო, როდესაც შავრაზმელ მღვდელს ვოსტორგოვს და მის დამქაშებს შედგენილი ჰქონდათ გეგმა, მთელ საქართველოს სოფლებში გადაეგდოთ ქართულ ენაზე ლეთისმასხურება და ქართული საეკლესიო ენის მაგიერ შემოეღოთ სლავური ენა“¹³⁵. ქართველი სამღვდლოება აქტიურად ჩაება საქართველოს ეკლესიის ავტოკეფალიის აღდგენის საქმეში. ამ მოძრაობის წევრები იყვნენ მომავალი კათალიკო-პატრიარქები: კირიონი, ლეონიდი, ამბროსი და სხვები. რასაკვირველია, ქართველი ავტოკეფალისტების ამ მოძრაობას რუსეთის მართლმადიდებელი ეკლესია დიდი უკმაყოფილებითა და აღშფოთებით შეხვდა. 1905 წლის ივნისში სასულიერო სემინარიაში გამართული ქართველი სამღვდლოების ყრილობა საქართველოს ეგზარქოსის, ნიკონის, ბრძანებით კაზაკებმა სასტიკად დაარბიეს. სასულიერო ნოდება ხელშეუხებლობას გულისხმობდა, მაგრამ კაზაკებმა მღვდლებს უმოწყალოდ სცემეს შენობაში, პუშკინის სკვერში; სასულიერო პირებმა ტრანკვის ვაგონებს შეაფარეს თავი, მაგრამ კაზაკების მათრახი და კონდახი მათ იქაც დაენია. ფიზიკური დაზიანება მიიღო სამღვდლოების 60-ზე მეტმა წარმომადგენელმა. ამ ველური აქტის გამო ქალაქის თვითმმართველობამ პროტესტის ნიშნად სხდომა დახურა. დეპუტატმა ხრამელოვმა კი შემდეგი სიტყვები წარმოთქვა: „საქართველოს ცხოვრებაში იყო ისეთი შემთხვევები, როდესაც მტრები თვით ეპისკოპოსებსაც ყრიდნენ მტკვარში, მაგრამ ეს ხდებოდა იმ დროს, როდესაც გამწვავებული ბრძოლა სწარმოებდა ისლამსა და ქრისტიანობას შორის... განა აქ ისლამი ებრძვის ქრისტიანობის წარმომადგენელთ? განა აქ ადგილი აქვს ორი რელიგიის ბრძოლას? არა, აქ სულ სხვა პირობებია... აქ თავიდან შეხარბეული შეიარაღებული ხალხი მუხანათურად ესხმის თავს ქართველ სამღვდლოებს... ენა გიდუმდება და ვერ პოულობ შესაფერ სიტყვებს, რომ გამოსთქვა ის აღშფოთება, რომელსაც გრძნობს მთელი მხარე ამ ბარბაროსული სიმხეცის გამო“¹³⁶.

1908 წლის 28 მაისს ანტიქართული საქმიანობით განთქმული ეგზარქოსი ნიკონი სასინოდო კანტორის შენობაში მოკლეს. „...როცა მისი მეუფება ექსარხოსი შევიდა კანტორის შესავალში, ზედიზედ გაისმა რამოდენიმე რევოლვერის სროლის ხმა, ხოლო ამის შემდეგ გამოვარდა ორი „ტუზემეცი“ და მიეფარნენ სომხის ბაზრისკენ... გვამის გასინჯვის შემდეგ გამოირკვა, რომ არქიეპისკოპოს ნიკონისათვის ესროლათ ორ ბოროტ გამზრახველს ორი მხრიდან და მოერტყმიათ მეუფისათვის სამი ტყვია, განსვენებულის გვაში ნახეს ტყვიები მაუზერის და ბრაუნინგის სისტემის რევოლვერებიდან. სამი ტყვია მეორე მხარეზე გასულა, გაუკანრავს გული, ფილტვები და სხვა შინაგანი ორგანოები, ერთი ტყვია მოხვედრია კისერში, დანარჩენები კი სხეულის სხვადასხვა ნაწილებში...“¹³⁷ ამ დანაშაულს ფედერალისტებს აბრალებდნენ, ისინი კი კატეგორიულად უარყოფდნენ რაიმე კავშირს ნიკონის მკვლელობასთან. გიორგი ლასხიშვილი ფიქრობდა, რომ ეს ტერაქტი ქართველი სამღვდლოების წრეებში იყო დაგეგმილი და მოწყობილი. ეს იყო რუსეთის უმაღლეს ცენტრალურ სასულიერო მთავრობასა და ქართველ სამღვდლოებას შორის მწვავე დაპირისპირე-

¹³⁵ ი. მანსვეტაშვილი, მოგონებები, 1985 წ., გვ. 76.

¹³⁶ 1905 წელი ტფილისში, 1926 წ., გვ. 54.

¹³⁷ „ნაპერნკალი“, 1908 წ., №4.

ბის შედეგი. ამ დაპირისპირებაზე ისიც მეტყველებს, რომ როცა ეგზარქოსი ნიკონი თბილისში ჩამოვიდა, მის დასახვედრად ქართველი სამღვდლოებიდან მხოლოდ გორის ეპისკოპოსი პეტრე მივიდა, რომელმაც მისასალმებელ სიტყვაში ისურვა, რომ ახლად დანიშნულ ეგზარქოსს საქართველოს ავტოკეფალიის აღდგენაზე ეზრუნა. რაზეც ნიკონმა უარი განაცხადა. ქართველმა სამღვდლოებამ თავის მხრივ მას ბოიკოტი³⁸ გამოუცხადა. იქამდე კი იმერეთის ეპისკოპოსმა ლეონიდმა სინოდისაგან წინადადებაც კი მიიღო, რათა „გადააყენოს სამსახურიდან მღვდელი გიორგაძე ქართველი სამღვდლოების სახელით სინოდში ტელეგრამის გაგზავნისათვის, რომელშიც აცნობებდა, რომ ახლა დანიშნული ექსარხოსი ნიკონი საქართველოში არ მოვიდეს“³⁹. ნიკონის მოკვლის გამო ბევრი ქართველი ავტოკეფალისტი, მათ შორის ეპისკოპოსი კირიონი, დასაჯეს.

საიატორიო არქივში (ფონდი 156, აღწერილობა 1, საქმე 15) დაცულია დოკუმენტები, ქალაქ ნიკოლაევის საკატორლო ციხის ტუსალის, ყვირილის ხაზინის ერთ-ერთი მძარცველის არსენ ქარსიძის⁴⁰ მონათხრობი, საიდანაც ვიგებთ, რომ 1905 წელს თბილისის გუბერნიაში შეიქმნა ავტოკეფალისტების პარტია, რომელიც საქართველოს ეკლესიის რუსულისგან გამოყოფას მოითხოვდა. მას შემდეგ კი, რაც 1907 წელს კაზაკებმა სასულიერო სემინარიაში ქართველი სამღვდლოების კრება დაარბიეს, ეგზარქოსი ნიკონის მოკვლა გადაწყდა. დაიწყეს „ქილერის“ ძებნა. ამასობაში ავტოკეფალისტებმა ეჭვი მიიტანეს ერთ სასულიერო პირზე, გვარად გურგენიძეზე, რომ ის პოლიციასთან იყო შეკრული და შეეძლო გაეცა, ამიტომ მისი თავიდან მოშორება გადაწყვიტეს. ეს გადაწყვეტილება გურგენიძემ გაიგო და შეთქმულებს სთხოვა, რომ არ მოეკლათ, სამაგიეროდ ყველაფერს გადაეტებო. მაშინ მას ეგზარქოსის მოკვლა ან კიდევ მკვლელის გამოძებნა შესთავაზეს. გურგენიძე დათანხმდა. მან სასულიერო სემინარიის ყოფილ მონაფეს, იმჟამად ანარქისტების პარტიის წევრს, ეფიმ კურუქს, საემის ვითარება გააცნო, ისიც დათანხმდა და დამზმარედ ზაქრო ტურიკიანცი წამოიყვანა. ამ საქმეში მათ 500 მანეთი მოითხოვეს. იქამდე კურუქი სასჯელის მოლოდინში მეტეხის ციხეში იჯდა სადგურ კარაიაში საფოსტო მატარებლის ძარცვის მცდელობის გამო⁴¹. კურუქი ციხეში ბანქოს თამაშობდა, მუდმივად აგებდა, ფულს კი პატიმარ

³⁸ პროტესტის ეს ფორმა პირველად გამოყენებულ იქნა ინგლისში მემამულეებსა და გლეხებს შორია დაპირისპირების დროს. ბოიკოტი ძალზე ფართოდ გავრცელდა რევოლუციურ გეოგრაფიაში. „უმალესი დასჯა ბოიკოტით ასეთი იყო: დამნაშავეს ეკრძალებოდა ეზოღდგან გადმოყოფა და მისას ჩაუღლის უფლება არაჟის არ შეიქმნა, თუ გინდ მისას ცეცხლი გასჩენოდა სახლს; იყო შემთხვევები ოჯახის წევრებსაც არ ეძლეოდა დასაჯილზე გალაპარაკების უფლება. მახსოვს ისეთი შემთხვევებიც რომ გამოუსწორებელი პირი ტყვიით სწორდებოდა. ყველა ეს სასჯელი ხალხს გამოქჟონდა მასიურ კრებებზე“, - ნერდა უცნობი ავტორი. შსსს ფონდი 8, საქმე 242, აღწერილობა 2, ნაწილი II, გვ. 4.

³⁹ „აბალი ცხოვრება“, 1906 წ., № 12.

⁴⁰ ქარსიძემ პოლიციას ბევრი რამ მოუთხრო დუშეთის ხაზინის დატარცვის, ერივანსკის მოედანზე ექსპროპრიაციის შესახებ, რომელზეც ქვემოთ გვეყენება ვებტალის დასაბრუნად. მან ამოცანა ფორცის საშუალებით კამო, როგორც ერივანსკის მოედანზე „ექსის“ მეთაური და გენერალ ალიხანოვ-ავარაკის მკვლელობის ორგანიზატორი, აგრეთვე დაუსახელა ის ბინა თბილისში, გონჩარნი (დღევანდელი მოსკო თოიძის ქუჩა) ქუჩაზე, სადაც „ექსის“ მონაწილენი იკრიბებოდნენ და იარაღს ინახავდნენ. მეტეხის ციხეში მისი პატიმრობისას მოდიოდა ცნობები, რომ ქარსიძე პროვოკატორი, რომ მან ბევრი რევოლუციონერი გასცა. ამის დამამტკიცებელი საბუთებიც აღმოჩნდა, მაგრამ ციხის ადმინისტრაცია მას საიმედოდ იცავდა მსჯავრდებულთა რისხვისაგან. საბოლოოდ ქარსიძე საკატორლო ციხეში ტიფთი გარდაიცვალა.

⁴¹ 1907 წელს პარტიის დავალებით უნდა მომზადრიყო თავდასხმა მატარებელზე, რომელსაც მილიონი მანეთი გადაჰქონდა, მაგრამ არმემდგარი მძარცველები გასცეს და ტერორისტული ჯგუფის თითქმის ყველა მონაწილე დააპატიმრეს.

ალექსი ქართველიშვილისაგან სესხულობდა. კუჩუკი ჰპირდებოდა, რომ, როგორც კი გათავისუფლდებოდა, ვალს დაუბრუნებდა. ბუნდოვანია, როდის შესთავაზეს კუჩუკს ეს საქმე – ციხეში როცა იყო, თუ როცა განთავისუფლდა. ყოველ შემთხვევაში, ქარსის თქმით, ქართველიშვილმა იცოდა ეგზარქოსის მკვლელობის გეგმის შესახებ. 1908 წლის 11 მაისს მეტეხის ციხიდან ტუსალების დიდი ჯგუფი გაიქცა.

გაზეთი „ცხოვრების სარკე“ (1908 წ., №17) მკითხველს გაქცევის ამბავს ატყობინებდა. გაქცეულთა შორის ზაქრო ტურიკიანციც იყო: „...მეტეხის ციხის კარებიდან მისულა ვიღაც უცნობი და ფანჯარაზე დაუკაკუნებია. მეკარე ეგნატე პალჩიკოვიჩმა ფანჯარა გააღო, უცნობმა სთხოვა, რომ მას გამოერთმია ტუსალ მაისურაძისთვის ცარიელი კალათი, რომლითაც მან მაისურაძეს რამდენიმე ხნის წინათ სურსათი მიუტანა და მისთვის გადაეცა. პალჩიკოვიჩმა ტუსალ მაისურაძეს დაუძახა, და როდესაც ეს უკანასკნელი კარებთან მივიდა, ამ დროს საიდანაც რამდენიმე სროლის ხმა გაისმა. უცებ ნაიქცა სამი ტყვიით მძიმეთ დაჭრილი ჯარის კაცი... ამ დროს ზედიზედ ორმა ყუმბარამ იფეთქა, კალათის მომტანმა უცნობმა მაუზერის რევოლვერით სასიკვდილოთ დაჭრა ჯარის კაცი პეტრე დუკმასი და კედლის გარეთ მდგომი გარადაეოი. ამ გვარათ, გაიწმინდეს თუ არა გზა, ტუსალები მიანყდენ კარს, ძალით გააღეს და მიიმაღლენ...“¹⁴²

გაქცევის შემდეგ, 28 მაისს, ნიკონი ზემოთ აღნიშნულმა პირებმა მოკლეს, ხოლო მეორე დღეს, 29 მაისს, მძარცველები (იმერლიშვილი, ტურიკიანცი და სხვები) თავს დაესხნენ თბილისის საბაჟოს. მძარცველებმა მოკლეს საბაჟოს მმართველი და კიდევ სამი ადამიანი. „...მოათავეს თუ არა თავისი საქმე..., (მძარცველები) სხვადასხვა მხარეს გაიქცენ. ორი მათგანი იქვე იქნა მოკლული დროზე მოსულ დარაჯების მიერ. მესამე გაიქცა გოგოლის ქუჩით ავჭალის ქუჩისკენ, სადაც ის ჯარისკაცებმა მოკლეს...“¹⁴³ მოკლულ მძარცველთა შორის ნიკონის ერთ-ერთი მკვლეელი ზაქრო ტურიკიანციც იყო („ოხრანკის“ ცნობით, თავდამსხმელებმა სალაროდან 30 179 მანეთი გაიტაცეს. გამომიძიეს მასალებიდან ირკვევა, რომ მძარცველებს თავისი კაცი ჰყავდათ საბაჟოში, მცველი მათიანშვილი. თურმე ფულის გაყოფის დროს ერთ-ერთმა მძარცველმა ჩუმად 5 ათასი მანეთი მიითვისა, რისთვისაც სიკვდილი გადაუწყვიტეს, მაგრამ მას

¹⁴² გაქცევის ორგანიზებაში მნიშვნელოვანი როლი ითამაშა „ტურა“ მაისურაძემ, რომელმაც თუნუქის რძის ტურჭლით ციხეში ბოძების დასამზადებლად საჭირო კომპონენტები შეაპარა, რისგანაც ტერორისტმა ილიკო იმერლიშვილმა და მისმა ამხანაგებმა ბოძი დაამზადეს. შემდეგ ერთ-ერთი ტერორისტის საშუალებით (ის მეტეხის ციხის კედლებთან განგებ „მარსელიოზას“ მღეროდა, რისთვისაც, რასაკვირველია, მამნივე დააპატიმრეს, მაგრამ რიგიანად არ გაჩხრიკეს) ციხეში ბრაუნინგი შეაპარეს. ორიოდ სიტყვით ილიკო იმერლიშვილის შესახებ: ის სოციალ-დემოკრატიული პარტიის აქტიური ბრუეკი და ტერორისტი იყო, 1905 წელს მონაწილეობდა სომეხ-თათართა „დამოშმინებაში“. ის მეგობრობდა გურულ ფირალებთან და ტერორისტებთან, განსაკუთრებით ერასტი ჯორბენაძესთან. ამ უკანასკნელის მოკვლის შემდეგ იმერლიშვილი ისევე განაგრძობდა ტერორისტულ საქმიანობას. 1914 წელს ნაძალადევი პოლიცია თავს დაესხა იმერლიშვილს და ცნობილ ტერორისტს, ქართულ ვაზო ფარსიშვილს. ყაჩაღებმა ცეცხლი გაუხსნეს პოლიციას და მოკლეს ბოქაული, მისი თანამებნე და დაჭრეს 14 კაცი. ტერორისტებმა პოლიციის დაბნეულობით ისარგებლეს და სახლიდან გამოცივიდნენ. ფარსიშვილი მოკლეს, იმერლიშვილი კი გაიქცა. როდესაც იმერლიშვილის ოჯახი გვამის ამოსაცნობად მიიყვანეს, იმ იმედით, რომ თავს დაანებებდნენ, მათ მოკლული იმერლიშვილად გამოაცხადეს. როგორც მოგვიანებით ვაიჩკვა, ტერორისტები დიაკონანა არჩილი იოსებიძემ ვასცა. იმერლიშვილმა ის გამოიჭირა და თავი მოაჭრა, მოჭრილი თავი კი ფოსტით სასამართლოში გაგზავნა. წინა მაისურაძე, შსსს ფონდი 93, აღწერილობა 2, საქმე 553. ამ შემთხვევის შემდეგ იმერლიშვილმა დატოვა თბილისის მიდამოები და დუშეთის მაზრის ტყეებში მოქმედ წითელ პარტიზებს შეუერთდა. 1914 წელს ილიკო იმერლიშვილს შემთხვევით ხელში ბოძი აუფეთქდა და გარდაიცვალა.

¹⁴³ „ნაპერკალი“, 1908 წ.

მომავალმა სიძველემ: თანამოსაქმეებს შეეხვეწა და ქურდი შინაყალეს. გადარჩენილმა მძარცველებმა ამ ფულით რესტორანი „პარიზი“ გახსნეს¹⁴⁴).

იმას, რომ ეგზარქოსი ტურიკიანის და კურჩუის მოკლულია, კიდევ ერთი ფაქტი ამყარებს¹⁴⁵. გაქცეული ქართველიშვილი დაიჭირეს და ისევ მეტეხში დააბრუნეს, სადაც ეგზარქოსის მოკვლის ამბავი გაიგო: ერთხელ მას ამანათი შეუგზავნეს – ჩაი, შუარი და „ჩუსტი-ფეხსაცმელი“, რომლის ქუსლში 25 მანეთი და პატარა ბარათი იდო კურჩუკისაგან: „ჩვენ ის გავაკეთეთ, რასაც გეუბნებოდი“, ანუ ნიკონი მოვკალით (ეგზარქოსის მკვლელობას გაგრძელებაც ჰქონდა. ნიკონის საქმის გამომძიებელს კათოლიკეთა ქუჩის კუთხეში ვიღაც უცნობმა სამჯერ ზედიზედ მაუზერიდან ესროლა. გამომძიებელი თავში დაიჭრა, ხოლო მეეტლე – მარცხენა ხელში. თავდასხმელი მიიბალა).

აღსანიშნავია, რომ მეფის მთავრობა არც სხვა ერების ეკლესიებს ინდობდა: 1903 წლის 12 ივნისს მთავრობის განკარგულებით სომხურ ეკლესიას ქონება ჩამოერთვა და ხაზინას გადაეცა (ცნობისათვის: 1869 წელს ალექსანდრე II-ის ბრძანებით აღმოსავლეთ საქართველოს მართლმადიდებლურ ეკლესიას ჩამოერთვა ადგილმამულები, 106 ათასი პექტარი ტყე და სახნავ-სათესი მიწები და სახელმწიფო საკუთრებად გამოცხადდა). იქამდე კი დაკეცეს სომხური სკოლები, სომხური წიგნების გამომცემლობა. სომხების მისამართითაც იგივე გაკეთდა, რაც წლების განმავლობაში ქართველობის წინააღმდეგ კეთდებოდა. ამ გადაწყვეტილებას მოჰყვა სომხური მოსახლეობის გამოსვლები მთელ რუსეთის იმპერიაში, მოხდა შეტაკებები კაზაკებსა და სომხებს შორის, მათ შორის საქართველოს ქალაქებშიც. 1903 წლის 14 სექტემბერს კოჯრის გზაზე, როდესაც მთავარმართებელი გოლიცინი და მისი მეუღლე ბოტანიკური ბაღიდან ბრუნდებოდნენ, სომხური პარტიის „დაშნაკცუტიუნის“ (შემოკლებით დაშნაკები) წევრები დაესხნენ და გოლიცინი თავსა და ხელში ხანჯლებით დაჭრეს. გოლიცინი თურმე გაფრთხილებული იყო მოსახორციელი თავდასხმის შესახებ და ამიტომ ჯავშანს ატარებდა. გოლიცინს არ აპატიეს, რაც მან სომხების მისამართით ჩაიდინა: 1901 წელს მან გამოსცა ცირკულარი, რომლის მიხედვითაც თურქეთიდან დევნილი ყველა სომეხი უკან თურქეთში უნდა დაბრუნებულიყო. ამასთან ერთად მან გამოთქვა აზრი, რომ კავკასიის მუზეუმში უნდა შეინახონ სომეხი ქალისა და კაცის თითო ფიტული მომავალი თაობების ჭკუის სასწავლებლად. საინტერესოა ამ თავდასხმის შემდგომი დეტალები: ერთი საათის შემდეგ კაზაკებმა თავდასხმელები ცოცხლად შეიპყრეს და, მიუხედავად თხოვნა-მუდარისა, იქვე დახოცეს. აღსანიშნავია, რომ კაზაკებს შალითებში თოფების მაგიერ ჯოხები ჰქონდათ. იმ ხანებში გახშირებული თავდასხმებისა და იარაღის წართმევის გამო გამოიცა ბრძანება, რის საფუძველზე, ვისაც იარაღი დაეკარგებოდა, სამსახურიდან დაითხოვდნენ. ამიტომაც „კანვონს“ მეთაური, მშვიდად რომ ყოფილიყო, იარაღს კეტავდა. როცა თავდასხმის შესახებ ცნობა მოვიდა, კაზაკებს უბრალოდ დრო არ ჰქონდათ, რომ იარაღი აეღოთ და ამიტომაც დაშნაკების დასაჭერად ჯოხების ამარა მოუწიათ გასვლა¹⁴⁶.

სომხების აღმფრთხილების მთავარი მიზეზი მაინც ის იყო, რომ საეკლესიო ქონების ჩამორთმევით დაშნაკებს ხელიდან ეცლებოდათ შემოსავალი, რომლის დიდ ნაწილს იპინი თურქეთში მოღვაწე თავის თანამემამულეებს აწვდიდნენ. 1897 წელს გაზეთ

¹⁴⁴ სცსსა ფონდი 94, აღწერილობა 1, საქმე 125.

¹⁴⁵ მიუხედავად მრავალი მტკიცებულებისა, დღემდე ეგზარქოს ნიკონის მკვლელებისა და დამკვეთების შესახებ სწავლასხვა ვერსია არსებობს.

¹⁴⁶ Н. А. Битасв. Последние Наместники Кавказа (в свете личных воспоминаний) (1902—1917).

„Кавказ“ -ის რედაქტორი ველიკოკო ნერდა, რომ ის ტერორისტული ქმედებები, რასაც სომხები სჩადიან, ეჩმიაძინის უშუალო ხელმძღვანელობით ხორციელდება. გარეგნულად ეჩმიაძინი ეკლესია, სინამდვილეში კი სომხების ნახევრად ფარული ნაციონალური შენობის თავისებური ფორმაა, რომლის მთავარ მიზანს შეადგენს სომხური ავტონომიური სამეფოს შექმნა რუსული ტერიტორიების ფარგლებში.¹⁴⁷

აღსანიშნავია, რომ დაშნაკები ტერორითა და ექსპროპრიაციებით ფულის შოვნის საუკეთესო საშუალებას ხედავდნენ. ისინი მსოფლიოში მიმოფანტულ მდიდარ სომხებს ფულს სძალავდნენ, ხოლო ვინც ეურჩებოდა, უბრალოდ კლავდნენ. სომხებთან დაკავშირებით დაძაბულობა რომ მოეხსნა, ნიკოლოზ II-მ 1905 წელს გააუქმა ზემოთ ნახსენები კანონი, მსმხურ ეკლესიას დაუბრუნდა მთელი ქონება და ის მოგება, რაც ამ ორ ნელინადში სამ დააკლდა (საფორტებელია, სომხებმა მაგრად „იმუშავეს“)...

საქართველოში გაბატონებასთან ერთად რუსეთის ხელისუფლებამ დახურა თბილისის ქართული სკოლები და თელავის სემინარია, რომელიც 1782 წლიდან მოქმედებდა (ცნობისათვის: პირველი სემინარია თბილისში 1752 წელს გაიხსნა). ეს იმისთვის კეთდებოდა, რომ ქვეყანაში მეტი წერა-კითხვის უცოდინარი ყოფილიყო, შესაბამისად ქვეყნის მართვის საქმეში ქართული საზოგადოება მხოლოდ მცირე დოზით მიიღებდა მონაწილეობას, რაც ხელს აძლევდა დამპყრობელს. 1804 წელს რუსებმა სათავადაზნაურო ორკლასიანი სკოლა გახსნეს, ისიც პირველ რიგში რუსი მოხელეების ინტერესებიდან გამომდინარე, თუმცა იქ ქართველ თავად-აზნაურთა შვილებსაც შეეძლოთ რუსულ ენაზე სწავლა-განათლების მიღება. აქედან მოყოლებული საქართველოში აქა-იქ იხსნებოდა სკოლები, მაგრამ შეზღუდული რაოდენობით. ჩვენში ისევე, როგორც მთელ ამიერკავკასიაში, არც ერთი უნივერსიტეტი არ არსებობდა. დაწყებითი განათლების მქონე ქართველებს სწავლის გაგრძელება რამდენიმე ათასი კილომეტრით ჩრდილოეთით – ოდესაში ან კიევი უხდებოდათ, რაც აბსოლუტური უმრავლესობისთვის, ძირითადად ეკონომიური სიდუხჭირიდან გამომდინარე, შეუძლებელი იყო. ეს უპირატესად სათავადაზნაურო გიმნაზიების კურსდამთავრებულთათვის იყო ხელმისაწვდომი. ამიერკავკასიაში უნივერსიტეტის არარსებობა კარგად გამოხატავდა მეფის რუსეთის დამორჩილებას დაპყრობილი კავკასიის მიმართ – უნივერსიტეტის თავისუფალი აზრით გამსჭვალული კავკასიელი „ტუზემეცი“, ამ შემთხვევაში ქართველი, უფრო მეტად შეინარჩუნებდა ეროვნულ ნიშნებს, უნივერსიტეტი სეპარატისტული მოძრაობისა და მემამოხური სულის სამჭედლოდ გადაიქცეოდა და აქედან გამომდინარე, რუსეთის თვითმმართველობას საფრთხეს უფრო შეუქმნიდა. რუსი რეაქციონერები პირდაპირ მოუწოდებდნენ პატარა ერებს ეროვნულ ტრადიციებზე ხელის აღებას და მათი გარუსების აუცილებლობას ყურით მორთული და გამოგონილი საბუთებით ამტკიცებდნენ. ამიერკავკასიის ძალდატანებით გარუსების პროექტი ჯერ კიდევ პასკევიჩის ჰქონდა შემუშავებული, სადაც კერძოდ ნათქვამი იყო: „...заставить жителей тамошних говорить, мыслить и чувствовать по-русски!“ („ვიპიძლოთ იქაურები, რომ რუსულად ილაპარაკონ, იფიქრონ და შეიგრძნონ“)¹⁴⁸.

1817 წელს დღევანდელი ხელოვნების მუზეუმის შენობაში გაიხსნა თბილისის სასულიერო სემინარია. სასწავლებელი ამზადებდა რელიგიური კულტის მსახურთ, მომავალ ბერებსა და ხუცეებს. სტუდენტების აბსოლუტური უმრავლესობა თავად მღვდელ-დიაკვნების შვილები იყვნენ. გლეხობასთან მიმართებაში სასულიერო ნოდება ზოგადად უპირატესობას ინარჩუნებდა – სასულიერო პირი განთავისუფლებული იყო სამხედრო საავადმყოფო სამსახურიდან და გლეხისგან განსხვავებით, გაროზ-

¹⁴⁷ <http://vyshka.azeurotel.com/archiv/2005/1/73.htm>

¹⁴⁸ ნ. სიხარულიძე, გლეხთა აჯანყება გურიაში 1841 წელს, 1956 წ., გვ. 51.

გვას არ ექვემდებარებოდა. თანაც თბილისში წასვლა ხელმოკლე ქართველებისთვის ხშირად პროვინციული ჩამყაყებული გარემოდან თავის დაღწევის ერთადერთი საშუალება იყო.

სემინარიაში გაბატონებული იყო აღზრდის მკაცრი სისტემა (რუსულ ენაზე) და სწავლების ნიგურ-სქოლასტიკური მეთოდი, აკრძალული იყო მოსწავლეთა ზრუნვა თვითგანვითარებაზე და ყველაფერი იქითკენ იყო მიმართული, რომ აღსაზრდელთა გონებრივი მიმართულება მთავრობისათვის სანდო და სასარგებლო ყოფილიყო. სემინარიის საცხოვრებელი პანაინა ოთახები არ ნიავდებოდა და არ თბებოდა, სუფენა და სამინელი ანტისანიტარია, შენობა ინფიცირებული იყო დაავადების გადამტანი მლრღნელებით. ხშირი იყო მოსწავლეების ჭლექით დაავადება და სიკვდილიანობა. უდანაშაულოდ დაპატიმრებული ადამიანის განცდა გვქონდაო, – იგონებდა ოსებ ირემამვილი¹⁴⁹.

ბევრი კურსდამთავრებული სემინარიას ციხეს ადარებდა. მათ აკრძალული ჰქონდათ გარეთ გასვლა, ეს ნებადართული იყო მხოლოდ კვირადღეს, ისიც 3-5 საათით. სემინარიაში დამკვიდრებული ურთიერთდასმენა, ჯაშუშობა, დასჯის დამამცირებელი მეთოდები მოსწავლეებს არსებული წყობილების წინააღმდეგ განანყობდა¹⁵⁰.

პარადოქსია, რომ სასწავლებელი, რომლის მიზანი ხელისუფლებისთვის მორჩილი სამღვდლოების კადრების გამოშვება იყო, სრულიად უკუშედეგს იღებდა. საქართველოში მოქმედი არც ერთი სასწავლებელი არ უშვებდა ამდენ ათეისტს, მეამბოხეს და მომავალ რევოლუციონერს (ი. ჯულაშვილი, ლ. კეცხოველი, ა. ნულუკიძე, მ. ცხაკაია, ფ. მახარაძე, ს. ჯიბლაძე, ნ. ყორდანი და სხვები). მიუხედავად ამისა, თბილისის სასულიერო სემინარია ქართველ საზოგადოებრიობას ინტელიგენტთა შესანიშნავ კადრებს აწვდიდა. აქ მიიღო განათლება ს. დოდაშვილმა, პლ. იოსელიანმა, დ. ბეჟარაძემ, გ. ქიქოძემ, ი. გოგებაშვილმა, ნ. ლომოურმა, ლ. არდაზიანმა და მრავალმა სხვა გამორჩენილმა ქართველმა.

XIX საუკუნის ბოლო ათწლეულებში თბილისის სემინარიაში ისევე, როგორც მთელ საქართველოში, რუსიფიკატორული პოლიტიკის გატარებას მეთაურობდა მთავარმართებელი დონდუკოვ-კორსაკოვი და მისი ამქრის რეაქციონერი წევრები – სასწავლო ოლქის მზრუნველი იანოვსკი და ეგზარქოსი პავლე ლებედევი. ეგზარქოსმა თითქმის ყველა სასულიერო სასწავლებლებიდან დაითხოვა ქართველი მასწავლებლები და რუსებით შეცვალა. თბილისის სასულიერო სემინარიაში ქართული სასულიერო და საერო ლიტერატურის სწავლება აკრძალა. ბევრი ცნობილი ქართველი ეკლესიასა და საეკლესიო სკოლებში ქართული ენის აღდგენას და ქართული ენის კათედრის დაარსებას მოითხოვდა, რომელიც უზრუნველყოფდა ქართული გრამატიკის, სასულიერო და საერო ლიტერატურის, საქართველოს გეოგრაფიის, საეკლესიო და სამოქალაქო ისტორიის შესწავლის კარგად დაყენებას¹⁵¹. იაკობ გოგებაშვილი 1883 წელს წერდა: „ახალმა ეგზარქოსმა ისე ცხადად გამოავლინა თავისი ტომობრივი განკერ-

¹⁴⁹ ი. ირემამვილი, სტალინი და საქართველოს ტრაგედია, 2006 წ., გვ. 24-25.

¹⁵⁰ ააქვე დამთრგუნველი იყო სემინარიის შინაგანანესი, რომლისგან ოდნავ გადახრაც სასტიკად ისჯებოდა – დასჯის ერთ-ერთი ფორმა გულსხმობა საათების განმავლობაში გაუნძრევლად ერთ ადგილზე დოგმას, მაგალითად, სასადილო ოთახში, როცა სხვები სადილობდნენ. სოსო ჯულაშვილი დაიკავა იმის გამო, რომ თავისუფალი საათის დროს (3-დან 5 საათამდე სტუდენტებს აკრძალული ჰქონდათ ბენობაში ყოფნა) სემინარიაში ფანჯრიდან შეიძარა. სოსო აიძულეს, 3 საათის განმავლობაში საპირფარეოში გაუნძრევლად მდგარიყო, თანაც უნდა ეყურებინა, სხვები როგორ ისაქმებდნენ. Jean-Jacques Marie. Stalin, 2003 წ., გვ. 93.

¹⁵¹ საქართველოს ისტორიის ნარკვევები, ტ. V, 1970 წ., გვ. 653-654.

ძობა... და მოგვცა ქართველთა ელემენტარული უფლებების მიმართ უპატივცემლობის იმდენი აპკარა საბუთი, რომ გამოიწვია ქართველ საზოგადოებაში საყოველთაო განცვიფრება და გულისწყრომა". განსაკუთრებით „სატანელი მაინც ეროვნული გრძნობისადმი სულიერ მამათა დამცინავი დამოკიდებულება იყო“¹⁵². სემინარიის მასწავლებელი ვინმე გობტინსკი თურმე სემინარიელებს საყვედურობდა, რომ ისინი ქართულად ფიქრობდნენ, ანუ ქართველად ყოფნა საკუთარ თავთან განმარტოებულ ადამიანებსაც კი ეკრძალებოდათ¹⁵³.

ისე უდიერად და თავხედურად, როგორც რუსები, ალბათ, არც ერთი დამპყრობელი არ ექცეოდა ქართულ ენასა და დამწერლობას. რუსები მას ძალის ენას უწოდებდნენ და მის ამოძირკვას ცდილობდნენ. ასევე ეპყრობოდნენ ყველაფერ ქართულს: 1882 წელს დავით ერისთავის სპექტაკლში „სამშობლო“ სცენარე ქართული დროშა გამოიტანეს, რამაც დიდი აღფრთოვანება გამოიწვია მაყურებელში. ამის გამო „მოსკოვსკიე ვედომოსტის“ რედაქტორმა კატკოვმა შეურაცხყოფა მიაყენა ქართველებს: „...ქართველებმა თავი უნდა დაანებონ სიზმრებს, ბოდვას და როტვას ქართველთა რალაც წარსულზე; ურჩევ მათ ეხლა ეს ქართული დროშა გოდფრუას ცირკს ჩააბარონ, იქ ჯამბაზები და ტაკიანასხარები უკეთ გამოიყენებენ“. ამ გამოხტომას ილია ჭავჭავაძემ უპასუხა ნერილში „კატკოვის პასუხად“: „...ეგ დროშა, რომელიც ეგეთის სასოებით და პატივით უტარებია იმოდენა ხანს უწინდელს ქართველს, ეგ დროშა, რომელიც წინ დახვედრია მოზღვავებულს თათრობას და მუსულმანობას და ქრისტეს ჯვარი თამამად წინ წაუძღვარებია, ძღვევამოსილობით ომდამ გამოუტანია და დაუმკვიდრებია კავკასიაში, ეგ დროშა, რომელსაც აწინდელი ქართველი იმავე ვაჟკაცობით და თავგამომეტებით თან გაჰყოლია და რუსებთან ერთად სისხლი უთხევია მამულისათვის, – დღეს ეგ დროშა საციკროდ გაგვიხადა ერთმა ვილაცა კორესპონდენტმა და ბ-ნმა კატკოვმა ბანი მისცა“. მსგავსი ქმედებანი ხდებოდა არა ბნელ შუა საუკუნეებში, არამედ სულ ახლახან, XIX და XX საუკუნეებში.

საქართველოს სახალხო სკოლებიდან ქართული ენის განდევნის შემდეგ რუსები წინადადებას იძლეოდნენ, სამეგრელოს, სვანეთის და აჭარის სკოლებში ქართულის ნაცვლად სწავლება მეგრულად, სვანურად, თურქულად და, რა თქმა უნდა, რუსულად შემოეღოთ¹⁵⁴. 1885 წელს გამოიცა ბრძანება სამეგრელოს სკოლებში ქართული ენის აკრძალვის შესახებ. დაიწყეს რუსულ ანბანზე დაყრდნობით მეგრული დამწერლობის შექმნა. მის ავტორად გამოდიოდა ვინმე თადა ამორდია. კრიტიკოსი და პედაგოგი იპოლიტე ვართაგავა მას ახასიათებს, როგორც უპრინციპო, ქარაფშუტა და თავქარიან კაცს, „რომელიც ნიგნს სრულებით არ კითხულობდა, არც რუსულად და მით უმეტეს, არც ქართულად. მთელ თავისუფალ დროს წარდისა და ქალაღის თამაშს ანდომებდა“¹⁵⁵. ამორდია მეგრელებს უმტკიცებდა, რომ ისინი ქართველები არ არიან, რომ ქართველები მათ ყოველთვის ჩაგრავენდნენ, წაართვია საკუთარი ენა და თავს მოახვიეს ქართული. მათი დამცველი მხოლოდ რუსები არიან, რომელთაც დაინახეს ქართველების „ვერაგული“ პოლიტიკა და მეგრელებს ეხმარებიან, რათა დაიბრუნონ საკუთარი ენა და დაუბრუნდნენ ფესვებს. 1889 წელს ამორდიამ დაასრულა მეგრული ანბანის შეთხზვა. დაიწყეს საღვთო ნიგნების მეგრულ ენაზე გადათარგმნა, მაგრამ ეს თარგმანები ხალხის ყურისთვის იმდენად უცხო და გამოუდ-

¹⁵² ა. სურგულაძე, ნარკვევები ქართველი ინტელიგენციის ისტორიიდან, 1980 წ., გვ. 243.

¹⁵³ ა. ხუნდაძე, რექტორი ჩუდუციის მკვლელი იოსებ ლალიაშვილი, 1932 წ., გვ. 6.

¹⁵⁴ საქართველოს ისტორიის ნარკვევები, ტ. V, 1970 წ., გვ. 645.

¹⁵⁵ ი. ვართაგავა, XIX საუკუნის ქართული ჟურნალ-გაზეთების გამოჩენილი რედაქტორები, 1957 წ., გვ. 20-21.

ეგარი გამოდგა, რომ მსმენელებში მხოლოდ სიცილს იწვევდა. ეს თარგმანები უარყო სამეგრელოს სამრევლოებამაც და მეგრულ ენაზე ნირვა-ლოცვის შემოღებას სი-
ცოცხლე არ ენერა.

საქართველოს მთელი ისტორიის მანძილზე სახელმწიფოებრიობის იდეა ისე არასდროს ჩამერალა, როგორც ეს მოხდა რუსეთის გაბატონების პერიოდში. „ტერ-
ორი, პროვოკაცია, ალერსი და ჯილდო – ყველაფერი იქითკენ იყო მიმართული,
რომ ხალხის მოწინავე ჯგუფები გაეხრნათ და მით სახალხო ბრძოლის ხერხემალი
გადაეტეხათ“¹⁵⁶. ამ მეთოდმა შედეგი გამოიღო – ქართველი ხალხის უდიდესი ნაწილი
(განსაკუთრებით თავადაზნაურობა) ნელში გატყდა, მოხდა ერის სრული დემორალი-
ზაცია და დეგრადაცია, ერთგვარი მუტაცია, რის გამოც ეროვნული მუხტი თითქმის
სრულიად ჩაქრა (თითქმისო, ვამბობთ, თორემ ქართველები მაინც არ ურიგდებოდ-
ნენ დამპყრობლებს, მათ შეძლეს ძალების მოკრება და XIX საუკუნის განმავლობა-
ში რუსეთის მმართველობას რამდენიმე მძლავრი აჯანყებით უპასუხეს. ყველა ეს
აჯანყება სისხლში იყო ჩახშობილი ჩინ-მედლებისა და აღზევების მოყვარულ ქარ-
თველთა დახმარებითა და მონაწილეობით). ქართველი კოლაბორაციონისტები რუსუ-
ლი მონსტრის სამსახურში ჩადგნენ და დროთა განმავლობაში (ანუ ძალიან სწრაფად)
მათი დიდი ნაწილი მშვენივრად მოერგო არსებულ სიტუაციას, მტრის ბანაკში გა-
დავიდა, მასაში კი იძულებითმა კონფორმიზმმა დაისადგურა. ახალ ბატონს ყოველ-
ნაირად რომ დამსგავსებოდნენ, ქართულს რუსული ენა ამჯობინეს (იმხანად მაღალი
კულტურის მანიშნებელი იყო რუსულად უაქცენტოდ ლაპარაკი) და გვარებიც კი
რუსულ ყაიდაზე გადაიკეთეს (განსაკუთრებით აღმოსავლეთ საქართველოში). რუ-
სის სამსახურში ყოფნა ქართველ ადამიანს საშუალებას აძლევდა, პრივილეგიებულ
მდგომარეობაში ყოფილიყო, თავი უცხოოდ არ ეგრძნო, ანუ ამ ბუნებრივად უცხო ორ-
განიზმის განუყოფელი ნაწილი ყოფილიყო. აღსანიშნავია, რომ ქართველები ახალი
„სამშობლოსა“ და პატრონის ყველაზე ერთგული და საიმედო დამცველები გახდნენ.
როგორც ჩანს, სახელმწიფოებრიობისა და ერის გადარჩენისათვის საუკუნეების მან-
ძილზე მიმდინარე ბრძოლამ ქართველობა ძალ-ღონისაგან დაცალა და მას აღარ შეე-
ძლო მედგარი ნინააღმდეგობა გაენია რუსებისათვის. როგორც იტყვიან, ჩათრევას
ჩაყოლა არჩია...

როგორც შემდეგი თავიდან შევიტყობთ, ქართველების მიერ ჩადენილი პირველი
ტერორისტული აქტი ნაწილობრივ სწორედ გათელილი ნაციონალური გრძნობების
გამოვლინება იყო.

¹⁵⁶ გ. ლორთქიფანიძე, ფიქრები საქართველოზე, 1995 წ., გვ. 74.

პირველი ტერორისტული აქტი

ეროვნულობის განცდა, დაპყრობილი ერის მიერ დაუმორჩილებლობისა და ნინალმდევობის გამოხატვა მეფის რუსეთის თვითმმართველობისთვის მუდმივი შიშის წყარო იყო. ეროვნული თვითმეგნების ჩაკლა სემინარიის შინაგანანგის ფარული თუ გამოცხადებული ნესრიგის ერთ-ერთ მიზანს წარმოადგენდა. ეროვნული თავმოყვარეობის მიზანდასახული შელახვა კი ახალგაზდული მეაბოხე სულის აფეთქებებით ვლინდებოდა, რომელიც ზოგჯერ სემინარიის მმართველობის მიმართ ფიზიკურ ანგარიშსწორებაში გამოიხატებოდა.

დაუმორჩილებლობის პირველი მაგალითი, რომელმაც ყველა აალაპარაკა, 1873 წლის 6 დეკემბერს მოხდა. იმ დღეს კავკასიის მეფისნაცვალს, დიდი მთავარი მიხეილ ნიკოლოზის ძე ალექსანდრეს ბაღში სეირნობდა. გზაში მას შეხვდა სამი ახალგაზრდა, რომლებმაც მეფისნაცვალს საკადრისი სალაში არ მისცეს, მხოლოდ ქუდებზე ხელი ოდნავ მოიკიდეს, ერთმა კი გაიღიმა კიდეც. მეფის ნაცვალს აღშფოთდა. საქმე ის არის, რომ ვინც მეფისნაცვალს შეხვდებოდა, უნდა გაჩერებულიყო, ქუდი მოეხადა და სალაში ისე მიეცა. დიდმა მთავარმა მოიხმო ყმანვილები და გულმოსულა ჰკითხა: – მიცნობთ მე თუ არა, რატომ ქუდები არ მოიხადეთო.

როცა გაიგო, რომ ისინი სემინარიელები იყვნენ, თავის ადიუტანტს დაავალა, ისინი რექტორთან მიეყვანა და ეს ამბავი გადაეცა. ეს სემინარიელები იყვნენ: დავით კეზელი, შემდეგში ცნობილი ჟურნალისტი, რომელიც სტატიებს „დავით სოსლანის“ და „ზოილის“ ფსევდონიმებით აქვეყნებდა, ალექსანდრე მაჭარაშვილი და სტეფანე ქრეაშვილი, მომავალი უბლიცისტი, „სანოს“ ფსევდონიმით ცნობილი. ამ ინციდენტს რომ დიდი გამოხმაურება მოჰყვა, ისიც მოწმობს, რომ საქმეში ჩარეული იყო ჟანდარმერია, პოლიცია, პროკურატურა, ხოლო გამოძიების შედეგები თვით ალექსანდრე II-ს წარუდგინეს. სემინარიელები სამ თვეს ჰყავდათ მეტეხის ციხეში გამომწყვდეული. მათ სხვადასხვა ვადით პატიმრობა მიუსაჯეს, დავით კეზელს კი ესეც არ აკმარეს და როგორც პოლიტიკურად არასაიმედოს, ციხიდან გამოსვლის შემდეგ საქართველოში ცხოვრების უფლება არ მისცეს და რუსეთში გადაასახლეს.

ამ შემთხვევის გამო პეტერბურგიდან სპეციალურად გამოგზავნილი „სამოსნავლო კომიტეტის“ ჩინოსანმა, კერსკიმ, სასულიერო სემინარიის საერთო რევიზია ჩაატარა. რევიზიის შედეგად სასწავლებლიდან დაითხოვეს სემინარიის ინსპექტორი გ. იოსელიანი, მასწავლებლები ტურიევი და ცხვედაძე, იაკობ გოგებაშვილმა კი აღარ დაუცადა სინოდის გამოძიებას და თვითონ ჩამოშორდა სემინარიას. ცოტა ხანში რექტორიც გადააყენეს და მის მაგივრად დანიშნეს რეაქციონერი კუშინსკი. რაც მთავარია, ამ ამბების შემდეგ სასწავლებლიდან საერთოდ განიდევნა ქართული ენა.

სასულიერო სემინარიაში გაბატონებული ატმოსფერო მეამბოხე მოსწავლეებს „კანონსანინალმდგომ“ ქმედებებისაკენ უბიძგებდა. სემინარიელი თედო სახოკია ასე იხსენებს სოციალისტურ იდეებთან გაცნობას: „შოი დედაბარევილიცა (არაგვისპირელი – ი. მ., ლ. ხ.) და იოსებ ლალიაშვილიცა, როგორც სემინარიაში ჩემზე ერთი წლით ადრე შესულები და უკვე გაცნობილები „ახალ მიმართულებას“ (სოციალისტობას), ჩემს გასაცნობად ამ მიმართულებასთან მძღვედნენ „აქრძალულ წიგნებს“... და

მოსწავლეებში რომ პოპულარული იყო არალეგალური ლიტერატურის კითხვა, ამას მონშობს 1885 წლის 7 მარტით დათარიღებული ოქმი, სადაც ვკითხულობთ: „...უკანასკნელ ბანებში მონაფეთა შორის ძალიან გავრცელდა აკრძალული წიგნების კითხვა... ამ გზით მათ (მოსწავლეებს) ეძლევათ არა სწორი მიმართულება. ზოგ მათგანს, განსაკუთრებით, ჯიბლაძეს მიეცეცია უკანასკნელი გაფრთხილება, მაგრამ... მას გამოსწორება არ ემწინევა და საჭიროა ასეთი მონაფეთების მიმართ გადამჭრელი ზომების მიღება“. ამ ამბიდან სულ ცოტა ხნის შემდეგ მომავალი რევოლუციონერი, მემკვიცი და პუბლიცისტი სილიბისტრო ჯიბლაძე აკრძალული წიგნის (შელგუწოვის) კითხვის გამო სემინარიის უკანასკნელი კურსიდან „მგლის ბილეთით“ დაითხოვეს.¹⁵⁸

იმ დროს ჯიბლაძე ფეხის ტკივილის გამო სემინარიის საავადმყოფოში იწევა. ყოფილ სტუდენტს საავადმყოფოს დატოვება მოსთხოვეს. სილიბისტრო საშინლად გამწარდა – 14 წლის შრომა წყალში ჩამეყარაო, მაგრამ რა უწდა ექნა, აილო ხელჯოხი და გამოვიდა საავადმყოფოდან. მოულოდნელად კიბეზე რექტორი ჩუდეციკი შეეფეთა. ჯიბლაძეს ბევრი არ უფიქრია, სილა უთავაზა რექტორს, კიბეზე დააგორა და მისი აუწინადად გადაადგება მოწინდომა, მაგრამ მაშინ ჩუდეციკი სასწაულებრივად გადაურჩა სიკვდილს. სილიბისტრო საში წლით გამოსასწორებელ რაზმში გაგზავწეს.¹⁵⁹ ჯიბლაძის მიერ ჩუდეციკისთვის აგლუჯილი თმა და წვერი სემინარიის მონაფეთებმა კონვერტში ჩადეს და რექტორს მიუგდეს.

პოლიტიკური რეაქციისადმი მოსწავლე ახალგაზრდობის დამოკიდებულება კარგად გამოვლიწდა „იმ უდიდეს და უპირველეს ტერორისტულ აქტში“¹⁶⁰, რომელიც 1886 წლის მაისში მოხდა. მხედველობაში გვაქვს ჯიბლაძის მიერ ნაცემი რექტორ ჩუდეციკის მკვლელობა, რომელიც ამავე სემინარიიდან გარიცხულმა მესამე კლასის მოსწავლემ იოსებ ლალიაშვილმა განახორციელა. „გუშინ სემინარიიში ერთი უბედური შემთხვევა მოხდა: ერთ სემინარიიდან გამორიცხულ შვეიცარდს ლალიევს, მოდგმით ოსსა, ხანჯალს დაუტყრა რექტორისათვის და ძალიან მძიმე დაუჭრია მუცელში და კისერში. რექტორი ორ-სამ საათის შემდეგ გადაცვილია“¹⁶¹. საგაზეთო სტატიაში

¹⁵⁷ თ. სახოკია, კრებული, 1969 წ., გვ. 213.

¹⁵⁸ სემინარიიდან „მგლის ბილეთით“ გარიცხვა ჩვეულებრივი ამბავი იყო. 1894 წელს დემონსტრაციის გამო სასწავლებლიდან სხვა 83 სემინარიელთან ერთად გააგდეს მომავალი სოციალ-დემოკრატი ალექსი გოგობია, რომელიც შემდეგ ამერიკაში გადაბარდა. 1897 წელს იგი დაუკავშირდა მოჯირითე ლუკა ჩხარტიშვილს და შეუერთდა ბაფლო ბილის „ველური დასავლეთის“ შოუს. ლუკასთან ერთად იგი 1899 წლის სეზონის ბოლომდე მუშაობდა, 1900 წლიდან კი დამოუკიდებლად, საკუთარ ჯგუფთან ერთად დაიწყო მუშაობა. მაშინ გადაიკეთა გვარი და გახდა ალექსი ჯორჯიანი, აწუ ქართველი. როგორც ამბობენ, 1903-05 წლებში ის აკონტროლებდა ყველა გურულ მოჯირითეს და არაბ აკრობატს ამერიკის ტერიტორიაზე. საინტერესოა, რომ საქართველოს დემოკრატიული რესპუბლიკის მთავრობამ და პირადად ნოე ჟორდანიამ ალექსი ჯორჯიანს შესთავაზა საქართველოს ელჩის პოსტი აშერიკაში, მაგრამ მან უარი განაცხადა. ი. მახარაძე, გურული მხედრები ამერიკაში, 2007 წ., გვ. 34. მეფეთა „ობრანკის“ ერთ დოკუმენტში (1902 წლის 4 აპრილი) ვკითხულობთ: „...გამოირკვა იმ პირთა ფართო წრე, რომლებსაც დასაგმობი მიწერ-მოწერა და ურთიერთობა ჰქონდათ ნოე ჟორდანიასთან... გამორკვეულია აგრეთვე ნოე ჟორდანიას ურთიერთობა ემიგრანტ ალექსი გოგობიასთან, რომელიც... თანახმად პოლიციის დეპარტამენტის ცნობებისა, სხვისი პასპორტით ჩამოვიდა 1900 წელს ბათუმში ჩეწნი ნოე-ორკელი და შვეიცარიელი ემიგრანტ-რევოლუციონერების დაეალებით და ჩამოიტანა ორი ყუთი რევოლუციონური ლიტერატურა“. ნოე ჟორდანია და მეფის „ობრანკა“, 1931 წ., გვ. 46.

¹⁵⁹ „რევოლუციია მატიაწე“, №2-3, 1924 წ., გვ. 147-148.

¹⁶⁰ ა. ხუწდაიე, რექტორ ჩუდეციკის მკვლელი იოსებ ლალიაშვილი, 1932 წ., გვ. 6.

¹⁶¹ „ივერთა“, 1886 წ. 25 მაისი.

ლალიაშვილი რატომღაც ოსად არის მოხსენიებული. ის დაიბადა 1866 წლის 2 იანვარს სამეგრელოში. მამამისი იაკობი წარმოშობით გორის მაზრიდან იყო და სამეგრელოში სასულიერო სასწავლებელში მასწავლებლად მსახურობდა. რამდენიმე წლის შემდეგ იაკობი მღვდლად აკურთხეს და გადაიყვანეს გორის მაზრის სოფელ ხურვალებში. შვიდი წლისა იოსები დაობლდა. ბებიისა და ბიძების დახმარებით გორის სასულიერო სასწავლებელი დაამთავრა, შემდეგ კი თბილისის სასულიერო სემინარიაში შევიდა. თბილისის საგუბერნიო ჟანდარმების უფროსის თანაშემწის შეკრებილი ცნობების მიხედვით იოსებ ლალიაშვილი დახასიათებულია, „...როგორც ძლიერ კარგი ყოფაქცევის, ტკბილი ხასიათის, ჩუმი, წყნარი, მორჩილი, პატივის-მცემელი, მომთმენი და არაფერს ცუდში შენიშნული არ ყოფილა“¹⁶².

როცა სემინარიაში რექტორად დეკანოზი პავლე ჩუდეციკი დანიშნეს, ამ ამბავს ბევრი მიესალმა, რადგან რუდეციკი ბერი არ იყო, თანაც ცოლიანი და ყველა ფიქრობდა, რომ ის წინამორბედი ფანატიკოსებით არ ნაიყვანდა საქმეს, მაგრამ მოტყუებდნენ. ჩუდეციკი იმავე პოლიტიკის გამტარებელი აღმოჩნდა. ამას დაერთო ოჯახური პირობებიც, რამაც რექტორი სემინარიელების წინააღმდეგ უფრო მეტად გააბოროტა. ჩუდეციკის ცოლი მარიამ მანუელის საქართველოს ეგზარქოსის პავლე ლებედევის საყვარელი იყო, ჩუდეციკიმ ამ ინტიმური კავშირის შესახებ იცოდა, მაგრამ ვერაფერს აკეთებდა. შიშ არაგვისპირელი იხსენებდა: „...რექტორის ცოლი ახალგაზრდა, ლამაზი იყო... თურმე ამავე დროს ეგზარქოსის ცოლიც იყო... როცა ქუჩაში ხმაურობა მისწყდებოდა, ეგზარქოსის კარგა მოადგებოდა ჩუდეციკის ბინას და ამასაც თავისი ლამაზი ცოლი უნდა ჩაესვა და ეახლებინა ეგზარქოსისთვის... (რექტორი) თავის გულის ვარამს ჩვენ ზურგზედ იქარებდა... სოსოც დასტანჯა რექტორმა, ჯვარს აცვა და აი, შედეგიც...“¹⁶³

სასამართლოში იოსებ ლალიაშვილის დამცველმა სემინარიელთა მიერ ხელმოწერილი წერილი წარადგინა, სადაც აღწერილი იყო ყველა ის საშინელება, რომელიც მოსწავლეს ახალგაზრდობას ამ რეჟიმისადმი მტრობდა განაწყობდა. გაირკვა, რომ სემინარიის მოსწავლენი ლალიაშვილის აქტიური მონაწილეობით გამოსცემდნენ ხელნაწერ გაზეთს „ყვავილს“. მოსწავლეებს ჰქონდათ საიდუმლო შეკრებანი, ლიტერატურა და შიფრით დანერილი დღიურები, რომელიც ჩხრეკისას ლალიაშვილს უპოვნეს.

ჩვენებაში ლალიაშვილი აცხადებდა, რომ ერთხელ მისი ბინის ჩხრეკის დროს მას აღმოუჩინეს პისემსკის თხზულება და რვეული, რომელშიც ის საკუთარ შთაბეჭდილებებს წერდა. დღიურის მიცემაზე მან უარი განაცხადა, ამიტომ იოსები სემინარიიდან „მგლის ბილეთით“ გარიცხეს, რაც იმას ნიშნავდა რომ ლალიაშვილს აღარ შეეძლო არც ერთ სასწავლებელში სწავლის გაგრძელება და არც სამსახური რომელიმე კერძო თუ სახელმწიფო დაწესებულებაში. იოსებ სახელმწიფო დაფინანსება მოეხსნა და თვეში მხოლოდ 6 მანეთი ეძლეოდა. ამ თანხით მან ოთახი იქირავა და ერთი ფელდფებელის ბავშვებს ამეცადინებდა. „...დამითხოვეს და ყოფაქცევის ნიშნად 4 დამისვეს. ამ ნიშნით მე არსად არ შემძლო შესვლა და ძალიან გაჭირვებულ მდგომარეობაში ჩავარდი, მით უფრო, რომ ივნისიდან ფელდფებელთან გაკვეთილები აღარ მქონდა და სრულიად უმწეოდ ვრჩებოდი...“ – ამბობდა ლალიაშვილი. ის რამდენჯერმე მივიდა რექტორთან და სთხოვა, ყოფაქცევის ნიშანი 5-ზე გადაესწორებინა, მაგრამ რექტორი ყოველთვის უარით ისტუმრებდა. ასევე არ აძლევდნენ სასწავლებლის დამთავრების მონიშობას, რათა რომელიმე სოფლის მასწავლებლად

¹⁶² ა. ჯორჯაძე, წერილები, 1989 წ., გვ. 571.

¹⁶³ ა. ხუნდაძე, რექტორ ჩუდეციკის მკვლელობის ლალიაშვილი, 1932 წ., გვ. 37.

ნასულყო. მისი თხოვნა, სადმე მღვდლის ახ დიაკვნის ადგილი მიეცათ, არც ეგ-ზარქოსმა შეიწყალა.

სასამართლოზე ლალიაშვილმა განაცხადა, რომ მკვლელობის იარაღი – ხანჯალი საკუთარი ფულით ჰქონდა ნაყიდი ვერის ხიდზე ვიღაც ოსისაგან. ხანჯალი მან პეტრე-პავლეს სასაფლაოზე ბალახებში დამალა. მკვლელობის დღეს, დილით, ის წავიდა სასაფლაოზე, აიღო ხანჯალი და ჩამოიკიდა ქამარზე, პალტოს ქვეშ. ერთი შეხედვით ლალიაშვილმა მკვლელობა პირადი შურისძიების საფუძველზე ჩაიდინა, მაგრამ ვინმე „მონანილის“ მოგონების მიხედვით, ეს ტერაქტი კარგად იყო ორგანიზებული და მომზადებული, სადაც ლალიაშვილი მკვლელობის ბრმა იარაღად გამოიყენეს. აი, ნანყვეტი ამ მოგონებიდან: „...ჩვენ (მიხა ჩოდრიშვილი, მუშა-პოეტი იოსებ დავითაშვილი და სხვები – ი. მ. ლ. ხ.) შევიმუშავეთ ერთნაირი წესრიგი ტერორისათვის. გადანყდა მოკვლა პირველ რიგში ეგზარხოსი პავლესი, მზრუნველის ივანოვსკისა და რექტორ ჩუდეცკისა... ერთხელ ...ცსცადეთ აგვეფთქებინა სემინარიის ეკლესიის საკურთხეველი, მაშინ როცა შიგ იქნებოდენ ეგზარხოსი და რექტორი, მაგრამ აქედან არაფერი გამოვიდა, რადგან ყუმბარა ცუდი გამოდგა. 1886 წელს მაისში ჩემთან მოვიდა გოლა ჩიტაძე და მითხრა, რომ იპოვნა სანდო პოროვნება, რომელიც ჩვენ განზრახვას შესარულებს და დაასახელა იოსებ ლალიაშვილი. ლალიაშვილი მე მაგონდებოდა სემინარიის 1 და 2 კლასებში. ის და შიო დედაბრიშვილი სანთლებს ყიდდენ ეკლესიაში და ფულებს აგროვებდენ, ემსახურებოდნენ მწირველთ. უწყინარი და მორჩილი ყმანვილები იყვნენ... ჩიტაძის წინადადება ჭკუაში არ მომივიდა და არ დავეთანხმე პირველად. – შენ ძველი ლალიაშვილი არ გეგონოს, მითხრა გოლამ. ძალიან მაგარი ბიჭი დადგაო და თან გაბრაზებული არის... ამასთან ისიც ჰქონდა მხედველობაში, რომ მცირე ნლოვანი არის და ვერ დაახჩრობენ. შენ მხოლოდ ხანჯლების ფული მოგვეცი და დანარჩენი მე ვიცი“.

ჩიტაძეს სამი ხანჯლის შესაძენად 12 მანეთი მისცეს. ამ მოგონებიდან ისეთი შთაბეჭდილება იქმნება, თითქოს ისინი ტყვიებს ყიდულობდნენ და არა ცივ იარაღს, თითქოს ერთი ხანჯლით სამი კაცის მოკვლა გაუძნელდებოდათ – „მოსაკლავი სამი იყო და ხანჯალიც სამი იყო საჭირო“, თანაც თუ გავითვალისწინებთ, რომ მკვლელი ერთი უნდა ყოფილიყო და არა სამი. არშემდგარი მკვლელობების შესახებ „მონანილე“ ამბობს: „...ორი ხანჯალი მოუხმარებელი დარჩაო“¹⁶⁴.

რექტორის ცოლის მონაყოლით მკვლელობა შემდეგნაირად მოხდა: „...მოგვესმა საშინელი ყვირილი დეკანოზისა... დეკანოზი ჩვენსკენ მოდიოდა გაჩქარებით. ორივე ხელით მუცელი ეჭირა, უკან მოსდევდა მონაფე ამოღებული ხანჯლით... დეკანოზი შევიყვანეთ კაბინეტში და ჩვენ ორმა დამ სწრაფათ მოვხურეთ კარები სასტუმრო ოთახისა და კარს მხარი მივეცი, რომ ლალიაშვილი აღარ შემოგვეშვა, მაგრამ გვიანლა იყო. ლალიაშვილმა მოასწრო ფეხის შემოდგმა კარებში და შემოჰყო აგრეთვე ხელი, რომელშიაც ამოღებული ხანჯალი ეჭირა... დეკანოზმა მოასწრო და კაბინეტიდან მეორე ოთახში გავიდა... ამ ოთახშივე გავიდა ეკატერინე მანუელი, მოხურა კარები და მოანვა. მე კაბინეტში დავრჩი და სახელოში წავავლე ხელი ლალიაშვილსა, მაგრამ ვერ დავამაგრე... ლალიაშვილი შევარდა სასადილო ოთახში, ორთავე დამ ვსტაცეთ ხელი, ერთმა სახელოში და მეორემ პალტოში, მაგრამ ვერ დავამაგრეთ, გამოუკიდა კიდეც დეკანოზ ჩუდეცკი დაენია ბალკონზე და დაკრა ამოღებული ხანჯალი კისერში...“

რექტორისა და მისი ნათესავების წინააღმდეგობის მიუხედავად, აფექტის მდგომარეობაში მყოფმა ლალიაშვილმა ჩუდეცკი მრავალგზის დაჭრა („...რამდენჯერ შე-

¹⁶⁴ „ლომისი“, 1922 წ., № 20.

მოვეკარ ხანჯალი ან რა ალაგს, ეს მე არ მახსოვს...“). ხელში დაიჭრნენ ჩუდეციკის ცოლი და მისი დაც. სიკვდილის წინ გამოძიებელს და ექიმებს მომაკვდავმა დეკანოზმა უთხრა: „მე დამჭრა სემინარიიდან გამორიცხულმა მოსწავლე ლალიაშვილმა შურის ძიების მიზეზით...“ ამის შემდეგ, ცოტა ხანში ჩუდეციკი გარდაიცვალა. ექიმების დასკვნით, რექტორის სასიკვდილო ჭრილობა მუცელში ჰქონდა მიყენებული და ის სისხლისაგან დაცვალა.

სასამართლომ ლალიაშვილს „ყოველივე ღირსების ჩამორთმევა“ და 20 წლით მალაროებში მუშაობა მიუსაჯა. მას ეძლეოდა უფლება, ორი კვირის განმავლობაში მეფის სახელზე გაესაჩივრებინა სასამართლოს განაჩენი, რაზეც იოსებმა უარი განაცხადა.

ამ მკვლელობამ ხელისუფლება ფეხზე დააყენა. 1886 წლის 6 ივნისით დათარიღებული ტფილისის უნდარმთა სამმართველოს უფროსის მოხსენებაში პოლიციის დეპარტამენტისადმი ვკითხულობთ: „...კავკასიის მთავარმართებელი თავადი დონდუკოვ-კორსაკოვი ამ საქმეზე შემდეგი შეხედულებისაა: სემინარიის რექტორი ჩუდეციკის მკვლელობა არ არის საქმე მარტო იმ ერთი პირისა, რომელმაც ბოროტმოქმედება ჩაიდინა, არამედ ეს არის გადაწყვეტილება მთელი ჯგუფისა სემინარიის იმ არა-კეთილ საიმედო ყოფილ მონაფეთა, რომელნიც სხვადასხვა დროს გამოიცხადებული იყვნენ სემინარიიდან ცუდი ყოფა-ქცევის და ამხანაგებზე მივნი გავლენის მოხდენისათვის. გარდა ამისა, მისი ბრწყინვალეობა ხედავს კავშირს აღნიშნულ ბოროტმოქმედებისა და იმ შეურაცხყოფას შორის, რომელიც მიაყენა რექტორი ჩუდეციკის 1885 წელს მარტის თვეში სემინარიიდან დათხოვნილმა ყოფილმა მონაფე ჯიბლაძემ, რომ ტფილისში მცხოვრებმა სემინარიის ყოფილმა მონაფეებმა შექმნეს საიდუმლო ჯგუფი სოციალისტურ მოძღვრების გასავრცელებლად, ხოლო რექტორი ჩუდეციკის მკვლელობის ფაქტს აძლევს ტერორისტულ აქტის მნიშვნელობას“. სასწავლებლის საექვო ელემენტებისაგან გასანმენდად უმკაცრესი ღონისძიებები ჩატარდა. თვალთვალის მოსწავლეთა ქცევაზე კიდევ უფრო გააქტიურდა, მაგრამ ამ ღონისძიებებმა სემინარიის რექციული ხელმძღვანელობისთვის სასურველი შედეგები მაინც ვერ გამოიღო. აუტანელმა მდგომარეობამ მოსწავლეთა მოთმინების ფილად აავსო და საერთო უკმაყოფილებამ რამდენიმე წლის შემდეგ უფრო ფართო მასშტაბით და ორგანიზებულად ამოხეთქა.

იოსებ ლალიაშვილი გაგზავნეს სახალინზე¹⁶⁵, სადაც თავდაპირველად ფერმლის თანაშემწედ დანიშნეს, შემდეგ პოლიციის სამმართველოში გადამწერლად გადაიყვანეს, ბოლოს კი – ბიბლიოთეკის გამგედ. მაგრამ მას გადაემტერნენ და დააბეზლეს, რის გამოც ზამთარში ტყეში ხეების საჭრელად გაისტუმრეს. 1890 წლის თებერვალში ლალიაშვილმა ციხის უფროსის ყურადღება დაიმსახურა, რომელმაც ტუსადი საკუთარი შეილების მასწავლებლად აიყვანა. ყოველთვის, საქმელ-სასამელისა და ბინის გარდა, მას ექვსი მანეთი ეძლეოდა. უფროსი იმდენად ენდობოდა, რომ ლალიაშვილს თავისუფლად შეეძლო გადაადგილება. ზოგიერთი ცნობით, იოსებმა შეაგროვა საკმარისი თანხა, შეიძინა სამოქალაქო ტანსაცმელი, რევოლვერი, ერთი თვის საგზალი

¹⁶⁵ ყველაზე საშიშ დამნაშავეებს, როგორც წესი, აგზავნიდნენ არა ციმბირში, არამედ სახალინზე, რადგან იქიდან გაქცევა უამრავ სიძნელესთან იყო დაკავშირებული და გადასახლებული ხელისუფლებისათვის საშიშროებას აღარ წარმოადგენდა. თუმცა ზოგიერთი რუსი მოხელე ბევრად უფრო რადიკალური ნაბიჯის გადადგმას მოითხოვდა. „სტატუს-სეკრეტარი ენიაზი“ დ. ობოლენსკი 1887 წელს იასნაია პოლიანაში ლევ ტოლსტოისთან საუბრისას სერიოზულად უმტკიცებდა მწერალს, რომ დამნაშავეების გაქცევის აღკვეთა შესაძლებელია მათთვის თვლების დათხრით (!), რის გამოც ტუსადი აღარ ექნება ფიზიკური საშუალება გაქცევისა. А. Ф. Кош. Социализм в Сибири, т. 2, 1966 წ., გვ. 46.

და ერთ დღეს ოთხ სხვა ტუსალთან ერთად გაიქცა (1893 წელს ქუთაისის საგუბერნიო უნადარმთა სამმართველოს უფროსმა პოლკოვნიკმა დებოლმა „საქართველოს თავისუფლების ლიგის“¹⁶⁶ წევრებთან დაკავშირებით იოსებ ლალიაშვილის საქმის ამოქვეყნება დაიწყო. ის აღნიშნავდა, რომ შ. დედაბრიშვილს და ორგანიზაციის სხვა წევრებს მიმონერა აქვეთ ლალიაშვილთან. დებილს განსაკუთრებით აინტერესებდა არა მიწერ-მონერის შინაარსი, არამედ ის, იყო თუ არა სემინარიის რექტორის მკვლელობა რუსი ერისადმი ქართველი ერის სიძულვილის გამოვლენა. ტფილისის საგუბერნიო უნადარმთა სამმართველოსადმი მიწერილ წერილში (1894 წლის 14 დეკემბერი) პოლკოვნიკი წერდა: „უკლევა-ძიებიდან აღმოჩნდა, რომ ბრალდებულ შიო ზაქარიას ძე დედაბრიშვილს და თვლ ტიმოთეს ძე სახოკიას 1891 წელს ჰქონდათ კავშირი ტფილისის სასულიერო სემინარიის ყოფილ მონაწივე იოსებ ლალიევთან, მას შემდეგ, რაც ლალიაშვილმა მოკლა სემინარიის რექტორი და გაიქცა ამერიკაში იმ ფულით, რომელიც მას საქართველოში შეუგროვეს...“ სახოკიამ და დედაბრიშვილმა ლალიაშვილს კატორღაში სახარება გაუგზავნეს, ყდაში ჩამალული ოთხასი მანეთით).

ტყეებსა და ჭაობებში დიდი ხნის ხეტიალის შემდეგ გაქცეულებმა ნავი იშოვეს და მიუხედავად დიდი ღლევისა, ზღვაში შეცურეს. ერთი კვირის შემდეგ მათი ნავი იაპონიის ნაპირებზე გამოირიყა. „...მალე აცნობეს ჩვენს შესახებ ადგილობრივ პოლიციას. მოვიდა ფერმალი, მოიტანა საჭირო ნაშლები. ჩვენ ზღვაში გაციებულები ვიყავით, ხელები და ფეხები დასიებული გვექონდა. აღმოგვიჩინეს პირველი დახმარება. მეორე დღეს მოვიდა პოლიციელი მოხელე, გვაჩვენა ყველა სახელმწიფო დროშა და ხელით მიგვახვედრა, ვინ და სადაურები ხართ, თქვენი სახელმწიფო დროშა იცანითო. ჩვენ გერმანულ დროშაზე მივუთითეთ და გერმანელებად გავასალეთ თავი,“ – ლალიაშვილის წერილიდან.

რამდენიმე ხნის განმავლობაში ისინი იაპონიაში ცხოვრობდნენ. სულ მალე ერთი მდიდარი ებრაელის დახმარებით ფული შეაგროვეს და 1890 წლის 19 ივლისს გემით ამერიკაში ჩავიდნენ.

ანტონ ჩეხოვი ნანარმოებში „Остров Сахалин“ ასე აღწერს ლალიაშვილის გაქცევას: „ცნობილი ლალიევი, ტფილისის სემინარიის რექტორის მკვლელობისთვის გადასახლებული და კორსაკოვსკში მასწავლებლად ნამყოფი, აღდგომის ღამეს, 1890 წელს, მღვდლის შვილთან კატორღელ ნიკოლსკისთან და სამ მანანალასთან ერთად გაიქცა... ცოტა ხნის შემდეგ გავრცელდა ხმა, რომ სამოქალაქო ტანსაცმელში გამოწყობილი სამი მანანალა უნახავთ... მაგრამ ლალიევი და ნიკოლსკი მათთან ერთად არ იყვნენ; საფიქრებელია, რომ მანანალეებმა დაიყოლიეს ახალგაზრდა ლალიევი და მისი ამხანაგი, მათთან ერთად გაქცეულიყვნენ და გზაში ისინი დახოცეს, რათა მათ ფულსა და ტანსაცმელს დაპატრონებოდნენ“¹⁶⁷. ჩეხოვმა არ იცოდა ლალიაშვილის შემდგომი ბედი. როცა ის სახალონიდან ბრუნდებოდა, გაზეთმა „Русские ведомости“-მ დაბეჭდა წერილი, სადაც იუნყებოდა, რომ ლალიევმა „...შეძლო ნავით პატიმრობის ადგილიდან გაქცევა და რომელიღაც უცხოურ გემზე ასვლა მოასწრო, რომელმაც ის ამერიკაში ჩაიყვანა“¹⁶⁸.

„...მიუედიტ ახალ ქვეყანაში – ამერიკაში, ქ. სან-ფრანცისკოში. აქ ჩემი ამხანაგები რალაცაზე ნამეჩხებუნენ და ჩამომპორდნენ. მე დავბინავდი სასტუმროში. ბინის ქირას

¹⁶⁶ ლიგა 1891 წელს ვარშავაში დაარსდა და აერთიანებდა რუსეთის იმპერიის უმაღლესი სასწავლებლების ქართველ სტუდენტებს.

¹⁶⁷ А. Чехов. Остров Сахалин, 1970 б., გვ. 307-308.

¹⁶⁸ „Русские ведомости“, 1890, 3 ნოემბერი.

და საქმელ-სასმელში ვიხიდი დღე-ღამეში 1,25 ცენტს ...ჩვენი სასტუმროს ახლო სკოლა. სკოლის წინ დგას რესპუბლიკის პრეზიდენტის აბრამ ლინკოლნის ძეგლი... ინგლისური ენის ცოდნა აუცილებელია. მაგრამ ყველა ეს ჩემთვის უსარგებლოა, მე თითქმის ნახევარმკვდარი ვარ, მე, უსამშობლოს, აღარაფერი არ მახარებს"¹⁶⁹. თავდაპირველად ლალიაშვილი ერთ ფერმაში მუშაობდა, ინგლისური შეისწავლა და უნივერსიტეტში ლექციებს ისმენდა. მან სახელი და გვარი გამოიცვალა და გახდა თომ კოქსი (სხვა მონაცემებით – ჯოზეფ ლანტე). ...ამერიკაში გრძელი გვარები არ უყვართ, ამიტომ, როგორც სხვა ემიგრანტებმა, მეც გამოვიცვალე გვარი და სახელი", – წერდა ლალიაშვილი. ცოტა ხანში მან მოქალაქეობაც მიიღო. ამერიკაში ის ცხოვრობდა შემდეგ მისამართზე: Tom Kocks Pavel street 1715 Lagvies San Francisco California USA.

თედო სახოკიას ცნობით, სან-ფრანცისკოში ლალიაშვილი რუსული გემის ერთ მეზღვაურს, ვინმე ჭავჭავაძეს უნახავს. მისივე თქმით, იოსებ ლალიაშვილი 1907 ან 1908 წელს გარდაიცვალა¹⁷⁰. სხვა ვერსიით, ის ბოსტონში ცხოვრობდა, საიდანაც იტყობინებოდა, რომ მას დასაჭერად დასდევდნენ და ამიტომ გადაადგილება ბოსტონის ქუჩებში ლამაზობით უხდებოდა. ასევე ამბობდნენ, რომ ლალიაშვილს მიწერ-მწერა ჰქონდა თავის ძმასთან ბაქოში, რომელსაც სავაჭრო ჰქონდა გახსნილი. XX საუკუნის 20-იანი წლებისთვის ის ჯერ კიდევ ცოცხალი უნდა ყოფილიყო¹⁷¹. რექტორ ჩუღდუკის მკვლელობას ტრაგიკული გაგრძელება მოჰყვა. მის დასაფლავებაზე ეგზარქოსმა პავლემ წარმოთქვა სიტყვა, რომლის ტექსტი „Кавказ“-მა კუპიურებით დაბეჭდა, და სწორედ იმ ნაწილის გამოკლებით, რამაც ქართველობა აღაშფოთა. კერძოდ კი, ეგზარქოსმა თქვა: „...დაინყველოს სამუდამოდ შენი მკლავიცა და ის ოჯახიცა, რომელმაც შობა იგი, რომელმაც დაბადა და ის ქვეყანა, რომელმაც გამოზარდა შენი მკვლელი“¹⁷².

მის სიტყვას გამოეხმაურა საზოგადო მოღვაწე, პუბლიცისტი, ეროვნულ-განმათავისუფლებელი მოძრაობის ერთ-ერთი ლიდერი, 1832 წლის შეთქმულების მონაწილე და თავადუზნაურობის მარშალი დიმიტრი ყიფიანი. მას კარგად ესმოდა, რომ თავისი მდგომარეობა მეამბოხის როლში გამოსვლის უფლებას არ აძლევდა, რადგან ეს უკვალოდ არ ჩაივლიდა, მაგრამ „დეისტვიტელნი სტატსკი სოვეტნიკმა“, მაშინ უკვე 72 წლის მოხუცმა, ყველაფერი გვერდზე გადადო და ეგზარქოსს წერილი მისწერა, რომელშიც მას ბოდიშის მოხდას და ქვეყნიდან ნასვლას სთხოვდა. „...თქვენი თანამდებობის ღირსების გადარჩენა მხოლოდ იმითი შეიძლება, რომ შემრაცყოფელი ადამიანი შეურაცყოფილ ქვეყნიდან დაუყონებლივ იქმნას გასული“.

ამ წერილმა გადაწყვიტა დიმიტრი ყიფიანის ბედი – ის, როგორც არასაიმედო პირი და დამნაშავე, რუსეთში, კერძოდ კი სტავროპოლში, გადაასახლეს. როგორც არჩილ ჯორჯაძე სამართლიანად მიუთითებს – „არსებული პოლიტიკური წესი თავის წინააღმდეგი იქნებოდა, ასე რომ არ მოქცეულიყო“.

ყიფიანის ამ პროტესტს საქართველოში და მის ფარგლებს გარეთ ბევრი გამოეხმაურა – მოსკოველმა ქართველმა სტუდენტებმა ყიფიანს მხარდამჭერი წერილი გამოუგზავნეს, სადაც ნათქვამი იყო: „...ის ქვეყანა, რომელსაც ჯერ არ გამოშლევია თქვენისთანა მოხუცი, არ მომკვდარა...“ როგორც თვითმხილველები ჰყვებიან, ამ ამბებიდან ცოტა ხნის შემდეგ მცხეთაში, თავად ივანე მუხრან-ბატონის მეუღლის

¹⁶⁹ „ლიტერატურული გაზეთი“, 1960 წ. 18 მარტი.

¹⁷⁰ თ. სახოკია, ჩემის საუკუნის ადამიანები, 1984 წ., გვ. 163.

¹⁷¹ „რევოლუციის მატჩანე“, 1925 წ.

¹⁷² ა. ჯორჯაძე, წერილები, 1989 წ., გვ. 573.

დასაფლავებაზე, ეგზარქოსის ქადაგების დროს ქართული საზოგადოების დიდმა ნაწილმა მიატოვა ეკლესია და გარეთ გამოვიდა¹⁷³.

ავადმყოფი დიმიტრი ყიფიანი იმედს არ კარგავდა, რომ ის გადასახლებიდან საქართველოში მალე დაბრუნდებოდა, თუმცა შეწყალებაზე უარს აცხადებდა. თავისი მეუღლისთვის გამოგზავნილ წერილში ყიფიანი წერდა: „...არსად, არას დროს და არავითარი ლაპარაკი არ უნდა იყოს პატიების შესახებ, რადგან პატიებას – ღმერთისადმი ვედრების გარეშე – მხოლოდ დამნაშავენი ითხოვენ“.

ცოტა ხანში ხელისუფლებამ გადაწყვიტა მისი სამშობლოში დაბრუნება, მაგრამ მოხუც პატრიოტს ეს არ დაცალდა. სტავროპოლიდან გამოგზავნილი დეპეშა იტყობინებოდა: „დიმიტრი ყიფიანი მოჰკლეს ლამე 24 ოქტომბერს, მძინარე, თავში დაუციათ სასწორის ქვა“. „ივერია“ (1887 წ., 34) წერდა: „გამოძიება ერთს საოცარ ამბავს მიადგა... დიმიტრისთან ხშირად დაიარებოდა უკანასკნელ დროს ერთი საეჭვო კაცი, ნაცრის ფერის პალტო ეცვა. ეს კაცი გადაეკიდა დიმიტრის და მოსვენებას აღარ აძლევდა მოხუცს“. მკვლელობის შემდეგ კი ეს საეჭვო სუბიექტი, როგორც ამბობენ, უნმინდესი სინოდის რუსი ბერი, სადღაც გაქრა.

როდესაც დიმიტრი ყიფიანი თბილისში ჩამოასვენეს, ქალაქი საომრად გამზადებულს ჰგავდა. დედაქალაქში უამრავმა ადამიანმა მოიყარა თავი. ყიფიანის დასაფლავება მამადავითის მწერალთა და საზოგადო მოღვაწეთა პანთეონში გადაწყდა. პროტესტის ნიშნად მისი კუბო გოლოვინის პროსპექტზე, მთვარმართებლის სასახლის წინ ჩაატარეს. ხელისუფლებამ სცადა, დამკრძალავი პროცესიისთვის ხელი შეეშალა, რომ მას გოლოვინის პროსპექტზე არ გაეგლო და მოკლე გზით, ჭავჭავაძის ქუჩით, ასულიყო, მაგრამ ქართველმა საზოგადოებამ და სამღვდელოებამ სიმტკიცე გამოიჩინა და არ დაანება – წინ გადამდგარ პოლიციის რაზმს ალექსანდრე ეპისკოპოსმა აღმართული ჯვრით მიმართა: „Дорогу кресту!“ („გზა მიეცით ჯვარს!“) და პოლიციამ პროცესია მაშინვე გაატარა.

ყიფიანის დასაფლავების მომსწრე არჩილ ჯორჯაძე ასე გადმოგვცემს ამ ნამდვილ ანტირუსულ გამოსვლას: „...ის ზღვა ხალხი, საქართველოს ყველა კუთხიდან შეგროვილი, ეროვნული გრძნობის აპრიალეობა და საზოგადოებრივ სოლიდარობის გამტკიცება დიდებული, ჯერ კიდევ უნახავი პოლიტიკურ-ეროვნული დემონსტრაცია იყო.“¹⁷⁴

საქართველოს ეგზარქოსი პავლე, რომელსაც ბევრი ბრალს სდებდა დიმიტრი ყიფიანის სიკვდილში, მეფის მთავრობამ ყაზანში გადაიყვანა. ამ ნაბიჯს ქართველობის წინაშე მობოდიშების ფორმა რომ არ ჰქონოდა, იმპერატორმა ეგზარქოსი ბრილიანტის ჯვრით დაასაჩუქრა. პავლემ ყაზანში თან წაიყვანა თავისი შეყვარებული, ჩუდეცკის ქვრივი, რომელიც საკუთარ ეპარქიაში სასწაულებლის უფროსად დანიშნა.

173 ა. ჯორჯაძე, წერილები, 1989 წ., გვ. 577.

174 იქვე, გვ. 582.

აგრარული ტერორი: თავად დიასამიძის მკვლელობა

„საქართველოში ბატონყმობა კი არ იყო, არამედ პატრონყმობა იყო“, – ამბობდა თურმე გრიგოლ ორბელიანი. ფართოდ გავრცელებული მითი ქართველი ბატონისა და ყმის შეხმატკილებულ და მამაშვილურ დამოკიდებულებაზე, რომელიც მაგალითად მოჰყავდათ რუს ბატონსა და მუჟიკს შორის გააფთრებულ ანატაგონიზმთან შედარებით, რა თქმა უნდა, სიმართლისაგან შორს იდგა, რაზეც ისტორიული დოკუმენტები და უცხოელ მოგზაურთა ჩანაწერები მეტყველებს. გრიგოლ ორბელიანის ზემოთ მოყვანილი განცხადებაც ზოგიერთი ამერიკელი პლანტატორის მიერ გამოთქმულ მონათმფლობელობის ერთ-ერთ გამამართლებელ „არგუმენტს“ წააგავს – შავკანიანი მონა პატარა ბავშვივითაა და გულისხმიერი მეპატრონის მამური მეგზურობა და მოვლა სჭირდებაო.

ბატონისა და ყმის ურთიერთობა საქართველოში დიდად არ განსხვავდებოდა სხვა ბატონყმური წყობილების ქვეყნისაგან, სოციალური ანტაგონიზმი ჩვენშიც ძლიერი იყო და კლასთა შორის ბრძოლა მწვავე ფორმებს იღებდა. საქართველოში ოდიტგანვე ყმების გაყიდვა და მათი გადაცემა ჩვეულებრივი მოვლენა იყო. „ბატონებს აქ თავის ქვეშევრდომების სიცოცხლესა და ქონებაზე განუზომელი უფლებები აქვთ, როგორც უნდათ ისე ექცევიან მათ. ართმევენ ცოლებს, ბავშვებს; ყოდიან ან სხვაგვარად ბატონობენ მათზე“¹⁷⁵. ასე აღწერს ფრანგი ჟან შარდენი XVII საუკუნის საქართველოს ბატონყმურ მდგომარეობას. ყმების გაყიდვა საქართველოში მრავალი საუკუნის განმავლობაში ხდებოდა, ეს საკმაოდ სარფიანი ბიზნესი გახლდათ, ტყვეებს ყიდდნენ ყველანი, ვისაც კი არ ეზარებოდა: მეფეები („იყო ესე ალექსანდრე მეფე... (1683-1695 წწ.) ხელად მქცევი, ცუნდრუკი, ულეთო ტყვის მსყიდველი“), მთავრები, თავად-აზნაურები, გლეხები და თვით მღვდელმთავრებიც („გაბრიელ ჭყონდიდელი იყო უღეთო, მეძავე-მემრუშე, სოდომია, და ტყვის მსყიდველი და სავსე ბოროტითა“)¹⁷⁶. თბილისის საროსკიპოები სავსე იყო გაყიდული ყმა გოგობით, რომ არაფერი ვთქვათ აღმოსავლეთის ბაზრებზე, რომლებიც რეგულარულად ივსებოდა როგორც უცხოელი მოთარეშეების მიერ გატაცებული ადამიანებით, ისე ქართველების მიერ გაყიდული ყმებით. ცოცხალი საქონლით ქართველი მოვაჭრენი სარგებლის მოლოდინში არაფერს ერიდებოდნენ. იტალიელ მისიონერს არქანჯელო ლამბერტის მოჰყავს ერთი ფაქტი, თუ როგორ შეიტყუა ოდიშის დიდებულმა ვინმე ჭილაძემ თორმეტი ქართველი მღვდელი, ბორკილები დაადო, თმა და წვერი გაპარსა და თურქებს მიჰყიდა. მსგავსი ფაქტების მოუყვანა მრავლად შეიძლება. ნოე ჟორდანიას იგონებს: „...ხალხი დიდად კმაყოფილი იყო, რომ რუსის ჯარი იცავდა (გურია XIX საუკუნის შუა წლებში ოსმალეთს ემიჯნებოდა, მაშინ აჭარა ოსმალეთის შემადგენლობაში შედიოდა. აქვე უნდა ითქვას, რომ 1877-78 წლების რუსეთ-თურქეთის ომმა დაუბრუნა აჭარა საქართველოს – ი. მ., ლ. ხ.)... ხალხი იტანჯებოდა ახირებული ჩვეულებით, ახალგაზრდა ქალ-ვაჟთა ჩოლოქს იქით გატაცებით და იქ გაყიდვით.

¹⁷⁵ ჟან შარდენის მოგზაურობა სპარსეთსა და აღმოსავლეთის სხვა ქვეყნებში, 1975 წ., გვ. 117.

¹⁷⁶ „ჟამი ხსნისა“, 2009 წ., გვ 31-32.

განსაკუთრებით იყიდებოდა გოგოები და ფასიც კარგი ქონდა.¹⁷⁷ ტყვეთა გაყიდვის ამ აღმამყოფებელ ტენდენციას ნერტილი მხოლოდ რუსეთ-თურქეთის ომის შემდეგ დაესვა.

მრავალმხრივ შევიწროებული გლეხები თავის გადასარჩენად და დასაცავად პროტესტისა და ბრძოლის სხვადასხვანაირ ფორმებს მიმართავდნენ, იქნებოდა ეს საჩივარი, საკუთარი მიწა-წყლიდან გაქცევა-გადასახლება (იყო შემთხვევები, როცა აუტანელი პირობების გამო ყმა გლეხები ოსმალეთში გარბოდნენ და ნებაყოფლობით ბარდებოდნენ ტყვეებად) თუ პროტესტის უკიდურესი ფორმა: კოლექტიური ან ინდივიდუალური ტერორი, რაც გამოიხატებოდა საყოველთაო აჯანყებაში, ბატონის ავლადიდების დანვა-განადგურებასა და ბატონისა და მემამულის მოკვლაში. XVIII საუკუნის 40-80-იან წლებში კლასობრივი კონფრონტაცია გამწვავებულ ხასიათს იღებს, რაზეც მრავალი საბუთი და ხალხური გადმოცემა მეტყველებს. ერთი საბუთის მიხედვით ბატონ მაჭავარიანის ყმას გაქცევა ჰქონდა განზრახული. ბატონმა ეს გაიგო და მათ შორის ჩხუბი მოხდა, რაც მაჭავარიანის მკვლელობით დასრულდა. მეფის სახელზე მიწერილი გიორგი ციციშვილის საჩივრიდან კი ვიგებთ, რომ მისი ყმა კემუხტაშვილი ჩაუსაფრდა მამამისს და მოკლა. შემდეგ გალმა ქართლში გაიქცა, მაგრამ არც მას ასეუბნება და ერთხელ მოკლა გადაუწყვიტა – „...ბანიდან მომქვარა მეცა, მეკლად, შეუტყვე და გამექცა...“¹⁷⁸ ხალხურმა მუხსიერებამ შემოინახა აგრეთვე ბატონყმობის წინააღმდეგ მებრძოლ ქალთა სახელები: მაია წყნეთელი, თინა წავეისელი, თამარ ვაშლოვანი... XIX საუკუნეშიც ბატონისა და ყმის კონფრონტაციის მრავალი შემთხვევა აღწერილი. 1810 წელს ყმა გლეხმა ხანჯლით აკუნა თავისი ბატონი, მეფე გიორგის მდივანბეგი ზაალ ბარათაშვილი, პაპა და სეხნია არსენა ოძელაშვილის ბატონისა. თვით არსენას შელაპარაკების ნიადაგზე ერთი მებატონე, გვარად საგინაშვილი ჰყავდა თურმე მოკლული, რის გამოც დიდ სინანულში ჩავარდნილა. მაგრამ ის დაამშვიდეს, საგინაშვილი გლეხების მტერი იყო, ისეთივე, როგორიც ბარათაშვილი და ამიტომ ლირსი იყო!¹⁷⁹

არსებობს ცნობები, როგორც გაუსწორდნენ ყმები ბარძიმ ამილახვარს, მამამზე ერისთავს, სუმბათაშვილებს და სხვებს. გლეხები უკიდურეს შემთხვევაში იღებდნენ ხელში იარაღს და საკუთარ მწვალებლებს ხოცავდნენ. ასე მოხდა 1830-იან წლებში როცა გლეხებმა თავადი რევაზ ერისთავი ქალის გაუპატიურებისა და სხვა ცოდვების გამო ნაჭერ-ნაჭერ აკუნეს, ხეზე ჩამოკდეს, ასო მოაჭრეს და პირში ჩაუდეს. გვამი სამ დღე-ღამეს ეკიდა თურმე ხეზე. ასეთივე ბედი ეწია თავად ამილახვარს, რომელიც დაქირავებული ოსის ხელით შუაზე გადაჭრეს, მასაც მოჭრილი ასო პირში ჩაუდეს, ხოლო მთელი ავლადიდება თან წაიღეს¹⁸⁰. 1857 წელს სოფელ კარდანახში მოკლეს მებატონე გიორგი ვაჩნაძე, გორში – ამილახვარი; 1858 წელს – იოსებ ჯორჯაძე, ყვარელში – ალექსანდრე არღუთაშვილი, გორის მაზრაში – ერისთავი, ნათიშვილი, თარხნიშვილი. 1863 წელს გლეხებმა მოკლეს ჯიხაიშვილი თავადი ლორთქიფანიძე, ოზურგეთელი გურიელი და ბოჭოიძე, ქართლელი ციციშვილი, მეგრელი გაბუნია... მარტო 1875 წელს თბილისის გუბერნიაში მემამულეთა სახლ-კარის გადანვის 150,

¹⁷⁷ ნ. ჟორდანი, ჩემი წარსული, 1990 წ., გვ. 14.

¹⁷⁸ საქართველოს ისტორიის ნარკვევები, ტ. IV, 1973 წ., გვ. 567.

¹⁷⁹ საქართველოს ბატონყმობის ფაქტური მასალები, 1924 წ., ტ. 2-3, გვ. 40-44. ასევე იწუგებებდა თავს ტერორისტი მირიელ ლომაძე, რომელმაც XX საუკუნის დასაწყისში ხიდისთავში (გურია) სიო ბერიძის მავიურად ზარნაბა ქარცივაძე მოკლა. „ამ სამწუხარო შემთხვევის“ შემდეგ ლომაძე თავს იმით იწუგებდა, რომ „ქარცივაძე ბერიძეზე ნაკლები ოხერი არ იყო“.

¹⁸⁰ საქართველოს ბატონყმობის ფაქტური მასალები, 1924 წ., გვ. 40-44.

1883 წელს კი 155 შემთხვევა დაფიქსირდა. 1877 წელს თბილისის გუბერნიაში მოხდა მემამულეთა და გლეხების ურთიერთმკვლელობის 77 შემთხვევა, 1883 წელს – 107, 1891 წელს – 414¹⁸¹. XX საუკუნის დასაწყისშიც მემამულეთა და ბატონთა მოკვლა არ წყდებოდა. ახლად გამოჩენილი ქართული საბჭოთა პრესა ამის შესახებ წერდა: „...აგრარულ ნიადაგზე ნანამები გლეხები აქაური თავადების მიერ მოთმინებიდან გამოსული თითო-ოროლა თავადებს ხოცავდნენ... ქართლში მოკლეს... თავადი იასონ ფალავანდიშვილი, და შემდეგ აგრარულ ნიადაგზევე (!) ფეოდალი, ცნობილი საქართველოს გამოჩენილი მგოსანი ილია ჭავჭავაძე...“¹⁸²

1925 წლის ზაფხულში პირველმა ქართულმა საბჭოთა მსროლელმა დივიზიამ ალუმის დროს გაიარა სოფელი ბრილი, რომელიც იმით იყო გამორჩეული რომ 1897 წელს რამდენიმე გლეხმა მოკლა თავადი ნიკოლოზ დიასამიძე. ამ „შესანიშნავი“ ამბის აღსანიშნავად სპეციალურად გამოყვეს რამდენიმე ამხანაგი, რომლებიც ორკესტრის თანხლებით იქაურ გლეხებთან შესახვედრად წავიდნენ. სტატიის ავტორი თავის სიხარულს ვერ მალავს, თუ „...რა აღტაცება გამოიწვია მუსიკამ სოფლებში, მოგროვდნენ გლეხები. შევეკითხეთ იმ ამბის შესახებ, რაც ჩვენ გვინტერესებდა“. გლეხებმა მოიგონეს მკვლელობის ამბავი; ამ მკვლელობის სამი მოწმე და შემსრულებელი ტატო დევიძე, რომელიც თავადს თურმე თვალში ჰყავდა ამოღებული, ლექსო ჩუბინიძე და გაბო იმერლიშვილი ჯერ კიდევ ცოცხლები იყვნენ. მათ გადაუღეს ფოტოები, რის შემდეგ კაიმართა მიტინგი.

როგორც გაირკვა, 1882 წლიდან სოფელი ბრილი თავად დიასამიძის საკუთრებას წარმოადგენდა. მას ჰყავდა დაქირავებული „ჩაჩნების“ 150-კაციანი რაზმი, რომელიც მოსვენებას არ აძლევდა და ანიოკებდა გლეხებს, მოსახლეობას წყალს უკეტავდა და ყოველნაირად ავიწროებდა. ერთხელ თურმე გლეხები შეკრებილან და საუბარი გაუმართავთ საკუთარ ჭირ-ვარამზე. ამ დროს ტატო დევიძეზე გაბრაზებული დიასამიძე მივარდნილა გლეხებს და ერთი მათგანისთვის თავზე მოვერცხლილი ჯოხი გადაუმტვრევია. მეორე დღეს კი ჯოხის საფასური, 30 მანეთი, იმავე გლეხისთვის გადაუხდევინებია.

ერთხელაც ტატოს ცოლს ძროხა გამოეყვანა თავის ეზოში საძოვრად. ტატო მაშინ სახლში არ იმყოფებოდა. თავადმა ეს დაინახა და „ჩაჩნებს“ ძროხის წართმევა და „მაგ ძაღლების“ დახოცვა უბრძანა. ჩეჩენი ქალს თოფით გამოუდგა, მაგრამ მან მიმალვა მოასწრო, თუმცა ნერვიულობის ნიადაგზე ერთი კვირის შემდეგ გარდაიცვალა.

იქაურმა გლეხმა ლექსო ჩუბინიძემ კი ერთი პატარა ძირი მუხა მოჭრა და ურმის ხელნისათვის გათალა. ამის გამო „ჩაჩნებმა“ სასტიკად სცემეს ჩუბინიძეს, დედამისს კი წინააღმდეგობის განხილვისათვის მოკვლა დაუპირეს. ჩუბინიძემ მაინც მოახერხა და კეტით ერთი ჩეჩენი მოკლა. ამის გამო თავადმა მას ყველაფერი წაართვა. გაბო იმერლიშვილის მამას კი იმიტომ სცემა, რომ ბატონს ბეგარაზე არ ეახლა, თვითონ გაბოს კი შეუთვალა: „ცოლს რომ შეირთავ, პირველი მე უნდა მომგვარო“. ამის შიშით გაბოს ქალს არავინ ატანდა. აღსანიშნავია, რომ აღმოსავლეთ საქართველოში პირველი ღამის უფლება დიდი ხნის განმავლობაში იყო გავრცელებული.

სანდრო ქართველიშვილი, რომელიც მოჯამაგირედ ედგა დიასამიძეს, ერთხელ ბატონმა ხეზე მიაბა და კეტით ისე სცემა, რომ ის ლოგინად ჩავარდა. ამას გარდა, დიასამიძემ ბევრი გლეხი საკუთარი მინა-წყლიდან აყარა და სხვაგან გადაასახლა.

¹⁸¹ ა. ბენდიანიშვილი, გლეხთა კლასი და გლეხთა მოძრაობა საქართველოში, 1989 წ., გვ. 191.

¹⁸² „რევოლუციის მატანე“, 1928 წ., №1, გვ. 72.

გლუხების ერთი ნაწილი მემამულეს დაემორჩილა, სხვები კი, როგორც შედეგად ენინალმდევეგობდნენ, გადასახადების გადახდაზე უარს ამბობდნენ. სიტუაცია რომ განემუხტა, სოფელში მეფის მთავრობის მოხელე ჩავიდა, მაგრამ მოლაპარაკება ვერ შედგა – გლუხები მიწებითა და ტყით უსასყიდლოდ სარგებლობას მოითხოვდნენ. ვერაფერი რომ ვერ გაანყო დიასამიძემ ძალას მიმართა და მხოლოდ საეგზეკუციო რაზმის დახმარებით შეძლო გადასახადის აკრეფა.

გლუხებს მოთმინების ფიალა აეცსოთ და მისი თავიდან მოშორება გადაწყვიტეს. ამ ტერაქტის ჩატარება რამდენიმე ადამიანმა იკისრა. ესენი იყვნენ: ლექსო ჩუბინიძე, გაბო იმერლიშვილი, ბესო იმერლიშვილი და სანდრო ქართველიშვილი. ბესო და სანდრო საჩიტო თოფებით იყვნენ შეიარაღებული, გაბოს ხანჯალი ჰქონდა, ხოლო ლექსოს – რევოლვერი. მათ საკირე ლელის ბოგირი აყარეს და თავადს ჩაუსაფრდნენ.

„თავადი ნ. დ. დიასამიძე 13 მარტობობისთვის მარტო თურმე გაემგზავრა შარაბ-ნით სად. გომში, სადაც იმ დღეს მისი უფროსი შვილი გრიგოლი უნდა ამოსულიყო. შინ თურმე ურჩევდნენ, თქვენ ნუ წაბრძანდებით, ბიჭი გაეგზავნოთო, მაგრამ არა ჰქმნა. საღამოს... მამა-შვილი გომიდან ბრილში წავიდნენ კაბრიოლეტით. საღამოს 9 საათი იქნებოდა, რომ დიასამიძენი სოფლის მახლობლად ბოგირს მიადგნენ; ცხენები უცბად შეფრთხნენ და უკან დაიწიეს. თავადმა ნიკომ გადასვლა დააპირა. შვილმა ურჩია თურმე, – მამა, ნუ გადახტები, ქვედად მოუარეო. აქ რალაცა ამბავი უნდა იყოსო, უთქვამს ნიკოს და გადამხტარა, მაგრამ ბოგირი აყრილი დაჰხვედრია. მამინ შვილისთვის დაუძახნია, ბოგირი ვილაცას აუყრია და შვილსაც ჯაგებიდან ვილაცის ჩურჩული თურმე მოესმა. გრიგოლს უთქვამს: მამა, დავბრუნდეთო, მაგრამ ამის თქმა ვერ დაუშთავრებია, რომ ამ დროს თოფებს უგრიალიათ. ცხენები შეფრთხნენ თურმე და გრიგოლი გაიტაცეს. თითქმის ერთ ვერსამდე ათრიეს. ბოლოს საძნეს ურემი შემოჰხვედროდა და გლუხებს შეეყენებინათ ცხენები, გრიგოლს მაშინვე ეთქვა, არიტემა, მამა მომიკლესო.

მაშინვე ყველანი უკან მიბრუნდნენ თურმე. მაგრამ ამასობაში საათნახევარმა გაიარა. თავ. ნიკო უკვე დაჭრილი და მთლად დაბეგვილი დაჰხვდათ... დაჭრილ ნიკოს, რომელსაც ორი ტყვია მოჰხვედროდა: ერთი მკერდში და მეორე მკლავში, თავპირი ცემით დალურჯებული ჰქონდა. როგორც სჩანს, მკვლელებს იმ შიშით, რომ ვაი თუ სუბუქად იყოს დაჭრილიო, თავპირში უცემიათ კიდევ. დაჭრილს გრძნობა დაკარგული ჰქონდა. როდესაც აიყვანეს სოფელში, გონს მოვიდა და გარს შემოხვეული ხალხი დაინახა, რამდენჯერმე დაიძახა თურმე: „ნუ დამარჩობთო!“ სულ ნახევარი საათი იცოცხლა და სული დალია. ახლა ამ საქმის შესახებ უკვე სასტიკი გამოძიება სწარმოებს“⁸³.

სასმართლომ მკვლელებს 20 წლით კატორღა მიუსაჯა. ჩუბინიძემ კატორღაში 12 წელი გაატარა და შემდეგ რუსეთ-იაპონიის ომში მოხალისედ წავიდა, რისთვისაც მას სასჯელი აპატიეს და ის სახლში 1909 წელს დაბრუნდა. გაბო იმერლიშვილმა კატორღაში 18 წელი დაყო და სამშობლოში 1915 წელს დაბრუნდა. სანდრო ქართველიშვილისა და ბესო იმერლიშვილის ბედი კი დღემდე უცნობია.

მიტინგის დროს წითელარმიელებმა თავადის მკვლელები ხელში აიყვანეს და ხალხში გაატარეს. გაისმა მქუხარე ტამი და შეძახილები: „გაუმარჯოს გმირებს! გაუმარჯოს საბჭოთა ხელისუფლებას!“ ნამოსვლისას კი წითელარმიელებმა სოფელს სამკითხველო გაუხსნეს“⁸⁴.

⁸³ „ივერია“, 1897 წ., №168.

⁸⁴ „რევოლუციის მატანე“, 1926 წ., №2 (15), გვ. 91-94.

მებატონეებისა და თავადაზნაურობის წინააღმდეგ მიმართული სიძულვილი და აგრესია საკუთარი მიზნებისათვის, ანუ მასებში რევოლუციური სულისკვეთების დანერგვისა და გაღვივებისთვის, რევოლუციონერებმა ბრწყინვალედ გამოიყენეს. საგულისხმოა, რომ მომავალი რევოლუციონერი სოციალ-დემოკრატების დიდი ნაწილი თავადაზნაურული წრიდან იყო – იგივე ყორდანია, წერეთელი, წულუკიძე, კეცხოველი, მდივანი, გეგეჭკორი, ჩხეიძე – „სდპ-ის ერთი მესამედი თავადაზნაურობიდან იყო“¹⁸⁵.

თავადაზნაურობისა და მემამულეებისადმი აგრესიული დამოკიდებულება საქართველოს დამოუკიდებლობის წლებშიც გაგრძელდა და „მემამულეთათვის ანგარიშის გასწორება იყო არსებითად ამ მთავრობის მთავარი მისწრაფება“¹⁸⁶. „ეროვნულ საბჭოში“ ვინმე კონია გვარჯალაძე „ღორბლით პირზე კიოდა: თავადაზნაურობა სულ უნდა ამოიფლიტოსო“, დამოუკიდებელი საქართველოს ეროვნული გვარდიის სარდალი, ვალიკო ჯუღელი, უკვე ემიგრაციაში სიამაყით წერდა: „სხვას თუ ვერაფერს მივალნიეთ, თავად-აზნაურობა ხომ გაეანადგურეთო“¹⁸⁷.

არსებობდა თავადაზნაურობის ერთი ნაწილიც, რომელიც საკუთარი მიზნებისა და უფლებების დასაცავად XX საუკუნის დასაწყისში „ჩორნაია სოტნიას“ – „შავ რაზმს“ ჩამოაყალიბებს. გაგახსენებთ, რომ „ჩორნაია სოტნია“ „მეფის, მამულის და სარწმუნოების“ დასაცავად შეიქმნა, ისიც რევოლუციონერების მსგავსად, ყოველგვარ ეროვნულს აგრესიულად უპირისპირდებოდა და სისხლის ზღვა დააყენა საქართველოში. „შავი რაზმი“ ქარელში გიორგი ამილახვრის და ზუბიკო აბდუშელიშვილის მეთაურობით ჩამოყალიბდა, იმერეთში – სოკრატა აბაშიძის და ჯიბო ბარათაშვილის მეთაურობით. გურიამიც იყო „შავი რაზმის“ შექმნის მცდელობა: ოზურგეთში ლომკაც აბაშიძის სახლში შედგა ამის თაობაზე შეხვედრა, მაგრამ რალაც მიზეზთა გამო ეს გეგმა ვერ განხორციელდა... აბდუშელიშვილს რომ მოეუსმინოთ, ისინი „შავ რაზმს“ კი არ ქმნიდნენ, არამედ ეროვნულ ლაშქარს. „...ჩვენი ლაშქარი ჯერჯერობით წესრიგს აღადგენს საქართველოს სოფლებში, ხოლო მოვა დრო, დაჰქრავს საათი და საქართველოს თავისუფალს ნახავთო“¹⁸⁸. საინტერესოა, ვისგან ან რისგან თავისუფალ საქართველოს გულისხმობდა აბდუშელიშვილი, თუ გაეითვალისწინებთ, რომ სამხედრო რაზმს მთავრობის მიერ დამტკიცებული წესდება ჰქონდა და იარაღითაც მათგან მარადგებოდა. „ეს რაზმები ეხმარებოდნენ 1905 წლის რევოლუციის შემდეგ დამსჯელ ექსპედიციებს რევოლუციაში მონაწილეების დაჭერა-განყვეტაში და გლეხობას ერთი სამად აზღვევინებდნენ ლალასა და ნადელს, რაც რევოლუციის პერიოდში დააკლდათ“, – წერდა ბაჭუა (სამუილ) კუპრაშვილი, თავად ბოლშევიკი ტერორისტი. მისი ეს სიტყვები სხვა წყაროებითაც დასტურდება. როდესაც მთავრობამ შეატყო, რომ „შავი რაზმები“ ვერ აკონტროლებდნენ სიტუაციას, მათ კაზაკებიც მიამხარა. რაზმელებთან ერთად ახლა კაზაკებმაც დაიწყეს ხალხის დანოკება, თანაც უფრო „...ველურათ: რომელ სოფელსაც ისინი ესტუმრებოდნენ, იქ ალაშქვად ხანის ამბავი ზღაპრად ეჩვენებოდათ და ზ. აბდუშელიშვილის „განმათავისუფლებელი“ რაზმის წყალობით ნამდვილი ჯოჯოხეთის ცეცხლი დაინთო ქართლში“¹⁸⁹.

აგრარული ტერორის შესახებ თხრობა გვინდა დავასრულოთ ერთი მნიშვნელოვანი ფაქტით: თავად ილია ჭავჭავაძის მიერ დაარსებული სათავადაზნაურო ბანკი

¹⁸⁵ რ. გაბაშვილი, რაც მახსოვს, დაბრუნება, ტ. 3, 1992 წ., გვ. 354.

¹⁸⁶ ზ. ავალოშვილი, საქართველოს დამოუკიდებლობა 1918-21 წლების საერთაშორისო პოლიტიკაში, 1990 წ., გვ. 8.

¹⁸⁷ რ. გაბაშვილი, რაც მახსოვს, დაბრუნება, ტ. 3, 1992 წ., გვ. 354.

¹⁸⁸ ზ. გურული, მოგონება, 2005 წ., გვ. 63.

¹⁸⁹ იქვე, გვ. 65.

ნლიურად მოგებულ 500.000 რუსულ ოქროს მანეთს აძლევდა „თავადაზნაურობის საკრებულოს“. ეს უკანასკნელი კი ამ თანხას უკანასკნელ კაპიკამდე ახმარდა ქართულ სკოლებს, თეატრებს, მუზეუმებს, სტიპენდიებს. ეს იყო მცირე, მაგრამ განსაკუთრებით ქართული, ეროვნული „ბიუჯეტი“, როგორც რევაზ გაბაშვილი წერს.

შეუფასებელია ილიას როლი ქართული ცნობიერების განვითარებაში და სწორედ, ეს ადამიანი შეენირა საბჭოთა მედიის მიერ გაუღებულ ე. წ. „აგარულ“ ტერორს (ნამდვილ მიზეზს ვინ გაამხელდა). უშუალოდ ვინ იყო ამ მკვლელობის დამკვეთი – ბოლშევიკები თუ მენშევიკები, თუ ორივე ერთად, რაც უფრო სარწმუნოა – ალბათ, დიდი მნიშვნელობა არა აქვს¹⁹⁰. მკვლელი იყო მათ მიერ შექმნილი კლასობრივი და-პირისპირებულობისა და შეუწყნარებლობის გარემო. გარემო, რომელიც იმავდროულად ყოველივე ეროვნულის წინააღმდეგ იყო მიმართული, ყოველივე იმის წინააღმდეგ, რასაც ქადაგებდა და რისთვისაც იღვწოდა ილია ჭავჭავაძე.

¹⁹⁰ არსებობს ზეპირი გადმოცემა, რომ ფილიპე მახარაძეს სიკვდილამდე ცოტა ხნით ადრე განუცხადებია: „ჩვენ, მესამედასელებმა, კომუნისტებმა, დავადგინეთ ილია ჭავჭავაძის მოკვლა, ვინაიდან ილია იყო ერთადერთი დიდი პიროვნება, რომელიც ხელს უშლიდა საქართველოში მარქსიზმის გავრცელებას. როდესაც ჩვენ ილია ჭავჭავაძის მოკვლა დავადგინეთ, ფრაქციის ყველა წევრმა იცოდა და დაგწნილებაზეც ბელი ჰქონდა მონერილი. ეს იცოდა თვით სტალინმაც, რომელიც მაშინ არაფერს არ ნარწმოდგენდა. მან დადგენილებას ხელი მოაწერა და ბაქოში წავიდა“. გ. აბაშიძე, ილია ჭავჭავაძე, ცხოვრება და ლეგენდი, 2005 წ., გვ. 144.

გურული ტერორი, „გურიის, ყვირილისა და სხვა რესპუბლიკები“

საქართველოს ყველა სხვა კუთხისაგან განსხვავებით, მარქსისტულმა მოძღვრებამ ყველაზე ნოყიერი ნიადაგი გურიაში იპოვა. ნერილში, რომელიც გრიგოლ რობაქიძემ გურულის დახასიათებას მიუძღვნა, ასეთი სიტყვებია: „...განა გურია არ განამტკიცა საქართველოში სოციალისტური სწავლა, რომელიც სრულიად ეწინააღმდეგება არისტოკრატიული წარჩინების მიდრეკილებას?! და მართლაც: სოციალ-დემოკრატია საქართველოში გურულებმა შექმნეს...“¹⁹¹ თუ რატომ მაინცდამაინც გურულებმა „დაასწრეს“ ყველას, თავის დროზე ამის ყველაზე მარტივად ახსნა გაზეთმა „დროებამ“ გურულის დახასიათებისას სცადა: „...ბევრი ხალხი არ უნდა მოიძებნებოდეს ქვეყანაზე იმდენად ბუნებით ცოცხალი, მოძრავი, ყველაფერი ახლის და უცხო რამეს ადვილად მიძღები და შემთვისებელი, როგორც გურულებია. ყველაფერი ახალს და უცხო, როგორც კარგს, ისე ავს, გურულები ადვილად ითვისებენ.“¹⁹²

როგორც ცნობილია, „მესამე დასი“ გურულების: ეგნატე ნინოშვილის, ნოე ყორღანიას, ფილიპე მახარაძის, სილიბისტრო ჯიბლაძისა და სხვათა მეოხებით არის დაფუძნებული. ჯიბლაძის საპროგრამო სიტყვის შემდეგ, რომელიც მან ნინოშვილის დასაფლავებაზე წარმოთქვა, გიორგი წერეთელმა ამ ახალ მიმართულებას „მესამე დასი“ დაარქვა. მაგრამ „...იმის ნაცვლად, რომ ნინოშვილის უმანკო და წრფელ გზას დასდგომოდნენ მისი სიკვდილის შემდეგ მოვლენილი ხალხის მესვეურნი და... ისე დინჯად გაპყლოდნენ ხალხის შეგნება-განვითარების იდეას, იმათ მძლავრი ხელებით შეჰკრეს, შებოჭეს, ერთ ვინაო დოგმატურ ფარგალს ქვეშ მოაქციეს მთელი ამ პატარა ქვეყნის ხალხი. ასი წლის საღათას ძილში დაბრმავებული ხალხი შეაცურეს ისეთ მორევში, საიდანაც გამოსვლა შეუძლებელი იყო...“¹⁹³

ცხრაასიანი წლების დასაწყისში გურიაში გლეხთა რევოლუციური მოძრაობა საბოლოოდ ე. წ. „გურიის რესპუბლიკად“ ჩამოყალიბდა (მის მსგავსად საქართველოს სხვადასხვა ნაწილებში წარმოიშვა ნაძალადევის, გორის, ჭიათურის, ყვირილის, ზუგდიდის და სხვა რესპუბლიკები, რომელთაც სულ მცირე ხნით იარსებეს). ოცნება, რომელსაც რუსული ინტელიგენციისა რამდენიმე თაობა გადაჰყვა, საქართველოში ასრულდა. გლეხთა ფართო მასებში რევოლუციურმა შეგნებამ გაიღვიძა და გურიაში რევოლუცია განახორციელა – ფაქტობრივად მოიშორა მეფის მთავრობის ზეგავლენა. მაღევე გლეხთა მოძრაობის საერთო ხელმძღვანელობა საქართველოს სოციალ-დემოკრატიულმა პარტიამ აიღო, რომელმაც „გლეხთა მასების რევოლუ-

¹⁹¹ გ. რობაქიძე, გურია და სოციალიზმი, 1917 წ.

¹⁹² „დროება“, 1875 წ., №100.

*უპირინი იქნება, გავიხსენოთ გურული მოჯირითების ამბავი, რომლებმაც ასევე არავის დაუთმეს პირველობა და 1892 წელს ამერიკაში გაიჭრნენ. ისინი თითქმის 30 წლის მანძილზე უდიდესი წარმატებით გამოდიოდნენ ამერიკულ ცირკებსა და შოუებში და დიდი გავლენა იქონიეს ქაუბოების საცხენოსნო ტექნიკის განვითარებაზე.

¹⁹³ „საეაჭრო გზა“, 1908 წ., №315.

ციურ რელსებზე გადაყვანა და სოციალიზმის პრინციპების განვითარება¹⁹⁴. შეძლო¹⁹⁴. დაარსდა „გლეხთა კომიტეტები“, რომლებიც ქმნიდნენ საკუთარ ადმინისტრაციას, სასამართლოებს, იარაღის სახელოსნოებს, სტამბებს, განავებდნენ სასკოლო განაოლებას, აწესებდნენ გადასახადებს, ფასებს და სხვ. მოკლედ რომ ვთქვათ, კომიტეტები აუქმებდნენ სოფლის ადმინისტრაციულ დაწესებულებებს და თვითონ იღებდნენ ხელში ხელისუფლების ფუნქციებს. 1904 წელს კავკასიის მეფისნაცვალის პეტერბურგში გაგზავნილ მოხსენებაში წერდა: „არ გადავაჭარბებ, თუ ვიტყვი, რომ გურულები არიან ავანგარდი რევოლუციური მოძრაობის განვითარებისა მთელ კავკასიაში. გურულებმა 1904 წლის დასაწყისიდან მიზნად დაისახეს თავიანთი სოციალ-დემოკრატიული კლასთა თანასწორუფლებიანობის იღებების ცხოვრებაში გატარება, კაპიტალიზმის კანადგურება და არსებული წესწყობილების შეცვლა დამინების, ძალმომრეობის და ტერორის სახით“¹⁹⁵. მოხსენებაში არაფერი იყო გადაჭარბებული, – სიამაყით აცხადებდა ურატადე.

აღსანიშნავია, რომ საქართველოში ოზურგეთის მაზრა ერთ-ერთი განათლებული და განვითარებული კუთხე იყო, „საქართველოს საფრანგეთი“, როგორც მას ერთმა ჟურნალისტმა უწოდა. სწავლას იქაური გლეხები ძალიან ეტანებოდნენ, მიუხედავად უკიდურესი გაჭირვებისა, არავითარ ძალას არ ზოგავდნენ სკოლების, ბიბლიოთეკების, სამკითხველოების გახსნისათვის¹⁹⁶. იტალიელი ისტორიკოსი, მოგზაური და დიპლომატი ლუიჯი ვილარი, რომელმაც XX საუკუნის დასაწყისში კავკასიაში იმოგზაურა, წერდა: „(გურიაში) ყოველ სოფელს აქვს საკუთარი ბიბლიოთეკა, სახელმწიფო საფოსტო განყოფილებებიდან ყველაზე დაშორებული სოფლებიც კი ყოველდღიურად ღებულობენ გაზეთებს თბილისიდან, ბათუმიდან და რუსეთიდან“¹⁹⁷. თუმცა განათლებისადმი ამ მისწრაფებამ უკუშედეგიც გამოიღო. 1902 წელს მთავრობამ ყველა ბიბლიოთეკა-სამკითხველო დახურა: „გურულები წიგნის კითხვამ გადაიარა“. „რევოლუციური შეგნების ამაღლებაში“ დიდი როლი შეასრულა რუსეთში გარე სამუშაოზე გასულმა გურულმა მუშახელმა, რომელიც იყლინთებოდა „რუსული ამბოხების სულისკვეთებით, ითვისებდა მის სოციალ-პოლიტიკურ აზრებს, პროგრამებს, რევოლუციურ ორგანიზაციების წესებს...“¹⁹⁸ გურიაში რევოლუციური მოძრაობის სწრაფი ტემპებით განვითარებას რამდენიმე მიზეზი ჰქონდა: 1901 წლის მოუსავლიანობა, სოფლად მინის სიმცირე, დიდი გადასახადები, 1902 წლის ბათუმის მუშათა გამოსვლები, მუშად ქცეული უკმაყოფილო გურული გლეხების სოფლებში დაბრუნება, რამაც „მესამედასელების“ დახმარებითაც, უზარმაზარი გავლენა იქონია გურულებს შორის რევოლუციური მსოფლმხედველობის ჩამოყალიბებაზე.

გურიაში მეფისნაცვლის მიერ მებაზობზე და ურჩ გლეხებთან მოსალაპარაკებლად (იქამდე მთავრობამ სამხედრო ნესები გამოაცხადა და გურიაში ოთხიათასკაციანი სადამსჯელო რაზმი გაგზავნა გენერალ ალიხანოვ-ავარსკის მეთაურობით. გენერალ ალიხანოვს განსაკუთრებული უფლებები ჰქონდა მინიჭებული, რაც

¹⁹⁴ Г. Урадзе. Воспоминания грузинского социал-демократа, 1968 წ., გვ. 50.

¹⁹⁵ იქვე, გვ. 88.

¹⁹⁶ ფილიპე მახარაძის ცნობით კი, საქართველოს სხვა კუთხეებში საპირისპირო ამბები ხდებოდა: როცა რევოლუციურმა მოძრაობამ სვანეთამდე მიაღწია, სვანებიც ამოქმედდნენ და პირველი, რაც გააკეთეს – სოფლის კანცელარიები და სკოლები გაანადგურეს. ფ. მახარაძე, 1905 წელი ამიერ-კავკასიაში, 1932 წ., გვ. 175.

¹⁹⁷ L. Villari. Fire and Sword in the Caucasus, 1906 წ., გვ. 84.

¹⁹⁸ დ. ვაჩანაძე, ქართული ეროვნული ძირები და რუსული ბოლშევიზმი, 1957 წ., გვ. 37.

საჭიროა ომიანობის დროს¹⁹⁹. ქართული საზოგადოება წინ აღუდგა კავკასიის ად-მინისტრაციის გადანყვეტილებას და გურიის დარბევაზე ხელის აღება მოსთხოვა. ერთ-ერთი პირველი, ვინც მთავრობის ამ განზრახვას წინ აღუდგა, ილია ჭავჭავაძე იყო. თუმცა დარბევას გურია და დასავლეთ საქართველო მაინც ვერ გადაურჩა) და საქმის გასარკვევად გაგზავნილი კავკასიის მეფისნაცვლის საბჭოს წევრი სულთან კრიმ-გირეი აღფრთოვანებული დარჩა არა პროფესიონალური რევოლუციონერების და აგიტატორების, არამედ უბრალო გლეხების მჭევრმეტყველებით, გონებაშახვი-ლობით და თავდაჭერილობით, რაც მის წარმოდგენილ პატაკში აისახა. 1905 წლის 23 თებერვალს სოფელ ბახეში გაიმართა შეხვედრა ბახეის საზოგადოების 500-მდე გლეხთან. ბახელებმა კრიმ-გირეის ყველა გურული გლეხის სახელით საგანგებო მოთხოვნები (ბეგარის და სხვადასხვა გადასახადების გაუქმება, მიწების გადაცემა გლეხებისთვის, კრების, სიტყვის და პრესის თავისუფლება, უფასო საყოველთაო და სავალდებულო სწავლება და სხვ.) გადასცეს, რომელიც „ბახეის მანიფესტის“ სახელ-ითაა ცნობილი. მოგვიანებით კრიმ-გირეი თავის მოგონებაში წერდა, რომ „იმით არამცთუ კონსტიტუცია, საფრანგეთის რესპუბლიკაც კი ვერ დააკმაყოფილებს“. როგორც ჩანს, მთელი დღე კრებებზე დასწრებამ და პოლიტიკური დებატების მოს-მენამ (გურიაში კრებების და დებატების მოსაწყობად ყველა სახის პოლიტიკური პარტია ჩადიოდა) თავისი როლი ითამაშა და უბრალო გლეხი მშვენივრად გათვითც-ნობიერდა სხვადასხვა პოლიტიკური მიმდინარეობებში (თუმცა ასბოლუტური უმ-რავლესობა სოციალ-დემოკრატიულ პლატფორმას იზიარებდა). არათუ გათვითცნო-ბიერდა, არამედ პლენარისა თუ აქსელროდის ნაშრომებიდან ციტატების მოყვანა და მსჯელობაში მარქსისტული დიალექტიკის გამოყენება ჩვეულებრივ მოვლენად იქცა. აკადემიკოსი ნიკო მარი წერდა: „...გურიაში რომ ჩავედი, იქ არც პოლიცია და-მიხვდა, არც სტრატეგები, არც კაზაკები და არც ჯარისკაცები. გადასახადს არავინ კრებს, არ არის აქციზი, მთავრობის სასამართლოები და სხვა, თუმცა ახლაც ისევე ძველებური გაჭირვება სჩანს ყველგან, გაუგებარ ხალხის გაყვლეფა გაიძვირთავან, თავსნაირი ცრუმორწმუნეობა, ცხოვრების სიძვირე, თითქმის წინანდელზე ზედმეტი სიძვირე. სამაგიეროდ თავისუფლება სრულია, პრესის, სიტყვის, სარწმუნოების, წარმოების თავისუფლება. აქ დაუბრკოლებრივ მოსდით და იკთხება ისეთი გამოცე-მები, რომლის შენახვისთვისაც კი სხვაგან შესამჩნევ სასჯელს აყენებენ... კრება კრე-ბას მოჰყვება და გარეშე კაცი გოაცებული რჩება, როგორ ახერხებენ სოფლები მთელ დღეობით კრებაზე დასწრებას, როდესაც ყანებში დიდი საშრომელი აქვთ... კრებებს ქალები მამაკაცებთან ერთად ესწრებიან...“²⁰⁰

„გურიის რესპუბლიკას“ საკუთარი პრეზიდენტიც ჰყავდა – ნასაკირალის ბრძო-ლის (1905 წლის 20 ოქტომბერს ნასაკირალზე პლასტუნების 120-კაციან რაზმს ლა-ზარენკოს მეთაურობით გურულები დაესხნენ თავს და ათი კაზაკი მოკლეს) ერთ-ერ-თი ხელმძღვანელი ბენია ჩხიკვიშვილი. თუმცა რესპუბლიკას ხანგრძლივი არსებობა არ ეწერა: შვიდთვიანი მმართველობის შემდეგ ხელისუფლებამ მას ბოლო მოუღო. 1906 წლის დასაწყისში გურია და მთელი დასავლეთი საქართველო დამსჯელმა ექს-პედიციამ ცეცხლის აღში გახვია, ადამიანებს ხოცავდნენ და ანიოკებდნენ, ქალებს აუპატიურებდნენ, არ ინდობდნენ არავის, არც დიდს და არც პატარას. ამ ეგზეკუ-ციის განმხორციელებელი ალიხანოვ-ავარსკი იყო. სოციალ-დემოკრატებმა ალი-

¹⁹⁹ „მოგზაური“, 1905 წ., №6.

* 1905 წლის დეკემბრიდან ალიხანოვ-ავარსკი ჯერ თბილისის, შემდეგ კი ქუთაისის გუბერნატორად იყო დანიშნული.

²⁰⁰ „ცნობის ფურცელი“, 1905 წ., №2911.

ხანოვ-ავარსკის სასიკვდილო განაჩენი დასაველეთ საქართველოს დარბევის შემდეგ გამოუტანეს. 1906 წელს ქუთაისში მას, როგორც ამბობენ, აფრასიონ მერკვილაძის რაზმელები დაესხნენ, მაგრამ მაშინ ალიხანოვ-ავარსკი მხოლოდ მძიმედ დაიჭრა. აი, რას წერდა ამის შესახებ გაზეთი „ლამპარი“ (1906 წ., №23): „...ალიხანოვი ყარსში დანიშნეს კაზაკთა დივიზიის უფროსათ და იქ უნდა წასულიყო. 16 მაისს, საღამოს 9 საათზე, იგი თფილისის ქუჩით სადგურისაკენ გაემართა, თან მიყვებოდა ძმა-აფიცერი და რამდენიმე კაზაკი. სადგურს 500 ნაბიჯის მანძილზე რომ დაუახლოვდა, საიდანლაც ყუმბარა ესროლეს. ყუმბარა გასქდა და ერთი მხლებელი კაზაკი იქავე მოკლა. ამასობაში სხვა კაზაკებმა სროლა ასტეხეს და შემთხვევით გამოვლელ-გამომვლელელებთანგანი ბევრი მოკლეს და დაჭრეს. როდესაც ეტლი დაუახლოვდა სადგურს, ერთბაშად საიდანლაც 7 ყუმბარა ესროლეს, მაგრამ ამათში ზოგი არ გამსქდარა. ყუმბარის ნატეხით მუცელში მძიმეთ დაჭრილა თვით გენ. ალიხანოვი, მისი ძმა აფიცერი კი მსუბუქეთ ფეხში დაშავებულა, ხოლო ორი მხლებელი კაზაკი კი მძიმეთ დაჭრილან. ამას შემდეგ გენერალი მატარებელს მაინც გამოყოლია, მაგრამ გზაზე თავი ცუდათ უგრძენია და ხაშურში ტელეფონით სურამის ლაზარეთის ექიმი კრივიაკინი დაუბარებია, რომელსაც მისთვის ჭრილობები შეუხვევია...“

საისტორიო წყაროები ირწმუნება, რომ ალიხანოვ-ავარსკი 1907 წლის 3 ივლისს ალექსანდროპოლში (წინათ ლენინაკანი, ახლა გიუმრი) დაშნაკებმა მოკლეს. ტერორისტი ვანო ალიხანაშვილი (გურული) კატეგორიულად უარყოფს დაშნაკების მონაწილეობას ამ ტერაქტში იმ მარტივი მიზეზით, რომ „...ვორონცოვ-დაშკოვი სომხებთან კარგს განწყობილებაში იყო, ხოლო საქართველოს კარგის თვალთ არ უცქეროდა, ამიტომ თვით ჩვენმა ტერორისტებმა პოლიტიკური მოსაზრებით გაავრცელეს ხელთნაწერი ფურცლები და ხმები, რომ ალიხანოვ-ავარსკი მოჰკლეს სომხებმა, რაც მათ (სომხებს)... არავითარ საშიშროებას არ უქადადა“. ალიხანაშვილი თქმით, მისი და კამოს მონვევით ავლაბრის ერთ ბინაზე შეიკრიბნენ სხვადასხვა ტერორისტული ჯგუფის წევრები (სულ შიდი კაცი), სადაც დაიგეგმა ალიხანოვ-ავარსკის მოკლა. ისინი მაკედონიური სისტემის და კამოს მიერ დამზადებულ ყუმბარებით იყენენ შეიარაღებული. ინფორმაციას ტერორისტებს ალიხანოვ-ავარსკის დაცვის წვერი ბოლშევიკი კაზაკი ანვდიდა. ჯგუფი ალექსანდროპოლში ფეხით ჩავიდა და იქ გენერალს გზაზე ჩაუსაფრდა. 1907 წლის 7 ივლისს, ღამის ორ საათზე, ოფიცერთა კრებიდან მომავალ ალიხანოვს ორი ბომბი ესროლეს. გენერალი, მისი თანმხლები გენერალ გლებოვის ცოლი და მეეტლე დაილუპნენ, ალიხანოვის ვაჟი და გლებოვის ქალიშვილი დაიჭრნენ.²⁰¹ მაგრამ არსებობს სხვა ვერსიაც, რომლის მიხედვითაც, მკვლელობის ორგანიზატორი ფილიპე მახარაძე იყო (რაც ნაკლებად სავარაუდოდ მიგვაჩნია, რადგან ადამიანი, რომელიც ილია ჭავჭავაძის მკვლელობაში მონაწილეობას არ მალავდა, ალიხანოვ-ავარსკის მკვლელობის ორგანიზატორობის ამბავსაც მთელ ქვეყანას მოსდებდა), ხოლო შემსრულებლები ისევ მერკვილაძის რაზმელები იყვნენ.²⁰²

ახლა ისევ „გურიის რესპუბლიკას“ და მის პრეზიდენტს დავუბრუნდეთ. 1908 წელს თბილისში დაიწყო „გურიის რესპუბლიკის“ სასამართლო პროცესი, მაგრამ სასამართლოს წევრებს აშინებდათ, რომ გურული რევოლუციონერები მათზე ტერორისტულ თავდასხმებს მოახდენდნენ და ამიტომ ჩხიკვიშვილის და „მთავრობის“ სხვა წევრების გასამართლება ოდესაში გადაწყდა. გურულების რეპუტაციის გამო სასა-

²⁰¹ ვანო ალიხანაშვილი, მსსსს ფონდი 93, აღწერილობა 2, საქმე 1153.

²⁰² გ. მვცდლიძე, ქუთაისის ახალი ისტორიის ნარკვევები (1892-1921), 1993 წ., გვ. 275.

მართლოს მდივანი ციხეში 12 რევოლუციური მართული გოროდოვოით მიბრძანდა. მაგ-
რამ, როცა ნახა ინტელიგენტური შესახედაობის, ევროპულად ჩაცმული ადამიანე-
ბი, გოროდოვოები მაშინვე გაუშვა და გურულებს თავისი განცვიფრება გაუზიარა.
საბოლოოდ, ჩხიკვიშვილს 4 წლის კატორღა მიუსაჯეს, რამდენიმე კაცს – სამუდამო
გადასახლება, ორი ბრალდებული კი გაათავისუფლეს. მოგვიანებით ბენია ჩხიკვიშ-
ვილი მენშევიკური მთავრობის ერთ-ერთ გავლენიან პირად იქცა: ის სხვადასხვა
თანამდებობებზე მუშაობდა, არჩეული იყო საქართველოს დემოკრატიული რესპუბ-
ლიკის დამფუძნებელი კრების წევრად და თბილისის მერად, როგორც აღნიშნავენ,
მის დროს დედაქალაქი „საგრძობლად გაეროვნულა და ნინ წავიდა“.²⁰³ იბრძოდა
ბოლშევიკების წინააღმდეგ ქუთაისის გუბერნალსა და აფხაზეთში, ბათუმის ოლქის
შემოერთებისას გენერალ-გუბერნატორად დაინიშნა. გასაბჭოების შემდეგ ის ემიგრ-
რაციაში წავიდა, მაგრამ 1924 წელს აჯანყებაში მონაწილეობის მისაღებად უკან
ფარულად დაბრუნდა. ის დაპატიმრეს, სხვა ქართველებთან ერთად სუზდალის
ციხეში ჩასვეს, ცოტა ხანში კი საქართველოში გამოამგზავრეს და სადღაც რუსეთის
ტერიტორიაზე ნოე ხომერიკთან, გოგიტა ფალავასთან, გიორგი წინამძღვრიშვილთან
და ვასო ნოდისტან ერთად დახვრიტეს... ისინი, „როგორც ამბობენ, ვაჟაკურად
შეხვდნენ სიკვდილს“²⁰⁴.

„გურიის ექსპერიმენტის“ ფურორზე მთელი რუსული რევოლუციური მოძ-
რაობა აღაპარაკდა. ლევ ტოლსტოიმ გურულებს „რუსული რევოლუციის ავან-
გარდი“ უწოდა. ლენინი კი გურულების „ბუნტს“ უმალეს შეფასებას აძლევდა და
გურია სახალხო აჯანყების ერთ-ერთ უმნიშვნელოვანეს კერად მიაჩნდა. დაპატიმ-
რებულ გურულ რევოლუციონერებს განსაკუთრებული პატივი და მონივნება ჰქონ-
დათ ციხეებსა და გადასახლებებში. „ყველას აინტერესებდა, რა ხდებოდა. რუსი
სოციალ-დემოკრატებისთვის დაუჯერებელი იყო, რომ გლეხებს შეეძლოთ სოციალ-
დემოკრატიული იდეოლოგიის აღქმა და რევოლუციურ მოძრაობაში ჩაბმა. სოციალ-
რევოლუციონერებს მართალია სწამდათ გლეხთა რევოლუციონერობის, მაგრამ ვერ
წარმოუდგინათ, რომ გლეხობა გაჰყვებოდა სოციალ-დემოკრატიულ პარტიას, მუშა-
თა პარტიას“.²⁰⁵

სტოკჰოლმის რუსეთის სოციალ-დემოკრატიულ ყრილობაზე სწორედ გურიის
გლეხთა მოძრაობამ გამოიწვია მთავარ საკითხად აგრარული (ანუ გლეხთა) საკითხის
შეტანა. როლი ითამაშა იმანაც, რომ რუსული სოციალ-დემოკრატიის მამა, პლენანო-
ვი (მისი წაწერები ჩვენთვის სახარება იყოო, – წერდა ურატაძე), გურიის დელეგაციას
წარმოადგენდა. ყრილობის დამთავრების შემდეგ პლენანოვი არაოფიციალურ გარე-
ნოში შეხვდა გურულებს და დაჰპირდა, რომ ცარიზმის დამხობის შემდეგ პირდაპირ
გურიაში გაემშრებოდა. გრიშო ურატაძის მისამართით პლენანოვმა იხუმრა კიდევაც:
„გურულებმა სატანაც („სატანა“ ურატაძის მეტსახელი იყო – ი. მ., ლ. ხ.) კი დაიმორ-
ჩილეს და თავიანთ სამსახურში ჩააყენესო“²⁰⁶.

გურულებმა „სატანასთან“ ერთად გურიის მთელი მოსახლეობა დაიმორჩილეს
(მათ მაგალითს შემდეგ საქართველოს ყველა კუთხემ მიბაძა), რომელიც შიშით ზედ-
მეტეი სიტყვის თქმას ვერ ბედავდა. მოხდა უცნაური აღრევა, ერთი მხრივ, სიტყვის
აბსოლუტური თავისუფლებისა და მეორე მხრივ, ტოტალიტარული სახელმწიფოს
კანონების დანერგვის: გურიის კომიტეტს დაქვემდებარებული „სამხედრო შტა-

203 გ. შარაძე, უცხოეთის ცის ქვეშ, 1993 წ., ტ. II, გვ. 110-111.

204 გ. ქიქოძე, თანამედროვის ჩანაწერები, 2005 წ., გვ. 65.

205 Г. Уратадзе. Воспоминания грузинского социал-демократа, 1968 წ., გვ. 73.

206 იქვე, 1968 წ., გვ. 167.

ბი“ განაგებდა ტერორისტების ჯგუფს, რომელიც ასრულებდა კომიტეტის გადან-ყვეტილებას – დაემინებინა და გაანადგურებინა არა მარტო ჯაშუშები და მთავრობის მოხელეები, არამედ ურჩი მოსახლეობაც. მეზობელს პირადი მიზეზების გამო შეეძ-ლო მეზობელი დაებეზღებინა, დაბეზღებულისთვის კომიტეტს სიკვდილის განაჩენი გამოეტანა და ეს განაჩენი ტერორისტულ ჯგუფს სისრულეში მოეყვანა. ტერაქტების შესრულებისათვის ჯგუფის წევრებს განსაკუთრებული გასამრჯელო ეძლეოდათ. კომიტეტის შტაბის გადანყვეტილებით, გურიიდან მებრძოლი ძალები იგზავნებოდნენ ქუთაისისა და თბილისის გუბერნიებში რევოლუციური მოძრაობის გასაძლიერებლად. გურიის სხვადასხვა რაიონებში გლეხები ირჩევდნენ ათისთავეებს, ასისთავეებს და ა. შ., რომლებიც ხელმძღვანელობდნენ შეიარაღებულ რაზმებს. „ამ პერიოდში სოფლებში ხალხი არ ემორჩილებოდა მეფის მამასახლისებს და ირჩევდნენ ათისთავეებს... ხალხი აღელვებული იყო მთავრობის მიერ უდიერი მოქცევით, რის გამოც ჩვენს სოფელში... თავს იყრიდნენ იმ დროს ყაჩაღად ნოდებელი შევარდნაძე, თეოფილე მუხაშავერია, კიკიე მამულაიშვილი, სიმონა დოლიძე და სხვები და წყვეტდნენ ხალხისადმი საჭირო საკითხებს – უსწორდებოდნენ ჯაშუშებსა და შპიონებს“²⁰⁷.

შემონახულია გურიის მოსახლეობისადმი მიმართული კომიტეტის მონოდეების დედანი, რომელიც მოუწოდებს ყველას, სამარცხვინო ბოძზე გააკრან და მოლაღა-ტის ხარისხი მიანიჭონ სინდისის გამყიდველებს. მონოდეებს თან სდევს „გურიის ჯაშუშთა სია“, რომელიც შედგებოდა სოფლის მწერლების, მღვდლების, გლეხების, აზნაურების ორივე სქესის წარმომადგენლებისაგან. მოგვიანებით აღმოჩნდება, რომ სიაში მოხსენიებული ბევრი ადამიანი სრულიად უდანაშაულო იყო, რაც გვაფიქრე-ბინებს, რომ იქ ისინი პირადი ანგარიშსწორების საფუძველზე იყვნენ შეყვანილი. სოციალისტ-ფედერალისტების მიერ გამოშვებულ ბროშურაში ამ სიიდან მითითე-ბული იყო ინიციალები რ. შ., ჩვენი ვარაუდით, რაფიელ შარაშიძე, რომელიც თურმე რამდენიმე თვეში „პირველი სოციალ-დემოკრატი“ და ნითელი რაზმის ერთ-ერთი მე-თაური გამხდარა (გურიიში მოგზაურობისას კრიმ-გირეის სწორედ ჩაქურაში გამოწ-ყობილი და შეიარაღებული რაფიელ შარაშიძე ახლდა. აპოლონ ნულაძესთან კერძო საუბარში კრიმ-გირეიმ შარაშიძეზე მიუთითა და ხუმრობით უთხრა: Согласен на народную милицию. Если такие молодцы выдут²⁰⁸). ფედერალისტები იმასაც წერდნენ, რომ საკმარისი იყო ჯაშუშად გამოცხადებულ პირს ორგანიზაციის სალაროში რამ-დენიმე თუმანი შეეტანა, რომ მას „ჯაშუშის“ იარღიყი მოეხსნებოდა და ის პარტიის წევროც ხდებოდა²⁰⁹. ვისაც ამის გაკეთება არ შეეძლო ან შეგნებულად არ აკეთებ-და, გურიის რესპუბლიკის დროინდელი ეს „სინდისის გამყიდველი“, განსხვავებით თანამედროვე „სირცხვილის დერეფნებისა“, კომიტეტს დაქვემდებარებული მკვლე-ლების ხელით სიცოცხლეს გამოეთხოვებოდა. აღწერილია შემთხვევები, როგორ კლავდნენ მთელი სოფლის თვალწინ „ჯაშუშებს“ – ასე საჯაროდ, ნამებით მოკლა

207 „სახალხო განათლება“, 1990 წ., 22 თებერვალი.

208 „თანამა ვარ სახალხო მილიციაზე, თუ ასეთი ვაჟაკები იქნებიან“. თ. ულენტი, 1905 წელი გურიაში, 1924 წ., გვ. 70.

209 სოც.-დემოკრატიული უტიფრობა და საზიზღარი ცილის ნამება, გვ. 6.

210 კიკიე მამულაიშვილი, სიმონა დოლიძის, ურასტი ჯორბენაძის, დათიკო შევარდნაძის და სხვათა მსგავსად, ძირითადად ტყეში გავარდნილ ფირალს წარმოადგენდა. ფირალების დაქირავება სო-ციალ-დემოკრატიული პარტიის მიერ (ალბათ, სხვებიც არ ჩამორჩებოდნენ) გავრცელებული მოე-ღწა იყო, ცნობილია, რომ სოც.-დეკების დაკვეთით სიმონა დოლიძემ და სხვებმა არაერთი რუსული ბანკი და ნატარებელი გაძარცვეს.

გამცემი ქალი კიკია მამულაიშვილმა²¹⁰. კომიტეტის მიერ მოკლული „ჯაშუშების“ დასაფლავებას კი პრობლემატური ხდებოდა: შიშის გამო მეკუბოვეები სასახლის გაკეთებაზე უარს აცხადებდნენ, მღვდლები – ნირვაზე, მეეტლები – სასაფლაოზე ნასვენებაზე და ა. შ. ურიადნიკი ლევან გურიელი ბათუმში მოკლეს, გურიაში მის ნამოსასვენებლად ვერც კუბო და ვერც ფაეტონი ვერ იშოვეს. ერთხელ ვინმე ჯაშუში ბერიძე მოკლეს, მის დასაფლავებაზე მოსულ ხალხს კი სროლა აუტყეხეს და ათი ადამიანი გამოასალმეს სიცოცხლეს. „ცნობილი ჯაშუშის“ ტიფო ნაკაშიძის მკვლეელი ლუკა ლლონტი იხსენებდა: „ოზურგეთში არ აღმოჩნდა მეკუბოვე, რომელიც რაიმე თანხაზე დათანხმებულიყო კუბოს გასაკეთებლად, ერთ-ერთმა მეეტლემ არ წაიყვანა თავისი ეტლით მისი (ნაკაშიძის – ი. მ., ლ. ნ.) ნათესავეები. ხოლო ხალხის შიშით პანაშვილები მიპატიჟებული სამ მღვდელთან მხოლოდ ერთი გამოცხადდა დიდი ხეყნისა და მუდარის შემდეგ, მაგრამ ბოლოს იგიც იძულებული გახდა მიეტოვებინა ცერემონია“²¹¹. შეიარაღებულმა ტერორისტებმა (მათ შორის იყო მეორე მსოფლიო ომის გმირის, გენერალ ლესელიძის მამაც) სასაფლაოზე მოსულ კაზაკებს არ მისცეს ტიფო ნაკაშიძისთვის საფლავის გათხრის საშუალება და იქიდან გააძევეს, ეს მხოლოდ კაზაკთა ასეულის ჩარევის შემდეგ მოხერხდა.

გურიის კომიტეტი პოლიციას და ხელისუფლებას შიშის ზარს სცემდა და ამის გამო ბევრი მათგანი თავს ანებებდა სამსახურს. „ხმა დადის, ოზურგეთის მაზრის მთელი პოლიცია მუშაობას თავს ანებებს. უკვე ნასულა სამსახურიდან სუფსის ბოქაული ქავთარაძე. სამ თებერვალს ბოქაულის კვაშალის სახლს ბერდენები დაუშინეს“²¹². ბათუმის პოლიციის უფროსმა ჩხიკვაძემ წერილობითი თხოვნაც კი შეიტანა კომიტეტში, რომ არ მოეკლათ, სამაგიეროდ დაიფიცა, რომ ამიერიდან პოლიტიკურებს ხელს არ ახლებდა. პოლიციის მოხელე ყიფიანმა მოლაპარაკება გამართა ახალთაობის ხალხთან და პირობა მისცა, რომ, როცა ის ქუთაისის ციხის უფროსად დაინიშნებოდა, ტუსალებს არ შეავინრობდა. მართლაც, მისი უფროსობის პერიოდში თავისუფლებითა და ლოიალობით გამოირჩეოდა – ციხეში ლეონის შეტანაც კი იყო შესაძლებელი²¹³.

1905 წელს კომიტეტმა გაავრცელა დავალება, რომ ისეთი ხალხი მოეძებნათ, რომლებიც ტერორისტული აქტების შესრულებას შეძლებდნენ. იწყება გურული ტერორის ექსპანსია საქართველოს მთელ ტერიტორიაზე და მის ფარგლებს გარეთ. ტერორისტული აქტების მოწყობაში, ბანკების, ფოსტებისა და მატარებლების ძარცვაში გურულებს ბადალი არა ჰყავდათ. ტერორისტ ლუკა ლლონტის მოგონებით, ის სხვა ტერორისტებთან ერთად სოჭში იყო მივლინებული „ზაზნინის ფულის გამოსატაცებლად“. ეს ვერ მოახერხებ, ამიტომ თავს დაესხნენ ვინმე მემამულე ზოლოტაროვის აგარაკს და იქიდან 30 ათასი მანეთი გაიტაცეს. საყოველთაოდ ცნობილია შემოქმედელი ნესტორ კალანდარიშვილის, იგივე „ციმბირელი პაპას“, სახელი. ის ციმბირელ პარტიზანებს შორის ისეთივე პოპულარობით სარგებლობდა, როგორითაც ნესტორ მახნო უკრაინელ აჯანყებულებში. კალანდარიშვილი ნაღდი ბოვეიკი იყო, რომელიც თავგამოდებით ებრძოდა „რევოლუციის მტრებს“ და რუსულ თვითმპყრობელობას. მას არაერთი ბრწყინვალე ოპერაცია აქვს ჩატარებული; ტერორისტულ და ექსპროპრიაციულ საქმეებში კალანდარიშვილს კამოს ადარებდნენ.

გურული გლეხი და რევოლუციონერი მიხეილ როინიშვილი იხსენებდა: „ათას ცხრაასი რომ შესრულდა, რაცხამ ტანში არ დამაყენა... ნავედი ბათომში... დავიწყე

²¹¹ ლუკა ლლონტი, შსსს ფონდი 8, აღწერილობა 2, ნაწილი II, საქმე 652, გვ. 12.

²¹² „ცნობის ფურცელი“, 1905 წ., №2739.

²¹³ თ. ფლენტი, 1905 წელი გურიაში, გვ. 121-122.

როტმილის ნავთის ზავოდში მუშაობა. მე დამაყენეს ათის თვად. დამავალეს მოსაკლავ კაცებზე ფულის მოხეკა. ფული იკრიბებოდა თვეში ორჯერ... ერთი სომეხი დავერჩა მოსაკლავი. მივეცით მოკრეფილი ფული თათარს. ესროლა სომეხს. მოსტება ბარკალი. მერე აღარ გაუვლია ზავოდში"²¹⁴.

რალა თქმა უნდა, ტერორისტად გახდომის სურვილი გურულ ახალგაზრდებს მასობრივად „არ აყენებდა ტანში“. შემორჩენილია „მეტად ახალგაზრდა და ნამეტნავად გამბედავი“ დიმიტრი ჩიგოგიძის ამბავი, რომელიც ჭიათურაში სამუშაოდ წავიდა (იგულისხმება – ტერორის ჩასადენად), სადაც შუადღისას მოკლა „გამოუსწორებელი ხელგიანი, ბესარაბიის მეექვსე როტის კომანდირი ტარასოვი“. კაცთა კვლის ასეთი სიხშირე გასაკვირარ არ უნდა იყოს, რადგან შეიარაღებული მოზარდები, რომლებიც „რევოლუცია ჩილიკაბა და ბურთის გაკვრა ეგონათ“, გაფაციცებით ექებდნენ კომიტეტის მოლაღატეებსა და რევოლუციის მტრებს და გახელბეულები აქეთ-იქით ისროდნენ.

გურულ ტერორისტებს კავშირი ჰქონდათ გაბმული საქართველოში არსებულ თითქმის ყველა ტერორისტულ ჯგუფთან თუ ცნობილი ტერორისტებთან. განთქმული კამო ხშირად იყო სტუმრად გურულ ტერორისტებთან. არსებობს მოსაზრება, რომ ბახვის საიდუმლო კრებაზე, სადაც თითქოსდა გადაწყდა ილია ჭავჭავაძის მკვლელობა, მონაწილეობდა ერთი სომეხი ტერორისტი და არც ეს სომეხი კამოა²¹⁵. იმასაც ამბობენ, რომ სხვადასხვა გვარებზე გამოწერილი პასპორტები, რომლითაც კამო სარგებლობდა, გურულების მიერ იყო დამზადებული. ცნობილია, რომ ბარონ (ბართლომე) ბიბინიშვილი პასპორტების დამზადების ოსტატი იყო და თუ იმასაც გავითვალისწინებთ, რომ ფირალი და ტერორისტი დათიკო შევარდნაძე თავის თანამოაზრეებს ყალბი პასპორტებით ამარაგებდა, არაფერი არ უნდა იყოს გასაკვირი.

გურიაში რევოლუციური მოძრაობის აღმავლობაში საკმაოდ დიდი წვლილი მიუძღვის გუბერნატორ ვლადიმერ სტაროსელსკის, საქარის (ზესტაფონი) სანერგის ყოფილ აგრონომს. ლუიჯი ვილარი სტაროსელსკის შესახებ წერს: „პოპულარულობა რომ მოეხვეჭა, მხარჯის გუბერნატორი საკუთარ თავს სოციალ-დემოკრატს ეძახდა. რევოლუციის ალით მოდებული ტერიტორიების რუს ხელისუფალთ შორის ეს ერთგვარ მოდად იქცა, რათა თავი დემოკრატიული პრინციპების გამტარებლად გაესაღებინათ, რადგან იმ მომენტში იმ ტერიტორიაზე არ იყო არც საკმარისი ჯარი და არც ჟანდარმები“²¹⁶. სტაროსელსკის ყველა გადაწყვეტილება სოციალ-დემოკრატებთან იყო შეთანხმებული და მათი ნებართვის გარეშე ის ნაბიჯსაც არ დგამდა. გარეგნულადაც რომ რევოლუციონერებს დამსგავსებოდა, მათთან შეხვედრისას ის ნითოდ პერანგს იცვამდა (გურული ნითელრაზმელები ნითელ ჟილეტებს ატარებდნენ. ოდითგანვე ნითელი ფერის ბაირალის აფრიალება ბრძოლის დანწყებას ნიშნავდა, კომუნიზმის სიმბოლოდ ნითელი დროშა 1871 წელს პარიზის კომუნის შემდეგ იქცა). თავის მოხსენებაში ოზურგეთის მაზრის უფროსი ლაზარენკო აღნიშნავდა: „... (სტაროსელსკის) თან ახლდნენ რევოლუციონერები ნითელი დროშებით, (რევოლუციონერები) ისხდნენ იმ ცხენებზე, რომლებიც წაართვეს კაზაკებს 20 ოქტომბერს თავდასხმისას. შემდეგ სტაროსელსკიმ ჩაიცვა გუბერნატორის ფორმა და გაემგზავრა ნავომარში შეკრებაზე...“ სტაროსელსკი ამარაგებდა ტერორისტებს და რევოლუციონერებს იარაღით, მეგობრობდა ბევრ ცნობილ ტერორისტთან (განსა-

²¹⁴ „სახალხო განათლება“, 1990 წ. 15 მარტი.

²¹⁵ იქვე, 22 თებერვალი.

²¹⁶ L. Villari. Fire and Sword in the Caucasus, 1906 წ., გვ. 97.

კუთრებით კიკია მამულაიშვილთან), დაჭერილებს ციხიდან ათავისუფლებდა, არასასურველ თანამდებობის პირებს, ვინც კი მათ რევოლუციურ-ტერორისტულ საქმიანობაში ხელს უშლიდა, სამსახურს ატოვებინებდა. როცა ალიხანოვ-ავარსკი 1906 წლის იანვარში გურიაში შევიდა, მან პირველ რიგში გუბერნატორი სტაროსელსკი და მისი მოადგილე ფედერალისტი ალექსანდრე ყიფშიძე (ფრონელი) დააპატიმრა და თბილისში გაგზავნა. ციხეს ისინი ვრონცოვ-დაშკოვმა გადაარჩინა, რომელმაც საკმარისად მიიჩნია მათი თანამდებობიდან განთავისუფლება და „შესაძლებლად ცნო საქმის წარმოების შეწყვეტა“²¹⁷. საქართველოდან წასვლის შემდეგ (ამბობენ, რომ ის გურიაში არალეგალურად კიდევ რამდენჯერმე ჩამოვიდა და გურულებს ტერორისტული ჯგუფების შექმნაში ეხმარებოდა) საიდუმლო პოლიციამ ეკატერინოდარში დააპატიმრა კონსპირაციული კრების მონაწილენი, რომელსაც სტაროსელსკი თავმჯდომარეობდა. საინტერესოა, რომ კრებაზე განსახილველი ერთ-ერთი საკითხი „ტერორი და პროფესიონალური კავშირები“ იყო. მას სამი თვის ციხე მიუსაჯეს, მაგრამ ის მიიმალა, საზღვარგარეთ გაიქცა და პარიზში სილარიბები გარდაიცვალა.

ცნობილ ბოლშევიკს თენგიზ ჟღენტს ნიგნში „1905 წელი გურიაში“ ბევრი გურული ტერორისტი ჰყავს დასახელებული, მაგრამ საგანგებოდ ჰყავს გამოყოფილი უბადლო ჩუბინი დათიკო შევარდნაძე, რომლის შესახებ ერთ ეპიზოდს იხსენებს: სოფელ ბასილეთში შევარდნაძეზე უშედეგო თავდასხმის შემდეგ პოლიციის სამმართველოში, სადაც ჟღენტს ჩვენებას ართმევდნენ, შემოვარდა ვინმე ქავყარაძე და ხმამაღლა დაილაპარაკა: „შევარდნაძისთანა რომ ხუთი კაცი გვყავდეს, ყველა სოციალ-დემოკრატებს გავანადგურებდით“²¹⁸.

ტერორისტებში ბევრი იყო „მარტოხელა მგელი“. ერთ-ერთი მათგანია ვალოდია გოგუაძე – „ფესვმაგარი, მტკიცე, ურყევი, უდრეკი, უტეხი, უშიშარი: როგორც თავგამოდებული მებრძოლი თავისუფლებისათვის სამშობლოსა“, – ასე ახასიათებს მას მწერალი გრიგოლ რობაქიძე²¹⁹. თუმცა, სანამ სამშობლოს თავისუფლებისათვის ჯავშნოსანი მატარებლით საქართველოს მტრებს მუსრს გაეაოლებდა (საქართველოს დემოკრატიული რესპუბლიკის არსებობის დროს) და საარაკო გმირობებს ჩაიდენდა, მარქსისტული იდეებისათვის უამრავი ადამიანი ჰყავს საიქიოს გასტუმრებული. „ტერორისტულ აქტებზე მეტ ნილად მარტო მივიდიოდი, რადგან მიყვარდა თავისუფალი მოქმედება. ამას გარდა, ხშირად თან მყოლი ამხანაგები იზნეოდნენ ხოლმე და მეც ხიფათში მაგდებდნენ“, – ნერდა გოგუაძე მოგონებებში²²⁰. არცთუ იშვიათად ტერორისტები კომიტეტისაგან დამოუკიდებლად იღებდნენ გადაწყვეტილებებს და საკუთარი შეხედულებისამებრ აწყობდნენ ტერაქტებს. ერთი ასეთი შემთხვევა მოხდა 1906 წელს, როცა გრიგოლ კინწურაშვილმა მოკლა ოფიცერი ივანოვი და მისი თანმხლები პირი ბეგი შერვაშიძე. კომიტეტმა მას უსაყვედურა, რაც მან პირად შურააცხყოფად მიიღო და ბათუმის სასაფლაოზე თავი მოიკლა²²¹. იყვნენ ისეთებიც, რომლებიც ნამდვილ ყაჩაღებად და გამომძაღველებად გადაიქცნენ. თუმცა უნდა ითქვას, რომ ყაჩაღსა და „ტერორისტს“ და რევოლუციონერს შორის გავლებული ზღვარი ხშირად საკმაოდ ბუნდოვანია... ასე იყო პროკოფი დოლიძის მაგალითზე. ის, ახალგაზრდა, მაგრამ უკვე ცნობილი რევოლუციონერი, ორჯერ იჯდა ქუთაისის ციხეში. გათავისუფლების შემდეგ შუერთდა ყაჩაღების ჯგუფს,

217 გ. მჭედლიძე, ქუთაისის ახალი ისტორიის ნარკვევები (1892-1921), 1993 წ., გვ. 269.

218 თ. ჟღენტი, 1905 წელი გურიაში, 1924 წ., გვ. 48-49.

219 დაბრუნება, ტ. 3, 1992 წ., გვ. 454.

220 ვ. გოგუაძე, მოგონებანი, დაბრუნება, ტ. 3, 1992 წ., გვ. 405.

221 „სახალხო განათლება“, 1990 წ.

რომელმაც 1908 წელს ბათუმში მოიტაცა და მოკლა ექიმი ტრიანდაფილიდისი. ამ საქმეს უზარმაზარი რეზონანსი მოჰყვა. სოციალ-დემოკრატიულმა კომიტეტმა როგორც კი გაიგო, რომ დოლიძე „ამ სამარცხვინო საქმეში ერია, გასცა განკარგულება, ხელი შეეწყოთ მთავრობისათვის ბოროტმოქმედის შეპყრობაში“. დოლიძე, რომელიც იმხანად ლანჩხუთში იმალებოდა, პოლიციას გადასცეს და სასამართლოს განაჩენით, სხვა თანამონაწილეებთან ერთად ჩამოახრჩვეს. ქუთაისის საგუბერნიო ჟანდარმერიის სამმართველოს უფროსი თბილისში სწერდა, რომ ექიმის მოტაცების ორგანიზაციას ხელმძღვანელობდა სახელმწიფო სათათბიროს წევრი კარლო ჩხეიძე, რომელსაც ბათუმში საავადმყოფოში მუშაობისას ერთ-ერთ გამტაცებელთან, ფერმალ ვიქტორ რაბიშვილთან მეგობრული ურთიერთობა ჰქონდა. მოგვიანებით გაირკვა, რომ ჩხეიძესთან დაკავშირებული ეს ჭორები ბერძნულმა და თურქულმა დიასპორებმა გაავრცელეს, რომლებიც „იმ დროს მტრულად იყვნენ განწყობილნი ქართული მოსახლეობის მიმართ“²²².

გურიის იმჟამინდელ მდგომარეობის აღწერას ჟურნალ-გაზეთები დიდ ადგილს უთმობდნენ. ჟურნალი „მოგზაური“ მეოცე საუკუნის დასაწყისის მდგომარეობის დახასიათებისას აღნიშნავდა, რომ 1903 წელი გურიაში სხვებთან შედარებით ყველაზე მშვიდი აღმოჩნდა, მაგრამ 1905-ში ყველაფერი თავდადური დადგა: „...მკვლელობა და ცარცვა-გლეჯა სამინალთა გახშირდა, ისეთი დღე და ღამე იშვიათი იყო, რომ ვინმე არ გაეცარცვათ, მკვლელობა მართლა ბევრი მოხდა, აქვე ჩამოთვლით მოკლულთა ვინაობას, თუმცა ყველა არ დაგვამახსოვდა: ს. გურიანთის საზოგადოებაში მოკლეს – აზნ. ქარცივაძე, გლეხი თ. აროშიძე, მიხ. ყოყინაიშვილი, მ. მოქია, მახარაძე; სადგ. ნატანების გზაზე – გ. მესხია...“²²³ ძარცვა-გლეჯა და კაცის კვლა თავიდან რომ აეცილებინათ, ოზურგეთის ადმინისტრაციამ „ორიგინალური“ ბრძანება გამოსცა: ოზურგეთიდან ნატანებამდე გზის ორივე ნაწილი ყოველგვარი მცენარეულობისაგან უნდა განმენდილიყო, რათა არავის არ ჰქონოდა ჩასაფრების საშუალება. ასე „მახვილგონიერულად“ ცდილობდნენ ისინი ამ პირობების მოგვარებას.

1905 წლის რევოლუციის დამარცხების შემდეგ გურიის მაზრის უფროსად მიაგლინეს კაპიტანი ერმოლოვი, ნამდვილი კრიმინალი, რომელმაც ბაქოში მსახურობისას სომეხ-თათართა ჟლეტის დროს დიდი ფული იშოვნა. ერთხელ ბაქოში ის ვალოდია გოგუაძეს შეხვდა და ხაზინის დაყაჩაღება შესთავაზა, რაზეც გოგუაძემ უარი განუცხადა. მეორე შეხვედრის დროს აჩვენა გურიაში გამოცემული პროკლამაციები, სადაც ეწერა: „გურიაში მოდის მაზრის უფროსად მეფის ჯალათი ერმოლოვი...“ და გულისტკივილით აღნიშნა, „ჯერ არ ჩავსულვარ და რა ეპითეტებით მამკობენო“. შემდეგ კი რჩევა ჰკითხა გოგუაძეს, როგორ მოვიქცყო. ხალხს ნესიერად მოეპყარი და არაფერს დაგიძვეებენო, – ურჩია გოგუაძემ, მაგრამ ერმოლოვმა მისი რჩევა ყურად არ იღო. რევოლუციური მოძრაობის ჩასაქრობად ის ყველა ხერხს მიმართავდა, სწავდა და ანადგურებდა ეჭვიმტანილთა სახლებს, მათ ქონებას. ერმოლოვმა „...გააბა კავშირი ტყეში გავარდნილ ქურდებთან და მთელი გურია ააწიოკა – გაძარცვა...ხალხი და მრავალი ციხე-ციმბირს გაგზავნა... ნაძარცვეში თვითონ წილს იღებდა და ხალხს სჯიდა ვითომდა ყაჩაღების შენახვისათვის“²²⁴. ბათუმის კომიტეტმა მას სიკვდილის განაჩენი გამოუტანა. ტერორისტული აქტი გურიის ფარგლებს გარეთ უნდა განხორციელებულიყო, რათა მოსახლეობისათვის ეგზეკუცია და დარბევა აეცილებინათ.

²²² სკსსა ფონდი 94, აღწერილობა 1, საქმე 87.

²²³ „მოგზაური“, 1905 წ., №5.

²²⁴ ვ. გოგუაძე, მოგონებანი, დაბრუნება, ტ. 3, 1992 წ., გვ. 387, 407.

1907 წლის 5 აგვისტოს კაპიტანი ერმოლოვი ვითომდა გუბერნატორის მიერ გაგზავნილი ყალბი დეკრეტით განვეულ იქნა ბათუმში, სადაც ტერორისტებმა დათა ქადეიშვილმა და ვარდენ თიკანაძემ მას ზომბი ესროლეს. ერმოლოვი დაიჭრა, ხოლო ხანგრძლივი ურთიერთსროლის შედეგად ხელში დაჭრილი „სივანუკაციო და პატიოსნობით“²²⁵ განთქმული მენშევიკი თიკანაძე კახაკებმა შეიპყრეს²²⁶.

დაჭრილმა ერმოლოვმა ფოტოს მეშვეობით დათა ქადეიშვილი ამოიცნო. სოციალ-დემოკრატი, ნასაკირალის ბრძოლის მონაწილე ქადეიშვილი ცნობილი ტერორისტი და პარტიის სასარგებლოდ ფულის შემგროვებელი რეკეტირი იყო, მას ხელისუფლება მრავალ დანაშაულში სდებდა ბრალს, მათ შორის სოხუმში პრისტავ სკორიკოვისა და ქალაქისთვის მოადგილის კორციცის მკვლელობაში (სხვა მონაცემებით, ეს ანარქისტიმა ალექსანდრე მირონოვმა ჩადინდა), მატარებლის გაძარცვასა და სხვა ტერორისტულ აქტებში (ქადეიშვილის ერთ-ერთი მთავარი „დამსახურება“ სურების წმინდა გიორგის ეკლესიაში დასვენებული ლომისკარელის ხატის განადგურება (თუმცა ამ „საგმირო საქმეს“ სხვა რევოლუციონერებიც იბრალებდნენ). ეს ხატი, რომელსაც ყველა გურული ეთაყვანებოდა და მასზე დაფიციტული ტყუილის თქმას ვერავითარ შემთხვევაში ვერ გაბედავდა, ხელისუფლებას ეხმარებოდა რევოლუციონერების გამოტყუებასა და სიმართლის თქმაში. ამიტომაც გურულმა რევოლუციონერებმა თვალში ამოიღეს ლომისკარელის ხატი და მისი მოპარვა და განადგურება გადაწყვიტეს. ამ საქმის მოსაწყობად ტერორისტები გაიგზავნენ, მაგრამ მათში იმდენად ძლიერი იყო ხატის შიში და თაყვანისცემა, რომ მოპარვის მაგიერ სანთლები დაუნთეს, პირჯვარიც გადაინერეს და ხელცარიელი დაბრუნდნენ. საბოლოოდ „ბათუმის კომიტეტმა, დათას (ქადეიშვილს), ელისო კუტალაშვილს და დომენტი მესხიშვილის დაავალა... მოეტაცა ხატი... დავალებზე ნავედით და დავალება შევასრულეთ“, - იხსენებდა სიმონ ქადეიშვილი²²⁷. პოლიციამ ქადეიშვილი 1907 წელს დააპატიმრა და ის 27 წლის ასაკში სოხუმის ციხეში დახვრიტეს).

ცოტა ხანში კაპიტანი ერმოლოვი, რომელიც მთავრობამ აზიაში სამსახუროდ გადაიყვანა, რკინიგზის სახაზინო ფულის გატაცებაში მონაწილეობისათვის დააპატიმრეს. საქმის ვითარება კი ასეთი იყო: 1909 წლის 10 იანვარს ბაქოდან ქალაქ კრასნოვოდსკში მატარებლით მილიონი ქალაქის მანეთი მიჰქონდათ. ვაგონს ყოველი მხრიდან გაძლიერებული დაცვა იცავდა. ამხაბადამდე ვაგონის კარი მხოლოდ ერთხელ გააღეს. როცა მატარებელი ამხაბადში ჩავიდა, აღმოაჩინეს, რომ ვაგონის კედელი გახვრეტილი იყო და ფულის ტყავის ტომარაც გაჭრილი. დათელისას გამოიჩვენა, რომ ვაგონიდან 469 500 მანეთი დაიკარგა. პოლიციას მოუვიდა შეტყობინება, რომ ფულის გამტაცებლები თბილისში იმყოფებოდნენ. დაადგინეს მათი ვინაობა და

²²⁵ ბაჭუა უკრაშვილი, შსსის ფონდი 8, აღწერილობა 2, ნაწილი 1, საქმე 28, გვ. 24.

²²⁶ მსგავსი უმედეგო თავდასხმები ტერორისტული აქტების თანამდევნი და განუყოფელი ნაწილი იყო. ოზურგეთელ პოლიციელზე დიმიტრი მგელაძეზე რამდენიმე თავდასხმა მოანწყვეს ოზურგეთსა და ბათუმში, მაგრამ ის ყოველთვის ცოცხალი რჩებოდა და მათ დევნას აგრძელებდა. ცნობილ პრისტავ ლოლაძეს ხუთჯერ დაესხნენ თავს. ერთხელ დღევანდელ მიხეილ ჯავახიშვილის დაღმართზე ფაქტობრივ მიმავალს ყუმბარა ესროლეს, რომელმაც მხოლოდ ეტლი დააზიანა. ლოლაძე გაქანებული ეტილიდან ჩამოხტა და ტერორისტებს გამოუდგა... „ერთმა გაასწრო სადაც და მეორეს დაენია, ნაველო კისერში ხელი და თითქმის ჰაერში აყვანილი (თითონ მაღალი ტანისა იყო, ტერორისტები – დაბალი), მითარია, ჩაადგო ფაიტონში... და „გოლოვინისაკენ“ წაიყვანა. არა გამოინა, ბევრი „ტერორისტისტი“ მოქცეულიყო ასე ვაუკაცურად, ზომბა... რომ მისთვის ესროლეს“. რ. გაბაშვილი, რაც მახსოვს, დაბრუნება, ტ. 3, 1992 წ., გვ. 73-74. 1907 წლის 26 იანვარს ტერორისტებმა სანადელს მინც მიადნეს: ლოლაძეს თითქმის ოცი ტყვია ესროლეს და მოკლეს.

²²⁷ გურია, 2001 წ., კრებული III, გვ. 152.

14 კაცი დააპატიმრეს, მათ შორის კაპიტანი ერმოლოვიც. საინტერესოა, რომ, სხვა დაპატიმრებულებისაგან განსხვავებით, მთავრობის წინაშე დამსახურებების გამო ერმოლოვი პრივილეგიებით სარგებლობდა – მას მხოლოდ უიარალო ჯარისკაცი დაჰყევბოდა, გარეთაც თავისუფლად დასეირნობდა და როგორც ამბობდნენ, კაპიტანს დიდი იმედი ჰქონდა, რომ გაამართლებდნენ. ვაზეთი „მნათობი“ (1911 წ., №61) წერდა: „გუშინ... ოლქის სასამართლომ თავისი განაჩენი გამოაცხადა ასხაბადში გატაცებული ფულის შესახებ. დამნაშავეთ იქნენ ცნობილი... კაპიტანი ერმოლოვი და პორუჩიკი ოთხმეზური. მათ სასამართლომ ღირსების აყრა და ოთხ-ოთხი წლით პატიმრება გამასწორებელ რაზმში გაგზავნა გადაუწყვიტა...“

რაც შეეხება ერმოლოვზე თავდასხმაში ზემოთ ნახსენებ მეორე მონაწილეს, ვარდენ თიკანაძეს, მან მოახერხა ბათუმის ციხიდან გაქცევა. ის სპარსეთში გაემგზავრა და აქტიურ მონაწილეობას იღებდა რევოლუციურ მოძრაობაში. 1908 წელს ბათუმში დაბრუნდა, რათა სპარსეთში იარალი და დამხმარე ძალები გაეგზავნა. უკან დაბრუნებისას თიკანაძე ბაქოში დააპატიმრეს. ხანგრძლივმა გამოძიებამ ვერ დაადგინა მისი ვინაობა და ის ასტრახანის ციხეში გადაიყვანეს. მისდა საუბედუროდ, იმავე ციხეში იჯდა კაპიტანი ერმოლოვი, რომელმაც მაშინვე იცნო თავდამსხმელი თიკანაძე და ციხის ადმინისტრაციას შეატყობინა. თიკანაძე სასწრაფოდ ბათუმში გადაიყვანეს. 1910 წლის დეკემბერში, როდესაც თიკანაძე სასამართლოში მიჰყვადათ, ის ზადრავს გაექცა, მაგრამ ტუსალის სამოსში გამოწყობილმა დამალვა ვერ მოახერხა. მას ბრალი ნაუყენეს მრავალი ტერორისტული აქტის ჩადენაში, ერმოლოვზე თავდასხმასა და სპარსეთის რევოლუციაში მონაწილეობაში და მიუსაჯეს ჩამოხრჩობა, რომელიც სისრულეში მოიყვანეს 1911 წლის 15 იანვარს.

გურიაში „რესპუბლიკის“ არსებობისას შეიქმნა ზემოთ ნახსენები ე. წ. „წითელი რაზმები“ – ბოევიკებისაგან დაკომპლექტებული, თავით ფეხებამდე შეიარაღებული მტკიცე დისციპლინის მქონე ტერორისტული ორგანიზაციები. „ყველა საასისტავოში მონაწილი იყო წითელი რაზმები და მფრინავი რაზმები, ტერორისტული რაზმები კი გურიის კომიტეტის განკარგულებაში იყო, რომლების სამშალებით მუსერი ევლებოდა ჯაშუშებს (შპიონებს)“²²⁸.

მათ მონიწივე ავანგარდს მაუზერისტები და ბომბისტები წარმოადგენდნენ. 1906 წლის 9 იანვარს სისხლიანი კვირის წლისთავის აღსანიშნავად ოზურგეთში მთავარ მოედანზე თავი მოიყარა გურიის თითქმის ყველა წითელრაზმელმა და ადგილობრივმა მოსახლეობამ, დაახლოებით 10 000-ზე მეტმა კაცმა. დემონსტრანტები „ბერდენკის“ სისტემის შაშხანებით, „სმიტ ვესონითა“ და თვითნაკეთი ბომბებით იყენებდნენ შეიარაღებული. მათ დროებით და რევოლუციური სიმღერებით მთელი ქალაქი შემოიარეს, ხელისუფლებიდან კი ვერაფერს გაბედა წინააღმდეგობის განევა. წითელი რაზმელების ბრძოლისუნარიანობაზე ისიც მეტყველებს, რომ მათ შეეძლოთ, რეგულარული არმიის ნაწილებისთვისაც კი გაემართათ ბრძოლა.

რაზმელთა მხრიდან ძარცვა-გლეჯის ფაქტები რომ აღმოეფხვრათ და მტკიცე დისციპლინა შეენარჩუნებინათ, რევოლუციურმა სამხედრო შტაბმა გამოსცა ბრძანება: „...ზოგიერთი მეზობლი ჯგუფი გარეშე პირებთან ერთად ხშირად პირდაპირ ხულოგნურად იქცევა და იტაცებს, რაც კი ხელში მოხვდება. ამიტომ სამხედრო შტაბი

²²⁸ უცნობი ავტორი, შსსს ფონდი 8, საქმე 242, აღწერილობა 2, ნაწილი II, გვ. 5.

* კახელი წითელრაზმელი კოლტე გურგენაშვილი იგონებდა: „...ჩვენი წითელი რაზმები წითლად უპასუხებდნენ კლასიური მტრის მავ ტერორს... ტყეში გასული წითელი რაზმელები შიშის ზარს სცემდნენ მგზის მთავრობის მოხელეებს, პოლიციას და კაზაკებს. ტერორის ქვეშ ვაყენებდით ყველა კლასიურ მონიწიანობაზე...“ კოლტე გურგენაშვილი, შსსს ფონდი 8, აღწერილობა 2, ნაწილი I, საქმე 11, ფურცელი 108.

აცხადებს: 1. სასტიკად აკრძალულია ასეთი მოქმედება. 2. სასტიკად აკრძალულია კერძო პირთა მიერ ოზურგეთში იარაღის ტარება. 3. აკრძალულია ვაჭრობა ან გაცევა-გამოცემა სამხედრო იარაღისა შტაბის ნება დაუთრევლათ. 4. სამხედრო შტაბი ქ. ოზურგეთში ნესიერებისთვის ნიშნავს პატრულებს. 5. ვინც ამ განკარგულებას დაარღვევს, სამხედრო სამართალში იქნება მიცემული²²⁹.

თუ გურიამი ნითელი რაზმი გურიის კომიტეტს ემორჩილებოდა და მის ბრძანებებს ასრულებდა, მეზობელ რაიონში იყვნენ ისეთები, რომლებიც დამოუკიდებლად მოქმედებდნენ. ასეთი იყო ცნობილი ნითელრაზმელი, თბილისის სასულიერო სემინარიის ყოფილი მონაფე აფრასიონ მერკვილაძე, რომელსაც ზოგი „ყაჩაღს“ უწოდებდა, ბევრისთვის „იდეური“ მებრძოლი იყო, მაგრამ ის არც ბოლშევიკებს სწყალობდა და არც მაინცდამაინც მენშევიკებს. მერკვილაძე საკუთარ შეიარაღებულ ჯგუფთან (ერთ ასულზე მეტი კაცი) ერთად იმერეთში მოქმედებდა. მერკვილაძის რაზმში სხვადასხვა ასაკის ადამიანები შედიოდნენ: „...შიგ ნახავდი 60 წლის მოხუცებულიდგან 15 წლის ბავშვამდის რაზმელებს, მაგრამ ყველას ერთი სულით და იდეით გამსჭვალულთ და გატაცებულ გმირებს“²³⁰.

მისი დამსახურებაა, რომ შორაპნის მაზრა დამოუკიდებელ, ე. წ. „ყვირილის რესპუბლიკად“ გამოცხადდა. ასევე მისი დამსახურებაა, რომ 1904-06 წლებში იქაურ გლეხებს „სალდათში“ ელარ ინევედნენ – „რუსის მეფეს თავისი ხალხიც ბევრი ჰყავს. ნიკოიას (ნიკოლოზ II – ი. მ., ლ. ხ.) რაში სჭირდება ქართველი კაცის „სალდათობა“, – ამბობდა თურმე მერკვილაძე. ის კომიტეტის გადანყვეტილებებს არას დაგიდევდა და დამოუკიდებლად მოქმედებდა, რაც, რა თქმა უნდა, კომიტეტის გალიზიანებას ინევედა. „...მისი უბედურება მხოლოდ ის იყო, რომ მეტათ გაზვიადებული წარმოდგენა ქონდა თავის თავზე, რაიონში ყველაზე მაღლა ის იდგა, ამავე დროს, როცა ზესტაფონელი ამხანაგები წინადადებას აძლევდნენ, აქ ჩამოდი და რაიონულ კომიტეტის მუშაობაში მიიღე მონაწილეობაო, უარსყოფდა“²³¹. ერთხელ მისი რაზმის განიარაღების ცდაც იყო, ის თბილისშიც კი გაინიქვს მოლაპარაკებაზე, მაგრამ უკან დაბრუნებულმა საჯარო გასამართლება მოითხოვა. საბოლოოდ, ათიოდე კაცის გარდა, ყველა აფრასიონს გაჰყვა. ამის შემდეგ მერკვილაძემ კავშირი განწყვიტა ორგანიზაციასთან, მხოლოდ იმ შემთხვევების გარდა, როცა პოლიციაზე ან ჯარზე ერთობლივი თავდასხმა იყო საჭირო.

1905 წლის რევოლუციის დამარცხების შემდეგ მერკვილაძე დათანხმდა პარტიის (სოც.-დევების) შემოთავაზებულ წინადადებაზე, მებრძოლი კადრების შენარჩუნების მიზნით რაზმი დაეშალა. კოტე ცინცაძე წერდა: „...პარტიული ცენტრის დადგენილების თანახმად ბრძოლა შეწყვეტილ იქნა, იარაღი გადამალული მომავალი ბრძოლებისათვის... ჩვენ მიერ იარაღის გადამალვამ უბრალოდ დამორჩილების ხასიათი მიიღო... როცა მთავრობა უძღვრი იყო, ჩვენ ურტყამდით თავში, და როცა კი ის მოღონიერდა, პარტია მიიმალა. ამან ბევრ ამხანაგებში გამოიწვია ერთნაირი უიმედობა მომავალზე, გულის ვატეხა და პერსონალური თავის გამოჩენის, გმირობის მიმართულება (აფრასიონ მერკვილაძე, დათიკო შევარდნაძე და სხვები მრავალნი)“²³².

მერკვილაძე რამდენიმე ერთგულ თანამებრძოლთან ერთად ბათუმში წავიდა. იქ არალეგალურად ყოფნისას მას მოსდიოდა ცნობები, რომ ხალხს აწიოებდნენ, ყოფილ რაზმელებს იჭერდნენ და ხერხტდნენ. ამის გამო მერკვილაძე უკან დაბრუნ-

229 თ. ულენტი, 1905 წელი გურიამი, გვ. 116.

230 „რევოლუციის მატიაზე“, გვ. 65.

231 ზ. გურული, მოგონება, 2005 წ., გვ. 44.

232 „რევოლუციის მატიაზე“, გვ. 87.

და. გადარჩენილი რაზმელები შეაგროვა, შეიარაღა და ტერორი გააჩაღა პოლიციის მოხელეების, თავადანზაურობის წარმომადგენლებისა და ჯაშუშების წინააღმდეგ. 1906 წლის თებერვალ-მარტში მისმა რაზმმა სიკოცხლეს გამაოასაღმა ივანე მემვინიშვილი, ნიკო და ტრიფონ ჭაჭიაშვილები, გალაქტიონ ლოლაძე, მღვდელი გიორგი ფერაძე, პოლიციის აგენტი ევრემ შალამბერიძე, თავად-ანზაურთა მარშალი ნესტორ ხიდირბეგიშვილი და სხვები.

მერკვილაძეზე ნადირობდა (უკეთესია თუ ვიტყვით, რომ ისინი ერთმანეთზე ნადირობდნენ) ცნობილი ბოქაული ლაერენტი მახარაძე. „მახარაძე უბრალო პრისტავი იყო და ერთი „უჩასტკა“ ებარა. ეს იყო თვით ზესტაფონის „უჩასტკა“, მაგრამ ის მთელ მარზაში დაძვროდა და ამის თაობაზე მას და მის „აშმაკებს“ სხვა პრისტავეებს უსიამოვნებაც კი შეუდგათ, მაგრამ პრისტავი მახარაძე მაინც თავისას არ იშლიდა. ის სულ ჯარს დაუძლოდა, სოფლებში გლეხების სახლებს ცეცხლს უკიდებდა, ხალხს კლავდა, ანიოკებდა, ქონებას მათსას ანადგურებდა“²³³. რუსეთის სოციალ-დემოკრატიული პარტიის ქუთაისის საგუბერნიო კომიტეტმა მახარაძის განადგურება გადაწყვიტა და მერკვილაძეს და მის თანარაზმელ პორფილე პაიჭაძეს შესთავაზა მისი მოკვლა. აი, რუსულ ენაზე შედგენილი ეს მოთხოვნა: „Исполнительная комиссия комитета Кутаисской губ. этим извешает тов. Апраксина Мерквиладзе и Порфирия Панчадзе. что она по товарищески обьязывает их уйти пристава Махарадзе и Колю Немцадзе“²³⁴.

რაზმელებმა ერთხელ სცადეს, მახარაძე წინასწარ დანაღმულ მღვდლის სახლში შეეტყუებინათ, თითქოს იქ თბილისიდან ჩამოტანილი სტამბა იყო, მაგრამ გამოცდილი მახარაძე დაექვდა – აქ რაღაც „ნომერიამ“ და სახლის ის ოთახი, სადაც ბოში იყო, შორიდან სროლით ააფეთქებინა...

1907 წლის თებერვალში მახარაძემ ხელში ჩაიგდო მერკვილაძის რაზმელი ცერცვაძე, რომელსაც ნამების შემდეგ ყველაფერი ათქმევინა. მახარაძის რაზმმა ალყა შემოარტყა სოფელ სევრში ერთი გლეხის სახლს, სადაც, ცერცვაძის ცნობით, მერკვილაძე უნდა ყოფილიყო, მაგრამ იმ დღეს ის მეზობელ სახლში ათვდა ღამეს. დილით ადრე აფრასიონს და მის ორ რაზმელს, დუგლაძეს და გაჩეჩილაძეს, ხმაური შემოესმათ, ისინი იარაღასხმულები გარეთ გამოცვიდნენ. რაზმელებმა ახლომდებარე სახლის ეზოში მახარაძეს და მარზის უფროსს მოჰკრეს თვალი. თავის დაუძინებელი მტრის დანახვაზე მერკვილაძემ მისი მოკვლა გადაწყვიტა. ამხანაგებმა სცადეს, მისთვის გადაეთქმევინათ – შორსაა და ვერ მოარტყამო, მაგრამ აფრასიონმა არ დაიშალა და ესროლა. სროლის ხმაზე მახარაძემ ბრძანა, ცეცხლი გაეხსნათ. რაზმელები გაიქცნენ, მაგრამ გაჩეჩილაძე ბარძაყში დაიჭრა. მერკვილაძემ ის არაფრის დიდებით არ დატოვა, აიკიდა ეს დიდი ტანის კაცი, რომლის ტარებმა თურმე ცხენსაც კი უჭირდა და სროლით იკვლევდა გზას. ერთი გლეხის ოჯახში სთხოვდნენ, ქვევრში დაგმალათო, მაგრამ მან უარი განაცხადა – თუ გაგიგეს, დაგანოკებენო, არც დაჭრილის დატოვებაზე დათანხმდა და როგორც ამბობდნენ, „გადაყვა დაჟინებულ რაინდობას“. ერთ ხევში ისინი დიდ ქვეებს ამოუფარნენ, ტყვიითა და ბომბე-

233 პ. საყვარელიძე, შეიარაღებული აჯანყება შორაპნის მაზრაში 1905 წ., 1933 წ., გვ. 30.

234 „ქუთაისის გუბერნიის კომიტეტის აღმასრულებელი კომისია ამით აუწყებს ამხ. აფრასიონ მერკვილაძეს და პორფილე პაიჭაძეს, რომ ის ამხანაგურად ავალდებულებს, მოკლან პრისტავი მახარაძე და კოლია ნემსაძე“. ეს უკანასკნელი ცნობილი ბოქაული იყო, რომლის შესახებ ვაჭეთი „ისარი“ (1907 წ. 7 თებერვლი) წერდა: „...სად გამოიჩნეს თავს პოლიციელი, თუ არა მერკვილაძის დევნაში. კ. ნემსაძემ, რომელსაც არა თუ ბოქაულობა, სტრახენიკობაც კი ენატრებოდა, მერკვილაძის და მის რაზმის დევნაში ბოქაულობა გამოიკრა და ...დღე ისე არ გავა თურმე, რომ მაღლობით არ მოიხსენიოს მერკვილაძის მოღვაწეობა შორაპნის მაზრაში...“

ბით დიდხანს იგერიებდნენ მომხდურებს, მაგრამ ბოლოს ორმა სტრაჟინკმა შორიდან შემოუარა და სამივე სიცოცხლეს გამოასალმა. მოკლულები სოფელ ცხრუკვეთის ძველი ეკლესიის ეზოში დამარხეს. პოლიციამ მერკვილაძის ჩანთაში სამგზავრო ბიბლიოთეკა აღმოაჩინა: მარქსის „კაპიტალი“, „კლასობრივი ბრძოლა საფრანგეთში“, ლენინის „მოხსენება სოციალ-დემოკრატთა გაერთიანებულ ყრილობაზე“, პლენარის „ჩვენი უთანხმოებანი“ და სხვა, ასევე მისი სისხლით მოთხერილი ანდერძი, სადაც ის სთხოვს წითელრაზმელებს, რომ ისინი მძარცველებად არ გადაიქცნენ. ამას გარდა, ნახეს უბნის წიგნაკი, სადაც აღწერილი იყო მაზრაში მომხდარი ყაჩაღობის ფაქტები და მონაწილეთა (მათ შორის ყოფილი რაზმელების) ინიციალები წარწერით: „გადაეცეს კმედევში გამარჯვებულ ხალხის სასამართლოს“²³⁵.

მერკვილაძის სიკვდილის შემდეგ რაზმის სათავეში „მეორე მერკვილაძე“ – პორფილე პაიჭაძე ჩაუდგა. ის აფრასიონის ძლიერ უყვარდა და მის რჩევას ანგარიშს უწევდა. პაიჭაძემ კავშირი აღადგინა მაზრაში გაფანტულ ყოფილ რაზმელებთან და ისევ ერთ ჯგუფში გააერთიანა. პაიჭაძის რაზმში აფრასიონის დები ალექსანდრა და მინადორაც კი გაერთიანდნენ. მთავრობას ეგონა, მერკვილაძის ლიკვიდაციის შემდეგ მაზრაში სინყნარე დაისადგურებდა, მაგრამ მწარედ შეცდა. სტოლიპინი ვორონცოვ-დაშკოვისადმი მიწერილ ბარათში ქუთაისის მთავრობის სისუსტედ სწორედ ტერორისტ პაიჭაძის „გმირობებს“ მიიჩნევს, რომელიც ორი წლის განმავლობაში შიმის ზარს სცემდა მთელ გუბერნიას. 1905 წლის მაისიდან მან მრავალი თავებური მკვლელობა ჩაიდინა, ზოგჯერ ბომბებიც, გაძარცვა ფოსტა, ჰქონდა ბომბების საწყობი და ერთხელ „ჯოჯოხეთის მანქანით“ (ასაფეთქებელი მოწყობილობა) კინალამ მაზრის პოლიციის ყველა მაღალჩინოსანი შეინირა. პაიჭაძე ერთხელ დაიჭირეს და, აშკარა სამხილების მიუხედავად სასამართლომ ის გაამართლა, ის ისევ დაიჭირეს და კატორლა მიუსაჯეს, მაგრამ პაიჭაძე გამოიქცა, დამნაშავეთა ჯგუფი შეკრიბა და ორი წლის განმავლობაში ძარცვავდა, კლავდა და ანადგურებდა ყველას, ვინც მას არ თანაუგრძნობდა. საბოლოოდ ის 1907 წლის 28 აგვისტოს დააპატიმრეს²³⁶. რევოლუციურ მოღვაწეობამდე პაიჭაძე რკინიგზის ვაგონების დამლაგებელი იყო და ერთხელ, როცა ის თბილისში აპირებდა წასვლას და „...მატარებლის წასვლის მოლოდინში... არხეინად დასეირნობდა თურმე სადგურის პლატფორმაზე ...სწორედ ამ დროს უცენია ფანდარმს, მიჰპარვია და შეუპყრია...“²³⁷ უმონყალოდ ნაცემი პაიჭაძე ციხეში გაძლიერებული ბადრაგით მიიყვანეს, ფეხებსა და ხელებზე ბორკილები დაადეს და ცალკე საკანში მოათავსეს. სასამართლომ თითქმის ხუთ წელს გასტანა და პაიჭაძესთან ერთად კიდევ ხუთი რაზმელი (ტრიფონ არაბიძე, კოლია ლორთქიფანიძე, ალექსანდრე სვანიძე, ისმაილ და სერაპიონ ჭუმბურიძეები) გაასამართლეს და სიკვდილით დასჯა მიუსაჯეს. 1911 წლის 18 ნოემბერს ისინი ქუთაისის ციხის „ჩორნი დვორში“ ჩამოახრჩვეს.

რეაქციის პერიოდში წითელი რაზმები დაიშალა და პატარ-პატარა პარტიზანულ-ტერორისტულ ჯგუფებად გადაკეთდა, რომლებიც „ღვთის-ანაბარათ“

²³⁵ აფრასიონ მერკვილაძის ხსოვნის უკვდავსაყოფად ლექსი შეიქმნა: „აფრასიონ მერკვილაძეს თავი უკვდავი ეგონა, ოცი ტყვია მკერდში მოხვდა – თბილის კაკალი ეგონა, მინაში რომ ჩაასვენეს – თაყის გარემო ეგონა, გულზე მინა დააყარეს – თბილი საბანი ეგონა, სასაფლაოს მიაბარეს – თავი სიზმარში ეგონა...“

²³⁶ Письма П.А. Столыпина. Письмо графа Н.Н. Воронцову-Дашкову 1908 г. www.hrono.info/libris/stolypin/sipn_dashk.html.

²³⁷ „ისარი“, 1907 წ., 29 აგვისტო.

იყვნენ მიტოვებული პარტიისაგან და საბოლოოდ ისინი უბრალო მძარცველებად და ყაჩაღებად გადაიქცნენ. „ზოგიერთი იმათგანი, ვინც ერთ დროს ნითელ-რაზმში იღებდნენ მონაწილეობას, – წერდა ვაზუთი „ისარი“ (1907 წ. 3 ივლისი), – და ვითომდა სარევოლუციო აზრებით იყვნენ გატაცებულნი, დღეს პირდაპირ ყაჩაღობის გზას დასდგომიან და მშვიდობიან მცხოვრებლებს იკლებენ“. 1907 წელს ფულის გამოძალვამ ისეთ მასშტაბებს მიაღწია, რომ თბილისის გუბერნიაში ქაშაყის მხარე-მოებელთა საქმიანობას, რომელთაც რევოლუციონერები ყოველწლიურად 40-80 ათასს ახდევინებდნენ, სამიშროება დაემუქრა. იმავე წლის მაისში მძარცველთა და გამოძალველებისაგან თავდასაცავად კომერსანტთა კავშირი შეიქმნა. მაგრამ, სანამ კავშირი საბოლოოდ ჩამოყალიბდებოდა, მათ მალაჩიებსა და საცხოვრებელ სახლებს „დაშნაკუტუონის“ პარტიის წარმომადგენლები იცავდნენ, ანუ ერთ-ერთი ის პარტია, რომელიც მათ ფულს სძალავდა. ყოფილა შემთხვევები, როცა მოსახლეობას მოთმინების ფილა ევსებოდა და გამოძალველებს თვითონვე უსწორდებოდა: „ენკენისთვის პირველ რიცხვებში სოფ. წყნეთში სოფლებს მოუკლავთ შანტაჟისტი, ეგრედ ნოდებული „გარსო“. ეს ვაჟბატონი სოც.-ფედ. პარტიის სახელით სოფლებს ფულს ართმევდა და სტანჯავდა. სოფლებებს გამოუკითხავთ და რა გაუგიათ ამ ვაჟბატონის ვინაობა, მოუკლავთ“²³⁸. მდგომარეობის გამოსასწორებლად თბილისის გუბერნატორმა სათათბიროდ დაიბარა ქალაქისთავი, დეპუტატები, ვაჭრები და სახლის პატრონები, რათა მოელაპარაკათ, როგორ ებრძოლათ ძარცვა-გლეჯისა და შანტაჟისტების წინააღმდეგ. გამოითქვა აზრი, რომ პოლიცია გაეძლიერებინათ, ამისთვის გოროდოვოების შტატს უნდა მიმატებოდა კიდევ 500 კაცი, ხოლო მათი შესანახი თანხა – 150 000 მანეთი – ქალაქის მცხოვრებლებს უნდა გადაეხადათ. ამის წინააღმდეგ კი ვაჭრები და სახლის პატრონები წავიდნენ. მათი განმარტებით, ეს შეუძლებელი იქნებოდა, რადგან გადასახადს ვერავინ გადაიხდიდა. შემოიტანეს ინადადება, მეუზოვები შეიარაღებინათ და ისე დაეცვათ თავი. როგორც ისტორიამ დაგვანახა, მთავრობამ მხოლოდ სასტიკი რეპრესიებით შეძლო შეენელებინა (მაგრამ ვერ აღმოფხვრა) ეს სიტუაცია.

ხშირ შემთხვევებში მთავრობა ყოფილ ნითელრაზმელებს ვერაფერს ვნებდა, სამაგიეროდ დასჯის მთელი სიმკაცრე და სიმძიმე უბრალო მოსახლეობის მხრებზე გადადიოდა. ამიტომ პარტიის წარმომადგენლები ცდილობდნენ, საკუთარი ძალებით აელაგმათ ყაჩაღები და მძარცველები. 1910 წელს ამ მხრივ ძალზე დაძაბული სიტუაცია სუფევდა გურიაში. საქმის მოსაგვარებლად და „გასაჩარხად“ იქ გაიგზავნა ცნობილი ვალოდია გოგუაძე, რომელსაც ბაქოში „მოღვაწეობისას“ მსგავს საქმეში სოფელ შედეგები ჰქონდა მიღებული. „1910 წ. 17 ნოემბერს მე ყაჩაღები დავიბარე კარგი გუთურში, – წერდა გოგუაძე მემუარებში, – ...დანიშნულ ალაგას მოვიდა 97 (ოთხმოცდაჩვიდმეტი) ყაჩაღი. ყველა იყო შეიარაღებული კარაბინით. ამათში იყო შვიდი კაცი, პარტიული ამხანაგი – კიკია მამულაიშვილი, სერგო მათითაიშვილი, თეოფილე მუხამაყრია, რაჟდენ ხომერიკი და სხვ. შეიარაღებულ პირებს მივმართე, ნესრიგისათვის თავმჯდომარე აერჩიათ. დამასახელეს მე, მაგრამ მე მათ განუუცხადე, რომ ზნეობრივად არ შემიძლია მათი თავმჯდომარეობა. ისინი გაჯავრდნენ და იარაღზე გაიკრეს ხელი. მე ...მაგრად შევეყივე: თუ რამეს გაბედავენ, ათგორვანქიან ბომბით ვაგიმასპინძლებით-მეთქი. ისინი მოლბნენ. ...მათ გადავეცი კომიტეტის უკანასკნელი გაფრთხილება. გაფრთხილებამ უშედეგოდ ჩაიარა. ყაჩაღები ძველებურად ისევ თარეობდნენ...“ მამონ გურიის სოციალ-დემოკრატიულმა კომიტეტმა დაადგინა, მათ წინააღმდეგ იარაღით ებრძოლა. გოგუაძის მეთაურობით ბევრი ყა-

²³⁸ „ისარი“, 1907 წ., 29 აგვისტო

ჩალი გაიგზავნა საიქიოს, ბევრი დაიჭირეს და იარაღი აპყარეს. „...ჩვენი ზომებით ყაჩაღები დაშინდნენ და უმრავლესობამ გურია მიატოვა“²³⁹. მსგავსი შემთხვევა აქვს მოყოლილი „ტურა“ მაისურაძესაც: მათ სილიბისტრო ჯიბლადამისაგან მიიღეს შეტყობინება, რომ წითელი რაზმი დროებით დაშლილიყო (ეს დირექტივა რუსეთიდან მოდიოდა, რასაკვირველია). მაისურაძემ ბრძანება შეასრულა, მაგრამ ერთმა პატარა ჯგუფმა დაშლაზე უარი განაცხადა და გლეხებისა და სხვადასხვა პარტიულების ძარცვა-გლეჯას და ხოცვას განაგრძობდა. ისინი ბავშვებსაც არ ინდობდნენ – ერთხელ საგარეჯოელ მოსწავლეებს ცეცხლიც კი გაუხსნეს. სხვა გზა აღარ იყო და ამიტომ ეს ჯგუფი განადგურებულ იქნა.

კოტე ცინცაძის მტიკცებით ბოლშევიკური ფრაქციიდან ამ გზას არავინ დასდგო-
მია, არამედნიმე პირის გარდა, „...იმითომ, რომ ჩვენი ფრაქცია თავიდანვე სათავეში ჩაუდგა ასეთ ამხანაგებს და ცუდ გზას ააცილა... თანაც ფრაქციაც მატერიალურად გამაგრდა ნელში“²⁴⁰. ბაჭუა კუპრაშვილი კი აცხადებდა: „...არ ყოფილა არც ერთი შემთხვევა, რომ რომელიმე ჩვენ ორგანიზაციის წევრს, თუ გინდ თავის გადასარჩენად, რომ კერძო ფული გაეტაცებოდა... ჩვენი სამხედრო ჯგუფის წევრები ისეთივე და ხშირად უფრო უარეს მატერიალურ მდგომარეობაში იყვენ, როგორც სხვა პარტიული პროფესიონალები“²⁴¹. მიუხედავად ცინცაძისა და კუპრაშვილის მიერ გამოხატული ასეთი პათოსისა, ცნობილია, რომ ბოლშევიკები პარტიის სასარგებლოდ (ეს იმ სან-ვეროების გარდა, რასაც ყოველი წევრი იხდიდა – თითოეული მანეთიდან ორ კაპიკს, ანუ მთელი ჯამაგირის 2%-ს) არათუ კერძო ფულს, არამედ ლურსმანსაც იპარავდნენ, რომელიც სტალინთან მოჰქონდათ და ყიდდნენ. ეს სტალინს შეახსენეს, როცა ის 1922 წელს თბილისში ჩამოვიდა და დეპოში მიტინგი გამართა, სადაც ყველამ ძახილი დაუწყო – „შე ლურსმნის ქურდო!“²⁴²

გურიიდან და იმერეთიდან რეაქციას გამოქცეული შეიარაღებული ბოევიკები საქართველოს სხვადასხვა კუთხეებს აფარებდნენ თავს და, რასაკვირველია, დიდ გავლენას ახდენდნენ ადგილობრივ რევოლუციურ ჯგუფებზე. კახეთიც არ იყო გამონაკლისი. 1904 წლიდან 1910 წლის ჩათვლით თელავის მაზრის რაზმელებმა, რომელთა შორის იყვნენ ცნობილი ხარება ჯიბუტი და გოგია კენკიშვილი, მოახდინეს ორმოცდათხუთმეტი ტერორისტული აქტი, რომელთა უმრავლესობა მსხვერპლის სიკვდილით დასრულდა²⁴³. სამეგრელოშიც, ქართლშიც და სხვა რეგიონებშიც, ამ მხრივ, სრული განუკითხაობა სუფევდა, რის დამადასტურებელია ის მრავალრიცხოვანი შემთხვევები, რომლებსაც ყურნალ-გაზეთები აღწერდნენ. ხელისუფლება ჩვეულებრივად ყველაფერში გურულებს სდებდა ბრალს. „მთავრობას მოძრაობის დამწყებთა, დამწამავთ, გურულები გამოჰყავდა – იყო ის დამწამავე თუ არა, მინც მას სდებდა ბრალს, რადგან რევოლუციონერი მოძრაობა პირველად გურიიში გაჩაღდა და თავზარი დასცა მთავრობას, ამიტომ მოძრაობის ბელადთა არამც თუ საქართველოში, არამედ – მთელ კავკასიაში გურიას თვლიდნენ.“²⁴⁴

ტერორისტული აქტების ასეთი თავბრუდამხვევი სიხშირე და გავრცელება, ტერორისტების სიმამაცე და შეუპოვრობა ბადებს ერთ ბუნებრივ კითხვას, რომელიც რევაზ გაბაშვილმა დასვა თავის მოგონებებში: „სად იყვნენ „მონინაე“

239 ვ. გოგუაძე, მოგონებანი, დაბრუნება, 1992 წ., გვ. 408-409.

240 „რევოლუციის მატინაე“, 1923 წ., №4, გვ. 59.

241 ბაჭუა კუპრაშვილი, შსსს ფონდი 8, აღწერილობა 2, ნაწილი 1, საქმე 28, გვ. 24-25.

242 სტალინი ისტორიასა და ისტორიკოსთა შეფასებებში, 2002 წ., გვ. 8.

243 კოტე გურგენაშვილი, შსსს ფონდი 8, აღწერილობა 2, ნაწილი 1, საქმე 11, გვ. 109-111.

244 თ. ჟღენტა, რევოლუციონური მოძრაობა სამეგრელოში, 1929 წ., გვ. 17.

ფირალები, თავზეხელაღებული ტერორისტები, როცა თოფის გაუსროლელად, ნინაძე-დევგობის გაუწვევლად ...მთელი დასავლეთ საქართველო ჩაბარდა მტერს? (ივლინისმება ნითელი არმია - ი. მ., ლ. ხ.)²⁴⁵. ამ კითხვაზე ერთმნიშვნელოვანი, ცალსახა პასუხის გაცემა ძალზე ძნელია. მართლაც, თვალი რომ გადავაკლოთ ისტორიის ამ მცირე, მაგრამ ბოხოქარ მონაკვეთს (XX საუკუნის დასაწყისიდან საქართველოს გასაბჭოებამდე), შეუიარაღებელი თვალითაც შეიძლება დავინახოთ, რომ სოციალ-დემოკრატებს, ასევე სხვა პარტიებსაც, შეიარაღებული ადამიანების საკმაო რაოდენობა შეეძლოთ გამოეყვანათ. თავის მოგონებებში გრიშა ურატაძე წერს, რომ გურიის ნითელმა რაზმმა რამდენიმე ასეული მებრძოლი გააგზავნა თბილისში სომეხ-თათართა ცნობილი ხოცვა-ჟლეტის თავიდან ასაცილებლად. ერთმანეთის პირისპირ იარაღით მდგომი სომეხ-თათრების შუაში სულ ცოტა ხუთასამდე ქართველი (ეორონცოვ-დამკოვის მიერ დარიგებული თოფების რაოდენობის მიხედვით) ჩადგა და ზოგადად სოციალ-დემოკრატიული პარტიის დამსახურებაა, რომ დიდი სისხლისღვრა თბილისში თავიდან იქნა აცილებული. 1917 წელს, თებერვლის რევოლუციის შემდეგ, საქართველოს დედაქალაქი ანარქიამ მოიცვა, თბილისის მუშათა საბჭოს აღმასრულებელმა კომიტეტმა თხოვნით მიმართა გურულებს დახმარებისათვის, რასაც „გურია აღფრთოვანებით შეხვდა“. პირველი შეიარაღებული რაზმი სულ მალე ჩავიდა დედაქალაქში, მათ ნაჩეროდან და ხაშურ-სურამიდან 1000 კაცი შეუერთდა, ცოტა ხანში კი გარე კახეთიდან 300 ბოევიკი დაემატა. „შოშიანობა და ანარქია შენედა...“ - წერდა ურატაძე²⁴⁶. 1918 წელს, როცა თურქეთის არმიამ ოზურგეთი და გურიის ნანილი დაიკავა, ინტერვენტებს რეგულარულ ჯართან ერთად ძველი ფირალები და ტერორისტებიც ებრძოდნენ, მათ შორის გურიაში ჩასიძებული გიორგი ალშიბაია,²⁴⁷ მელქისედეკ გუნთაიშვილი და დიდი ზარალიც მიაყენეს.

ზემოთ მოყვანილი მავალითიდან ნათლად ჩანს, რომ მენშევიკებს სულ მცირე ორი ათასამდე ბოევიკის მობილიზაცია და თავის სამსახურში ჩაყენება შეეძლოთ. მართლაც, რამდენიმე ასეული კაციც კი რაოდენ დიდი შენამატი იქნებოდა ნითელი ურდოების ნინაძემდეგ მებრძოლი ოუცრებისთვის და არა მარტო მათთვის. თუ რატომ არ მოხდა ასე, ამ გარემოებას, ჩვენი აზრით, შემდეგი ახსნა შეიძლება მოეძებნოს: ბევრი ცნობილი თუ ნაკლებად ცნობილი ტერორისტი დაიღუპა პოლიციასთან შეტაკებებში, მეფის ციხეებსა და გადასახლებებში, ბევრი ქვეყნიდან გაიქცა, ვინც გადაარჩა, დამოუკიდებლობის პერიოდში მენშევიკების მთავრობამ სახელისუფლებო თანამდებობებზე დანიშნა. ძალაუფლებამიღებული „გაქსუებული“ ყოფილი ტერორისტი კი სიკვდილის ხიფათს მოერიდებოდა, მით უმეტეს ერთი რევოლუციური პარტიის (მენშევიკები) მეორეთი (ბოლშევიკები) ჩანაცვლების დროს - რუსული

245 რ. გაბაშვილი, რაც მახსოვს, დაბრუნება, ტ. 3, 1992 წ., გვ. 343.

246 გ. ურატაძე, საზოგადოებრივი მოძრაობა საქართველოში 1821-1921, 1939 წ., გვ. 53.

247 ალშიბაიამ ტერორისტული საქმიანობა მას შემდეგ დაიწყო, რაც ალიხანოვ-ავარსკის ბრძანებით ნისი იმა, ცნობილი რევოლუციონერი ვასო დახვრიტეს. ალშიბაია ხელმძღვანელობით და უშუალო მონაწილეობით ბევრი ცნობილი ტერაქტი მოხდა, მათ შორის, რევოლუციონერების ინკვიზიტორის როტმისტრ რუნიჩის მკვლელობა, რომელიც მან ვასია მალაქნელის, მუშების - იაშას და სერიოჟას დასწრებით განახორციელა. გაზეთი „ისარი“ (1908 წ. 27 თებერვლი) წერდა: „25 თებერვალს, საღამოს 8 საათსა და 45 წუთს, ვერის დაღმართზე უცნობებმა მოკვალეს ტფ. ყანდამრთა საგუბერნიო სამარცხველოს უფროსის თანამემნე როტმისტრი ვლადიმერ რუნიჩი. ...ვაგონში მჯდარა რუნიჩი. ხალხიც ბლომად ყოფილა. როდესაც ვაგონი ვერის ხიდს გაცოლებია, კურცხალიას შეშის სანყობთან ვაგონში ვიღაც უცნობს რუნიჩისათვის სამჯერ კეფაში დაუხლია რევოლვერი... ორ ტყვიას ტყინში გაუფლია და მარჯვენა და მარცხენა თვალში გამოვარდნილა. მესამე ტყვია ყბაში გაეარდნილა. ვაგონი შეუჩერებიათ და მოულოდნელის სროლით დაფრთხალი ხალხი იქით-აქით გაქცეულა...“

ინტერვენციის ამგვარი რაციონალიზაცია ფართოდ ყოფილა გავრცელებული. ტერორისტული საქმიანობა ბევრ მათგანს მხოლოდ მას შემდეგ გაახსენდა, რაც ბოლშევიკებმა სამსახურიც დააკარგინეს და ციხეებშიც გამოამწყვდიეს. ტერორისტთა ძველი „გვარდიიდან“ მხოლოდ ერთეულები ებრძოდნენ ახალ ნესნყობილებას. 1921 წლიდან ბარიკადების სხვადასხვა მხარეს აღმოჩნდნენ ყოფილი ბოლშევიკები – ბოლშევიკი საშა ობოლაძე (მის შესახებ წიგნის ბოლო თავში ვისაუბრებთ) და მენშევიკები – სერგო მათითაიშვილი, თეოფილე მუხამავერია, ალფეს გოგუაძე (ვალოდიას ძმა) და სხვები... გასაბჭოებისას და მის შემდეგ ერთმანეთს არა მხოლოდ ძველი ტერორისტები დაუპირისპირდნენ, არამედ ღვიძლი ძმები და ნათესაელებიც. დავით ვაჩნაძე ამ სიტუაციას „უცნაურ ქართულ რეზუსს“ უწოდებს და მაგალითებად მოჰყავს ბუდუ მდივანი, რომელიც თურქეთში საბჭოთა რუსეთს წარმოადგენდა, მისი ძმა სვიმონი კი – საქართველოს რესპუბლიკას; ევგენი გეგეჭკორი საქართველოს საგარეო საქმეთა მინისტრი იყო, მისი ნათესავი საშა გეგეჭკორი კი რუსებს მიუძღოდა წინ საკუთარი ქვეყნის დასაპყრობად...²⁴⁸

248 დ. ვაჩნაძე, ქართული ეროვნული ძირები და რუსული ბოლშევიზმი, 2004 წ., გვ. 72-73.

დუშეთის ხაზინის ექსპროპრიაცია

რევოლუციის ციებ-ცხელებით შეპყრობილ რუსეთის იმპერიაში ძარცვა-გლეჯა და ექსპროპრიაციები ყოველდღიური ცხოვრების განუყოფელ ნაწილად იქცა. მხოლოდ 1906 წელს რუსეთის იმპერიის მთელ ტერიტორიაზე 362 „ექსი“ მოხდა²⁴⁹, ანუ ძარცვა-ყაჩაღობა ყოველდღე ხდებოდა. საქართველო გამონაკლისს არ წარმოადგენდა, უფრო მეტიც, საქართველო ყველანაირი ტერორის მებაირახტრედ იყო გადაქცეული და ყველაზე გახმაურებული ექსპროპრიაციებიც სწორედ აქ ხდებოდა.

საქართველოში პირველი ცნობილი „ექსი“ 1905 წლის 30 დეკემბერს ყვირილაში მოხდა, როცა ხაზინიდან 200 ათასი მანეთი გაიტაცეს. „30 დეკემბერს, დაახლოებით 3-4 საათზე, დაბა ყვირილაში, – ვკითხულობთ „შორაპნის რესპუბლიკის“ საქმის საბრალმდებო ოქმში, – მოახდინეს შეიარაღებული თავდასხმა იქ მდგარ მე-7 ქვეითი პოლკის მე-12 ასეულის ჯარისკაცებზე განიარაღების მიზნით... სროლის დროს დაიჭრა 7 ჯარისკაცი (ერთი სასიკვდილოთ). ასეული განაიარაღეს. ამასთან აჯანყებულებმა გაიტაცეს 57 თოფი... და სხვა და სხვა ქონება... ამავე დღეს, დაახლოებით ღამის თორმეტ საათზე თავს დაეცნენ ყვირილის ხაზინას და გაიტაცეს 201 639 მანეთი და 56 კაპეიკი და 17 პასპორტის წიგნაკი“. ეს თავდასხმა „გაერთიანებული“ მენშევიკ-ბოლშევიკური ძალისხმევის შედეგი იყო. ასეთი „გაერთიანება“, მიუხედავად იდეური დაპირისპირებულობისა, ხშირი იყო, როცა საქმე რაიმე ტერორისტული აქტის განხორციელებას შეეხებოდა. ყვირილის ხაზინიდან გატაცებული ფულით კამომ, სხვებთან ერთად, უცხოეთში იარაღი შეიძინა. თუმცა იარაღმა საქართველომდე ვერ ჩამოაღწია: როცა საყიდი იახტით შვი ზღვაში მიცურავდნენ, ქარიშხალი ამოეარდა და იარაღით დატვირთული იახტა რუმინეთის ნაპირებთან ჩაიძირა.

ყვირილის ხაზინის ექსპროპრიაცია რევოლუციური ბრძოლების პიკს დაემთხვა, ამიტომ საზოგადოებისა და ხელისუფლების მხრიდან ნაკლები ყურადღება დაიმსახურა. მომდევნო წელს დუშეთში ჩატარებულმა ექსპროპრიაციამ კი ყველას თავზარი დასცა.

„ქ. დუშეთიდან გვატყობინებენ, რომ იქ 12 აპრილს რამდენიმე შეიარაღებული კაცი თავს დასხმა დუშეთის სამაზრო ხაზინას და გაუძარცვავეთ. თავდამსხმელები ბერდანის თოფებით და რევოლვერებით ყოფილან შეიარაღებულნი, დუშეთში მყოფ ასლანდუზის პოლკის ჯარისკაცთა ფორმაში ყოფილან გადაცმულნი. თავდასხმა ღამის 2 საათზე მომხდარა. ნაულიათ 315 ათასს მანეთამდე²⁵⁰. ეს ძარცვა სოციალისტ-ფედერალისტური პარტიის სამხედრო ორგანიზაციის წევრებმა მოახდინეს. ფედერალისტების პარტია, სხვა სოციალისტური პარტიების მსგავსად, მეფის ხელისუფლების დამხობისთვის იბრძოდა. მაგრამ, სხვებისაგან განსხვავებით, ნინა პლანზე ჰქონდა წამოწეული ეროვნული, ქართული ინტერესები, რომლებიც დემოკრატიული, თავისუფალი და სოციალისტური რუსეთის შემადგენლობაში ქართული ავტონომიის სახით უნდა განხორციელებულიყო. ნაციონალური ინტე-

249 [zumal.ru oct/oct_krusanov.htm](http://zumal.ru/oct/oct_krusanov.htm)

250 „რევა“, 1906 წ., №26.

რესების გამოყოფით „...ისინი ჩადიდდნენ დანაშაულს საერთო განმათავისუფლებელი მოძრაობის წინააღმდეგ...“, თელიდნენ სოციალ-დემოკრატები²⁵¹, რომლებიც ყოველ-ნიარად აკნინებდნენ ამ პარტიის მნიშვნელობას ქართულ პოლიტიკურ ცხოვრებაში. ფილიპე მახარაძე იმასაც აცხადებდა, რომ ფედერალისტებს მთელი საქართველოს მასშტაბით მხარდაჭერა არასოდეს ჰქონიათ, ისინი პოპულარულები იყვნენ მხოლოდ სამეგრელოში, გურიაში კი სოციალისტ-ფედერალისტი სალანძღაიე სიტყვა იყო²⁵². უდავოდ, თავისი პოპულარობით ის სოც.-დემოკრატები ჩამოუვარდებოდა, მაგრამ ფედერალისტების პარტიის მთავარი დამსახურება ის არის, რომ „...ისინი მივიდნენ ქართულ საზოგადოებასთან, დარაზმეს, აამოძრავეს და საქართველოს ეროვნული ავტონომიის იდეის დაუღალავი ქადაგებით ეროვნული დროშის ქვეშ მის კონსოლიდაციას მტკიცე საფუძველი ჩაუყარეს“²⁵³.

ფედერალისტების პარტიის დაფუძნებაში (რომელიც უნებევაში 1904 წელს მოხდა) დიდი როლი შეასრულეს არჩილ ჯორჯაძემ, კომანდო გოგელიამ, ვარლამ ჩერქეზიშვილმა, მიხაკო წერეთელმა და სხვებმა. ახალი პარტია ევროპული ყაიდის სოციალისტური (არამარქსისტული) პარტია იყო, რომლის მიზანი ეროვნულ-პოლიტიკური ძალებისა და მიმდინარეობების შეერთება-კონსოლიდაცია გახლდათ ბლოკისტური პარტიის წიაღში, საქართველოს ავტონომიის მოსაპოვებლად. მათ პარტიაში მოღვაწეობდნენ ანარქისტები, სოციალისტ-რევოლუციონერები, ეროვნულ-დემოკრატები... გასააგები მიზეზების გამო ერთადერთი პოლიტიკური ძალა, რომელიც ფედერალისტებს არ შეუერთდა, სოციალ-დემოკრატული პარტია იყო.

ისევე, როგორც სხვა პარტიები, ფედერალისტებიც არ თავილოდნენ ტერორისტულ საქმიანობას და ფულის სხვადასხვა მეთოდებით შოვნას. პოლიციის დეპარტამენტი ფედერალისტთა სამხედრო ორგანიზაციის შესახებ იტყობინებოდა, რომ მან მოახდინა „წერილი ხულიგნური თავდასხმების მთელი რიგი“. სერიოზული ტერორისტული აქტებიდან გამოყოფილი იყო 1907 წლის 15 მარტს გორის მაზრის უფროსის გუგუშვილის მკვლელობა²⁵⁴. ასევე ცნობილია ფედერალისტების უშედეგო ტერაქტი თბილისის პოლიცემისტურ გიორგი კოვბალიოვზე, რომელიც 1905 წლის 12 ივლისს დილით მოხდა. კოვბალიოვის მოკვლის სურვილი ფედერალისტების სამხედრო ჯგუფის უკლებლივ ყველა წევრმა გამოთქვა, ამიტომ კენჭისყრა მოუწიათ²⁵⁵. ქუდში ჩაყრილი ფურცლებიდან ერთი, ლევან ხერხეულიძის სახელით, ამოიღო შალვა ამირეჯიბმა. ჯგუფის მეთაურმა (სხვა წყაროებით, მეთაურის თანაშემწემ) იოსებ დავრიშვილმა, მონანილობა მიიღო ტერაქტის დაგეგმვაში და თავდასხმას შორიდან ადევნებდა თვალს. ხერხეულიძის მიერ ნასროლი ყუმბარის ნატყვებით პოლიცემის-

251 Г. Уратадзе, Воспоминания Грузинского Социал-Демократа, 1968 წ., გვ. 101.

252 ფ. მახარაძე, 1905 წელი ამიერ-კავკასიაში, 1932 წ.

253 დ. შველიძე, პოლიტიკური პარტიების წარმოშობა საქართველოში, ფედერალისტები, 1993 წ., გვ. 310.

254 იქვე, გვ. 229.

255 აღსანიშნავია, რომ ეს ტერაქტი პარტიის თბილისის კომიტეტმა დაგეგმა, რის შესახებაც მთავარი კომიტეტისთვის არაფერი უცნობებია, ამიტომ კომიტეტმა „...გადასწყვიტა ამ საქმის მონესრივება. ყველა ორგანიზაციას გაეგზავნა ცირკულარები, რომ ყოველგვარ ტერორისტული აქტის შესახებ, გარდა ისეთებისა, რომელიც თავდაცვის საჭიროებით არის გამოწვეული, მთავარ კომიტეტს უნდა ეცნობოს წინასწარ და წარედგინოს მას ტერორის აღსრულების გეგმა. მხოლოდ მთავარი კომიტეტისაგან გეგმის მონახების და დასტურის შემდეგ შეიძლებოდა ტერორისტული აქტის მოხდენა. ამ დადგენილებას ორგანიზაციები მტკიცედ არ ასრულებდნენ...“ - გ. ლასხივილი, მემუარები, 1992 წ., გვ. 184.

ტერმა რამდენიმე ჭრილობა მიიღო, მეეტლე და რამდენიმე გამველი მსუბუქად დაიჭრა. გზითი „ПЯТНАДЕ АННО“ (1905 წ. 12 ივლისი) წერდა: „...როდესაც ტფილისის პოლიციისტერი კოვალევი მიემგზავრებოდა მეფის ნაცვალთან ჩვეულებრივი პასაჟიკით. ოლლას ქუჩაზე (დღევანდელი კოსტავას ქუჩა) მის ეტლს ესროლეს ყუმბარა, რომლის ნამსხვრევით იგი ფეხებში დაიჭრა. ბოროტმოქმედს სურდა მიმალულიყო, მაგრამ იგი მალე შეიპყრეს ბაღ „ბელ-ვიუს“ მახლობლად, სადაც მას სურდა თავი შეეფარებინა. პოლიციელებმა და მზვერავებმა მას სასტიკად სცემეს, რის შემდეგაც იგი მიხელის საავადმყოფოში გაიგზავნა“. მეორე დღეს იგივე გზითი ამცნობდა მკითხველს, რომ პოლიციისტერზე თავდასხმისათვის შეპყრობილი თავადი ხერხეულ-ლიძე ხმლებით მიყენებული ჭრილობებისაგან საავადმყოფოში გარდაიცვალა. როცა კოვალევი მომჯობინდა, მეფისნაცვალმა ის დააწინაურა და განჯის გუბერნატორად გადაიყვანა.

ფედერალისტების წევრები ტერორისტულ აქტებთან და ექსპროპრიაციებთან დამოკიდებულებაში ორიგინალურობით არ გამოირჩეოდნენ: ისინი საჯაროდ გამოდნენ ხოლმე ამ აქტებს, მაგრამ ამ მეთოდებით მიღებულ სარგებელს მშვენივრად იყენებდნენ. ასე მიიღეს მათ პარტიის საჭიროებისათვის სტამბა, რომელიც დუშეთის ხაზინიდან გატაცებული ფულით შეიძინეს. გიორგი ლახნიშვილი იგონებდა: „სოციალისტ-ფედერალისტების პარტიის სამხედრო ორგანიზაციამ პარტიის მთავარ კომიტეტში წინადადება შეიტანა დუშეთის ხაზინის ექსპროპრიაციის შესახებ. კომიტეტმა განიხილა ეს წინადადება და მის განხორციელებაზე უარი განაცხადა. ...იყო მაგალითები, რომ ამგვარ ექსპროპრიაციებს იმ დროში უწესოება და დეზორგანიზაცია შეჰქონდა უფრო მეტ დისციპლინის მქონე პარტიებში, ვიდრე ჩვენი პარტია იყო. მაგალითად, პოლონეთის პ. პ. ს.-ის პარტიაში ერთმა ექსპროპრიაციამ მთელი არხაური და არევ-დარევა გამოიწვია. გარდა ამისა, იყო შემთხვევა, როცა ხაზინიდან ნაღბებული ფული მთავრობამ ადგილობრივ მოსახლეობას გადაახდევინა. კომიტეტის უარის შემდეგ ჩვენმა სამხედრო ორგანიზაციამ მაინც მოახსოვ დუშეთის ხაზინის ექსპროპრიაცია. კერძოდ, თავის ნებითა და პასუხისმგებლობით²⁵⁶. მართალია, მთავარმა კომიტეტმა „ექსზე“ უარი განაცხადა, მაგრამ სამხედრო ორგანიზაციისათვის ხელი არ შეუშლია: ფედერალისტები მომავალი სარგებლის მოლოდინში ყველაფერზე თვალს ხუჭავდნენ.

მომავალი ექსპროპრიატორები დიდხანს ბჭობდნენ, რა გზით ჩაეგდოთ ფული. ხაზინაზე ყაჩაღური დაცემა დიდი მსხვერპლის მეტს არაფერს მოიტანდა, იქვე ახლოს ჯარისკაცების პოლკი იდგა, ამიტომ ზოგი სთავაზობდა სასამელის მონამლეას და მცველი-ჯარისკაცების დათრობას, ზოგი მათ მოსყიდვას... ბოლოს გადაწყდა, ყალბი დოკუმენტი შეედგინათ. იმ დროს „ექსის“ ერთ-ერთი მთავარი მონაწილე იოსებ გედევანიშვილმა²⁵⁷ წვრთბაიაზეთის პოლკის ასეულს მეთაურობდა და აქედან გამომდინარე საკმაოდ კარგად იცნობდა პოლკის ოფიცრობას და პოლკის მეთაურს, ხანში შესულ ბიუროკრატ დიკს. გედევანიშვილმა ზედმიწევნით კარგად შეისწავლა შტაბის საქმისნარმოება, წერილების დაგზავნის წესი, სტილი და ფორმა. მან შეადგინა

256 გ. ლახნიშვილი, მემუარები, 1992 წ., გვ. 198.

257 მის შესახებ რევაზ გაბაშვილი წერს: „...ეს ის სოსო გედევანიშვილი ბრძანდებოდა, რომელმაც „დუშეთის ხაზინის“ გაცარცვამი მონაწილეობის საშუალებით, თითონ სახლი აიშენა მცხეთაში ...და დამოუკიდებლობის დროს მენშევიკებმა „ლენერლად“ გახადეს...“ რ. გაბაშვილი, რაც მახსოვს, დაბრუნება, ტ. 3, 1992 წ., გვ. 120. გენერალი გიორგი მაზნიაშვილი კი გედევანიშვილს ასე ახასიათებს: „...[გედევანიშვილს] პირადად მე დიდს პატივს ვცემ და ღირსეულად ვაფასებ. მან მიიღო უმაღლესი განააზრება. მაგრამ... პოლიტიკური მიზნების გამო 12 წელიწადი სამხედრო საქმეს დამორებული იყო. ჩვენ ვბრძობდით, რომ ის ვერ გაუძღვებოდა ისეთ რთულ საქმეს, როგორც იყო ცალკე კორპუსში მტაბის უფროსის თანანდებობა“. გ. მაზნიაშვილი, მოგონებანი, 1990 წ., გვ. 13.

„საიდუმლო“ მიწერლობა-განკარგულება ოლქის შტაბის უფროსის პოლკოვნიკ დიკის სახელზე, სადაც ნათქვამი იყო: „...რადგანაც სამხედრო ნაწილებს ამჟამად დიდი ჯაფა აწვეთ რევოლუციის წინააღმდეგ ბრძოლაში... რაც ხელს უშლის და აბრკოლებს ჯარის ნაწილთა სამხედრო მომზადებას და სწავლას, ამიტომ კავკასიის სამხედრო ოლქის ჯარების უფროსმა გადაწყვიტა, დროებით გაათავისუფლოს ჯარის ნაწილები არასამხედრო დაწესებულებების დარაჯობისაგან... წინადადება გეძლევათ, ამ განკარგულების მიღებისთანავე მოხსნათ სამხედრო სადარაჯო დუშეთის ხაზინიდან. წინადადება მიეცით ხაზინის უფროსს, საკუთარი საშუალებით დაიცვას ხაზინა, ვიდრე ახალ განკარგულებამდე...“

ამ ყალბი ბრძანების ტექსტი ტასო ვახეზიშვილმა დაბეჭდა, მისამართი ხელით გიორგი კერესელიძემ წააწერა. ახლა საჭირო იყო ამ განკარგულების გადაგზავნა. ამის გაკეთება ფოსტით არ შეიძლებოდა, რადგან ასეთი საიდუმლო მიმონერისათვის განსაკუთრებული ნეის არსებობდა. საჭირო გახდა მეორე წერილის შედგენა მცხეთის ბოქაულის სახელზე. ამ წერილში საოლქო შტაბის უფროსი სწერდა მცხეთის ბოქაულს, ასევე „ფრიად საიდუმლოდ“, რომ პოლკოვნიკ დიკის სახელზე გამოგზავნილია საიდუმლო პაკეტი და ის შიკრიკმა სასწრაფოდ უნდა ჩააბაროს დანიშნულებისამებრ.

1906 წლის ერთ დღეს მცხეთის ბოქაულს გაბოსულებიშვილს გამოეცხადა საოლქო შტაბის ფორმანი გამონახობილი „ჯარისკაცი“, ამხანაგი კოლა ყორღანოვი. ყველაფერი წესისამებრ შესრულდა – პაკეტის მიღების შემდეგ ბოქაულმა ყორღანოვს ხელწერილი მისცა. ეს „ფრიად საიდუმლო“ პაკეტი იმავე დღეს ჩაბარდა პოლკოვნიკ დიკს. ამ უკანასკნელმა კი დაუყოვნებლივ გასცა ბრძანება, მოეხსნათ დარაჯები ხაზინიდან. ამის შესახებ ხაზინის გამგეს შესაბამისი მინაარსის წერილიც გაეგზავნა. დუშეთის ხაზინიდან დარაჯები გაიწვიეს. მთავარი დაბრკოლება მოიხსნა. საკმაოდ დიდი დრო დასჭირდა საკუთრივ ოპერაციის მომზადებას: საჭირო იყო სანდო ხალხის შერჩევა, ასევე ეტლის, იარაღის და სამხედრო ტანსაცმლის შოვნა. მხოლოდ აპრილისთვის მოხერხდა ექვსი ადამიანის მომზადება, რომლებიც სათანადო ამუნიციით, ფორმით, იარაღით და თუჯის ბურთით (რომელიც ყუმბარის როლს ასრულებდა) იყვნენ შეიარაღებული. 12 აპრილს, საღამო ხანს, თბილისიდან დუშეთისაკენ გეზი აიღო ეტლმა, რომელშიც ისხდნენ ივანე და ილია თაქთაქიშვილები, ლეო კერესელიძე, კორნელი კასრაძე, კოლა ალავეცი, დათუნაშვილი და ეტლის პატრონი ვიქტორ ყიფიანი.

გვიან ღამით „ჯარისკაცები“ დუშეთში შევიდნენ და მწყობრი ნაბიჯით გაემართნენ ხაზინისაკენ. იმ დღეს ხაზინაში ფედერალისტების პარტიის წევრი მაზიტაშვილი მორიგეობდა, რომელმაც ფსევდოჯარისკაცებს კარი გაუღო. ჯარისკაცებმა ყველანი განაიარაღეს, მაზიტაშვილმა უჩვენა, სად ინახებოდა თანხა.

„...შეკრულები ერთ ოთახის მოათავსეს და თან მოტანილ რკინის ჯოხით დაუწყეს ფულის საკუჭნაო ლათახის კარებს მტკრევა. როცა კარები შეამტერიეს, სამორიგეო ოთახიდან პატარა ღამა მოიტანეს, ყუთი გასტეხეს, სადაც ინახებოდა... 315 000 მანეთი. ფული პარკში ჩაალაგეს... ბოროტ-განმზარხველთ მოინადინეს შეეტყუოთ, თუ რა ინახებოდა ცეცხლისაგან უზრუნველ კასაში და როცა შეიტყეს, რომ იქ 2000 მანეთი ოქროაო, ხელი არ ახლეს. ხელი არ ახლეს აგრეთვე ვერცხლის ფულს, რომელიც პარკებში იყო ჩალაგებული“²⁵⁸.

საქმეს რომ მორჩნენ, მძარცველებმა ხელფეხშეკრულები, მათ შორის მაზიტაშვილიც (ალიბის გამო), იატაკზე დაანვიხეს და ფეხებთან თუჯის ბურთი დაუდეს. „თუ გაინძრევით, ვასკდება და მტვრად იქცევით! ერთი საათის განმავლობაში კრინტი არ დასძრათო“ – გააფრთხილეს. გამოვიდნენ, ჩასხდნენ ეტლში და სწრაფად მოწყდნენ

258 „ისარი“, 1907 წ. 27 ნომბერი.

ადგილს. „...ერთი უცნობი ხელ-ფეხ შეკრულებით დარაჯად დარჩა... დარჩენილი უცნობი ერთი საათის განმავლობაში დადიოდა თახში და თან... ემუქრებოდა: „არ განძრეთ, კრინტი არ დასძრაო, თორემ აი რევოლვერი და ყუმბარაო“. ერთი საათის შემდეგ მან ფრხილათ დასდო მაზიტოვის (მაზიტაშვილი) ფეხთით ერთი ყუმბარა და... თან დაუბარა ყველას, ცოტა რამ შენძრევა საკმაოა, რომ ყუმბარა აფეთქდეს და ამიტომ დილამდე ადგილიდან არ დაიძრათო“²⁵⁹.

ერთი საათის შემდეგ თავდამსხმელები უკვე მცხეთაში იყვნენ. ფული გედევანიშვილის ოჯახში დამალეს, რადგან თბილისში ჩატანა საშიში იყო. 12 აპრილს, ძარცვის დროს. გედევანიშვილი საკუთარ ასეულთან ერთად სოფელ ძალისში იმყოფებოდა და ხაზინის გაძარცვის ამბავი იქ მოუტანეს. მან მაშინვე გაგზავნა წერილი დუშეთში პოლკის უფროსთან: „რადგანაც გავიგე დუშეთის ხაზინის გაძარცვა, მივდივარ რამდენიმე ჯარისკაცის თანხლებით სამხედრო გზის დასათვალიერებლად, იქნებ რაიმე კვალს მივაგნო. ჩავალ მცხეთამდე და სალამოს ან ხვალ დილით ადრე დავბრუნდები“. გედევანიშვილი მცხეთაში გაემგზავრა, ჯარისკაცი ერთ დუქანში დატოვა, თვითონ მატარებელში ჩაჯდა, თბილისში ჩავიდა და იქიდან კავკასიის მსროლელთა მეოთხე ბატალიონის ოფიცერი ლადო ცაგარელი წამოიყვანა. ფული ჩაალაგეს ტყავის ჩემოდანში, რომელიც ცაგარელმა თბილისში ჩაიტანა...

ასე, ყოველნაირი მსხვერპლის გარეშე, დასრულდა ეს უდიდესი ექსპროპრიაცია, რამაც წამდელი სენსაცია და შოკი გამოიწვია, როგორც საზოგადოებაში, ისე მთავრობაში. ფეხზე დადგა მთელი თბილისის გუბერნიის პოლიცია, მთავრობამ ჯილდოდ ათი ათასი მანეთი დაანესა, ამოქმედა ჯაშუშები და აგენტები...

პირველ რიგში პოლიციამ ხაზინის დარაჯები და მაზიტაშვილი დააპატიმრა. ბევრი წვალბა-წამების მიუხედავად შედეგს მაინც ვერ მიაღწიეს – „მაზიტაშვილი მაგარი ამხანაგი იყო...“ რა თქმა უნდა, მიადგნენ პოლკოვნიკ დიკსაც, რომელმაც წარუდგინა ოლქის შტაბის უფროსისაგან მიღებული განკარგულება. „ოლქის შტაბმა მინეროლოგ... ყალბად სწოვს და თანაც აღნიშნა, რომ განკარგულება ისეთი შრიფტით არის დაბეჭდილი, რომელიც არ უდგება არც ერთ საბჭულ მანქანას, რომელიც კი შტაბის ხმარებაშია. თვით გადაგზავნის წესიც არა ჩვეულებრივია და ეწინააღმდეგება შტაბში... მიღებულ წესს...“ მოგვიანებით ეს დოკუმენტები ექსპერტებმა გიორგი კერესელიძის ხელს შეადარეს და დაამტკიცეს, რომ წარწერა მისი ხელით არის დანერილი.

გამოძიებამ მაშინვე აიღო ეჭვი გედევანიშვილზე. გამოცდილი გამოძიებლის, ყანდარმთა პოლკოვნიკის, პოლიცემისტერ პეტრე მარტინოვის აზრით, საქმეში აუცილებლად სამხედრო პირი იყო გარეული, თანაც ეს ოფიცერი ქართველი უნდა ყოფილიყო, რომელიც კარგად იცნობდა ადგილობრივ სიტუაციას. აქედან გამომდინარე, მისი ძებნა ნოვოზაბახეთის პოლკის შემადგენლობაში დაიწყეს. ამ პოლკში კი ერთადერთი ქართველი გედევანიშვილი იყო. საკუთარი ვერსია გამოძიებლებმა გამცემის მეშვეობითაც გაამყარეს.

...1906 წელს მაისის პირველ რიცხვებში პოლიცემისტერმა მარტინოვმა და ბოქაულის თანაშემწემ მონასტირსკიმ... საიდუმლო ცნობა მიიღეს, რომ დუშეთის ხაზინა ნოვოზაბახეთის პოლკის კაპიტნის იოსებ გედევანიშვილისა და კავკასიის მსროლელთა მეოთხე ბატალიონის პორუჩიკის ვლადიმერ ცაგარელის ხელმძღვანელობით გაქურდეს სტუდენტებმა ძმებმა ლეო და გიორგი (იგივე გოგია) კერესელიძეებმა, იოსებ დავრიშვემა... ძმებმა ილია და ივანე თავთაქიშვილებმა და ვილაც ნიკოლოზ ალავიძემო...²⁶⁰

259 „ისარი“, 1907 წ. 27 ნომბერი.

260 „ისარი“, 1907 წ. 28 ნომბერი.

რამდენიმე სიტყვით უნდა შევეჩრდეთ იოსებ დავრიშვილის, ანუ დავროშვილის, პერსონაზე. კათოლიკე ქართველმა სოსო დავრიშვიემ, გორის პოლიცემისტერ დამიან დავრიშვიის შვილმა, სიცოცხლის ბოლოს დანერული ავტობიოგრაფიაში განაცხადა, რომ სტალინი მისი ნახევარძმა იყო. ეს სინამდვილე თუ არა, ამის გარკვევა შეუძლებელია. სტალინის დედას, კეკეს, მართლაც ჰქონდა ახლო კავშირი დამიან დავროშვიტან – როგორც ჩანს, პოლიციის უფროსს ხშირად უწევდა „გიყ ბესოდ“ ცნობილი სტალინის მამის, ბესო ჯულაშვილის, აგრესიისაგან კეკეს დაცვა. მიუხედავად იმისა, რომ სტალინისა და დავრიშვიის პოლიტიკური გზები გაიყარა, მას თბილისში „მოლვანეობისას“ ხშირი შეხება ჰქონდა ბავშვობის მეგობრებთან, სტალინთან და კამოსთან.

დავრიშვიე აქტიურად მონაწილეობდა რევოლუციურ საქმიანობაში, ის, როგორც ამბობენ, ბრწყინვალე ორატორი ყოფილა²⁶¹, 1906 წლიდან კი ფედერალისტთა საბრძოლო ჯგუფშია. დუშეთის ხაზინა გაძარცვის შემდეგ დავრიშვიე დააპატიმრეს და მეტეხის ციხეში ჩასვეს, საიდანაც 1906 წლის ოქტომბერში გაქცევა მოახერხა და შვეიცარიაში ამოყო თავი. გაქცევის შესახებ იუწყებოდა გაზეთი „მეგობარი“: „გუმინ, 30 ოქტომბერს, ტფილისის მეტეხის ციხეში დილით აღმოჩნდა, რომ 25 პატიმარი აღარ იყო საპატიმროში. გამოძიებით გამორკვეულა, რომ პატიმრებს გამოუნგრევიათ საპყრობილის სტამბის კედელი და იქიდან გაპარულან. უმრავლესობა გაქცეულთა პოლიტიკური და ჩვეულებრივი ტუსალები არიან“²⁶². ერთი წლის შემდეგ, 1907 წელს, შვეიცარიის პოლიციამ დააპატიმრა ქართველთა ჯგუფი, რომელთაც ბაქოელი მენარმისტის ფულის გამოძალვაში ედებოდათ ბრალი. დაპატიმრებულთა შორის დავრიშვიეც იყო. ჩხრეკის დროს, სხვა ნივთებთან ერთად, ჯგუფის წევრების სახლებში 87 რევოლვერი აღმოაჩინეს. სასამართლო პროცესზე დავრიშვიე გაამართლეს, თუმცა შვეიცარიიდან გააძევეს. ის პარიზში გადასახლდა, სახელი და გვარი გამოიცვალა და იწოდებოდა ხან როგორც დავრიშვიე, ხან – ჯოზეფ დე დავრიშვიე, მოგვიანებით კი – ჯოზეფ ჟაკ დავრიშვიე. საფრანგეთში მან საფრენი სკოლა დაამთავრა. პირველი მსოფლიო ომის დასაწყისში საფრანგეთის არმიამ ჩაენერა, მონაწილეობდა საომარ გაფრენებში, მიიღო ავიაციის სერჟანტის წოდება. მაგრამ ვარჯიშზე მიღებული ტრავმის შედეგად დათხოვნილ იქნა არმიიდან. ცოტა ხანში მან ლებურჟეს აეროპორტში დაიწყო მუშაობა. მალე დავრიშვიეს ყურადღება რუსულმა დაზვერვამ მიაქცია და გორელმა ბოევიკმა მათთან დაიწყო თანამშრომლობა, ამავე დროს თურმე ფრანგებთანაც მუშაობდა, თანაც ძალზე ნაყოფიერად. ზოგიერთი მონაცემით, ის საყოველთაოდ ცნობილი მატა ჰარის საყვარელი იყო. მეორე „მატა ჰარად“ წოდებული, არანაკლებ განთქმული ქალი-ჯაშუში მარტა რიჩარდსი, ჯაშუშობას სწორედ სოსო დავრიშვიემა აზიარა²⁶³. 30-იან წლებში სტალინმა დავრიშვიეს საბჭოთა კავშირში დაბრუნება შესთავაზა, მაგრამ მან ეს წინადადება უარყო. იოსებ დავრიშვიელი 1975 წელს 92 წლის ასაკში გარდაიცვალა²⁶⁴.

რაც შეეხება ძარცვას, „...ამ კარგად განზრახულსა და აღსრულებულ საქმეს ბოლო მაინც ცუდი აღმოაჩნდა: ადმინისტრაციამ კვალს მიაგნო და ...დააპატიმრეს ამ საქმის ორგანიზატორები შტაბს-კაპიტანი იოსებ გედევანიშვილი და ოფიცერი ლადო ცაგარელი. დააპატიმრეს აგრეთვე ექსპროპრიაციის უშუალო მონაწილენი, პარტიის

²⁶¹ მოგონებებში გიორგი ლასხიშვილს მოჰყავს ეპიზოდი, თუ როგორ შეაწყვეტინეს ახალგაზრდა დავრიშვიეს ერთ შეკრებაზე გამოსვლა. გ. ლასხიშვილი, მემუარები, 1992 წ., გვ. 171.

²⁶² „მეგობარი“, 1906 წ. 31 ოქტომბერი.

²⁶³ F. Kupferman, Mata Hari, 2006 წ. გვ. 80.

²⁶⁴ „Восточно-исторический журнал“, 4, 2008 წ.

ნევრები ვ. თაქთაქიშვილი, ივ. ციმაკურიძე და სხვები, რამდენიმე კაცმა თავს უშველა საზღვარგარეთ გაქცევით, მათ შორის ძმებმა კერესელიძეებმა...²⁶⁵ საქმის ერთ-ერთი მონაწილის, აზატოვის (მასზე ეჭობდნენ, რომ ის პოლიციასთან იყო შეკრული) ჩვენებიდან გაირკვა, რომ ხაზინის გაძარცვის შემდეგ ის გოგი კერესელიძის ბინაში მივიდა და საკუთარი გულისწყრომა გამოუცხადა ასეთი სამარცხივო საქმის ჩადენისთვის²⁶⁶, რამაც პარტიას სახელი გაუტყუა (სინამდვილეში ის ფულის წასართმევად მივიდა). კერესელიძემ განუცხადა, რომ მან ეს საქმე ჩაიდინა არა როგორც პარტიის ნევრმა, არამედ როგორც კერძო პირმა. მიუხედავად საკუთარი „გულისწყრომისა“, აზატოვმა კერესელიძისაგან ფული აიღო იმ პირობით, რომ მას არ გასცემდნენ: „...მართლაც, მე, აზატოვს, მომცა 500 მანეთი, ამდენივე კიკნაძეს, ციმაკურიძეს და ჩიჭოვანს. მაღალაშვილს მისცა 3500 მანეთი, ალავეჯის 2000 მანეთი. გარდა ამისა, ისიც ვიცი, რომ ფულის გაყოფის დროს გოგია კერესელიძეს ერგო 116 ათასი მანეთი. აქედან დაარიგა მხოლოდ 75 000 მანეთი, ივ. და ილ. თაქთაქიშვილებს 35 000, ერთ ციციშვილს – 1500 მ., მეორეს – 3500 მ., თაქთაქიშვილების დედ-მამას – 300 მანეთი; გედევანიშვილმა მიიღო 114 ათასი მანეთი, დანარჩენ 85 000 მანეთის შესახებ კერესელიძემ მითხრა, აღრზაურის დროს დაიკარგაო (ამასვე ადასტურებს ლასხიშვილი – ი. მ., ლ. ხ.). გედევანიშვილი კი ამტკიცებდა, რომ ის ფული გოგია კერესელიძემ ნაიღო...“²⁶⁷ დუშეთის „ექსის“ ბერი მოწანილ უცმიყოფლო იყო მიღებული თანხით და ერთ-ერთმა მათგანმა – აქ საქმე „გაყიდა“ კიდევაც. გედევანიშვილის მოგონების მიხედვით, ეს გამცემი ვინმე ნ. მ. იყო, რომელმაც შემდეგ პოლიცემისტერის კანცელარიაში საზღვარგარეთული პასპორტი მიიღო და ქვეყნის ფარგლები დატოვა.

როგორც საგაზეთო პუბლიკაციებიდან იკვეთება, ძმებმა კერესელიძეებმა, რომლებიც უნევის ერთ-ერთ უნივერსიტეტში სწავლობდნენ, უბრალოდ „გადაადგდეს“ საკუთარი თანამეინახენი და ხაზინის გაძარცვის შემდეგ, ძალიან მალე, ყალბი პასპორტით შვიცარიამი გაიქცნენ. ძმები კერესელიძეები თურმე იქამდეც იყვნენ შემწიული პარტიის სახელით ფულის წაღვეჯამი. რევაზ გაბაშვილი იხსენებდა, როგორ შეხვდნენ მას ერთხელ თბილისში ფედერალისტების „სამხედრო რაზმის“ ნევრები – ნაბადნამოსხმული, ქაპარხანჯლიანი და ფაფახიანი ლეო კერესელიძე და მიიღო ყანჩელი. გაბაშვილს ეს „მასკარადი“ გაუკვირდა, რადგან ისინი ყოველთვის ევროპულად იცვამდნენ. გაირკვა, რომ კერესელიძე და ყანჩელი კომიტეტის მიერ ვაჭრებისაგან გადასახადების ასაკურფად იყვნენ გაგზავნილი. მასაც შესთავაზეს წამოსვლა, რაზეც გაბაშვილმა მოუცლელობის გამო უარი განუცხადა.

– ეგ მოესწრება, ჩვენთან წამოდი... და მეტი დამაჯერებლობისათვის... ფულით გატენილი ჯიბეები მაჩვენეს... – აი, რამდენი შევაგროვეთ, „მიხაილოვის პროსპექტზე“ ერთი მდიდარი სომეხი ვაჭარი და ესლა იქ მივდივართ, წამოდი, შენც გექნებაო...“²⁶⁸

265 გ. ლასხიშვილი, მემუარები, 1992 წ., გვ. 198-199.

266 ბაჭუა კუპრაშვილის მოგონებებში ვკითხულობთ: „...ფედერალისტებმა გაიტაცეს დუშეთის ხაზინა, ნაიღეს ფული, რომლის უმთავრესი ნაწილი საქმის მონაწილეებმა გაფლანგეს ვერის და ორთაჯალის ბალებში და შემდეგ უნევის და პარიზის კაფებში“. ბაჭუა კუპრაშვილი, შსსს ფონდი 8, აღწერილობა 2, ნაწილი 1, საქმე 28, გვ. 24-25.

267 „ისარი“, 1907 წ. 29 ნოემბერი.

268 რ. გაბაშვილი, რაც მახსოვს, დაბრუნება, ტ. 3, 1992 წ., გვ. 75.

*ცნობილი ქართველი მეცნიერი და საზოგადო მოღვაწე მიხაკო წერეთელი ლეო კერესელიძეს ხოტბას ასწავდა და ამტკიცებდა, რომ „...ზოროტ ადამიანთა ენამ მას საზიზღარი ცილი დასწამა, თითქოს იგი ამ საწმითვან წმიდად არ გამოსულიყოს. ...ცაცხადებ აქ საჯაროდ... რომ ლეო კერესელიძეს მაშინ გარდა გვირომისა, არა ჩაუდგენია რა. რასაც მას სწამებენ, იგი სხვებმა ჩაიდინეს...“. გ. შარაძე, უცხოეთის ცის ქვეშ, 1993 წ., ტ. III, გვ. 132.

ყენევაში კერესელიძეები გაერთიანდნენ პეტრე სურგულაძის მიერ დაარსებულ „საქართველოს დამოუკიდებლობის ჯგუფში“ და თანამშრომლობდნენ ჯგუფის მიერ გამოცემულ ჟურნალში (პირველი მსოფლიო ომის დროს, 1915 წელს, საქართველოს განმათავისუფლებელი კომიტეტის მეოხებით და გერმანელთა დახმარებით, ლეო კერესელიძის მეთაურობით შეიქმნა ლეგიონი, რომელიც ოსმალეთის ფრონტზე რუსეთის არმიას ებრძოდა. ლეო კერესელიძე 1943 წელს ბერლინის დაბომბვისას დაიღუპა).

რუსეთის მთავრობამ შვეიცარიას კერესელიძეების გაცემა მოსთხოვა. მაშინ ფედერალისტებმა შვეიცარიის სასამართლოს გაუგზავნეს წერილი, სადაც ნათქვამი იყო, რომ დუშეთის ხაზინის ექსპროპრიაცია პოლიტიკური მიზნით იყო ჩადენილი „...და შვეიცარიის მთავრობამ უარპყო რუსეთის შუამდგომლობა კერესელიძეების გაცემის შეახებ“²⁶⁹. მიხაკო წერეთლის მოგონებებიდან ვიგებთ, რომ შვეიცარიის მთავრობამ ძმები კერესელიძეების საქმე გასარჩევად სასამართლოს გადასცა. რათა გაერკვია, „...თუ რამდენად სამართლიანი იყო რუსეთის მთავრობის მოთხოვნა, სასამართლო შეეკითხა, ერთ უდიდეს ავტორიტეტს საერთაშორისო სამართლისა ბელგიელ მეცნიერს ერნესტ ნისს, და მან შემდეგი მსჯავრი დასდვა საქმეს: რუსეთი მოტყუებით დადებული და დამტკიცებული 1783 წლის ხელშეკრულების დარღვევით გაბატონდა საქართველოში. მისი ბატონობა უკანონოა და წინააღმდეგი საერთაშორისო სამართლისა. ამიტომ ყოველი მოქმედება ქართველთა ქვეყნის განთავისუფლებისათვის უკანონო უცხო ბატონობისაგან პოლიტიკური აქტია...“. საინტერესოა, რომ ან უცოდინარობის, ან ინფორმაციის ნაკლებობის გამო, ან სავარაუდოდ, უფრო მეტად რომ გაემნარებინათ მეფის რუსეთის ხელისუფლება, რუსეთის იმპერიიდან გაქცეული ყველა რევოლუციონერი ევროპაში თავისუფლებისა და დემოკრატიისათვის მებრძოლ გმირად იყო მიჩნეული და ყველანაირი პრივილეგიით სარგებლობდა მანამდე, სანამ რაიმე კანონსაწინააღმდეგო ქმედებას არ ჩაიდენდა.

„...გამოდიება წელიწად ნახევარი გასტანა და ახალი კი ვერაფერი აღმოაჩინა... ზოგი დაპატიმრებული სრულიად გაანთავისუფლა, და მე და ცვაგარელი, ქართველიშვილი თავდების ქვეშ გამოგვიჭა. დაპატიმრებულები დარჩნენ მხოლოდ ისინი, ვისაც... ერთი და იმავე სერიის ფულის ნიშნები აღმოაჩნდა: აზატოვი კომპანიით და ვანო თავთაქიშვილი, ილია თავთაქიშვილი, ამაზე უნინ სხვა რამდენიმე ტუსალთან ერთად გაიქცა ციხიდან...“ – იოსებ გედევანიშვილის მოგონებებიდან. სასამართლომ გედევანიშვილს და ცვაგარელს ჩამოართვა „სამხედრო ღირსება“ და ორი წლით ციხე მიუსაჯა. რამდენიმე მონაწილე გადაასახლეს. როგორც აღვნიშნეთ, ნაძარცვი ფულით ფედერალისტურმა პარტიამაც იხიერა – მთავარმა კომიტეტმა საკუთარი სტამბა შეიძინა, სადაც გაზეთები და პარტიის სხვადასხვა გამოცემები იბეჭდებოდა.

დუშეთის ხაზინის ექსპროპრიაციის პერიპეტეიები ამით არ დასრულებულა. სულ ცოტა ხანში ამ საქმის გამხსნელ პოლიცემისტერ მარტინოვზე თავდასხმა განხორციელდა (მარტინოვზე პირველი ტერაქტი 1905 წლის 19 დეკემბერს თბილისის ცენტრში, სასამართლოს შენობის წინ, სამმა ტერორისტმა – დავრიშვემა, ყანჭელმა და ანჯაფარიძემ – მოახდინა. როგორც ჩანს, ფედერალისტებს პოლიციის უფროსებთან ბედი არ სწყალობდათ – მარტინოვს სამი ტყვია მოხვდა, მაგრამ იმის გამო, რომ ტყვიაგუმტარი ჟილეტი ეცვა, ვადარჩა. თანაც გაქცეულ ტერორისტებს იქით დაუშინა იარაღი). 1906 წლის 4 ივლისს ქართული სათავადაზნაურო გიმნაზიის ერთი ფანჯრიდან სოციალისტ-რევოლუციონერებმა (ესერებმა) მარტინოვს ბომბი

²⁶⁹ გ. ლასხიშვილი, მემუარები, 1992 წ., გვ. 198-199.

ესროლეს²⁷⁰. მარტინოვზე ტერაქტის შემსრულებლები იყვნენ გიორგი ალშიბაია, პლატონ მიქაბერიძე, ანდრეი რომანოვი, სერიოჟა მასხარაშვილი და ვლადიმერ ხუდადოვი²⁷¹ (საინტერესოა, რომ თავდასხმის შემდეგ ტერორისტები ცნობილი მწერლის, დავით კლდიაშვილის, ბინაში იმალებოდნენ).

დაჭრილი მარტინოვი სისხლისაგან იცლებოდა, მაგრამ ქვაფენილზე მწოლიარემ შეძლო ბომბისტებისთვის ცეცხლი გაეხსნა, რითაც ხელი შეუშალა მეორე, გამზადებული ბომბის გადმოგდებას. რამდენიმე წუთში მოსულმა ჯარმა სათავადაზნაურო გიმნაზიას ალყა შემოარტყა და შენობაში შეიჭრა. გიმნაზიაში საშინელი ამბავი დატრიალდა. კაზაკებმა იქაურობა დაარბიეს და მოკლეს სრულიად უდანაშაულო ცნობილი პედაგოგი და საზოგადო მოღვაწე ფედერალისტი შიო ჩიტაძე, რამდენიმე პედაგოგს კი სცემეს, დაჭრეს და დააპატიმრეს. ჩიტაძის სიკვდილს ჩვენთვის ცნობილი ოფიცერი ბიგაევი, რომელიც საკუთარი კაზაკებისაგან გამოსროლილ ტყვიებს სასწაულებრივად გადაურჩა, შემდეგნაირად აღწერს: მის ოთახში შევიდა „ყველაზე უწყინარი და ღვთისმოსავი“ კაზაკი, ამ დროს კარებთან დახვდა ჩიტაძე, რომელმაც ინსტინქტურად ხელი მოჰკიდა თოფის ლულას, კაზაკმაც შიშისაგან სასხლეტს გამოჰკრა ხელი. ჩიტაძეს ტყვია თავში მოხვდა. მკვლეელი კაზაკი მეფისნაცვალმა შეინყალა, ხოლო შემდგომმა გამოძიებამ ამ საქმეში ფედერალისტების უდანაშაულობა დაამტკიცა²⁷².

ამ ტერაქტს წინ უძღოდა იმავე წლის 14 მაისს გენერალ გუბერნატორ ტიმოფეევზე თავდასხმა, რომლის დროსაც გასროლილ იქნა ბომბი და დაიღუპა ერთი კაზაკი, ორი კაცი კი დაიჭრა. პოლიცემისტერი მარტინოვი გუბერნატორს ფაეტონით უკან მისდევდა, ის გადმოხტა და მსროლელებს გაეკიდა. მეორე ტერორისტმა მარტინოვს ბომბი ესროლა, რომელიც არ გასკდა. მარტინოვმა ბომბისტს ესროლა და დაჭრა. ის ქვაფენილზე დაეცა, ხოლო კაზაკმა მას ბოლო მოუღო. მოკვლული რევოლუციონერი მათე ფრუიძე აღმოჩნდა. მონმეთა ჩვენებით, მეორე ბომბისტიც დაიჭრა, რადგან თურმე სროლის დროს რამდენჯერმე ნაქცეულა²⁷³.

რაც შეეხება ექსპროპრიაციის მთავარ მონაწილეს, ოსზე გედევანიშვილს, გასაბჭოების შემდეგ ის რუსებს მიემხრო და ერთ-ერთი პირველი ქართველი წითელი გენერალი გახდა. სიცოცხლის უკანასკნელ წლებში მუშაობდა სხვადასხვა ადგილას – ზაქარია ფალიაშვილის სახელობის ოპერისა და ბალეტის სახელმწიფო თეატრში, ცენტრალურ სახელმწიფო არქივში, წერდა პიესებსა და მოთხრობებს. ის 1939 წელს გარდაიცვალა მცხეთაში და იქვეა დაკრძალული. ციხიდან გამოსულ ლადო ცაგარელს კი თურმე სამასაურში არ ლებულობდნენ, მასთან ურთიერთობას გაურბოდნენ, როგორც ხელმწიფის ტახტის ორგულსა და მოლაღატეს. მოგვიანებით მან ლიტერატურულ მოღვაწეობას მიჰყო ხელი და პირველმა ქართულ ენაზე მცირე ფორმატის სამხედრო ლექსიკონი გამოუშვა. ლადო ცაგარელი 1942 წელს გარდაიცვალა თბილისში.

²⁷⁰ საისტორიო არქივში ინახება ცნობა, რომ ესერები თავიანთ ნათესავებს და ახლობლებს მოსალოდნელი ტერაქტის შესახებ აფრთხილებდნენ და მოუწოდებდნენ, იმ დღეს გოლოვინის პროსპექტზე არ გააუღიყვნენ.

²⁷¹ ეს უკანასკნელი, სოსო დავრიშვილის ახლო მეგობარი, ცნობილი საზოგადო მოღვაწის და ექიმის, ქალაქის სათათბიროს ხმოსნის (დეპუტატის) ნიკო ხუდადოვის შვილი იყო. 1907 წლის 14 იანვარს ნიკო ხუდადოვი „ჭეშმარიტ რუსთა პარტიის წევრმა“ რევოლუციონერს ორი გასროლით მოკლა. არ არის გამორიცხული, რომ ეს მკვლელობა მისი შვილის მიერ მარტინოვზე თავდასხმის საპასუხოდ მომხდარიყო.

²⁷² Н. А. Бигасв. Последние Наместники Кавказа (в свете личных воспоминаний) (1902–1917).

²⁷³ სცსაა ფონდი 83, აღწერილობა 1, საქმე 3/2.

გენერალ გრიაზნოვის მკვლელობა

...1905 წლის რევოლუცია დამარცხდა. ალიხანოვ-ავარსკის და სხვა დამამშვიდებლების დამსჯელმა ექსპედიციებმა სისხლის ღვარი დააყენეს მთელ საქართველოში. რაიმე მასიურ მუშაობაზეც კი ოცნება შეუძლებელი იყო. რევოლუციონერებს არ შეეძლოთ იმ ადგილებში დარჩენა, სადაც მათი მუშაობა ყველას თვალწინ იმლებოდა. მათ მოელოდათ მძიმე სასჯელი, ბევრ შემთხვევაში დალუპვაც კი. და აი, რევოლუციონერები ტოვებენ პროვინციებს და გადადიან ქალაქებში, უმთავრესად ტფილისში, სადაც შედარებით უფრო ადვილი იყო დამალვა.

ტფილისი მაშინ წარმოადგენდა ნამდვილ ალყაშემორტყმულ ქალაქს. იქ გამოცხადებული იყო სამხედრო წესები. ხელისუფლების წარმომადგენლები გამძვინვარებულები წადირობდნენ რევოლუციონერებზე. პარტიას ფარულად, იატაკქვეშ უნდა შეენახა ძალიან ბევრი ამხანაგი, რომელთაც მოელოდათ სიკვდილი ან უვალო კატორღა. ამისთვის საჭირო იყო თანხა. ზოგ ამხანაგებს ესაჭიროებოდათ არაღელვარებით ბინები, ზოგნიც უფრო საიმედო, მიუწვდომელ ადგილებში უნდა გაგზავნილიყვნენ. მიუხედავად განადგურებისა, პარტიზანული ბრძოლა გრძელდებოდა²⁷⁴. ასე აღწერდა იმდროინდელ სიტუაციას თვალსაჩინო რევოლუციონერი ბარონ ბიბინიშვილი. დამარცხებული რევოლუციონერები ყველანაირი მეთოდებით ცდილობდნენ ჩამქრალი რევოლუციური ცეცხლის ხელახლა გაღვივებას. მოქმედების მთავარ მეთოდად ისევ ტერორისტული აქტები რჩებოდა, ამჯერად ადმინისტრაციის მალაღობრივი თანამდებობის წარმომადგენლების წინააღმდეგ (სოციალ-დემოკრატიული პარტია და სხვებიც, მიუხედავად მათთვის არახელსაყრელი მდგომარეობისა, ყოველთვის ცდილობდნენ მოსახლეობასა და ჯარს შორის დაპირისპირების პროვოცირებას და სიტუაციის გამწვავებას. მაგალითისათვის 1902 წლის ბათუმის მოვლენებიც საკმარისია, როცა სოსო ჯულაშვილისა და სხვათა მეთაურობით მუშებსა და ჯარს შორის შეტაკება მოხდა, რომელიც მსხვერპლით დასრულდა. ამ დაპირისპირებამდე ცოტა ხნით ადრე გაფიცული მუშები დააპატიმრეს და ყაზარმაში გამოკეტეს, თუმცა მეორე დღეს გამოშვებას დაჰპირდნენ. მიუხედავად ამისა, ჯულაშვილი მუშების ძალით გათავისუფლებისკენ მოუწოდებდა. ზოგიერთი ამხანაგი, მათ შორის დომენტი ვადაჭკორია, უარზე დადგა, ეს სისხლისღვრას გამოიწვევსო. კობა-სტალინმა მას თურმე მხარზე ხელი დაჰკრა და უთხრა: – შენ არ ხარ რევოლუციონერიო²⁷⁵).

რევოლუციური კერები მთლიანად რომ მოესპო, 1905 წლის ბოლოს ხელისუფლებამ გადამწყვეტი ნაბიჯი გადადგა – ფართომასშტაბიანი და დაუნდობელი ტერორი გამოუცხადა მონინააღმდეგეს. მაშინ გაჟღერდა პირველად სლოგანი: Патрион не жалеть! („ვაზნებს ნუ დაიშურებთ!“ – ეს სიტყვები ეკუთვნის შინაგან საქმეთა მინისტრის მოადგილეს, გენერალ ტრეპოვს)²⁷⁶.

274 ბ. ბიბინიშვილი, კამო, 1935 წ., გვ. 94-95.

275 დომენტი ვადაჭკორია, შსსს ფონდი 8, აღწერილობა 2, ნაწილი 1, საქმე 7.

276 ქუთაისის გუბერნიის თავადაზნაურობა მეფისნაცვალს 1906 წლის აპრილში მიმართავდა: „ჩვენ... აზიელები ვართ, არ შეიძლება ჩვენი მმართველობა ჰუმანურობით, ჰუმანურობა კარგია

კავკასიაში მთელი ხელისუფლება ჯვარს გადაეცა, მათი მეთაურობა კავკასიის სამხედრო ოლქის შტაბის უფროსს ფიოდორ გრიაზნოვს ჩაბარდა. გენერალი ხელმძღვანელობდა „თბილისის რუსულ პატრიოტულ საზოგადოებას“, ასევე მისი ინიციატივით შეიქმნა კავკასიის შტაბის ოფიცერთა რეაქციული დაჯგუფება, რომელმაც ფაქტობრივად ხელთ იგდო ხელისუფლების სადავეები²⁷⁷. შავრაზმული ნიგნი „Книга русских князей“ ასე ახასიათებდა გრიაზნოვს: „კავკასიაში გრიაზნოვი მოვიდა 1905 წელს, როდესაც მდაბლათ შთავარდნილ მთაურობას ამიერ-კავკასია აჯანყებულთ ხელში ჩაეგდო, რომელნიც უმონყალოდ ხოცადენ ხალხს. მეფის მოადგილის ახლოს მდგომ მალალი თანამდებობის პირიდან მხოლოდ გრიაზნოვი შერჩა თავის მოვალეობას ერთგულად და მტკიცედ. უკეთუ ამიერ-კავკასია არ გადაიქცა ფინლანდიათ და არ ჩამოშორდა რუსეთს – ეს მიენერება გრიაზნოვის სიმტკიცეს და იმ გავლენას, რომელსაც ის ახდენდა მეფის მოადგილეზე, აღვივებდა რა ხელისუფლების მიმქრალ ენერგიას“²⁷⁸. „პუმანური და კეთილი ბუნების ადამიანი, შტაბის ბრწყინვალე“ უფროსი გენერალი გრიაზნოვი კავკასიელი „კრამოლნიკების“²⁷⁹ წინააღმდეგ განსაკუთრებული სიძულვილით გამოირჩეოდა. ის ღიად მოუნოდებდა, რომ „პირისაგან მინისა აღგვილიყო მემამობხეთა სოფლები და სახლები, მუშები კი ჩამოეფრჩხოთ“²⁸⁰. განსაკუთრებით ვერ იტანდა ქართველებს, რომლებსაც მეფის ხელისუფლებისადმი მიმართული ყველანაირი დანაშაულის ორგანიზატორებად მიიჩნევდა²⁸¹.

სწორედ გრიაზნოვის „მოღვენებობასა“, 1905 წლის 29 აგვისტოს, დახოცეს უდანაშაულო ხალხი ქალაქის გამგეობის შენობასა და მიმდებარე ქუჩებში, 100-მდე ადამიანი დაიღუპა და 300-მდე დაიჭრა; 22 ოქტომბერს გოლოვინის პროსპექტზე დაარბიეს ხალხი, როცა სილიბისტრო ჯიბლაძე თავის ცნობილ სიტყევებს „იმენემ მარქსა...“ გაპყვიროდა. მაშინ 43 ადამიანი დაიღუპა, 88 დაიჭრა; 19 დეკემბერს ნაძალადევში რევოლუციური გამოსვლების დროს კაზაკებსა და შეიარაღებულ მუშებს შორის მოხდა შეტაკება, როდესაც ცხრა მუშა მოკლეს (მაშინ კამო შემთხვევით გადაურჩა სიკვდილს, თუმცა კაზაკებმა ის სასტიკად ანადგოვეს).

ამდენი „დამსახურების“ გამო სოციალ-დემოკრატებმა გადაწყვიტეს, მოეკლათ გენერალი გრიაზნოვი და როგორც ყოველთვის, ეს თავდაცვის აქტად უნდა ჩათვლილიყო. ამ საქმის შესრულება მიანდეს სილიბისტრო ჯიბლაძეს. 1906 წლის ერთ საღამოს მან გაზეთ „სხივის“²⁸² რედაქციაში, კოჭლი ბაგრატას მეშვეობით, გამოიძახა ცნობილი ტერორისტი არშაკ მეგრებიანი. მეგრებიანი ბათუმში ხუთწლიანი გადასახლების შემდეგ თბილისში 1905 წელს ჩამოვიდა და სოციალ-დემოკრატიული პარტიის ავლაბრის მეოთხე რაიონის ტერორისტულ რაზმში ჩაირიცხა. „...მე-4

ცივილიზებული ხალხისათვის და არა მხეცებისათვის. ჩვენ შიშის ზარი გვესაჭიროება... თუ არა შიში, მეგვიძლია დაგარნმუნთო, რომ ახლო მომავალში საქართველო იმაზე მეტ უსამოვნებას და უბედურობას მიაყენებს რუსებს, ვიდრე ბურებმა ინგლისელებს“. გ. მჭედლიძე, ქუთაისის ახალი ისტორიის წარკვევები (1892-1921), 1993 წ., გვ. 277.

²⁷⁷ დ. შველიძე, პოლიტიკური პარტიების წარმოშობა საქართველოში, ფედერალისტები, 1993 წ., გვ. 170.

²⁷⁸ „რევოლუციის მატჩანე“, 1925 წ., №3, გვ. 171.

²⁷⁹ Крамо.льник — (რუს.) მემამობხე.

²⁸⁰ Н. А. Бигаев. Последние Наместники Кавказа (в свете личных воспоминаний) (1902—1917).

²⁸¹ Г. Уратадзе. Воспоминания грузинского социал-демократа, 1968 წ., გვ. 130.

²⁸² სოციალ-დემოკრატების პირველი ლეგალური ორგანო, გამოდიოდა 1905-06 წლებში.

რაიონს ყავდა დაახლოებით 25 კაცამდე პარტიულ ამხანაგებიდან შედგენილი ტერორისტები. 1905 წელს, როდესაც რეაქციამ გაიმარჯვა, ვიქენი არჩეული ტერორისტების ხელმძღვანელად. ამის გამო მე როგორც წარმომადგენელი გამოცხადდი სოციალ-დემოკრატიული პარტიის ერთ-ერთ ხელმძღვანელ სილიბისტრო ჯიბლაძესთან და მოვახსენე ყოველივე ეს. ამის შემდეგ მოვახდინეთ სხვა და სხვა ტერორი მე-4 რაიონის დავალებით", - იხსენებდა მეგრებიანცი.

სილიბისტრო ჯიბლაძემ მეგრებიანცს დაავალა, შეერჩია ტერორისტები, რაც მან შეასრულა. ესენი იყვნენ: არსენ ჯორჯიაშვილი, შაქრო პუშკინა, ბათუა, ხუნხუზა და იაკოფა ლარიბოვი. ჯიბლაძემ აუხსნა საქმის ვითარება და უთხრა: „...მკვლევლობის საიწრულეში მოყვანა გვევალებათ თქვენ და ეს უნდა აღასრულოთ, თუ გინდ სიცოცხლის ფასად დაეაჯდეთ“²⁸³. შეთანხმების შემდეგ ამხანაგმა მიხო ლომთათიძემ ტერორისტებს გენერალი უჩვენა. ნოე ყორღანია სხვანაირად აღწერს ამ ამბავს: „... (ჯიბლაძემ ტერორისტები) დააყენა თავის ადგილას, გრიაზნოვის სადგომის წინ, ხოლო თვითონ დადგა გოლოვინის პროსპექტზე, საიდანაც ხელსახოცის ამოღებით უნდა ეცნობებოდა გრიაზნოვის გამოსვლა შტაბიდან. უცებ გრიაზნოვმა მართლაც გამოიარა ეტლით, სილვამ ნიშანი არ მისცა, რატომ? მას გვერდში ქალი ეჯდა და არ სურდა მისი დალუპვა. სამაგიეროდ ტერორისტებმა კარგად დაინახეს გრიაზნოვის სახე და დაიმახსოვრეს. სილვა შემოვიდა ჩემთან რედაქციაში და მიაბმო თვგადასავალი და დამატა: ხვალ ვერ გამეჭქცევაო“²⁸⁴. ბომბების დამზადება სილიბისტრო ჯიბლაძემ ვლასა მგელაძეს დაავალა: „ხომ გაქვს ისეთი ბომბი, რომ არ უმტყუნებს? შენი ხელით გააკეთე, კარგად გასინჯე!“²⁸⁵

სხვადასხვა მიზეზის გამო (ზოგიერთი ტერორისტი შეშინდა და გაიპარა, ზოგი ავად გახდა...) ექვსკაციანი ჯგუფიდან დარჩნენ მხოლოდ არსენ ჯორჯიაშვილი და არშაკ მეგრებიანცი. ბომბის სროლა არსენა ჯორჯიაშვილს მოუწია. „...აგერ სდგას სახე დაფიქრებული, დიდრონი წარბებით, ღრმა შავი თვალებით, მუდამ დინჯი, ახალგაზრდისათვის უჩვეულო სახის სიმტკიცით არსენ ჯორჯიაშვილი. თავის დიდ გმირულ საქმისთვის ბომბს თხოვლობს...“²⁸⁶ ტერორისტ-ბომბისტის ეს სიტყვიერი პორტრეტი ვლასა მგელაძემ დაგვიტოვა.

ჯორჯიაშვილი 1881 წლის 7 აპრილს სახაზინო ღარიბი გლეხის ექვსშვილიან ოჯახში დაიბადა. არსენა უფროსი ვაჟი იყო. 1900 წელს მამამისმა მეცხვარეობას თავი დაანება და მთელი ოჯახით თბილისში გადასახლდა, სადაც კერძო ბინათმშენებლებისთვის მტკერის ნაპირიდან ურმით ქვიშას ეზიდებოდა. სიღარიბის გამო არსენას არავითარი განათლება არ მიუღია. 14 წლის ასაკიდან ის უკვე საკუთარ ოჯახს ეხმარებოდა. 1905 წლის რევოლუციის დროს ჯორჯიაშვილი თბილისის რკინიგზის სახელწოდებით მუშაობდა. მალე გაფიცვაში მონაწილეობისთვის ის სამსახურიდან დაითხოვეს. ამ ხნიდან ჩაება რევოლუციურ მოძრაობაში. 1905 წელს პროკლამაციების გავრცელებისათვის არსენა პოლიციამ დააპატიმრა, მაგრამ სამხილის უკმარისობის გამო მალევე გაათავისუფლა, თუმცა ჯორჯიაშვილს პოლიციის ზედამხედველობა დაუნიშნეს. თბილისის ყანდარმერიის დოკუმენტებში ჯორჯიაშვილი მოხსენიებულია, როგორც ნითელი რევოლუციონერი და ტერორისტთა მეთაური. რაზმის წევრები არსენას მამის ნაქირავეები სახლის სხვენში იკრიბებოდნენ, იქვე მზადდებოდა „ავჭალური“ ყუმბარები. ჯორჯიაშვილი აქტიურად მონაწილეობდა პოლიცი-

283 „რევოლუციის მატინე“, 1923 წ., №4, გვ. 203-204.

284 ნ. ყორღანია, ჩემი წარსული, 1990 წ., გვ. 50-51.

285 ვ. მგელაძე, მოგონებები, 1972 წ., გვ. 89-90.

286 იქვე, გვ. 89.

ის მოხელეებსა და ჯარის ნაწილებზე შეიარაღებულ თავდასხმაში: 1905 წლის 25 სექტემბერს ტერორისტებმა თბილისის სხვადასხვა უბანში 11 ყუმბარა ისროლეს. ყუმბარა შეაგდეს ორთაჭალაში განლაგებულ კაზაკთა პოლკის პოლკის ასეულის ყაზარმაში, რის შედეგად ათამდე ჯარისკაცი დაიღუპა. ამ თავდასხმის დროს დაიჭრა ნითელრაზმელი უსენაშვილი, რომელიც არსენამ სამშვიდობოს გაიყვანა. იმავე დღეს იმავე პოლკის მეორე ასეულის ყაზარმას რამდენიმე ყუმბარა ესროლეს, 25-მდე კაზაკი დაიჭრა²⁸⁷.

კოტე ცინცაძე იხსენებდა: „...ამხ. არსენა ჯორჯიაშვილს მინდობილი ჰქონდა გენერალ გრიაზნოვის მოკვლა. აქტის სისრულეში მოყვანა ამხ. ჯორჯიაშვილს დაავიანდა. დამიძახა კობამ (დღეს სტალინმა) და მითხრა: მოამზადე რამოდენიმე ყოჩალი ბიჭები და ერთ კვირაში თუ ჯორჯიაშვილმა ვერ შეასრულა, შემდეგ შენ მოგანდობთო. მე ძალიან გამეხარდა. დავამზადე კიდევ ორი ამხანაგი და ველოდებით ერთ კვირას. ამხანაგმა ჯორჯიაშვილმა ჩინებულად შეასრულა თავის მინდობილობა და მე კი დამტოვა პირლია“²⁸⁸. ცინცაძის საპირისპიროდ, ლევ ტროცკი აღნიშნავს, რომ კობა-სტალინის უშუალო მონაწილეობა გრიაზნოვის მოკვლაში გამონაგონია. ის ანონიმ ავტორს ეყრდნობა და იმ ცნობილ ფაქტს ამყარებს, რომ ეს ტერაქტი საქართველოს სოციალ-დემოკრატიული პარტიის (მენშევიკების) დადგენილებით სპეციალურად დანიშნულმა პარტიულმა ტერორისტებმა მოახდინეს. „სტალინს ისევე, როგორც ბოლშევიკებს, საქართველოში საერთოდ არავითარი გავლენა არ ჰქონია და ამ საქმეში არანაირი მონაწილეობა არ ჰქონდა მიღებული“, – წერდა ტროცკი. ძალზე საეჭვო მტკიცებულებაა. მიუხედავად იმისა, რომ ბოლშევიკები რაოდენობრივად მნიშვნელოვნად ჩამოუვარდებოდნენ მენშევიკებს, როგორც შემდეგ თავებში დავინახავთ, მათი როლი განხორციელებულ ტერორისტულ აქტებში თუ არ ჭარბობდა, მენშევიკებისას უტოლდებოდა, სტალინის როლიც ტერორისტული აქტების მომზადებასა და განხორციელებაში, როგორც სხვადასხვა მასალებით მტკიცდება, მნიშვნელოვანი იყო.

გრიაზნოვს ურატაძის თქმით, როცა საჭირო გახდა სტალინის ფიგურის განდიდება, ბოლშევიკებმა გრიაზნოვის მკვლელობის დაგეგმვა და შესრულება მთლიანად იოსებ სტალინს მიანერეს, მაგრამ „...მათ დაავინწყდათ, რომ გენერალ გრიაზნოვის მკვლელობა დეტალურად იყო აღწერილი მათ (ბოლშევიკების) ჟურნალშივე ამ აქტის ხელმძღვანელის მეგრაბიანცის მიერ“. ურატაძეს მხედველობაში აქვს „რევოლუციის მატრიანე“ (1923 წ., 4), სადაც ეს ამბავი იყო მოთხრობილი და რომელიც, მისი თქმით, ჩვენს მიერ გაყიდვიდან და ბიბლიოთეკებიდან იყო ამოღებული. ურატაძეს მეგრაბიანცის „გაუჩინარებული“ სტატიიდან დიდი ნაწყვეტი აქვს საკუთარ წიგნში გამოყენებული და ბოლოს მოჰყავს ციტატა, რომელიც ამ სტატიიში საერთოდ არ არის (ცნობისათვის: ჟურნალის სხვადასხვა ეგზემპლარები გადავამოწმეთ და ყველგან ერთი და იგივე ტექსტია დაბეჭდილი – ი. მ., ლ. ხ.): „...მის ფაეტონს ბომბი ესროლა ჯორჯიაშვილმა; ამ ბომბით იქნა მოკლული გრიაზნოვი, მაგრამ ბომბის ნამსხვრევებით დაიჭრა თვითონ ჯორჯიაშვილი. დაჭრილი იქვე დააპატიმრეს და მეორე დღესვე დახვრიტეს (ეს სიმართლეს არ შეეფერება – ი. მ., ლ. ხ.)... საქართველოს დაპყრობის შემდეგ ბოლშევიკებმა ეს საკმაოდ პოპულარული აქტი ჯერ მიისაკუთრეს, შემდეგ კი თვით ჯორჯიაშვილი ბოლშევიკად გამოაცხადეს და ბოლოს, როცა ეს საჭირო გახდა სტალინის განსაზღვრულად, ავტორობა და განხორციელება მას მიანერეს“²⁸⁹.

²⁸⁷ საქართველოს ისტორიის ნარკვევები, ტ. VI, 1972 წ., გვ. 214.

²⁸⁸ „რევოლუციის მატრიანე“, 1923 წ., №4, გვ. 56.

²⁸⁹ Г. Уратадзе. Воспоминания грузинского социал-демократа, 1968 წ., გვ. 131-132.

როგორც ხედავთ, დეზინფორმაციას დამონინაალდეგის დამცირება-დაკინების მცდელობას სოციალ-დემოკრატიული პარტიის ორივე ფრაქცია მარნაბტებით იყენებდა, ამ შემთხვევაში ეს სჭირდებოდა დამარცხებულ მხარეს – მენშევიკებს: ეს ნიგრა საფრანგეთში დაიწერა და აშშ-ში გამოქვეყნდა 1968 წელს. აღნიშვნის ღირსია ის ფაქტი, რომ არშაკ მეგრებიანცის მოგონებებში სათაურით „ჩემი მოგონებები დიდ სტალინზე“, რომელიც 1935 წელს არის დაწერილი²⁹⁰, ერთი სიტყვა არ არის ნათქვამი გენერალ გრიაზნოვის მკვლელობის ამბავზე, მით უმეტეს ამ საქმეში სტალინის როლზე.

დადგა 1906 წლის 16 იანვარი. ტერორისტებმა ადგილი შეარჩიეს და ცდა დაიწყეს. სანამ გრიაზნოვის გამოვლას ელოდებოდა, ჯორჯიაშვილი ბაღის გასასვლელ კართან გრძელ სკამზე ჩამოჯდა. იქვე ერთი მოქალაქე ორ ჯარისკაცს საათს ევაჭრებოდა. ამ ჯარისკაცებს შეეძლოთ ტერაქტის ჩატარებაში ხელი შეეშალათ, ამიტომ არსენამ სამი მანეთი ამოიღო და ჯარისკაცს გაუწოდა – საათს მე ვყიდულობო. ჯარისკაცმა გამოართვა ფული, ჯიბეში ჩაიღო, ხოლო საათი იმ მოქალაქეს მისცა და წავიდა... არსენა აღშფოთდა და უნდოდა ჯარისკაცს დასდევნებოდა, მაგრამ ზუსტად ამ დროს ბარიატინსკის (ყოფილი ჯორჯიაშვილის, დღევანდელი გია ჭანტურიას) ქუჩიდან ეტლი გამოჩნდა. იქვე ქუჩაზე ქალი გადადიოდა ორი ბავშვით.

არშაკ მეგრებიანცის მონაყოლის მიხედვით: „...დაახლოვებით დილის 9 საათზე დავინახეთ, რომ გრიაზნოვი გამოდის ქუჩაში. მე ამოვიღე კალათიდან ბომბი (მეგრებიანცი „სემიჩის“ გამყიდველად იყო გადაცემული, მზესუმზირით სავსე კალათაში კი „ავჭალური“ ბომბები ეწყო – ი. მ., ლ. ხ.) თავისი ქალაღის პარკით და გადავეცი არსენას, არსენას კაპსულა უბეში ჰქონდა. სწორეთ მაშინ, როცა საინჟინერო მმართველობის მწერლები გარეთ იდგნენ, ბაასობდნენ, გრიაზნოვის ეტლმაც ამ დროს ამოიარა და ისინი სალამის მისაცემათ ჩაენყვენ. არსენა მიძიმედ, ფრთხილად მიუახლოვდა ეტლს, გადაუგდო ბომბი და ჩანვა იქავა. ბომბი აფეთქდა. გრიაზნოვი თავის მეტელით და ერთი ყაზახით განადგურდა. საინჟინერო მმართველობის მმართველმა რომ დაინახა ეს, მორთეს ყვირილი: „დერუი, დერუიო“ და შამოარტყეს ალყა არსენას, სანამ ის მოასწრებდა ადგომას. მე ბაღის კარებით შევარდი ბაღში და გავიპარე“²⁹¹.

ბომბის აფეთქებისას ბავშვებიანი ქალბატონი ფეხში დაიჭრა, ბავშვები უვნებლად გადარჩნენ. ამ ამბის თვითმხილველი ვინმე კარასევი წერდა: „...გენერალი უძრავად იჯდა იმავე პოზაში. მე ვთქვი, რომ საჭიროა მისი წაყვანა მიხეილის საავადმყოფოში, რადგან შეიძლება მხოლოდ დაჭრილია და უგრძნობ მდგომარეობაშია... მეეტლემ განაცხადა – ნასვლა არ შემიძლია, დაჭრილი ვარ და ძალ-ღონეს ვკარგავო. მართლაც, მისი წინსაფარი სისხლიანი იყო. რათა არ დაკარგულიყო ძვირფასი დრო, კოფოზე დახსი ვიღაც ჯუჯა ჯარისკაცი... მე გენერლის გვერდით დავჯექი და მიხეილის საავადმყოფოში წავიყვანე. ეტლში შემოხტა გენერალ გრიაზნოვის სახლის შეიციარი. გზაზე, ვორონცოვის ხიდზე შეენიშნე, როგორ გაუყვითლდა სახე გენერალს და როცა საავადმყოფოში მივიყვანე, უკვე მკვდარი იყო“.

არსენამ გაქცევა სცადა, მაგრამ ბაღში მყოფმა ორმა ჯარისკაცმა, რომლებსაც მან სამი მანეთი მისცა, ფეხი დაუდო და ნაქცია. თვალის დახამხამებაში გაჩენილმა კაზაკთა ჯგუფმა ტერორისტი ცემით ლამის სიკვდილის პირას მიიყვანა. ნაცემი ჯორჯიაშვილი საკომენდანტო სამმართველოში (ამჟამინდელი კინოთეატრ „რუსთაველის“ შენობა) გადაიყვანეს. ნაცნობმა პოლიციელმა არსენას მამას სახლში მიიკითხა და სამმართველოში შვილის სანახავად მიიყვანა. მამას უნდოდა, გა-

²⁹⁰ არშაკ მეგრებიანცი, მსსსს ფონდი 8, აღწერილობა 2, ნაწილი 1, საქმე 32.

²⁹¹ „რევოლუციის მატანე“, 1923 წ., №4, გვ. 25.

სისხლანებულად შვილისთვის თავქვემ ქუდი ამოეოცო, მაგრამ არ დაანებეს – ძალი ძალღივით უნდა მოკვდესო.

გრიზნოვის სიკვდილის გამო თბილისის შტაბში მიტინგიც კი ჩატარდა და მეფისნაცვალს ვორონცოვი რომ არა, ქალაქში დიდი სისხლისღვრა მოხდებოდა, ისე იყო აღშფოთებული გარნიზონი გენერლის მკვლელობით. სოციალ-დემოკრატებმა კი ჯარისკაცებისთვის რუსულ ენაზე შედგენილი პროკლამაცია გამოსცეს, სადაც ჩამოთვლილი იყო ყველა მიზეზი, თუ რატომ იყო საჭირო მისი მოკვლა („ის დიდად ავიროებდა ხალხს“), ასევე უარყოფილი იყო „პატრიოტთა კავშირის“ მტკიცება, რომ „გრიზნოვი მხოლოდ იმიტომ მოჰკლეს, რომ ის რუსია... ქართველებს კი არ უნდათ, რომ აქ იყოს რუსის მთავრობა და რომ გრიზნოვი იყო მეტად კარგი კაცი“. პროკლამაცია „პატრიოტთა კავშირის“ ტყუილში ადანაშაულებდა და შეახსენებდა რუსეთში რუსების მიერ მოკლულ მაღალჩინოსანთა გვარებს.

სამმართველოდან გონებადაკარგული ჯორჯიაშვილი თბილისის სამხედრო ჰოსპიტალში გადაიყვანეს და საპატიმრო განყოფილების პალატაში მოათავსეს. მას დღე-ღამის განმავლობაში ორი შეიარაღებული ჯარისკაცი დარაჯობდა. თვით მეფისნაცვალს იყო დაინტერესებული ტერორისტის ჯანმრთელობით, მას ჰოსპიტალიდან ყოველდღე ეგზავნებოდა ოპერატიული ცნობა. ნაცემი ჯორჯიაშვილი რამდენიმე დღის განმავლობაში კომაში იმყოფებოდა, ის ხელოვნურ კვებაზე იყო გადაყვანილი.

ამონარიდი იმდროინდელი გაზეთიდან „Русское слово“ (1906 წ. 21 იანვარი): „ჯორჯიაშვილის საქმის გარჩევა, რომელსაც ბრალი ედება გრიზნოვის მკვლელობაში, გადადებულია. ბრალდებული ჯერ კიდევ უგონოდ არის“.

ჯორჯიაშვილი გონს 23 იანვარს მოვიდა, ხოლო პირველი დაკითხვა 27 იანვარს შედგა. პატიმარს ხმა წართმეული ჰქონდა, ის ჩურჩულით აძლევდა ჩვენებას და ყველაფერს უარყოფდა. არსენას დის ელენეს მოგონებით, მოცა ის სულ პატარა ძმის სანახავად მიიყვანეს, ჯორჯიაშვილს ფეხებზე ბორკილები ედო, ხოლო პალატაში ჯარისკაცები იდგნენ, რის გამოც ის ძლიერ შეშინდა, მაგრამ ძმამ დააწყნარა.

სასამართლოში ჯორჯიაშვილს იცავდა ცნობილი ქართველი იურისტი სოსიკო ბარათაშვილი. მაგრამ ბრალდებულს ამან ვერ უშველა და ტერორისტს ჩამოხრჩობა მიუსაჯეს. სილიბისტრო ჯიბლაძემ „...მოახერხა ტყვესთან კავშირის გაბმა ციხის ეკლესიის ქართველი მღვდლის საშუალებით... ჯორჯიაშვილი მოკვდა მამაცურათ, სილვა არ გაუცია“²⁹².

ჯორჯიაშვილი ისე იყო დასუსტებული, რომ სიარული არ შეეძლო, ამიტომ დასჯის დღეს ის ციხის „კოიკიდან“ სახარბოელამდე ხელით მიიყვანეს. 1907 წლის 1 მარტს დილის 7 საათზე ჯორჯიაშვილი საგუბერნიო ციხის ეზოში ჩამოახრჩვეს და იქვე დამარხეს.

ჩამოხრჩობიდან რამდენიმე დღის შემდეგ, მგელაძის ნაამბობით, სილიბისტრო ჯიბლაძე არსენას მამას შეხვდა. ისინი, თვალცრემლიანები, ერთმანეთს გადაეხვივნენ. „იცი, რა შვილი გამოუზარდე შენ ქვეყანას? ეხლა ამის გაგება შენ არ შეგიძლია. მას მომავალი დააფასებს – უკვდავების ძეგლს დაუდგამენ, – ეუბნებოდა სილვა არსენას მამას“²⁹³. ჯორჯიაშვილის სიკვდილის შემდეგ მის პატივსაცემად შეიქმნა ე. წ. „ჯორჯიაშვილის მარში“, სადაც ასეთი სიტყვებია:

დედავ, ნუ სტირი, მამავ, ნუ სჩივი,

²⁹² ნ. ჟორდანიას, ჩემი წარსული, 1990 წ., გვ. 51.

²⁹³ ვ. მგელაძე, მოგონებები, 1972 წ., გვ. 89.

ხომ მოვაშორე ქვეყანას ჭირი,
მე მიყვარს ხელში წითელი ვაშლი,
მისი გორება, მისი გრიალი...

1921 წელს საქართველოს კინოეკრანებზე გამოვიდა პირველი ქართული საბჭოთა მხატვრული ფილმი „არსენა ჯორჯიაშვილი“ (სხვა სათაურია „გენერალ გრი-აზნოვის მოკელა“), რომელშიც მთავარ როლს ასრულებდა განთქმული რეჟისორი და მსახიობი მიხეილ ჭიაურელი. ფილმის გამოსვლის დროს ჯერ კიდევ ცოცხლები იყვნენ არსენას მშობლები, მეგობრები და ამბის უშუალო მონაწილენი. სურათმა იმ დროისთვის ჩვენების რეკორდი მოხსნა – მარტო თბილისში მოკლე ხნის განმავლობაში ის 155-ჯერ უჩვენეს. ასეთივე წარმატება ჰქონდა ფილმს საქართველოს სხვადასხვა რეგიონებში.

ექსპროპრიაცია ერევანსკის მოედანზე – ჯულაშვილი და მისი რაზმი

კაცისკვლა, ძარცვა-გლეჯა და გამოძალა საქართველოში ისეთ მასშტაბებს აღწევდა, რომ რევოლუციური პარტიების ხელმძღვანელობაც კი შიშობდა მოსახლეობაში აღძრული უკურეაქციის გამო. დროებით მაინც რომ შეეჩერებინათ ტერორი და ექსპროპრიაციები, პარტიების ცენტრალური კომიტეტები ამკრძალავ გადაწყვეტილებებს იღებდნენ, მაგრამ ადგილობრივი კომიტეტები (როგორც დუშეთის ხაზინის მაგალითზე ვიხილეთ) ხშირად უგულუბელყოფდნენ ამ დადგენილებებს და საქმიანობას განგრძობდნენ. „...კომიტეტს არავინ ეკითხებოდა და თუ კი დარწმუნდებოდნენ ვინმეს გამცემლობაში, იმაზე ბევრ გამოძიებას არ ნიშნავდნენ და თვითონ უსწორდებოდნენ. ასეთმა მასიურმა ტერორმა გასტანა თითქმის 1909 წლამდის...“²⁹⁴ ტერორისტი ვანო („ტურა“) მასიურად იგონებდა, რომ, როცა იოსებ იმედაშვილის მოკვლა გადაწყვიტეს, ნებართვისთვის სოციალ-დემოკრატიული პარტიის სამხედრო ორგანიზაციას მიმართეს. მათი პასუხი ასეთი იყო: „ეგეტ ხომ გრიაზნოვი არ არის, რომ ჩვენთან მორბიხართ, მოაშორეთ“²⁹⁵. ამის შემდეგ განხორციელდა იმედაშვილზე თავდასხმა, რის შედეგად ის მძიმედ დაიჭრა, მაგრამ თავდამსხმელები არ გასცა.

კოტე ცინცაძის მოგონებაში ვკითხულობთ: „შემაერთებელი ყრილობის გათავების შემდეგ (იგულისხმება რსდმპ-ს V კონგრესი სტოკჰოლმში 1906 წლის აპრილ-მაისში, სადაც მენშევიკ-ბოლშევიკური პარტიების ფორმალური გაერთიანება მოხდა – ი. მ., ლ. ხ.), რომელზედაც ექსპროპრიაცია მენშევიკების წყალობით დაგმობილი იყო, მე შევეკითხე ამხ. ბანვლიანს (ექსპროპრიატორთა ჯგუფის ხელმძღვანელი – ი. მ., ლ. ხ.): შეგიძლია თუ არა ანი „ექსეციტი“ გაკეთება, რას ამბობს ამის შესახებ ნოე ჟორდანიანი... მან მიპასუხა სიტყვა სიტყვის შემდეგი: „თუმცა ყრილობამ ოფიციალურად უარყო, მაგრამ შინაურულად ადგილობრივ ორგანიზაციებს მიანდო, სადაც შესაძლებელი იქნება, შეიძლება „ექსეციტი“-ს გაკეთებაო, ნოე ჟორდანიანაც ამ აზრისაა და თანახმაა ჩვენი მუშაობის გაგრძელებისო“²⁹⁶. 1906 წლის სექტემბერში ლენინი წერდა, რომ რუსეთში შეიარაღებული ბრძოლა მოცემულ დროის პერიოდში მიმართულია პირველ რიგში სამხედრო-საპოლიციო სამსახურის უფროსებისა და ხელქვეითების წინააღმდეგ, მეორე მხრივ კი – მთავრობისაგან და კერძო პირებისაგან ფულადი სახსრების კონფისკაციისკენ. რევოლუციური რაზმების მიერ ექსპროპრიებული ეს თანხები იარაღის შესაძენად და აჯანყების მოსაწყობად იყო საჭირო. ნ. ჟორდანიანი ერთგან სინანულით აღნიშნავდა: „...ამ მხრით ყველაზე უფრო მდიდარი გამოდგა ლენინი. მისი აგენტები (სტალინი

²⁹⁴ „რევოლუციის მატიანე“, 1924 წ., №4-5, გვ. 122-123.

²⁹⁵ გ. იმედაშვილი, იოსებ იმედაშვილის ცხოვრების გზებზე, 1984 წ., გვ. 88.

²⁹⁶ „რევოლუციის მატიანე“, 1923 წ., №4, გვ. 56.

* 1905 წლია დასაწყისში რსდმპ თბილისის მენშევიკურმა კომიტეტმა საბრძოლო რაზმების შეიარაღების ორგანიზაციის მიზნით სამხედრო-ტექნიკური კომისია შექმნა, ხელმძღვანელად ნოე რამიშვილი დაინიშნა.

და სხვები) ახდენდნენ ექსებს, მას აძლევდა დახმარებას მდიდარი ფაბრიკანტი მოროზოვი და სხვა. მათ ჩაიგდეს ხელში ყვირილის ხაზინიდან ნაღებული ფული. ერთი სიტყვით არ გავდეს დასაწყობებულ მენშევიკებს..."²⁹⁷ თუმცა „დასაწყობებული“ მენშევიკები ყრილობაზე ერთს ამბობდნენ და ექსპროპრიაციებს, დიდი ენთუზიაზმით ახდენდნენ. მაგალითად, 1906 წელს ყარსის გზაზე ფული გაიტაცეს, რომლის დროს მოკლეს მენშევიკი კარპუზ ჯიბლაძე. 1907 წელს სადგურ ლაშქში საფოსტო მატარებელს დაესხნენ, რაშიც მონაწილეობას იღებდნენ ვლასა მგელაძე და არჩილ თვარელიძე. თავდასხმისას მოკლეს მენშევიკი მუშები ცინცაძე, ხოფერია და არაბიძე. არჩილ თვარელიძემ ფულის დიდი ნაწილი მიითვისა და საზღვარგარეთ გაიქცა (ფულის მითვისებაზე ეჭვი ვლასა მგელაძეზე ჰქონდათ). მიუხედავად უთანხმოებისა, ბოლშევიკები არ მენშევიკები ხშირად ხმაშეწყობილად მოქმედებდნენ, ძარცვა იქნებოდა ეს თუ ტუსალების გათავისუფლება. ამის ნათელი დასტურია ქუთაისის ციხის ქვეშ გვირაბის გაყვანა და პატიმრების გაქცევა, ასევე მრავალი ერთად ორგანიზებული, მაგრამ ვერ განხორციელებული „ექსი“.

ბაჭუა კუპრაშვილი სტალინის განსაკუთრებულ როლზე ექსპროპრიაციების საკითხში წერდა: „სტალინის ინიციატივით და განკარგულებით 1906 წლის პირველ ნახევარში კავკასიის ბოლშევიკთა ბიუროსთან შექმნილ იქნა ბოლშევიკური სამხედრო ჯგუფი (Военная дружина), რომელსაც დაევა: აჯანყების შემდეგ ხალხში გაფანტული იარაღის მოკრება და მოვლა, ქალაქათ და სოფლათ იარაღ ქვეშ გავარდნილ ხალხის პატრონობა, მათ პარტიზანულ მოქმედებაში რევოლუციონურ ბოლშევიკური სისტემის შეტანა, მათგან საუკეთესოების გამორჩევა და ბოლშევიკურ ორგანიზაციებთან დაკავშირება. ციხეებიდან ჩვენი მონიწივე ამხანაგების გამოქცევის მოწყობა, მთავრობის იარაღის საწყობებიდან იარაღის გატაცება, სახაზინო ფულის ექსპროპრიაცია, პროვოკაციორების აღაგმვა, შავი რაზმის განადგურება“²⁹⁸.

ჯგუფთან სტალინის ურთიერთობა საიდუმლოების ბურჟუთ არის მოცული. კუპრაშვილის მიერ ოცდაათიანი წლების დასაწყისში დანერგილი მემორანდუმის გარდა, არსებობს ჯგუფის სხვა მეთაურთაგანის, კოტე ცინცაძის, ასევე ერთი მემორანდუმი, სადაც ისიც ლაპარაკობს სტალინის როლზე ჯგუფის ჩამოყალიბებაში, მაგრამ არა ისეთი დაჯერებული ტონით, როგორითაც ბაჭუა. ცინცაძე წერს, რომ ბანისიანი კარგი ორგანიზატორი ვერ გამოდგა და „მენშევიკ-ბოლშევიკურმა ჯგუფმა თავი ვერ გაართვა დასახულ ამოცანას, ამიტომ ცინცაძემ გადაწყვიტა შეექმნა „წმინდა ბოლშევიკური ჯგუფი“. ყველა მონიწივე ბოლშევიკი ამხანაგი დაეთანხმა ამ აზრს, „...განსაკუთრებით კობა (სტალინი)“²⁹⁹. იქმნება შთაბეჭდილება, რომ სტალინი ჯგუფის დაარსების ინიციატორი და სულისჩამდგმელი კი არ იყო, როგორც კუპრაშვილის მოგონებების ზემოთ მოყვანილი ნაწყვეტი გულისხმობს, არამედ ბოლშევიკური ხელმძღვანელობის ერთ-ერთი წევრი, რომელიც ჯგუფის შექმნას მხარს უჭერდა.

„ბოევიაა დრუჟინასთან“ სტალინის ასოცირებისას რამდენიმე მომენტი გასათვალისწინებელი. პირველი ის, რომ ცნობილ ერევნის მოედანზე (სწორია ერევანსკის მოედანი³⁰⁰) ძარცვის შემდეგ ჯგუფთან მისი პირდაპირი დაკავშირება სახარბიელო

²⁹⁷ ნ. ჟორდანი, ჩემი წარსული, 1990 წ., გვ. 55.

²⁹⁸ ბაჭუა კუპრაშვილი, შსსს ფონდი 8, აღწერილობა 2, ნაწილი 1, საქმე 28, გვ. 3.

²⁹⁹ რევოლუციის მატინანე“, 1923 წ., №4, გვ. 57.

³⁰⁰ 1829 წელს რუსი ჯარის მიერ თურქეთის ომში ერევნის ციხე-ქალაქთან გამარჯვების აღსანიშნავად ჯარის სარდალს პასკევიჩს თურქის გრაფის (გრაფ ერევანსკი) წოდება უბოძეს, ხოლო თბილისის მოედანს „პასკევიჩ-ერევანსკის“ სახელი უწოდეს. შემდგომში ის შეამოკლეს და მოედანს „ერევანსკის“ სახელიდა შერჩა. თ. კვიციანელი, ძველთბილისური დასახელებანი, 1985 წ., გვ. 35.

აღარ იყო თავად სტალინისთვის. საქმე ის არის, რომ ძარცვამდე რამდენიმე თვით დაღრ, უკვე ლონდონის V სოციალ-დემოკრატიების გაერთიანებულმა ყრილობამ, საბოლოოდ აკრძალა ტერორისტული აქტების მოწყობა. ამ ყრილობას ჯულაშვილიც დაესწრო და როგორც ირკვევა, ყრილობის მიმდინარეობისასაც ლენინთან ტერორისტული აქტებით ბოლშევიკური სალაროს შევსების გეგმის გაგრძელება შეათანხმა. ბოლშევიკური პარტიის დისკრედიტაცია რომ არ მოეხდინა, ჯგუფი ფორმალურად მას გამოეყო, სინამდვილეში კი პარტიის ცენტრის განკარგულებებს ასრულებდა.

მაგრამ როგორი იყო სტალინის მონაწილეობის ხარისხი ბანდის საქმიანობაში, გარდა მისი შექმნის ინიციატორობისა? დღემდე ბევრს დაობენ იმაზე, იღებდა თუ არა სტალინი ექსპედიტორობას. პირადად, ალბათ, არასოდეს, ამდენი ჭკუა იოსებ ჯულაშვილს კი ჰქონდა, რომ ამგვარ საქმეებში არ გამოჩენილიყო, მაგრამ ის რომ ამ აქტების სულისჩამდგმელი და „ლოკომოტივი“ იყო, ეს „ბოევიაი დრუჟინას“ ნევრთა მოგონებებით და სხვა მასალებითაც დასტურდება. ბარონ ბიბინეიშვილი წერდა, რომ „გამოჩენილი ლენინელი ამხ. სტალინი მკაცრად აკონტროლებდა ამ ჯგუფის ყოველ ნაბიჯს და განსაკუთრებით კამოს...“³⁰¹ „სინამდვილეში ვინ მონაწილეობდა ამ საქმეში? – წერდა იოსებ დავრიშვი, – ძნელი სათქმელია. თუმცა კამო ტერ-პეტრო-სიანთან საუბარზე დაყრდნობით, მე დანამდვილებით შემიძლია ვთქვა, რომ ეს „ექსი“ (ერივანსკის მოედანზე) სტალინის დაგეგმილი იყო“³⁰².

ასევე საინტერესოა ვანო ალიხანაშვილის 1934 წელს დაწერილი მოგონებანი, სადაც მოყვანილია 1904 წელს თბილისში გამართულ ერთ-ერთ კრებაზე სტალინის მიერ ნათქვამი სიტყვები: „...რუსეთის სოციალ დემოკრატიულ მუშათა პარტია უნდა შეუდგეს ქალაქის მუშებისაგან შეიარაღებული დრუჟინების შედგენას, ხოლო სოფ-ლათ რევოლუციონურ გლეხკაცობაში... ნითელი რაზმების შედგენა მოწყობას...“³⁰³. ჯგუფის კიდევ ერთი „მემუარისტის“, საშა დარახველიძის ორფურცლიან მოგონებებში, რომელიც 1957 წელს დაიწერა, ჯგუფის ინიციატორად და ხელმძღვანელად საერ-თოდ კამოა მოხსენიებული, არც ერთი სიტყვა სტალინზე. ასევე ბევრ მოგონებაში (ბაღდო მეზურნოვი, ბარონ ბიბინეიშვილი, ანეტა სულაქველიძე, ტატიანა ვულხი³⁰⁴) ექსპროპრიატორთა ჯგუფის ხელმძღვანელად და სულისჩამდგმელად კამო არის დასახელებული. ამ ფაქტს არ იზიარებს ბაჭუა კუპრაშვილი: „...ჩვენ სამხედრო ორ-განიზაცია რატომღაც კამოს ჯგუფს უძახიან, ეს არ არის მართალი. კამო ჯგუფში მივიღეთ ერთი წლის შემდეგ რაც ცენტრის მიერ ჯგუფი იყო შემდგარი. მან მხოლოდ ერთ საქმეში მიიღო მონაწილეობა და ყოველივე კი მას მიაწერეს. მე მგონი ეს იმით აიხსნება, რომ კამო როგორც კი დაიჭირეს ბერლინში, მაშინვე გამოტყდა რომ ამა და ამ საქმის მონაწილე ვარო და მიუღ დედამინაზე გაუფარდა სახელი. თვით ჯგუფის შემადგენლობა როგორც იყო კოტე, ვანო ინკირველი, ელისე ლომინაძე, დათიკო ჭი-აბრიშვილი და სხვები არც სამხედრო ჯგუფში მოსვლამდე და არც შემდეგ არ იყვენ კამოზე ნაკლები მომუშავენი, თუ არა უკეთესი და მათზე რამე გავლენა და ხელ-მძღვანელობა კამოსი ვერ გავრცელებულა. გარდა ამისა, სამხედრო ჯგუფში კამოს არც ერთი მთავარი ჯგუფის მონაწილე არ მოუყვანია და თუ როდისმე ამ სამხედ-რო ჯგუფმა რამე სახელოვანი საქმე ჩაიდინა, ამის მთავარი მიზეზი იყო არა კამო

³⁰¹ ბ. ბიბინეიშვილი, კამო, გვ. 348.

³⁰² J. Dav richewy. Ah! Ce qu' on rigolait bien avec mon copain Staline, 1979 წ., გვ. 237.

³⁰³ ვანო ალიხანაშვილი, შსსს ფონდი 93, აღწერილობა 2, საქმე 1153, ფურცელი 5.

³⁰⁴ რუსეთის სოციალ-დემოკრატიული პარტიის წევრს ვულხის „დრუჟინის“ წევრებთან მეგობრობა აკავშირებდა. XX საუკუნის 20-იან წლებში ის საბჭოთა კავშირიდან გაიქცა.

და რომელიმე ჯგუფის წევრი, არამედ ის მტკიცე ორგანიზაციული ფორმა ბოლ-შევიკურ მუშაობის ამიერკავკასიაში, რომელსაც ამ დროს ჩვენნი ხელმძღვანელები ატარებდნენ³⁰⁵. არ შეიძლება, არ აღინიშნოს კუპრამების ღვაწლი ამ ჯგუფის საქმი-ანობაში, განსაკუთრებით ერივანის მოედანზე ძარცვაში. მან ყველაზე მნიშვნელო-ვანი როლი შეასრულა, მაგრამ საკუთარ მოგონებებში ამის შესახებ სიტყვა არა აქვს ნათქვამი, თითქოს ამ ოპერაციის მეორეხარისხოვანი მონაწილე ყოფილიყო.

ხარიტონ შავიშვილი, ცნობილი მენშევიკი, სოც.-დემოკრატების ზემო ემელონის ხელ-მძღვანელებში მიღებული პიროვნება, რომლის გზები სტალინთან გადაიკვეთა 1905-6 წლებში ჭიათურაში, მაშინ, როცა ჯგუფის, როგორც სამხედრო ერთეულის, ჩამოყალიბება სანაყის სტადიაში იყო, აღწერს შეკრულ, დისციპლინირებულ ჯგუფს, საკუთარი შინაგანანების და ხელმძღვანელისადმი (კობა-სტალინი) უსიტყვო მორ-ჩილებით. სტალინის ჯგუფს ირონიულად „მფრინავ ციხესიმაგრეს“ ეძახდნენ, ასე-თი სახელი მან „მოულოდნელი გადაწყვეტილებების და სწრაფი გადაადგილებების“ გამო დაიმსახურა. ხალხთან არ ითქვიფებოდნენ, მოულოდნელად გამოჩნდებოდნენ და ასევე მოულოდნელად უჩინარდებოდნენ. მოძრაობდნენ ან მცირე ჯგუფებად, ან ყველა ერთად. არასოდეს ცალ-ცალკე... ისინი საკუთარ პრობლემებს შეძლებისდაგ-ვარად თვითონვე წვეტდნენ, საკუთარ „სამზარეულოში“ არავის ახედებდნენ, რათა ინფორმაცია ამ საიდუმლო დაჯგუფებების შესახებ გარეთ არ გაჟონილიყო³⁰⁶.

ასეთი სამხედრო ორგანიზაციები ავტონომიური სტრუქტურები იყო, რომლებიც საკუთარ საქმიანობას ხშირად პარტიას არ უთანხმებდნენ. ჩამოყალიბების შემდეგ სტალინი 1907 წელს ბაქოში გადავიდა და იქაც, სავარაუდოდ, მსგავსი „დრუჟინა“ შექმნა. „ოხრანკაში“ ბაქოს სამხედრო ჯგუფის შესახებ შეგროვილი ინფორმაცია გვიჩვენებს საშუალებას, პარალელები გავავლოთ თბილისურ „დრუჟინასთან“ და მისი საქმიანობის სპეციფიკასთან. ბაქოს „დრუჟინას“ საკუთარი წესდება ჰქონდა, ჩვენ მხოლოდ ზოგიერთზე გავამახვილებთ ყურადღებას. ბაქოს „ოხრანკის“ მასალების მიხედვით, ყოველი წევრი უსიტყვოდ ემორჩილებოდა ხელმძღვანელობას. წევრი ისჯე-ბოდა, თუ არ შეასრულებდა უფროსის ბრძანებას, არ შეინახავდა საიდუმლოებას, არ დაიცავდა „დრუჟინის“ წესდებას და პარტიის პროგრამას, ისჯებოდა აგრეთვე ის, ვინც ნაშოვნ ფულს გაფლანგავდა და შემჩნეული იქნებოდა ლოთობაში. სამხედრო ორგანიზაციიდან გამოსვლა ყოველი წევრისთვის დიდ პრობლემას წარმოადგენდა. თუ კი ვინმე მაინც დააპირებდა ჯგუფიდან წასვლას, მას უნდა დაეცვა საიდუმლოება, ხოლო ვინც ენაზე კბილის დაჭერას ვერ მოახერხებდა, სიკვდილი ელოდა. ასე რომ, „დრუჟინის“ ყოველი წევრი ასჯერ ანონ-დანონიდა, სანამ ორგანიზაციის დატოვებას გადაწყვეტდა³⁰⁷.

305 ბაჭუა კუპრაშვილი, შსსს ფონდი 8, აღწერილობა 2, ნაწილი 1, საქმე 28, გვ. 25.

306 K. Chavichvily. Patrie. prisons. exil, 1946 წ. გვ. 115.

307 www.ruthenia.ru/logos/number/56/10.pdf

*იყო შეთხვევები, როცა სამხედრო ჯგუფები თვითლიკვიდაციას ახდენდნენ ანდა წევრებს ითხოვდ-ნენ. ამის გამო ბოევიკები და დაქირავებული ტერორისტები ქუჩაში რჩებოდნენ. უსაქმოდ დარჩე-ნილები კი სოციალ-დემოკრატიული პარტიის მაღალჩინოსნებს დახმარებას სთხოვდნენ. ტერო-რისტმა ელადიმერ მანჯგალაძემ, მას შემდეგ, რაც ის ელისავეტპოლის ორგანიზაციამ დაითხოვა, სილიბისტრო ჯიბლაძეს მიმართა დახმარების თხოვნა, რადგან ის კუთვნილ ჯამაგირს – 30 მანეთს ვერ ღებულობდა, პოლიცია კი მას როტმისტრ რიტჩერის მკვლელობისა და სხვა საქმეების გამო კუდში დასდებდა. მანჯგალაძეს ვერაფერი მოუხერხეს. თბილისში სამთვანი ცხოვრების შემდეგ, თავი რომ შეენახა, მან ძარცვა-გლეჯას მიჰყო ხელი და გორამდგოვიც დაჭრა. ძარცვისა და მანა-ტაყისთვის პარტიამ ის საკუთარი რიგებიდან გარიცხა და ყოველნაირი პასუხისმგებლობა მოიხსნა.

www.intelros.ru/pdf/logos_05_2006/cdelman_137-153_logos.pdf

„თბილისური“ ბოლშევიკური „დრუჟინის“ პირველი წევრები იყვნენ ვანო კალანდაძე და ელისე ლომინაძე – სტალინის მიერ ბათუმის დემონსტრაციების დროს (1901-02 წლები) აღზრდილი მუშები. ჭიათურაში კობამ ასევე შემოიერთა და „გააბოლშევიკა“ ახალგაზრდები – კოტე ცინცაძე, ბაჭუა კუპრაშვილი და ივანე (სტეპუკო) ინჩკირველი. სულ მალე ჯგუფი 19 წევრით შეივსო, აქედან 4 ქალი იყო: მარო ბოჭორიძე³⁰⁸, ანეტა სულაქველიძე, ფაცია გალდავა და საშა დარახველიძე. ასევე ჰყავდათ სამი „დამხმარე“ ქალი, რომლებიც უშუალოდ ტერორისტულ ოპერაციებში მონაწილეობას არ იღებდნენ: კატია და ლუბა გოცირიძეები და ლუბა ბრეგვაძე. ხარიტონ შავიშვილის თქმით, ბოლშევიკები ყოველთვის გამოირჩეოდნენ იმით, რომ სამხედრო ჯგუფებში ქალები ჰყავდათ. და კიდევ ერთი დეტალი „დრუჟინის“ შიდა სამზარეულოდან: ფაცია გალდავა და ანეტა სულაქველიძე თურმე თავდავინწყებით იყვნენ შეყვარებული სტეპუკო ინჩკირველსა და კოტე ცინცაძეზე. ეს „ორი მწველი, შოლტივით მოქნილი, ქართველი ახალგაზრდა ქალი, მჩქეფარე შავი თვალებით“ გამბედაობით და რისკიან საქმეებში მონაწილეობით თავიანთ თანაჯგუფელ მამაკაცებს არ ჩამოუვარდებოდნენ, „კობას და მისი ლეიტენანტებისთვის ცეცხლში ჩაყარდებოდნენ“³⁰⁹. „დრუჟინის“ „დამხმარედ“ შეიძლება ასევე ჩაითვალოს საბჭოთა საქართველოს მომავალი რევიმერ-მინისტრი ბუფე მდივანი, პოპულარული თავისი ორატორული ნიჭით და ყველასთან გაშიზურებული თამადა და მომღბენი³¹⁰.

კუპრაშვილის თანახმად, „დრუჟინას“ ხელმძღვანელობდა აღმასრულებელი სამეული, რომელსაც ტერორისტული აქტების დაგეგმვა და ორგანიზება ევალებოდა. ტერაქტების დამუშავება-დაგეგმვაზე უკვე ჩამოყალიბებული ჯგუფი მუშაობდა და ნაკლებად დასაშვებია, რომ უშუალოდ სტალინი ხელმძღვანელობდა თითოეულ ტერორისტულ აქტს. ამის აუცილებლობა არ არსებობდა – ჯგუფის ხელმძღვანელობას ყველანაირი რესურსი და ძალა ჰქონდა, რომ სტალინის გადაჭარბებული ჩარევის გარეშე ნებისმიერი „ექსი“ თავიდან ბოლომდე დაემუშავებინა და შეესრულებინა. ამ საბუნების შემადგენლობაში დროგამოშვებით (შემადგენლობა, ალბათ, იცვლებოდა მისი წევრების დაპატიმრების მიხედვით) შედიოდნენ ვანო კალანდაძე, კოტე ცინცაძე, ბაჭუა კუპრაშვილი, დათიკო ჭიაბრიშვილი და კამო. ეს უკანასკნელი ჯგუფს 1907 წლის გაზაფხულში შეუერთდა.

მოგვიანებით მათ შეისწავლეს ქალაქში თუ სოფლად მოქმედი „მოანარქისტო“ ჯგუფების შემადგენლობა და დირექტივის თანახმად საუკეთესონი საკუთარ ჯგუფში გადაიყვანეს: აფრასიონ მერკვილაძის რაზმიდან – თომა ჩუბინიძე, ისმაილ ჭუმბურნიძე, ამბაკო სამანიშვილი³¹¹; მთანმინდის ჯგუფიდან – დათიკო ჭიაბრიშვილი, არკადი ელბაქიძე (აგორდია), სამსონ ტომარაძე და ჩიქოვანი³¹². ჯგუფს შეემატა ქუთაისელი

³⁰⁸ მოგონებებში ბოჭორიძეები: მიხო, მარო, ბაბე და ნინო ხანდახან შეცდომით მოხსენიებული არიან, როგორც ბოჭორიშვილები.

³⁰⁹ Chavichvily patrie. prisons. exil, 1946 წ. გვ. 116.

³¹⁰ ჯგუფში არსებული მეგობრული და ახლობლური ატმოსფეროს საპირისპიროდ, მისი წევრები პარტიკია და მისი ინტერესების მტრების მიმართ სასტიკი უღმობლობით გამოირჩეოდნენ. ასე მაგალითად, ერთხელ ფულის ქურდობაში ეჭვმიტანილი გლეხი ელისე ლომინაძემ მთელ ღამეს აწამა, თუმცა საბოლოოდ გაიკვია, რომ ის არაფერ შუაში იყო. როცა უთხრეს, დაანებე თავი, ბოლოს და ბოლოს თვითონ მოიხმაროს ეს ფულიო, გაკვირვებულმა ლომინაძემ წამოძახა – ეს ხომ პარტიის ფულიაო!

³¹¹ ისინი ბათუმში გაამწესეს, მაგრამ პროვოკატორის მეშვეობით სამივე დაიჭირეს (თუმცა სამივე ციხიდან გაიქცა).

³¹² ტომარაძე მალე დაიჭირეს, ჩიქოვანი კი დაწნაკებმა მოკლეს.

ბოლშევიკი აკაკი დალაქიშვილი და თეოფილე კაკრიაშვილი, იაკოფა, მარტია დოლაძე... ჯგუფის წევრების დიდი ნაწილი დასავლეთ საქართველოდან იყო და ერთმანეთს ყმაწვილობიდან იცნობდა, ნაწილი კი გორიდან იყო.

ჯგუფის წევრები შეიარაღებული იყვნენ მაუჭურებით და კამოს მიერ უცხოეთიდან ჩამოტანილი „მარსის“ სისტემის რევოლვერებით, მათ მრავლად მოუპოვებოდათ ასაფეთქებელი მასალები და ბომბები: კამომ პეტერბურგიდან ჩამოიტანა ე. წ. „სტოლიპინის სისტემის“ დინამიტი³¹³.

ტერაქტების, ექსპეზის, არალეგალური ლიტერატურის ბეჭდვის, გადატანისა და გავრცელებისაგან თავისუფალ დროს ჯგუფის წევრები იარაღიდან სროლასა და ბომბების ცხორცნაში ვარჯიშობდნენ. ეს უმთავრესად კუს ტბის მიდამოებში ხდებოდა.

ახლად შექმნილი „დროუნიამ“ თავდაპირველად იარაღის შეგროვება დაინაყო, ჭიათურის ახლოს, სოფელ სევრში და ხარაგაულის სოფლებში ეანსა და ფარცხანაში კი იარაღის საწყობი მოანყო. მაგრამ საწყობებში მხოლოდ შუშხანები იყო, „ქალაქში გამოსადეგი იარაღი ცოტა გვექონდა – ერთი ბრაუნინგი და რამოდენიმე ნაგანი“. ცოტა „ნელში რომ გასწორებულყვენ“, პატარა ექსპროპრიაცია მოანყვეს. დღევანდელი თავისუფლების მოედანზე, ქალაქის აღმასკომის (ყოფილი მერიის შენობის) ქვეშ ქალაქის ლომბარდი იყო განთავსებული. ამ ლომბარდის დაყარალება რამდენჯერმე სცადეს მენშევიკებმა, მაგრამ ამაოდ. კოტე ცინცაძის თქმით: „...ჩვენ გადავწყვიტეთ ჩაგვედინა გიჟური საქმე...“ მამინ თბილისის ქუჩები ჯარით და პოლიციელებით იყო სავსე და ლომბარდის დაყარალება მართლა „გიჟური“ საქციელი იყო.

ეს საქმე ჯგუფის სამმა წევრმა – კოტე ცინცაძემ, ვანო კალანდაძემ და ელისე ლომინაძემ ჩაატარა... დილის ათ საათზე ისინი ლომბარდში შევიდნენ და მისაღებ ოთახში დაინყეს ცდა. ნახევარ საათში შემოიტანეს ფულით სავსე ყუთი, თავდამსხმელები მიცვიდნენ და თანამშრომლებს ყუთი ხელოდან გამოსტაცეს. გარეთ გასვლა რომ მოინდომეს, კარი გარედან ჩაკეტილი დაუხედათ. მაშინ მათ ველიამინოვის (დადიანის) ქუჩის მხარეს ფანჯრები ჩაამტერიეს და ქუჩაში გადახტნენ. ერივანსკის მოედნის მხრიდან პოლიციამ სროლა აუტყნა, მათ საპასუხო ცეცხლი გაუხსნეს, სიარგებლეს არეულ-დარეულობით, ხალხის პანიკით და მიიმალნენ. ყუთით სულ ორ-ნახევარი ათასი აღმოჩნდა (უფრო მეტს მოელოდნენ). „...ამ ფულების ნაწილი გადაეცით ფრაქციას... ნაწილი ფულის ფონდათ გადავდევით კიდევ უფრო სერიოზული „ექსის“ მოსახდენათ...“³¹⁴

ამ „ექსის“ შემდეგ ბორჯომ-ახალციხის გზაზე საფოსტო ეტლზე თავდასხმა მოეწყო, ამ საქმეში ბორჯომის მენშევიკებიც იღებდნენ მონაწილეობას, რადგან ფოსტაში თავისი ხალხი ჰყავდათ. „...ჩვენ იძულებულიები გაეხდით, მათთან ერთად გაგვეკეთებია ეს საქმე“. ისინი შეიარაღდნენ და ბორჯომთან ახლოს ეტლს დახედნენ. ურთიერთსროლაში ურიადნიკი მოკლეს, ფოსტის დამცველი კაზაკები განაიარაღეს,

³¹³ ეს დინამიტი პირველად ესერებმა 1906 წლის 12 აგვისტოს რუსეთის პრემიერ-მინისტრზე პეტრე სტოლიპინზე თავდასხმისას გამოიყენეს. მაშინ 100-ზე მეტი კაცი დაზარალდა: 27 ადგილზე დაიღუპა, 33 მძიმედ დაიჭრა, რომელთაგან ზოგიერთი მოგვიანებით გარდაიცვალა. აქედან მიიღო ამ დინამიტმა ეს სახელწოდება. საინტერესოა, რომ ამ ტერაქტისთვის ბომბები მაქსიმ გორკის მოსკოვის ბინაში მზადდებოდა კრასინის „სამხედრო ტექნიკური ჯგუფის“ მიერ, ხოლო სახელსნოს დაცვა კამოს ევალებოდა.

³¹⁴ „რევოლუციის მატანე“, 1923 წ., №4, გვ. 57.

*ამ ლომბარდთან და ერივანსკის მოედანთან დაკავშირებულია ერთი შემთხვევა. 1907 წლის 9 აგვისტოს დღის ორ საათზე ვიღაც უცნობმა რამდენჯერმე ესროლა მოედანზე ერთ ხილის დუქნის პატრონს და გაიქცა. მას ცენზოსანი სტრაჟნიკი დაენია. უცნობმა ცხენი დაჭრა, ამასობაში იქ გამოჩენილმა პატრონმა თავდამსხმელი მოკლა. მოედანზე მყოფი შიშისაგან თავზარდაცემული ხალხი ლომბარდში შეცვივდა. ყარაულს ეგონა, ეს ლომბარდზე მორიგი თავდასხმაა და სროლა ატყნა.

მაგრამ ფული ვერ წაიღეს, რადგან დაჭრილმა და დაფეთებულმა ცხენებმა ფულიანი „ტარანტაში“ გაიტაცეს. „დაეჩრით პირში ჩალა-გამოვლებულები.იარაი ისევ იქაურ საწყობში შევინახეთ. მე, კოტე და ვანო კალანდაძე წავედით ჭიათურლებთან ერთად ჭიათურაში, არ გვინდოდა ხელცარიელი დავბრუნებულიყავით ტფილისში. უფროსი ამხანაგებისა გვრცხვენოდა“, – იხსენებდა კუპრაშვილი.

ჭიათურაში გადანაწილეს თავდასხმა საფოსტო მატარებელზე, რომელსაც პარასკეობით შორაპნიდან ფული მიჰქონდა. პირველი ცდა უშედეგოდ დასრულდა. მომდევნო პარასკევს ისევ დახვდნენ მატარებელს. პატარა ხიდი წინდანი რელსებით გადახერგეს. როცა მატარებელი გამოჩნდა, „...ვანჯინეთ წითელი ფარანი, გაჩერების მაგივრად უფრო უმატა სვლას, დაეტაკა ჩვენს ამობირგულ ხიდს, რელსები მიღწე-მოღწენა და უვნებლათ გადალახა ეს დაბრკოლება, თანაც მატარებლიდან სროლა აგვიტყხეს. წინა კვირის თავდასხმის გამო მცველები გაუძლიერებიათ – ფოსტის ვაგონს თან ახლდა ცალკე ვაგონი სალდათებით სავსე... ეს მეორედ მიგვდის ხელიდან მატარებელი“. ბაჭუა გამოუდგა მატარებელს, შეხტა ორთქლმავალზე და გააჩერებინა. შემინებული მცველები ვაგონებში ჩაიკეტნენ და იქიდან განაგრძეს სროლა. ჯარისკაცები შეტევაზე რომ წამოსულიყვნენ, რიცხვობრივი უპირატესობის გამო თავდამსხმელებს იოლად მოიგერიებდნენ. თუმცა ასე არ მოხდა, ვაგონში ჩაკეტილი დაცვა ორი საათის განმავლობაში ისროდა, საბოლოოდ თავდამსხმელებმა მოახერხეს სალდათების განიარაღება, ოფიცერი გაპარულიყო. რომ მოგვედომებია ყველა ჯარისკაცს ამოვწყვეტდით, მაგრამ ზედმეტ მსხვერპლს ვერიდებოდითო, – იხსენებდა კუპრაშვილი. ორმხრივი სროლისას ერთი ჯარისკაცი და ერთი ჩაფარი დაიღუპა. ნადავლმა ოცდაათი ათასი შეადგინა, რომელიც ცენტრს ჩააბარეს უკლებლივ. ბევრი სხვა პარტიის სამხედრო დაჯგუფებებისგან განსხვავებით, ეს ჯგუფი ნადავლს თითქმის უკანასკნელ კაპიკამდე აბარებდა ცენტრს. მოპოვებული თანხის მცირე ნაწილს, რომელსაც ჯგუფი იტოვებდა, ერთადერთი დანიშნულება ჰქონდა – შემდეგი ტერორისტული აქტის ან „ექსის“ მოზადება. ჯგუფის წევრები რომ მატერიალურ გაჭირვებას განიცდიდნენ და ნაძარცვ ფულს ხელს არ ახლებდნენ, ამის შესახებ ბევრს უნერია. ტატიანა ვულიხი იხსენებს, როგორ მივიდა ერთხელ „დრუჟინის“ კონსპირაციულ ბინაზე, სადაც ელისე ლომინაძე სანოლში დახვდა. შეკითხვაზე, ავად ხომ არ ხარო, ლომინაძემ უპასუხა, რომ მისი შარვალი იმდენად გაცვეთილია, რომ კაპიტალურად შეკეთება სჭირდება, ამიტომაც იძულებულია სანოლში იწვეს³¹⁵.

შემდეგი ტერორისტული აქტი კი ქუთაისის ხაზინის გაძარცვას ითვალისწინებდა. თავდასხმამდე ცოტა ხნით ადრე ცინცაძე დაიჭირეს, რომელიც საბოლოოდ ციმბირში გადაასახლეს. იქიდან გამოქცევას რამდენიმე თვე დასჭირდა. კოტეს ადგილი დაიჭირა კამომ, რომელსაც პეტერბურგში გაეგო ჯგუფის არსებობის შესახებ და მას თავდასხმის წინა დღეს შეუერთდა. ალბათ, უნდა ვიგულისხმოთ, რომ კამოს სტალინმა გაუნია რეკომენდაცია.

კოტეს დაპატიმრება არ ყოფილა მთავარი დაბრკოლება. აღმოჩნდა, რომ ხაზინაში ქალაქის ფული საკმარისად არ იყო. ენყო მილიონამდის ოქრო, რომელიც 252 ფუტის ინონიდა, ასეთი სიმძიმის ნაღება კი შეუძლებელი იყო. მათ ხაზინაში თავისი კაცი ჰყავდათ და გადანაწილეს, დაეცადათ, სანამ თანხა მილიონამდე შეგროვდებოდა. ასე და ორასი ათასის გულისათვის არ აპირებდნენ თავდასხმის მოწყობას. ქუთაისის ძარცვის დაჩქარება „ცენტრის“ მოთხოვნა იყო – მზადდებოდა ლონდონის სოციალ-დემოკრატიკა კონგრესი და ლენინმა პირადად დაავალა კავკასიის ბოლშევიკურ ორგანიზაციას კონგრესის დასაფინანსებლად „ექსის“ მოხდენა.

315 ურნალი „В.И.А.С.“, №28, 2002 წ.

„...ჩვენი ჯგუფის არსებობა უკვე იცოდა ლენინმა. ასეთივე ჯგუფები მონყობილი იყო რუსეთის სხვადასხვა ადგილას ვარშავაში, ურალზე, მაგრამ არ გამოდგენ. პირველი „ექსი“ კი მოახდინეს და დაიბაღენ, ფულიც მგონი თვითონ საქმის მონაწილეებმა დაიყვეს. როგორც ვიცი, ლენინმა აცნობა ამიერკავკასიის ცენტრს, რომ თუ ამ უკანასკნელს ეშვებოდა ფული, გადაეცათ ცენტრისთვის ყრილობის საჭიროებისათვის“³¹⁶.

მათ „დიდ საქმეს“ აღარ დაუტყდადეს და ქუთაისში საფოსტო ეტლს თავს დაესხნენ. „ლინიეკას“, რომელსაც ფული მოჰქონდა, ბაჭუა კუპრაშვილმა ბოძი ესროლა, რასაც მეეტლე და ცხენი ემსხვერპლა, ხოლო მოლარე მსუბუქად დაიჭრა. გაიტაცეს 15 ათასი მანეთი და პეტერბურგში გაგზავნეს. ალექსანდრა (საშა) დარახველიძის მოგონებებში ვკითხულობთ: „ჩვენ მონაწილეობა მივიღეთ ქუთაისის ბანკის ექსპროპრიაციაში. ჩვენ ვიცოდით, თუ როდის უნდა წამოეღოთ ბანკიდან ფული ეტლით. წინასწარ შედგენილი გეგონდა გეგმა. როგორც კი ეტლი დავინახეთ, ვანო კალანდაძემ გაისროლა რევოლვერი, ყუთი, რომელშიც იყო 15 000 მანეთი, ჩავიგდეთ ხელში, ვანო კალანდაძემ გადაიცვა სხვა ტანსაცმელი და გაიქცა, ფული კი მე და ანეტამ ტანზე შემოვიკარით და გორაზე დანიშნულ ადგილზე ცაცხებებში, დიაკვნის სახლში მივიტანეთ. იქ მოვიდნენ კამო და ბარონ ბიზინეიშვილი და ის ფული მათ ჩავაბარეთ“.

1907 წელს ჯგუფმა „დიდი ექსპროპრიაციისთვის“ დაიწყო მზადება, რაზეც მათ პრინციპული თანხმობა ბოლშევიკების ბიუროსაგან და თვით ლენინისაგან ჰქონდათ მიღებული. ვინაიდან პარტიული ყრილობის დადგენილებით ექსპროპრიაცია აკრძალული იყო, ჯგუფი, როგორც აღვნიშნეთ, ფორმალურად გამოყოფილი იყო პარტიისგან, ფაქტობრივად კი არასოდეს გაუნყვეტია კავშირი პარტასთან და ყოველი ექსპროპრიაციისა თუ ძარცვა-გლეჯის შემწეობით შეძენილი ფული უკლებლივ პარტიას გადაეცემოდა.

„ექსი“ დიდი რაოდენობით თანხის (მილიონ მანეთზე ნაკლები არ უნდა ყოფილიყო) მოპოვებას ითვალისწინებდა და ეს უფრო შესაძლებელი თბილისში იყო. ჯგუფმაც იქ მოიყარა თავი და დაიწყო თავდასხმის ობიექტების შერჩევა. ჯგუფის წევრები კომუნის პრინციპით ცხოვრობდნენ – რაც გააჩნდათ, ყველასი იყო. „ეს ხალხი იყვნენ უმშვერელი და განიცდიდნენ მატერიალურ გაჭირვებას, მეტი მათგანი თავს იყრიდა ბოჭორიძის ბინაზე ჩუღურეთში, გონჩარნის ქუჩაზე 25 და სანყალ ბაბეს და მაროს უხდებოდათ მათი გამოკვება, თუმცა თვითონაც ცხოვრობდნენ დიდი გაჭირვებით. ინკირველი (სტეპკო) ოპერაციის შემდეგ ლოგინად იწვა, ვერ მონაწილეობდა საქმეებში, ამიტომ შემოიკრიბა მუშური წრე და მათ ამეცადინებდა.“³¹⁷

„ობიექტის“ შერჩევა ადვილი არ იყო, „დრუჟინა“ ბოლშევიკური ცენტრის ზოგად დირექტივას ემორჩილებოდა, თუ ვისი გაძარცვა იყო შესაძლებელი – კერძო ბანკების „დატერორება“ აკრძალული იყო, თუმცა ასეთ ბანკებში, როგორიც იყო „ვოლჟსკო-კამსკი“, „აზოვო-დონსკოი“, „კომერჩესკი“, ხშირად ინახებოდა დიდი რაოდენობის თანხა და ამ ბანკებზე თავდასხმაც უფრო ადვილი იყო, ვიდრე სახელმწიფო ბანკებზეო, – წერდა ბაჭუა კუპრაშვილი. ამასთან არსებობდა პარტიათაშორის რალაც შეთანხმება ერთმანეთის გავლენის სფეროში ჩაურევლობის შესახებ“³¹⁸.

³¹⁶ ბაჭუა კუპრაშვილი, შსსს ფონდი 8, აღწერილობა 2, ნაწილი I, საქმე 28, გვ. 4-10.

³¹⁷ იქვე, გვ. 62

³¹⁸ როგორც წესი, ყოველ რევოლუციურ პარტიას საზოგადოების ყველა ფენაში (ხელისუფლებაშიც) საკუთარი თანამგრძობები ჰყავდა, რომლებიც, ნებისით თუ უნებელით, დაკისრებულ გადასახადს იხდიდნენ. ცნობილია, რომ „ვოლჟსკო-კამსკის“ ბანკის დირექტორი სტეფანე მაზმანოვი თავისი ხელით აძლევდა გარკვეულ თანხას კამოს და მის ამქრებს, რათა მისთვის თავი დაენებებინათ, ელენე მაზმანოვის მოგონებიდან. სოციალ-დემოკრატებს მომხრეები ქალაქის „დუშაშიც“ რომ ჰყავდათ, ამას ადასტურებს თბილისის „ობრანკის“ განყოფილებიდან გაგზავნილი პატაკი პეტერ-

იზავდროულად დიდი საქმისთვის, რაც ჩაფიქრებული შექონდათ, განსაკუთრებული იარაღი იყო საჭირო, ამიტომ კამო პეტერბურგში გაემგზავრა მის ჩამოსატანად, რომელიც კრასინს უკვე მომზადებული შექონდა. ფინეთში „...ამხ. ლენინმა გააცნო კამოს ამხ. ნიკიტსკი (კრასინი) რომელიც კამოს სიტყვით იყო ხიმიკი, რომელთანაც შეისწავლა ყუმბარების (ბომბების) გაკეთება და სხვა და სხვა ასაფეთქებელი მასალების მოხმარება...“³¹⁹ 1907 წლის გაზაფხულზე კამომ ფინეთიდან ჩამოიტანა ასაფეთქებელი მასალები, დინამიტი და „მარსის“ სისტემის რამდენიმე რევოლვერი. „...კამო ძალიან კმაყოფილი იყო, რადგან უყვარდა მონიწივე ამხანაგების წინაშე თავის გამოჩენა და ცოტათი ნატარაბახება“. ჩამოტანილი იარაღისათვის წინდანი მოამზადეს ორი საწყობი. ერთი განალაგებული იყო მიხაილოვის ქუჩაზე მდებარე ბინაში, სადაც ბაჭუა და ვანო კალანადაძე ცხოვრობდნენ, „როგორც კინაზები“, მეორე კი – აბასაბადის მოედანთან (დღევანდელი ლ. გუდიაშვილის მოედანი), ბაღდოსთან³²⁰. სხვათა შორის, საქმეში ჩართული იყო კამოს 12 წლის გიმნაზიელი და არუსიაკა, რომელსაც ყუმბარები და სხვა ასაფეთქებელი ნივთიერებები სასკოლო ჩანთით გადაჰქონდა, „...და უკეთუ დაიჭერდნენ, უნდა ეთქვა, რომ ქუჩაში ვიპოვნე და არ ვიცი რა არისო“³²¹. მოგვიანებით არუსიაკა კოტე ცინცაძის მეუღლე გახდა. ამ უკანასკნელმა „დიდ ექსპმ“ მონაწილეობა ვერ მიიღო, რადგან ციხეში იჯდა.

დანერჩობით რომ სცოდნოდათ, როდის და რამდენი თანხა მოძრაობდა, საჭირო იყო საკუთარი კაცი ჰყოლოდათ ფოსტაში. ასეთი კაცი მალევე იპოვნეს – გიგო კასრაძე, იოსებ ჯულაშვილის გორელი მეგობარი. ერთ დღეს ჯულაშვილმა კასრაძეს სახლში მიაკითხა. „...1907 წ. თვე და რიცხვი კარგად არ მახსოვს, ჩემს ბინაზე მოდის დიდი ინის უნახავი ძვირფასი ამხანაგი სოსო ჯულაშვილი... მოკითხვის შემდეგ მითხრა, რომ შენ ხვალ დილით 9 საათზე მოხვალ „სევერნი ნომრების“ ქვეშ ადამიას საჩაიეში, სადაც გაგაცნობ საუკეთესო მებრძოლ ამხანაგებს და მათთან ერთად იმუშავებო... დილით, დაიკრებიანამებრ მივანაგე ადამიას საჩაიეს. ამხანაგი სოსო იქ დაიხვდა, მოუსხედით მრგვალ მაგიდას, ამხანაგმა სოსომ მოითხოვა ორი ჭიქა ჩაი, არ გაიარა ხუთმა ნუთმა ჩვენს მაგიდას შემოუსხდნენ ორი უცნობი (ერთი მათგანი კამო იყო – ი. მ., ლ. ხ.), მათ მოითხოვეს მანონი და რძე, ამხანაგმა სოსომ პირველად დაარღვია მყუდროება და შემოსწრებულ უცნობთ უთხრა: „აი, ეს ის გიგო კასრაძეა, რომელზედაც თქვენთან ბევრჯერ მქონია სჯა-ბაასი და თქვენთან იმუშავებსო, მე კი ამაღამ მივდივარო...“³²²

კასრაძემ ზედმინეებით შეისწავლა ფულის გადაზიდვის მარშრუტები და ინფორმაციას ჯგუფს აწვდიდა: მან მიიღო ცნობა, რომ ერივანსკის მოედანზე შეიდასი ათასი მანეთის ოდენობის ფულს წაიღებენ ბანკში. ჯგუფის უმრავლესობა თავდასხმის წინააღმდეგ წავიდა, რადგან მილიონი არ იყო... მეორე ცნობით, ქალაქ ჯულფისაკენ მატარებლით მილიონ ასი ათასი მიჰქონდათ. მათ მაშინვე დაიწყეს მზადება. მაგრამ

ბურჯის პოლიციის დეპარტამენტში, სადაც ნათქაამა, რომ 1905 წლის 23 იანვრის თბილისის დემონსტრაციის შემდეგ ქალაქის სათათბიროს ხმოსნების (დეპუტატების) მიერ წამოწეული იყო საკითხი, „...ქალაქის ბიუჯეტიდან გაეღოთ ორი ათასი მანეთი უნესრიგობის დროს დაშვებულთათვის. საკითხი სასჯერ გადაიდო, ამის გამო ხმოსნებმა თვითონ შეაგროვეს 107 მანეთი და თანხა მელანია ჩოდრიშვილის საშუალებით სოციალ-დემოკრატიულ პარტიას გადასცეს. დროთა განმავლობაში პარტიების მიერ ჩადენილი ადამიანთა მკვლელობისა და ძარცვა-გლეჯის ფაქტები საგრძნობლად ამცირებდა რევოლუციის მხარდამჭერთა რიცხვს.

³¹⁹ ბაღდასარ (ბაღდო) მეზურნოვი, შსსს ფონდი 8, აღწერილობა 3, საქმე 797, გვ. 2.

³²⁰ ბაჭუა კუპრაშვილი, შსსს ფონდი 8, აღწერილობა 2, ნაწილი 1, საქმე 28, გვ. 12.

³²¹ „რევოლუციის მატინე“, 1924 წ., №2-3, გვ. 18.

³²² გიგო კასრაძე, შსსს ფონდი 8, აღწერილობა 2, საქმე 22, გვ. 33-34.

მზადების დროს ბაღდო მეზურნოვის ბინაზე მცხოვრებ კამოს ხელში კავსულა აუფეთქდა და თვალს დაუზიანდა. ამის გამო მან მატარებლის გასვლამდე ყუმბარების დამზადება ვეღარ შეძლო... ცოტა ხანში კიდევ მიიღეს ცნობა, რომ ბათუმისაკენ მიიღოს სამასი ათასი მიჰქონდათ, მაგრამ ეს საქმეც ჩაიშალა. „...ერთ მშვენიერ მბათის საღამოს... პეტერბურგიდან მივიღეთ „მონეტნი დეორიდან“ ტფილისის ბანკის სახელზედ ორი ტილოს პარკი დალუქული, ერთი 100 000 მანეთის, მეორე 150 000 მან. სულ ორივე 250 000...“³²³ კასრაძემ ეს ამბავი მაშინვე კამოს გააგებინა. ჯგუფისათვის ეს პატარა თანხა იყო, მაგრამ სხვა გამოსავალი არ ჰქონდათ, პარტიას ფული სჭირდებოდა და თანაც დროთა განმავლობაში დინამიტი უფუჭდებოდათ. ალექსანდრა დარახველიც ცნობით, ექსპროპრიაციის გეგმა სტეპკო ინსტირეველმა, ბაჭუა კუპრაშვილმა, კამომ და ვანო კალანდაძემ შეადგინეს.

საყურადღებოა, რომ მომავალი ექსპროპრიაციის შესახებ ქალაქში ხმები იყო გავრცელებული. დანამდვილებით ასახელებდნენ ექსპროპრიაციის ადგილსაც და დროსაც. ამის შესახებ თბილისის საოლქო სასამართლოს პროკურორმა დანერძილებითი მასალები წარუდგინა იუსტიციის მინისტრს. ამ უკანასკნელმა ის დაამშვიდა და დაარწმუნა, „რომ ეს ხმები უსაფუძვლოა, რომ მას არ მოუპოვება ამის შესახებ აგენტურის არაერთარი ცნობები“³²⁴. ვორონცოვ-დაშკოვისადმი მიწერილ წერილში სტოლიპინიც ამბობს, ბანკების მოსალოდნელი ძარცვის შესახებ ხმები დადიოდა. სახელმწიფო ბანკის მმართველი პოლიცემისტრის და პოლიციის სთხოვდა, გამაფრთხილებელი ზომები მიეღოთ, მაგრამ ყური არავინ ათხოვდა. სტოლიპინი საგამოძიებო მასალებზე დაყრდნობით იმ ფაქტზეც ამახვილებს ყურადღებას, რომ 13 ივნისს, დილით, ფულის ტრანსპორტის გავლის წინ, მოედანზე საეჭვო პირები გამოჩნდნენ, რომლებიც იქ მყოფ ხალხს მოედნის დატოვებას ურჩევდნენ, ამის მიუხედავად, იქვე მყოფ პოლიციელთა და კაზაკთა პატრულს არაფერი შეუმჩნევიანო. გადმოცემით, „ერთ-ერთი პირი“ ოფიცრის ტანისამოსში გამოწყობილი კამო იყო, რომელიც ყველა აფრთხილებდა, მოედანზე არ შეჯგუფებულიყვნენ. ეს ფაქტი კიდევ ერთხელ მოწმობს, რა არეულობა სუფევდა იმ დროს თლიანად სახელისუფლებო სისტემაში, რა დაუსჯელობის სინდრომი არსებობდა და როგორ თავებდურად და გამომწვევად იქცეოდნენ რევოლუციონერები: დღისით-მზისით, ჯარისა და პოლიციის ცხვირწინ, მძარცველები ყველას მოსალოდნელი ყაჩაღობის შესახებ აფრთხილებდნენ, თითქოს საქეიფოდ ეპატიუებოდნენ.

1907 წლის 13 ივლისის დილას სახელმწიფო ბანკის მოლარემ და მოანგარიშემ ხუთი კაზაკისა და ორი ეტლის თანხლებით ფოსტიდან 250 000 მანეთი მიიღეს და ბანკში ბრუნდებოდნენ. ბაღდო მეზურნოვი (მოგონებებში ის წერს, „ამხანაგმა სტალინმა არ მიორჩია საბრძოლო ჯგუფში შესვლა“, მაგრამ მიზეზს არ ასახელებს) იხსენებდა: „...7 ივლისს ორშაბათ დღეს... გამოუედიოთ ერენის მოედანზე და ყველამ დაეიკავეთ თავის დანიშნული ადგილები. რვა ყუმბარა იყო გამზადებული რომლებიც უნდა გადაეგდოთ ეტლზე და ეტლზე მჯდომს კაზახებზე და კიდევ ცხენოსან კაზახებზე რომლებიც აცილებდნენ ეტლს. მე ამ დროს ვიდექი ამიერკავკასიის შტაფის პირდაპირ ბაევიო ყუმბარით, რომელიც მე უნდა გადაეგდო იმ შემთხვევაში თუ რომ ამ დროს შტაფის კარებიდან გამოსულიყვნენ ჯარისკაცები. როდესაც ეტლი გამოჩნდა პუშკინის სკვერთან... კამო და მარო ბოჭორიშვილი... იდგნენ ქალაქის სამართველოს მარცხენა მხარეს შესავალ ქუჩის დასაწყისში, სადაც დამზადებული

³²³ გიგო კასრაძე, შსსს ფონდი 8, აღწერილობა 2, საქმე 22, გვ. 36-37.

³²⁴ „რევოლუციის მატანე“, 1924 წ., №2-3, გვ. 274-277.

ეტლი იდგა. რომელიც ეკუთვნოდა ზახარა ზალინოვს, მეეტლეთ იყო ამხანაგი დოდე, რომელმაც იცოდა თავისი მოვალეობა³²⁵. ექსპროპრიაციის ერთ-ერთი მონაწილე, „ძველის“ ფსევდონიმით ცნობილი, დანჯრილებით აღწერს ამ ამბავს: „ფოსტის უნდა განივლო ლორის-მელიქოვის (დღევანდელი გუდიაშვილის) ქუჩა, ერევნის მოედანი და მოსულიყო ფრეილინის (სულხან-საბა ორბელიანის) ქუჩაზე. ერევნის მოედანი თავდასხმისთვის ყველა მოხერხებულ პუნქტად ვთვლიდით, მიუხედავად იმისა, რომ იგი განსაკუთრებული გულმოდგინებით იყო დაცული. მოედანზე გამუდმებით იდგა რამდენიმე ბოქალე მათი თანაშემწეებით და დაბალი ჩინის პოლიციელებით. ქალაქის გამგებობის შენობის წინ იდგა შვიდი კაზაკი. ყოველი ქუჩის თავში იდგა თითო პოლიციელი და ორ-ორი კაზაკი. მოედანზედ და მახლობელ ქუჩებში დაიდოვნენ კაზაკთა პატრულები. ტფილისში იმ დროს სამხედრო ნესები იყო გამოცხადებული და არა თუ კაზაკები, უბრალო პოლიციელებიც კი შაშხანებით იყვნენ შეიარაღებული. ერევნის მოედნიდან ყველა ქუჩის გასასვლელში იდგა გარადავოი ორი პლასტუნით, შუა მოედანზე კი გარადავოი ბოქაულთან ერთად.

ფული მოჰქონდათ შემდეგი ნესით: წინ მიდიოდა სამი ცხენოსანი კაზაკი, მათ მისდევდა ეტლი (ყველა ეტლი დაქირავებული იყო – ი. მ., ლ. ხ.), რომელშიც ხუთი ჯარისკაცი იჯდა, შემდეგ ეტლი ნასე ტომრებით, სადაც იყვნენ ფოსტის მოლარე ვაილ კურდიუმოვი და ერთი ყარაუჯი; ბოლოს მოდიოდა მესამე ეტლი ისევე ხუთი ჯარისკაცით. მოლარე კურდიუმოვს სულ მიჰქონდა 270 780 ათასი მანეთი და 25 კაპიკი (ანუ „საშუალო, ჩვეულებრივი ფულადი გზავნილი“. კურდიუმოვს ჯიბეში ჰქონდა 450 მანეთი, რომელიც გატაცებას გადაურჩა – ი. მ., ლ. ხ.).

მსვლელობა მთავრდებოდა სამი ცხენოსანი კაზაკით. თვითეულ ეტლის გვერდით იქით-აქეთ მონაწილედ იყვნენ აგრეთვე კაზაკები. ჩვენ ისე გვექონდა გამოანგარიშებული, რომ როდესაც წინ მომავალი კაზაკები შეუხვედნენ სოლოლაკის ქუჩაზე, ფულიანი ეტლი დაახლოვებით კავკასიის ოლქის შტაბის შესასვლელთან უნდა ყოფილიყო. პუმკინის ბალის ახლოს მუდამ უნდა მდგარიყო ამხ. ფაჯია გალდავა. მას უნდა ენიშნებია კაზაკების მოახლოვება ბაღში მყოფ ამხ. სტეპკო ინსპირველისთვის, რომელსაც წინათ მიღებული ჭრილობის გამო არ შეეძლო უშუალოდ შეიარაღებული მონაწილეობა მიეღო საქმეში.

ამხ. ინსპირველს თავის მხრივ უნდა ეცნობებია შტაბის შენობის წინ მოსიარულე ამხ. ანეტა სულაქველიძესთვის. უკანასკნელი შეატყობინებდა ამხანაგებს, რომლებიც მახლობელ რესტორან „ტილიპუჭურში“³²⁶ იმყოფებოდნენ (კუპრაშვილი, ჭაჭიაშვილი და ჭიაბრიშვილი მაგიდას უსხდნენ და ღვინოს სვამდნენ – ი. მ., ლ. ხ.). ამის შემდეგ ამხ. ბაჭუა კუპრაშვილს გამაღილი გახებით ხელში უნდა შემოეღო

³²⁵ ბაღდასარ (ბაღდო) მეზურნოვი, შსსს ფონდი 8, აღწერილობა 3, საქმე 797, გვ. 6.

³²⁶ რესტორანი „ტილიპუჭურა“ იყო ყოფილ თამამშვიის ქარვასლაში (ქვემოთ). „ტილიპუჭურა“ წარმოდგება სომხური სიტყვიდან „თელიპუჭურ“ (პატარა ძაფი). ამ ქარვასლაში წინათ მკერავთა მთელი დასტა იყო და ერთმანეთს შორის ძაფის თხოვნით იყვნენ განთქმული: „პატარა ძაფი მომეცი“ (თელ პუჭურ). რუსებს „თ“ არა აქვთ და გამოვიდა „ტ“ (ტელ – თელ – ტილ), აქედან „ტილიპუჭურა“. ეს რესტორანი პირველად არტემ ქამალოვს ეკუთვნოდა. რესტორანი პირველად 1877 წელს გაიხსნა. ზანთარში ქარვასლის ქვემო სართულში იყო, ზაფხულში – ვერის ბაღში. ძალიან კარგი რესტორანი იყო. ამ რესტორანმა რამდენიმე პატრონი გამოიცვალა: ავეტიკა, ქამალოვი, ქემშიშვი, მაჩკალოვი და სხვები. მამაჩემი იტყოდა: „ვისაც ტილიპუჭურაში პური არ უჭამია, სჩანს, კავკასიაში არ ყოფილა“. ი. გრიშაშვილი, ქალაქური ლექსიკონი, 1997 წ., გვ. 204. 1902 წელს ამ რესტორანში ჩატარდა ანიერკავკასიის სოციალ-დემოკრატიული პარტიის კონფერენცია ნოე ჟორდანის თავმჯდომარეობით, სადაც მთავარი საკითხი კომიტეტის არჩევა და პარტიული კომიტეტის პროგრამის შექმნა იყო.

მოედანი იმის ნიშნად, რომ ამხანაგებს დანიშნული ადგილი დაეკავებიათ.

დათიკო ჭიაბრიშვილი, არკადი ელბაქიძე, ვანო შიმშიანოვი, ვანო კალანდაძე, ილიკო ჭაჭიაშვილი და ილიკო ებრაღიძე უნდა დასცემოდნენ კაზაკებს და ფოსტას. კაზაკების თვითოეულ ჯგუფსა და ეტლისთვის თითო კაცი იყო დანიშნული, ერთს ფული უნდა ნაელო. აკაკი დალაქიშვილი და თეოფილე კაკრიაშვილი უნდა დასხმოდნენ თავს ქალაქის გამგებობის შენობის წინ მდგომ რაზმს. ელისო ლომინაძე და სერაფიონ ლომინაძე იდგენ ველიამინოვის ქუჩის ახლოს, კაზაკთა სადარაჯოს პირდაპირ, თავ-დამსხმელები ამ მიმართულებით უნდა გაქცეულიყვნენ. ამხ. კამოს ჰქონდა ნაკისრი ყველაზე უფრო საპასუხისმგებლო ამოცანა – ფულის ნაღება. ის ოფიცრის ფორმაში იყო გამონწყობილი, აფეთქების დროს ის ეტლით უნდა მივარდნილიყო განოვის ქუჩის (დღევანდელი გ. ტაბიძის ქუჩა) მხრიდან...”

კასრადის მოგონებებიდან: „...მთელი ღამე არ ძძინავს, ვფიქრობ, რამდენი უდანაშაულო სისხლი უნდა დაიღვაროს. გამითენდა არაჩვეულებრივი ორშაბათი. მივაშურე ფოსტას, დავინყე მუშაობა, ვინახულე ფულები, მოეტრიალდი, კამოს ხეხდავადე სამხედრო ტანისამოსში გამონწყობილს, გვერდით „სტეკო“ სიგნალისტი...”³²⁷

თავდამსხმელებმა წინასწარ არჩეული ადგილები დაიკავეს. გამორდნენ კაზაკები. ყუმბარები ისე უნდა გადაესროლათ, რომ სხვადასხვა ადგილას ერთსა და იმავე დროს აფეთქებულიყო. წინა კაზაკებმა სოლოლაკისაკენ შეუხვიეს.

დათიკო ჭიაბრიშვილმა წინ ნაღვა ნაბიჯი, ეს იყო ნიშანი ოპერაციის დაწყებისა.

გაზეთ „ისრის“ მონაცემებით, ბომბები ესროლეს ორივე ეტლს, ისროლეს ასევე ქალაქის თვითმმართველობის სახლის კუთხეში, ქარვასლასთან და კიდევ ოთხი ბომბი სხვადასხვა ადგილას. მეეტლე ფედოროვის ჩვენებით: „როდესაც ლორის-მელიქოვის ქუჩას ავცდით, საკომერციო ბანკთან შეენიშნე ყმანვილი, რომელიც ქვაფენილით მარჯვენა მხარეს ფეხდაფეხ მისდევდა ჩვენს ეტლებს. საურთიერთო კრედიტის საზოგადოების ზემოთ ყმანვილი ჩემს ეტლს გაუთანასწორდა, შეჩერდა და ეტლისკენ რაღაც ბურთის მსგავსი ნივთი გადმოაგდო, რაც საშინელი ხმით აფეთქდა“. ამას მოჰყვა ზედიზედ შვიდი აფეთქება. ფედოროვი პირველი ყუმბარის აფეთქების დროს დაიჭრა, მაგრამ არ დაიბნეულა, დაფეთებული ცხენებისთვის თავი არ დაუნებებია და პუშკინის ქუჩით ლორის-მელიქოვის ქუჩისკენ გაქანდა. იქ, სისხლში მოთხვრილს, შემთხვევით შვილი შეხვედრია, რომელმაც საავადმყოფოში წაიყვანა. ფედოროვის თქმით, აფეთქების დროს მან ცოტა ხნით გონება დაკარგა, არ ახსოვდა, როგორ შემოხტნენ მის ეტლში და როგორ გაიტაცეს ფული. ვასილ კურდიუმოვი თავის ჩვენებებში წერდა, რომ სოლოლაკის ქუჩაზე (გ. ლეონიძის ქუჩა) შეხვევას რომ აპირებდნენ, წინ მიმავალ კაზაკს ბომბი ესროლეს, რომელიც შუა ქუჩაში გასკდა და კაზაკის ცხენი დაჭრა. ვინ და საიდან ისროლა ბომბი, მან ვერ შეამჩნია. აფეთქების ტალღამ ის ეტლიდან გადმოაგდო და ქვაფენილზე დაანარცხა. ამის შემდეგ კიდევ ორი აფეთქების ხმა გაისმა, რის გამოც მან გონება დაკარგა. აზრზე რომ მოვიდა, პირველი, რაც დაინახა, იყო დაჭრილი ცხენი, გაზეთების კიოსკთან მოკლული კაზაკი და ერთი დაჭრილი ქალაქის გამგებობასთან. მოედანი ცარიელი იყო და მხოლოდ

327 გიგო კასრადე, შსსს ფონდი 8, აღწერილობა 2, საქმე 22, გვ. 36-37. სტალინის ცოლისდა ა. სვანიძე-მონასტლიძე იგონებდა, რომ კამოს მისთვის მამისეული ჩერქეზული ხმალი გამოურთმევია: „კაზაკების ოფიცერი“ უნდა გაეხედო... თავდასხმის დღეს კი ყუმბარების გრაალით შეპირებულიებს სტალინმა აუხსნა, რომ კამომ და მისმა ამხანაგებმა ფული გაიტაცეს. „...მარტო მაშინ მიხვდი, თუ რისთვის სჭირდებოდა კამოს ჩვენგან ნაძობლებული მანაჩემის ჩერქეზული ხმალი“. ა. სვანიძე-მონასტლიძე, შსსს ფონდი 8, აღწერილობა 2, ნაწილი 1, საქმე 43, გვ. 142.

გასროლის ხმები ისმოდა. ის ფეხზე წამოდგა და პუშკინის ქუჩის მიმართულებით გაიქცა, რათა ფულთან ერთად გამოკიდებოდა, მაგრამ ის ვერსად შენიშნა³²⁸.

მეორე მცდელობის, კურაგინის, ცხენები დაიჭრნენ, ეტლში მყოფი დაჭრილი მცველები ერევანსკის მოედანზე გადმოცივიდნენ, გამშაგებული პირუტყვები კი შუა ბაზარში შეცივიდნენ (შუა, ანუ სომხის, ბაზარი კოჯრის კართან იწყებოდა და დღევანდელი ლესელიძის ქუჩის ხაზს გასდევდა. ის ლესელიძისა და ერეკლეს ქუჩების შესაყარზე მთავრდებოდა).

საოლქო სასამართლოს პროკურორის მოხსენება სასამართლო პალატის პროკურორს და იუსტიციის მინისტრს: „...ერევნის მოედანზე, სადაც მრავლად იყრის ხალხი თავს და დარაჯობს ყაზახთა პატროლი, „კანკოის“... ესროლეს ორი ყუმბარა, რომელიც გასქდა დღის სიძლიერით და დაიჭრენ ყაზახები, მოსამსახურე ჟილიაევი, ორივე ჯარისკაცი; ...კურდიუმოვი და გოლოვნიკი ეტლიდან ჩამოვარდნენ. ამ დროს ქალაქის თვითმართველობის წინ მდგომი... ყაზახები შეეცადნენ ცხენებზე შესხდომას და იქით წასვლას, სადაც ყუმბარები გავარდა, მაგრამ აქაც გადაგდებულ იქნა ორი ყუმბარა, რომლითაც დაიჭრა სამი ყაზახი. და ბოლოს, მოედნის ორ ალაგას კიდევ გადაგდებულ იქნა სამი თუ ოთხი ყუმბარა. აფეთქება ისეთი ძლიერი იყო, ისეთმა პანიკამ მოიცო მთელი მოედანი, რომ დამსწრეთაგან ვერაინი შესძლო იმის გამოკრევეა, თუ რამდენი იყო თავდამსხმელი, ან საიდან გაისროლეს ყუმბარები, ან საით მიიმალენ ბოროტმოქმედნი. მაგრამ დამსწრეთა უმრავლესობის ჩვენებიდან ირკვევა, რომ ყუმბარები გადმოგდებულა ქალაქის თვითმართველობის მახლობლად მდებარე სახლების ფანჯრებიდან და სახურავებიდან, რაც სიმართლეს არ შეეფერება. ამ სახლებში მოხდენილ ჩხრეკას არავითარი დადებითი შედეგი არ მოჰყოლია. მოედანზე მყოფმა გადარჩენილ სამხედრო პირსა და პოლიციელთაგან მხოლოდ ერთმა ჯარისკაცმა მოასწრო უშედეგო გასროლა, ვინაიდან ვერც ერთმა მათგანმა ვერ მოასწრო ბოროტმოქმედის დანახვა...“³²⁹

ამ ამბის თვითმხილველი ქალბატონი მარიამ მესხიშვილი იხსენებდა, რომ საშინელი აფეთქების ტალღამ ფანჯრის შუშები ერთიანად ჩაამტვრია ფურცელადის ქუჩის (ყოფილი ბარონსკაია, ლორის-მელიქოვის ქუჩის კუთხე) მხარეს. სუყველა იატაკზე ვინექითო, – ამბობდა ის. აფეთქებებისაგან ფანჯრები სულ ერთიანად ჩაიღვნა თამამშვეის ქარვასლაში, ახლომდებარე მალაზიებსა და სახლებში, ქალაქის თვითმართველობის შენობაში. ყუმბარების ნამსხვრევები ქალაქისთვის კაბინეტშიც კი აღმოაჩინეს. იმ დროს ქუჩებში უამრავი ხალხი ირეოდა და აფეთქებებმა სრული პანიკა გამოიწვია („ექსის“ ზოგიერთი მონანილე მოგვიანებით აღნიშნავდა, მოედანზე ცოტა ხალხი იყო. ამით უნდოდათ დაერწმუნებინათ ყველანი, რომ ოპერაციამ უმსხვერპლოდ ჩაიარა, რაც სინამდვილეს არ შეეფერება). ბევრი დაჭრილი და შოკირებული ადამიანი გამგეობის დარბაზში შევარდა. გამგეობის შესავლელი და მისაღები დარბაზის იატაკი სისხლით იყო მოთხერილი. აი, რას წერდა კასრამქე: „...მთელ ქალაქს გააქვს ზანზარი. იმსხვერპლა ქარვასლის და მის გარშემო მალაზიის შუშები. ხალხი გარბის უგზო-უკვლოდ, ბევრმა ნანილმა ფოსტის კანტორას მიაშურა... წყდება მავთულები, აქა-იქ ცეცხლის ნაპერწკლები ღვივა. კანტორა (ფოსტის შენობა) აივსო ხალხით, არავის უშვებდნენ, მაგრამ ხალხი ტირილით, გოდებით და ზოგი ძალით შემოდის. მთელი ერევნის მოედანი ცეცხლის ალშია გახვეული...“³³⁰

³²⁸ ბ. ბიბინიშვილი, კამო, 1935 წ., გვ. 128.

³²⁹ „რევოლუციის მატჩანე“, 1924 წ., №2-3, გვ. 274-277.

³³⁰ გიგო კასრამქე, შსსს ფონდი 8, აღწერილობა 2, საქმე 22, გვ. 37.

ილიკო ჭაჭიაშვილმა, ილიკო ებრალიძემ და ვანო კალანდაძემ მოედანზე მდგარ პოლიციელებს შეუტყეს და მაუზერების გაძლიერებული ცეცხლით გააქციეს ისინი. ყველაფერი თითქოს გეგმის მიხედვით მიდიოდა, მაგრამ აქ მოხდა „იალინი“ ფუნქციონირების უფრეული დარჩა. დამფრთხალი ცხენები მოედანზე სომხის ბაზრისკენ გაქანდნენ. ბაჭუა კუპრაშვილი არ დაიბნა და ეტლს მოედნის ბოლოში დაენია. მან ცხენებს ყუმბარა ესროლა, მაგრამ აფეთქების ტალღამ თვით ბაჭუა ააგდო პაერში და ის გონებადაკარგული მინაზე დაენარცხა. „ამხ. ჭიაბრიშვილმა, რომელიც აგრეთვე მისდევდა ეტლს, მოასწრო იმ წუთს, როდესაც ეტლი სქელ კვამლში იყო გახვეული, მან წააგდო ხელი ფულიან ტომარას და გაეარდა ველიამინოვის ქუჩაზე.“³³¹ მოედანზე მათ შეხვედრად განოვის ქუჩიდან ეტლით მომავალი კამო და მარო ბოჭორიძე, რომელთაც დათიკო ჭიაბრიშვილმა ფულით სავსე ტომარები გადასცა. „კამო გამონყობილი იყო ოფიცრის ტანისამოსში და მარო ბოჭორიძე კიდენ დიდი კნიაგინის ტანისამოსში დიდი შლაპით. ეს მეშოკი ფულით დაღეს ეტლში მუხლებს ქვეშ, ზემოდან მუხლებზე გადაიფარეს დიდი შალი მითომ თათრის მოედანმდის მიდიოდნენ აბანოში ამ ეტლით. ამ გზით ეს ფული უენებლათ იქნა მიტანილი გონჩარის ქუჩაზე, სადაც ცხოვრობდნენ ბაბე და მარო ბოჭორიძე“³³². სხვა ვერსიით, მოედნიდან წამოსული კამო მარო ბოჭორიძეს აბასაბადის მოედანზე შეხვდა. ელისე ლომინაძე პოლიციას მასწავლებლის ფორმაში ჩაცმული გაუსხლტა ხელიდან: ძარცვის შემდეგ ის სასულიერო სემინარიაში შეეარდა, სადაც მასწავლებელთა ყრილობა მიმდინარეობდა, საკიდრად პალტო და ქუდი ჩამოხსნა, გადაიცვა, შენიონიდან გამოვიდა და წყნარად გაუდგა გზას.

სხვადასხვა მონაცემებით, ძარცვის დროს მოკლული იყო სამი ადამიანი: კახაკი, გოროდოვოვი და ერთი უცნობი პირი. დაჭრილთა რიცხვი 20-დან 40 კაცამდე მერყეობდა. თუმცა თვითონ თავდამსხმელები აცხადებდნენ, რომ არავინ დაღუპულა. „.....ამ აქტმა მთელი ევროპა აალაპარაკა, რუსეთში ხომ სასიქადულო გახდა, მიუხედავად იმისა, რომ ყუმბარებით მთელი ტფილისი შეეარყეთ, მსხვერპლი არ ყოფილა და ამან აუწია სახელი ამ საქმეს“³³³.

კასრაძის მოგონებით, ამ ექსპროპრიაციამ კამო ხუმრობის ხასიათზეც კი დააყენა. „.....ბევრი ოხუნჯობის შემდეგ გავიგე, რომ მან ფული დააბინა. ყველა ამხანაგები უენებლად გადარჩნენ. მხოლოდ თავი დაგირჩეს გიგო, ერთი მარცხი მოგვივიდაო. მე გული ამიკანკალდა, შეეკითხე თუ რა მოუხდა. მან მიპასუხა: ერთი ცხენი სასიკვდილოთ დაეჭერთო. კიდევ აგვიტყდა სიცილი“³³⁴.

იმავე დღეს მტკვარზე, ბორნის ახლოს, მუხრანის ქუჩაზე, თავად ბაგრატიონ-მუხრანსკის კუთვნილი სახლის პირველ სართულზე, მეჩქრლე გიორგი კასრაძის

331 ბ. ბიბინიშვილი, კამო, 1935 წ., გვ. 117.

332 ბალდასარ (ბალო) მეზურნოვი, შსსს ფონდი 8, აღწერილობა 3, საქმე 797, გვ. 6.

333 ბაჭუა კუპრაშვილი, შსსს ფონდი 8, აღწერილობა 2, ნაწილი 1, საქმე 28, გვ. 66.

334 გიგო კასრაძე, შსსს ფონდი 8, აღწერილობა 2, საქმე 22, გვ. 41.

*იმ წლებში გადატანილი პერმანენტული შოკის შემდეგ ხალხი ბომბების აფეთქების შესახებ, როგორც ჩვეულებრივ ყოველდღიურ ამბებზე, ისე ლაპარაკობდა. საგულისხმოა ერევანსკის „ექსთან“ დაკავშირებული ერთი საფოსტო ბარათი, რომელსაც თბილისელი მოქალაქე კოტე თავის ნათესავს ლიზას უგზავნიდა აესტრიაში: „... 13 ივნისის აფეთქებებმა ქალაქში აურზაური გამოიწვია, მაგრამ მხოლოდ ერთი დღით. მიუხედავად იმისა, რომ გასროლილი იყო 7 ბომბი, მხოლოდ ერთს უქონდა სასიკვდილო მუხტი. ამის გამო დაიღუპა 2 და 9 მიძიმდა და დაჭრილი. ინტელიგენტებიდან თითქმის არავინ დაშავებულა. ლაპარაკობენ ექსპროპრიაციებთან დაკავშირებულ ვიღაც ჩამოსულ გასტროლიორებზე. დიდი დაპატიმრებები მიდის...“

სახელოსნოში ბოში აფეთქდა. სახელოსნოში, სადაც „ტუზემცურ“ ფეხსაცმელს კერავდნენ, 9 კაცი მუშაობდა. ექვსი მათგანი საღამოს ექვს საათამდე წავიდა, ხოლო სამი დარჩნენ. შვიდი საათის დასაწყისში კასრადის შვიდი წლის ბიჭმა, როგორც ვარაუდობენ, ნაგავში ნახა ვილაცის მიერ დაგებული მრგვალი მეტალის ბურთი (როგორც მოგვიანებით აღმოჩნდა, ეს ბოში იყო) და სახელოსნოში შეიტანა. იქ ბავშვს ბოში შემთხვევით ხელიდან გაუვარდა და აფეთქდა. აფეთქების გამო თითქმის მთლიანად დაინგრა სახელოსნო, ხოლო სახლს ცეცხლი წაეკიდა. გამოძახებულ იქნა სახანძრო მანქანა. ნანგრევებიდან ამოიყვანეს დაჭრილი იოსებ ჯანიევი და სამი დანანგრებულ-დასახინრებელი გვამი, რომელთაგან ერთს თავი ჰქონდა მოწყვეტილი. მოკლულები იყვნენ სახელოსნოს მფლობელის ძმა, შვილი და შვირდი. დაიჭრა კასრადის მუღლელიც. საღამოს სახელოსნოში დაბრუნდა ნასვამი კასრადე, რომელიც პოლიციამ მეუღლესთან ერთად დააპატიმრა. გამოძიებამ გამოთქვა ვარაუდი, რომ ეს ბოში თავიდან მოიპორეს ერივანსკის მოედანზე ძარცვის მონაწილეებმა, რომლებიც ბორნის საშუალებით გადავიდნენ მტკერის მარცხენა მხარეს.

„ყუმბარის მოხმარება არ დაჭირდა, – იხსენებდა ბაღდო, – ნამოველი მუხრანის ქუჩით და გადახვედი პაროშით ტკერის მარცხენა მხარეს საიდანაც მიველი ბოჭორიშვილის ბინაზე და სადაც ფული იყო მიტანილი. ყუმბარა კიდევ პაროშიდან ჩავაგდე ტკერაში...“³³⁵ საფიქრებელია, რომ ბაღდო თავის მართლებას მიზნით ტყუის და მან ბოში მტკერაში კი არა, ნაგავში გადააგდო. აქედან გამომდინარე, ერივანსკის ექსპროპრიაციის მსხვერპლთა რიცხვმა, ჩვენ მიერ მოპოვებული ინფორმაციით, ექვსს მიაღწია. თუმცა ხარიტონ შავიშვილს თუ დაფუჯერებთ, ოპერაციის დროს თურმე 14 კაცი მომკვდარა და 50-ზე მეტი დაჭრილა.

„ექსის“ შემდეგ ამხანაგები მიხა ბოჭორიშვილის ბინაზე შეიკრიბენ. მათ მხოლოდ ბაჭუა კუპრაშვილი აკლდათ. ჭიაბრიშვილმა დაინახა, როგორ დაეცა აფეთქების შემდეგ ბაჭუა, მისი აზრით, ის მკვდარი უნდა ყოფილიყო. „კამო საშინლად ღელავდა. – რა ემშაკად გინდოდა ფული – უკეთესი იყო ამხანაგისთვის გემელა! როგორ დატოვე ის ასე დაუხმარებლად? – უსაყვედურებდა კამო ჭიაბრიშვილს. მაგრამ სწორედ ამ დროს გამოჩნდა კარებში მრავალ ადგილას დაჭრილი ბაჭუა. კამომ აღარ იცოდა რა ექნა მეტისმეტი სიხარულისაგან – ხომ ხედავ ბიჭო, ჩვენ სიკვდილიც ვერაფერს გვაკლებს! როგორც კატები, ყოველი სიმაღლიდან ვვარდებით და არ ვილუშებით!“³³⁶

კუპრაშვილი აღნიშნავდა, რომ ამ საქმეში ყველა სათანადო სიმაღლეზე იდგა, „გარდა სამი კაცისა (მათ გვარებს არ ასახელებს – ი. მ., ლ. ხ.), რომელთაც სუსტი ნერვები აღმოაჩნდათ და საქმის დაწყებამდე დასტოვეს პოსტები“³³⁷.

პოლიცია და ჯარი ფეხზე დადგა. ისინი მთელი დღე ეძებდნენ მძარცველებს. საღამოს ერთ-ერთ გოროდოვოს აცნობეს, რომ მსროლელთა პირველი ბატალიონის ყაზარმების უკან რამდენიმე საეჭვო პირია შეკრებილი და ისინი თითქოს რაღაცას

³³⁵ ბაღდასარ (ბაღდო) მეზურნოვი, შსსს ფონდი 8, აღწერილობა 3, საქმე 797, გვ. 7.

³³⁶ ბ. ბიბინიშვილი, კამო, 1935 წ., გვ. 118.

³³⁷ ბაჭუა კუპრაშვილი, შსსს ფონდი 8, აღწერილობა 2, ნაწილი 1, საქმე 28, გვ. 16. ამ ოპერაციის თურმე „ტურა“ მაისურაძეც მონაწილეობდა, თუმცა ის ძალიან ბუნდოვნად წერს საკუთარ როლზე: „...თბილისში ერევნის მოედანზე ფოსტაზე თავდასხმის საქმეზე პასიური დახმარება გაუწიე 100 მანეთით. დათიკო ჭიაბრიშვილის ხელით ჩამოუტანეთ პურის მოედანზე სიმონა საპოჟნიკის სახელოსნოში. ეს ფული იყო ჩემ მიერ გაყიდული გერმანულ მაუზერის საფასური, რომელიც გავყიდვდი სოფელ მულანლოში ხიდურაზე, რომელმაც გვაცნობა ყაზუმას შავრაზმელის საიდუმლოება...“ ვანო („ტურა“) მაისურაძე, შსსს ფონდი 93, აღწერილობა 2, საქმე 555, ფურცელი 26. მოგვიანებით ყაზუმა შავრაზმელი ავლაბარში ტერორისტმა არტო მიქელევამ მოკლა.

იყოფენ. გოროდოვოი მაშინვე იქით გაეშურა. მის დანახვაზე უცნობები სხვადასხვა მიმართულებით გაიქცნენ. დათვლიერების შემდეგ პოლიციელმა იპოვა ერთი ფიტილიანი ბომბი, ორი ტომარა ბეჭდით და ნარნერებით: ერთზე – „150 000 მანეთი“, მეორეზე კი – „90 000 მანეთი“. „ბოლოს დანამდილელებით გავიჯე ფულის ტილოები თავის ლუქებით მას (კამოს) მიეტანა ყაზარმასთან დაეყარა, ფული კი დანიშნულ ალაგას წაეღო...“³³⁸ იმავე დღეს ერთ-ერთი მეეტლის სახლში, რომელსაც ფული გადაჰქონდა, აღმოაჩინეს 9 900 მანეთის საკრედიტო ბილეთები.

პოლიციამ უამრავი ადამიანი დააპატიმრა, მათ შორის სულით ავადმყოფი ქალი ადელინა მეუბოვსკაია, რომელიც ამტკიცებდა, რომ ბომბი მისი ნასროლია. ის მეტების ციხეში გამოამწყვდიეს, თუმცა მისი გასინჯვისა და ოჯახის წევრთა დაკითხვის შემდეგ დადგინდა, რომ ქალი ჭკუიდან ყოფილა გადასული.

ქალაქში ჩხრეკა და დაპატიმრებები დიდხანს გაგრძელდა, „ექსიდან“ ერთ თვეში დაკავებულ ეჭვმიტანილთა საქმემ 185 ფურცელი შეადგინა. ეტაცებული ფულის ადგილსამყოფელის ჩვენებისათვის პოლიციამ 25 ათასი მანეთი დაანესა. პეტერბურგიდან პოლიციის დეპარტამენტმა საქმის გამოსაძიებლად ორი მაღალჩინოსანიც კი გამოგზავნა.

არსებობს მოსაზრება, თითქოს ექსპროპრიაცია ერივანსკის მოედანზე მოახდინეს არა სოციალ-დემოკრატმა ბოლშევიკებმა, არამედ სოციალისტ-რევოლუციონერებმა. საქმეში³³⁹ მითითებულია „ექსის“ ვითომდა შემარულელთა რამდენიმე გვარი: სარკის ოთაროვი³⁴⁰, ვასილ პილეცკი და სხვები. თითქოს ესერებმა ვერ მოახერხეს ნაძარცვი ფულის ქალაქიდან გატანა, რისთვისაც მიმართეს კამოს, რომელმაც ისინი „გადააგდო“ და მთელი ფული ლენინს ჩაუტანა. გამოდის, რომ „ბოევიაი დრუჟინას“ მიერ ჩატარებულ „ექსთან“ დაკავშირებული ყველა ის მოგონება და საბუთები შეთხზული და ყალბია. ზემოთ დასახელებული პიროვნებებიც არ მონაწილეობდნენ ამ საქმეში და ყველაფერი მოიგონეს. ან კიდევ რატომღაც სოციალ-დემოკრატების „დრუჟინამ“ ეს ექსპროპრიაცია ესერების ხელმძღვანელობით მოახდინა, რაც ზღაპარს უფრო მკავს. ესერების ვითომდა მონაწილეობას უფრო პროვოკაციის სუნი ასდის ან კიდევ გზა-კვალის აბნევის მიზნით არის მოგონილი.

ესერების გარდა, ამ ოპერაციის ჩატარებას უკლებლივ ყველა პარტიას აბრალებდნენ – ანარქისტებს, დაშნაკებს... აგრეთვე „ჩინოვნიკებს“. ალბათ, მხედველობაში ჰყავდათ ფოსტაში მომუშავე პერსონალი. პატარა ეჭვისა და დასმენის საფუძველზე განურჩევლად ყველას აპატიმრებდნენ. კავკასიის ცენტრში თავხედური თავდასხმით აღმოფითებულმა მეფისნაცვალმა პოლიციეისტერ ბალაბანსკის უბრძანა, 24 საათში აღმოეჩინა მძარცველები. ზოგიერთი ავტორს (ლ. შაუმიანი, ი. დუბინსკი-მუხაძე) მოყვანილი აქვს ცნობა, თითქოს კამოს, რომელსაც ეტლით ნაძარცვი ფული მიჰქონდა, მთავარმართებლის სასახლესთან ცხენზე ამხედრებული ბალაბანსკი შეხვდა და კამომ მას შესძახა – ფული გადაჩრჩინილია, გაეშურეთ მოედნისკენ! მსგავსი ეპიზოდი, რამდენადაც ვიცით, არც კამოს მთავარ ბიოგრაფს და მის მეგობარს, ბარონ ბიბინეიშვილს, არც „ექსის“ არც ერთ მონაწილეს საკუთარ მოგონებებში არა აქვს მოხსენიებული; თავისი მნიშვნელობიდან გამომდინარე კი – კამომ თავხედურად მოატყუა

338 გიგო კასარაძე, შსსს ფონდი 8, აღწერილობა 2, საქმე 22, გვ. 41.

339 სცსსა ფონდი 95, აღწერილობა 1, საქმე 82.

340 საინტერესო დამთხვევაა, რომ ავღაბრის არალეგალური სტამბის აღმოჩენის შემდეგ სტალინის ჯგუფის წევრი, ცნობილი რევოლუციონერი, არალეგალური სტამბების ორგანიზატორი მიხო ბოჭორიძე ოთაროვის გვარით დააპატიმრეს და მეტების ციხეში ჩასვეს, საიდანაც ის 1906 წლის ოქტომბერში „დრუჟინის“ დახმარებით გაიქცა.

თბილისის პოლიცემისტური – აუცილებლად იქნებოდა გაყვარებული.

მიუხედავად უამრავი ეჭვმიტანილისა, ბალაბანსკიმ 24 საათში ნამდვილ მძარცველებს ვერ მიაკვლია. 19 ივლისს გენერალ-გუბერნატორთან მძიმე საუბრის შემდეგ პოლიცემისტური ინგუში სტრაჟნიკის თანხლებით უკუიის სასაფლაოზე ავიდა, „... იქ ორდენები მოუსხნია, მცველისთვის გადაუცია და უბრძანებია, ეტლთან დარჩენილიყო, თანაც დაუმატებია – დედის საფლავზე სალოცავად მივიღივარო. არ გასულა დიდი დრო, რომ მცველს რევოლვერის ხმა გაუგონია. თითონაც რევოლვერი ამოუღია და გაქანებული იქით... როდესაც მცველი მისულა, დაუნახავს, რომ პოლიცემისტური, მარჯვენა ხელში რევოლვერით, ხოლო მარცხენა ხელით სასაფლაოს რკინის მოაჯირზე მიყრდნობილი, ძირს ეშვებოდა. რევოლვერი უსროლია საფეთქელში. ტყვიას ტვინში გაველო და მეორე მხარეს გავარდნილიყო. პოლიცემისტური იქვე გარდაიცვალა“³⁴¹.

ნამძარცვი ფულის გადასატანად „დრუჟინას“ ჰქონდა ორი „კუშეტკა“ ორმაგი ძირით, რომლებიც მიხო ჩოდრიშვილის სახელოსნოში იყო დამზადებული. გატაცებული ფული მოათავსეს „კუშეტკებში“, მოიყვანეს ორი კურტნიანი მუშა, რომლებსაც აპკიდეს ეს „კუშეტკები“, ზემოდან დაადეს ლოგინი... მუშების „უწყინარ მუშანკის სახით“ მარო ბოჭორიძე გაჰყვა. მათ გაიარეს პოლიციის ცხვირინი, რომელიც გატაცებული ფულის ძებნის გამო სრულიად დაბნეული იყო. ამ გზით მიიტანეს მიხაილოვის ქუჩაზე თბილისის ობსერვატორიაში, სადაც ქვემო სართულში ცხოვრობდა ამ ობსერვატორის ჩინოვნიკი, კამოს ახლო ნაცნობი გავალოვი. ბალდო მეზურნოვის თქმით, გატაცებული ფულის ადგილსამყოფელის შესახებ მხოლოდ რამდენიმე კაცმა იცოდა: კამომ, მარო ბოჭორიძემ, ჭიაბრიშვილმა და ბალდომ.

ფული ამ ბინაზე თითქმის შემოდგომამდე ინახებოდა. „...ვიციდეთ ორი ტიკტორა გადმოვაბრუნეთ რო კუპრიანი მხარე ზემოთ ყოფილიყო და გადავეყრეთ ოთხათ. ფული კიდევ შევკარიო ოთხ ნაწილად ყველა თითო ნაწილი შევფუთეთ ამ გაკუპრული ტიკტორების ტყავში ისე რომ სუფთა მხარე მოვაქციეთ შიგნით...“ ეს ნაწილები გადაჭრეს, რათა შიგნით სისველე არ შესულიყო. შემდეგ გააკეთებინეს ორი ახალი კასრი, ჩაანყვეს შიგ ფული და ზევიდან ნითელი ღვინო დაასხეს. დაალაგეს ეს კასრები ჩქარ მატარებელზე „დანიშნულებით გელსინგფორმდის. „ამის შემდეგ ამხ. კამომ შეაკერიდა თავისთვინ სამხედრო ოფიცრის ტანისამოსი და... განათლებული კინაზის გვარით გაემგზავრა ფინლანდიაში“³⁴².

მიუხედავად ნარმატიებული ექსპროპრიაციისა, პარტიამ ეს ფული მხოლოდ ნაწილობრივ გამოიყენა, რადგან 500-მანეთიანი ბანკოტების ნომრები უკვე მსოფლიოს ყველა ბანკში იყო გადაგზავნილი და ფულის გადახურდავების დროს ევროპის სხვადასხვა ქალაქში პარტიის ბევრი აქტივისტი დაიჭირეს. 1909 წელს მენშევიკების მოთხოვნით გადაწყვიტეს, დარჩენილი ფული გაენადგურებინათ. „ბოლშევიკური ჯგუფის ამ „ყველაზე ბრწყინვალე აქტმა“ დიდი გამოხმაურება პოვა მთელ მსოფლიოში. მთელი ევროპა ერივანსკის მოედნის ექსპროპრიაციაზე ალაპარაკდა. წყნარ და ნეიტრალურ ყენევაშიც კი 500-მანეთიანი ბანკოტები და შიშის მომგვრელი კავკასიელი „ექსისტები“ საუბრის მთავარი თემა იყო. საინტერესოა, რომ ამ ოქერაციას თავისი განხორციელებით და დრამატიზმით სრულყოფილების შედეგს უწოდებს ხარიტონ შავიშვილი. ის დაუფარავი აღტაცებით ჰყვება მის შესახებ. ერივანსკის „ექსი“, შავიშვილის განცხადებით, გაცილებით სრულყოფილი იყო, ვიდრე

³⁴¹ „ისარი“, 1907 წ. 20 ივნისი.

³⁴² ბალდასარ (ბალდო) მეზურნოვი, შსსს ფონდი 8, აღწერილობა 3, საქმე 797, გვ. 8.

პილსუდსკის (პოლონეთის მომავალი პრეზიდენტი - ი. მ., ლ. ხ.) 1908 წლის 27 სექტემბრის აქტი, როცა პილსუდსკიმ და მისმა ბანდამ ვარშავიდან მოსკოვში მიმავალი რუსული სამხედრო მატარებელი გაძარცვა.

„...გავარდა ხმა მთელ ევროპაში, რომ რუსეთის სოც.-დემოკრატები არიან ბანდიტები, მცარცელები... ინტერნაციონალიც შეშფოთდა: ასეთ ხალხს ჩვენთან რა უნდათო... ბოლშევიკები ლენინის მეთაურობით შეშინდნენ, ყველა მოთხოვნილებაზე თანხმობა განაცხადეს, ამათ შორის მთავარი იყო თფილისის ასიგნაციების წარმოდგენა და დაწვა. ამას ხელი მოაწერეს, მაგრამ... ფული არ წარმოადგინეს, არ დაწვეს და ჩუმ-ჩუმად ასალებდნენ... - ისხენებდა ნოე ჟორდანი, - ...პლენაროვი დამხვდა ძალიან გულმოსული ბოლშევიკებზე, ისინი პარტიიდან გამოსარიცხავი არიან, მაგინი ყაჩაღებია, ქურდებია, მიუხედავად ლონდონის კონგრესის გადაწყვეტილებისა, ისინი განაგრძობენ ექსპეზის მონყოლობა...“³⁴³

ასე რომ, პარტიის გადაწყვეტილების წინააღმდეგ წასვლა ბოლშევიკებს პარტიიდან გარიცხვით ეშუქებოდა. მენშევიკებისთვის შემსრულებლების ვინაობის გაგება სიძნელეს არ წარმოადგენდა, მათთან უჯულაშვილის დაკავშირება ადვილი უნდა ყოფილიყო. ჟორდანიამ პირადად დაკითხა საქმის მიმცემი ბანკის თანამშრომელი გიგო კასრაძე. ის ბელნისკის ქუჩაზე იურისტ კონია ჯაფარიძის სახლში დაიბარეს. სანამ დანიშნულ ადგილზე მივიდოდა, კასრაძემ კამო ინახულა. „...კამო მეუბნება: არაფერი არ დამალო... ყველაფერი უამბე, ვიცი ჩემზედაც კითხავენ და უთხარი, რომ კამო თქვენზე ძალიან გაჯავრებულია და გემუქრებათ თქო“.

მეორე დღეს ის ერთ „საუცხოო ევროპულ ტანისამოსში გამონყობილ“ უცნობს და ნოე ჟორდანიას შეხვდა. „...დამიწყეს შეკითხვები... ბოლოს მეკითხებინან, იყავით თუ არა თქვენ აქტიური მონაწილე ერევნის მოედანზე ფულის ექსპროპრიაციამიო. როცა თანხმობის პასუხი მიიღეს, მკითხეს ვინ წაიღო ფულიო. კამომ. სად გაგზავნეს ფული? პარტიისათვის მეთქი. ცენტრში.

- რისთვის? ან რა საჭირო საქმისთვის?

აკი მოგახსენეთ პარტიულ საქმისთვის მეთქი.

ვინ გაგაცნო კამო?

ამხანაგმა სტალინმა. ვპასუხობ მე (მეტსახელი „სტალინი“ სოსომ პირველად 1910 წელს გამოიყენა, ზემოთ მოყვანილ ეპიზოდს კასრაძე ოცდაათიან წლებში აღწერს, აქედან გასაგებია, რატომ „ამხანაგი სტალინი“ და არა „კობა“, ანუ მეტსახელი, რომელსაც მაშინ ხმარობდა - ი. მ., ლ. ხ.).

საიდან იცნობდი მას?

გორის სკოლის ამახანაგია...

კიდევ რა იცით მასზე? მე მისმის ჩემი ამხანაგებისაგან, რომ ამხანაგი სტალინი უანგარო, შეუდარებელი ამხანაგია... ბევრი ასეთი კითხვების შემდეგ ნამიკითხეს ჩვენება და ხელი მომანერინეს... დღესაც არ ვიცი სად წაიღეს ჩემი ჩვენება და რა შედეგი ენია მას. რამდენიმე დღის შემდეგ მიველ კამოსთან. კამომ ბევრი ილანძლა, იგინა, ეგ ლაქიები ვიცი რისთვისაც დაგკითხეს, მათ არც შნო აქეთ და ხელსაც გვიშლიანო.“³⁴⁴ საუარაუდოდ, მიუხედავად დიდი მცდელობისა, სტალინს უშუალო კავშირი „ექსთან“ ვერ დაუმტკიცეს. იგივე საკითხი წამოტივტივდა 1919-20-იან წლებში ტროცკისა და სტალინის შორის ძალაუფლებისთვის ბრძოლის პროცესში. ტროცკი პარტიული დისციპლინის დარღვევას ედავებოდა სტალინს და მაგალითად „ერევნის მოედნის ძარცვის ორგანიზება მოყავდა“. აქედანაც არაფერი არ გამოვიდა.

³⁴³ ნ. ჟორდანი, ჩემი წარსული, 1990 წ., გვ. 62-63.

³⁴⁴ გიგო კასრაძე, შსსს ფონდი 8, აღწერილობა 2, საქმე 22, გვ. 43-44.

ამგვარად. პარტიიდან გარიცხვის ან პარტიული დისციპლინის დარღვევის საბაბად ქვეული, სტოკჰოლმის ყრილობის შემდგომი ტერაქტებისა და „ექსების“ ორგანიზება სტალინისთვის სახარბილო არ უნდა ყოფილიყო. მით უმეტეს „დიდი ბელადის“ მითის შექმნის პროცესში ტერორისტებთან ზედმეტად მჭიდრო კავშირი მითს ზიანის მეტს ვერაფერს მოუტანდა. პარტიულ სასამართლოზე გაყვანაც კი, პარტიიდან გარიცხვის განაჩენის გარეშე, ერთგვარ სიმბოლურ სიკვდილს უდრიდა, რაც შემდგომში აუცილებლად ძალაუფლებისკენ მისი სელის შემაფერხებელი მიზეზი გახდებოდა.

მეორე მომენტია კოტე ცინცადის მოგონებები, რომელიც 1922-23 წლებში დაინერა. იმ დროს მოგონებების ავტორი საბჭოთა საქართველოს უშიშროების სამსახურის უფროსის პოსტზე იმყოფებოდა და უკვე დაპირისპირებაში იყო კავკასიის სოვნარკომის თავმჯდომარე სერგო ორჯონიკიძესა და მის ხელმძღვანელ სტალინთან. სამი-ოთხი წლის შემდეგ კოტეს, სტალინის ბრძანებით, განჯაში გადასახლება, სადაც ის ქლექისაგან გარდაიცვლება. მემუარებში საეჭვოდ მწირად არის მოხსენიებული სტალინი, რაც, უკვე მოყვანილი მიზეზის გარდა (პარტიული დისციპლინის დარღვევის დაბრალების შიშით ფაქტების დამალვა, რასაც სავარაუდოდ სტალინი ცდილობდა), პიროვნული დაპირისპირების მანიშნებელიც უნდა იყოს.

არსებობს მესამე მიზეზიც – ფართოდ გავრცელებული აზრი „მონმეების მოშორების“ შესახებ. კამო ტრაგიკულად დაიღუპა ან მოკლეს და მისი მოგონებების მხოლოდ მცირე ნაწილია შემორჩენილი. თითქოს „დაკარგულ“ ან „განადგურებულ“ მოგონებებში ის პყვებოდა სტალინის როლზე ძარცვის დაგეგმვაში (თუმცა ადვილი დასაშვებია, რომ მან უბრალოდ ვერ მოასწრო „მოგონებების“ კარნახის დასრულება), რომ თითქოს ბერიამ თავის დროზე გაანადგურა კოტე ცინცადის მოგონებების სრული ტექსტი სტალინის „ბრალეულობის“ სრული მტკიცებით. თავის დროზე ნადეუდა კრუპსკაია აღნიშნავდა, რომ რევოლუციამდელი ლიტერატურა, რომელიც ობიექტურად აღწერდა რევოლუციური პროცესებს, განადგურებულ იქნა. რევოლუციურ-ტერორისტული მოძრაობის ახლებური ისტორია კი ახალი ხელისუფლების მიერ ინერებოდა პოლიტიკური საჭიროებისა და მოთხოვნის კარნახით, ისე, რომ რევოლუციონერ-ტერორისტის სახე რომანტიკული შარავანდედით შემოსილიყო. ტერორისტის სახე კი მსოფლიოს ბელადის ხატში, რა თქმა უნდა, ვერ ჩაჯდებოდა. სრული სიმართლის დადგენა სტალინის ამ „ექსში“ (და სხვა საქმეებში) მონაწილეობის ხარისხის შესახებ ამგვარად ჭირს. დანამდვილებით მხოლოდ ის ვიცით, რომ ჯგუფის ძირითადი ბირთვი სტალინმა შექმნა, მისი გავლენა ჯგუფზე განუზომლად დიდი იყო, და რომ „საქმის მიმცემი“ კასრაძე სწორედ მან დააკავშირა ტერორისტებთან.

მაგარა პირდაპირი მტკიცებულებების არარსებობას ხელი არ შეუშლია სტალინის ბანდიტური იმიჯის შექმნისთვის: ამერიკის შეერთებული შტატების პრეზიდენტმა რუზველტმა ერთხელ აღნიშნა, რომ ის საბჭოთა სახელმწიფოს მეთაურში ჯენტლმენის ნახვას ელოდა, სამაგიეროდ კრემლში მან ყოფილი კავკასიელი ბანდიტი აღმოაჩინა³⁴⁵.

345 A. Г. Сидман. Революционный террор в России 1894-1917, 1997 წ., გვ. 354.

ერივანსკის „ექსის“ შემდეგ

ერივანსკის მოედნის „ექსის“ შემდეგ ჯგუფს ვიატკის გუბერნიიდან გამოქცეული კოტე ცინცაძე შეუერთდა. კოტე ცინცაძე გადასახლებამდე ქუთაისის ციხეში იმყოფებოდა (შეგახსენებთ, რომ ცინცაძე ქუთაისის საზინაზე თვედასხმის მომზადების მომენტში დააპატიმრეს). აქვე შეჰპირდა ციხეში მყოფ ამხანაგებს გაქცევის მონყობას, განსაკუთრებით თომა ჩუბინიძის და ისმაილ ჭუმბურიძის გათავისუფლება იყო აუცილებელი, რადგან მათ ჩადენილი დანაშაულებისათვის სიკვდილით ჰქონდათ მისჯილი. აქვე უნდა აღინიშნოს, რომ ჯგუფის ტაქტიკა დაპატიმრებული წევრებისადმი ცალმხრივად პროაქტიული იყო – როგორი დაცული და „გაუტყეველიც“ უნდა ყოფილიყო საპყრობილე, ჯგუფის მთელი ძალისხმევა და ენერჯია დაკავებული ამხანაგის გამოხსნისაკენ იყო მიმართული. ციხეებიდან გამოქცევა მაშინ შედარებით გაადვილებული საქმე იყო მოძველებული შენობების, სუსტი ზედამხედველობის, ცუდი აღჭურვილობისა და კორუფციის გამო.

ქუთაისის ციხის ქვეშ გვირაბის გათხრა და პატიმრების მასობრივი გაქცევა გამჭრიახობის, თავზეხელაღებულობისა და კარგად დაგეგმილი და შესრულებული უაღრესად სარისკო ოპერაციის კიდევ ერთი მაგალითია... იქამდე ამ ციხიდან „თავზედური“ გაქცევის კიდევ ორი შემთხვევა იყო: პირველად, „ნახვის დღეს“ მენ-შევიკი ზაქარია გურული საჭმლისა და საცვლების გადასაცემად ამოჭრილ პატარა სარკმელში გააძვინეს; მცველი, რომელსაც გადაცემების გასინჯვა ევალებოდა, მოსყიდული იყო. მეორედ, აფრასიონ მერკვილაძის ახალგაზრდა რაზმელი ამბაკო სამანიშვილი კოტე ცინცაძემ ეტაპში გაიყოლა ციხის საავადმყოფოში მყოფი სხვა პატიმრის მაგიერ.

ქუთაისის ციხის ქვეშ გვირაბი მოპირდაპირე მხარეზე დაქირავებული სახლის სარდაფიდან ითხრებოდა. სახლის დამქირავებლად ჯგუფის აქტიური წევრი მარო ბოჭორიძე შეირჩა. ის თითქოსდა წინდების საქსოვი ციხის გახსნას აპირებდა („ჩუღ-ქის“ საქსოვი მანქანა ბარონ ბიბინიშვილის ცოლმა მისცა). გვირაბის გასათხრელად სპეციალურად ჭიათურიდან ჩამოიყვანეს მარგანეცის მადნის საბადოებში განაფული მუშები. ზაქარია გურული, კოტე ცინცაძე და ბაჭუა კუპრაშვილი პირადად ხელმძღვანელობენ ოცმეტრიანი გვირაბის გაყვანას.

ქუთაისის ციხის გატყვის ეს ეპიზოდი სავსეა მოულოდნელი საფრთხეებით და ექსტრემალური სიტუაციებით, სადაც ჯგუფის მახვილგონივრულობა და სწრაფად რეაგირების უნარი ვლინდება; სახლის პატრონი ფანცხავა ეჭვს იღებს გვირაბის თხრაზე და მოულოდნელი ვიზიტით ეწვევა კონსპირატორებს. ამ ვიზიტის შემდეგ მისი ეჭვები უფრო ძლიერდება და პოლიციაში წასვლას გეგმავს. ჯგუფი ოპერატიულად უკავშირდება ყოფილ „ხალხოსანს“ გიორგი ზდანოვიჩს და მენშევიკ გრიგოლ ლორთქიფანიძეს. ამ ბატონების ზენობლით და პირდაპირი მოქრთამებით (მას 3 ათასი მანეთი მისცეს) ფანცხავა დასმენას გადაიფიქრებს. საეულისხმო ფაქტია, რომ ფანცხავას ცოლმა იცოდა გვირაბის გათხრის ამბავი, მაგრამ საიდუმლო შეინახა. ბოლშევიკებმა ეს არ დაიფიქრეს და საბჭოთა ხელისუფლების დამყარების შემდეგ მას პერსონალური პენსია დაუნიშნეს.

ციხის ტერიტორიაზე ხვრელის შეყვანის შემდეგ შეიქმნა საშიშროება, რომ ციხის დარაჯი, რომელიც გვირახის თავზე დადიოდა, ხმაურს გაიგებდა. მთხრელებისა და ციხის პატიმრების კოორდინირებული მოქმედებით სამუშაოს გაგრძელება მოხერხდა – გარედან პატიმრებს სხვადასხვა ნიშნებით ატყობინებდნენ, როდის უნდა აეტყებათ „ხმაურობა და ბრაგუნი, რომ მინაში გუგუნის არ გაეგო ჯარისკაცს“. საბოლოოდ ერთ-ერთ საკანში ხვრელი ამოიყვანეს და 1907 წლის 26 სექტემბერს 36-ზე მეტი პატიმარი ციხიდან გაიქცა. გაქცევის წინ სიაში აღნიშნულ ტუსალებს გასამხნეველად კონიას ასმევდნენ.

არანაკლებ კორინდიაციას და სინქრონულ მოქმედებას ითხოვდა გამოქცეული პატიმრების კონსპირაციული ბინებზე გადაყვანა, მათი გრიმირება, ყალბი პასპორტებით უზრუნველყოფა და ქალაქიდან გაყვანა. მხოლოდ ხუთი გამოქცეული³⁴⁶ დააპატიმრეს მეორე დღეს და ისიც „პროვოკატორის“ გამო. ციხიდან, პირველ რიგში, გამოვიდნენ ჯგუფის წევრები, თომა ჩუბინიძე და ისმაილა ჭუმბურიძე, „დანარჩენი პატიმრების უმრავლესობა მენშევიკები იყვნენ, მაგრამ მენშევიკურ პარტიას თითო თითზე არ დაუკარებია მათ მოსაჯულად“ – წერს ცინცაძე. ის, რა თქმა უნდა, სცოდავს, რადგან ეს ოპერაცია მენშევიკებისა და ბოლშევიკების ერთობლივი საქმე იყო და რომ არ „ჩაიფუშა“, იმავე ლორთქიფანიძეს, მენშევიკს, უნდა უმაღლოდეს. ნაქარია გურული საკუთარ მოგონებებში იმ ფაქტს ამყარებს, რომ ეს საქმე მენშევიკების დანებებული იყო. გვირახის გათხრის სამუშაო უკვე გაჩაღებული ჰქონდათ, „...როცა კ. ცინცაძე ჩამოვიდა რუსეთიდან (ქუთაისის ციხიდან იყო გაგზავნილი აღმინისტრაციულათ), მასაც ეს საქმე ქონია მიზნით და გათხოვს შეერთებასო. სანი-ნაალმდეგო რა უნდა მქონოდა, მით უმეტეს მუშა ხელის მომატება საჭირო იყო“³⁴⁷ (ქუთაისის ციხიდან გაქცევის ამბავმა ქართულ საბჭოთა ლიტერატურასა და კინოში პოვა ასახვა: ერთ-ერთმა გამოქცეულმა პატიმარმა, მომავალმა ცნობილმა მწერალმა ლეო ქიაჩელიც გამოაქვეყნა რომანი „სისხლი“ (1927 წ.), 1975 წელს კი გადაიღეს ფილმი „გაქცევა განთიადისას“ (რეჟისორი სიკო დლოიძე)).

რამდენიმე დღეში მოხერხდა პროვოკატორის გამოყენება. ის აღმოჩნდა ვინმე მუსერიძე, რომელიც დაგებულ ხაფანგში გაება და თავისი მოქმედებებით დაამტკიცა, რომ გამყიდველი იყო (როგორც შემდეგ გამოირკვა, მაზრის უფროსი სამტრედიის ბოქაულის ადგილს შეჰპირებია). ის ასევე ოპერატიულად მოკლეს. მიუხედავად იმისა, რომ მუსერიძეს დღედაღამე რამდენიმე სტრაფინი და პოლიციის აგენტი

³⁴⁶ მათ შორის ტერორისტი გედენია კაჭარავა, რომელიც თავზარს სცემდა მთელ სამეგრელოს. საინტერესოა, რომ, როცა სასამართლო კაჭარავას ჩამოხრჩობა მიუსაჯა, სახელმწიფო სათათბიროს სოციალ-დემოკრატიულ ფრაქციას ფოთელმა მუშებმა დეკემბრის აჯანყებულს, რათა მათ ეშუამდგომლათ კაჭარავასთვის სიკვდილის სასჯელის შეცვლის თაობაზე. მართლაც, სიკვდილის განაჩენი კაჭარავას 15-წლიანი კატორღით შეუცვალეს. ციხეში კაჭარავას სისხლის სამართლის დამნაშავეებმა მოკვლა მოუნდომეს. საქმე ის არის, რომ თავის დროზე მან პარტიის დავალაგებით სიცოცხლეს გამოასალმა რამდენიმე საშიში ბანდიტი, რომლებიც არც ბავშვებს ინდობდნენ და არც ქალებს. კაჭარავა პოლიტიკურმა ტუსალებმა დაიცვეს. ციხეში გაიმართა სასამართლო, სოც.-დემოკრატულმა კაჭარავას დაცვა იკისრეს და სისხლის სამართლის დამნაშავეებს განუცხადეს: „გედენია კაჭარავა არის იარაღი სოც.-დემოკრატიული პარტიის, მან შეასრულა ის, რაც უკარნახა ორგანიზაციამ. კაჭარავას წინააღმდეგ წასვლა იქნება წასვლა პარტიის წინააღმდეგ“. რევოლუციონური მოძრაობა სამეგრელოში 1905 წ., 1929 წ., გვ. 46-47. კაჭარავას რუსეთის საკატორლო ციხეშიც უპირებდნენ მოკვლას, მაგრამ მან იქაც მოახერხა თავის გადარჩენა. როგორც ხედავთ, „პოლიტიკურება“ და სისხლის სამართლის დამნაშავეების შორის დაპირისპირება რუსეთის იმპერიის ციხეებში იმთავითვე არსებობდა და ეს კომუნიზატების მიერ ინსპირირებული არ ყოფილა, არამედ შეთვისებულ-გაუწეოებულ-გაუწეოებული, რაც საბჭოთა ნეობილბების დროს ქურდული ინსტიტუტების შექმნაში აისახა.

³⁴⁷ ზ. გურული, მოგონება, 2005 წ., გვ. 23.

იცავდა, ის ქალაქის ცენტრში ბაჭუა კუპრაშვილის მიერ ორგანიზებული თავდასხმის შედეგად გამოასახლმე სიცოცხლე.

ქუთაისის ოპერაციის შემდეგ ჯგუფი ბაქოში გადავიდა (მათ ერივანსკის მოედნის მსგავსი ძარცვის მოხდენა სურდათ), რადგან ამიერკავკასიაში მხოლოდ ბაქოს სახელმწიფო ბანკში იყო ყოველდღიურად დიდი რაოდენობით ქალაქის ფული. 1905 წლის რევოლუციის შემდგომი პერიოდის ბაქოში ტერორის აღმავლობა აღინიშნებოდა. მხოლოდ 1907-08 წლებში ბაქოში ათასზე მეტი მკვლელობა და ძარცვა-გლეჯვა მოხდა. ერთ-ერთი ყველაზე ცნობილი ტერაქტი დაშნაკების მიერ ბაქოს გუბერნატორის, მიხეილ ნაკაშიძის, მკვლელობა იყო. დაშნაკები ნაკაშიძეს სომეხ-თათართა უღელტის მთავარ ინიციატორად თვლიდნენ. ბაქოს ქართული საზოგადოება კი ამტკიცებდა, რომ ნაკაშიძეს არავითარი ბრალი არ მიუძღოდა სომეხების წინაშე და რომ ის არც წამქეზებელი ყოფილა, არც გამამწვავებელი ამ დაპირისპირებისა.

ბაქოში პირველად კუპრაშვილი, ინკირველი და ჭიაბრიშვილი ჩავიდნენ³⁴⁸. დაიქირავეს ორი ბინა გიმნაზიისა და თათრის (აზნატსკაიას) ქუჩებზე. ნელ-ნელა მათ სხვა ამხანაგებიც შეუერთდნენ. სახელმწიფო ბანკში საჭირო ხალხი მოძებნეს და დაიწყეს მზადება. თვალის სამკურნალოდ წასულ კამოს იარალი უნდა ჩამოეთანა, მაგრამ „თავის გაუფრთხილებლობით კამო ბერლინში დაიჭირეს“. მოგვიანებით იარალი ვანო ბოლქვაძემ და ლადო დუმბაძემ ჩამოიტანეს. მაგრამ დინამიტი ყინვების გამო გზაში გაფუჭდა.

ბაქო პატარა ქალაქი იყო და დიდი ჯგუფის შენახვა პოლიციისაგან შეუმჩნეველი არ დარჩებოდა. მიუხედავად ამისა, 1907 წლის ბოლოდან 1908 წლის ივნისამდე მთელი ჯგუფი იარალის მოლოდინში ბაქოში იმყოფებოდა. ბოლოს და ბოლოს, იარალი ჩამოიტანეს და საწყობი მოაწყვეს შედედეთის ქვეშევრდომ დიურფელის ბინაში, სადაც სტეპკო ინკირველი და თომა ჩუბინიძე ცხოვრობდნენ³⁴⁹.

დანიშნეს ბანკზე თავდასხმის დღეც. მაგრამ მოულოდნელად 1908 წ. 20 მაისს პოლიციამ საწყობის კვალს მიაგნო, დღისით თავს დაესხა და სტეპკო ინკირველი მოკლა. სანამ ამ თავდასხმის დეტალებს გაგაცნობდეთ, ორიოდე სიტყვით სტეპკოს პიროვნებაზე უნდა შევჩერდეთ. ივანე ინკირველი ოზურგათის სასულიერო სასწავლებლიდან რევოლუციური პროპაგანდისთვის იყო გარიცხული. კოტესა და ბაჭუსთან ერთად ის ბანდის ერთ-ერთი პირველი წევრი იყო. როგორც ჩანს, ინკირველი განსაკუთრებული გავლენით სარგებლობდა. 1904-05 წლის რევოლუციური

348 კოტე ცინცაძე მოგონებებში წერდა, რომ, როცა მათი ჯგუფი სამუშაოდ ბაქოში გადავიდა, „...მენშევიკებმა, ბათუმის ორგანიზაციამ, ერთი კაცი მოგვცა - ვარდენ თიკანაძე. რომელიც მონაწილეობას მიიღებდა ჩვენთან ერთად და ერთ წილს მენშევიკების სასარგებლოდ წაიღებდა“. „რევოლუციის მატინაე“, 1923 წ., გვ. 60.

349 სტალინის ბაქოსდროინდელ მოღვაწეობაზე არაფერს წერს არც კოტე ცინცაძე და არც ბაჭუა კუპრაშვილი. ზოგიერთი ავტორის მიხედვით, კობა იყო ბოლშევიკური ცენტრის ერთ-ერთი ხელმძღვანელი და ბაქოში გავრცელებული ფულის გამოძალვის მიზნით ადამიანთა (ძირითადად ბავშვების) გამტაცებელი, საფოსტო გემის მძარცველი, კომერციული და სახელმწიფო დანებსებულბებ-ის „დამყადაღებელი“ და სხვა კრიმინალური ქმედებების მთავარი ორგანიზატორი. იგივე ავტორები აღნიშნავენ, რომ სტალინი ამ საქმეებში აქტიურად იყენებდა თბილისურ „პოევაია დრუჟინას“. სტალინი 1908 წლის 25 მარტს დააპატიმრეს (საბოლოოდ ციმბირში გადაასახლეს), მაშინ, როცა ჯგუფი რამდენიმე კვირის ჩასული იყო ბაქოში. ნაკლებად სავარაუდოა, რომ ამ ხნის განმავლობაში თბილისურ „დრუჟინას“ ამდენი კრიმინალური აქტის მოწყობა მოეხსნო და ამაზე „მემწურისტებს“ არაფერი დაეწერათ. სავარაუდოდ, სტალინმა, რომელიც ბაქოში 1907 წლის ზაფხულში, ერივანსკის „ექსის“ შემდეგ წავიდა, მსგავსი ჯგუფი შექმნა, რომლის კრიმინალური აქტივობა „თბილისურ“ ჯგუფს არ უკავშირდებოდა. ეს უკანასკნელი „ერთი დიდი ექსის“ გასაკეთებლად ჩავიდა ბაქოში და ზემოთ დასახელებულ სტალინის „მოღვაწეობასთან“ შეხება არ კონია.

არეულობების დროს 17-18 წლის სტეპკო თავის თანაწლოვან კოტე ცინცაძესთან ერთად ჭიათურის (რომელიც განსაკუთრებულად მღელვარებად) ხუთწევრიან რევოლუციურ კომიტეტში შედიოდა. პირადად მონაწილეობდა „სტრახინების“ მოსტეგბსა და ტენგინის ჯარის ნაწილებზე თავდასხმასა და მათ განიარაღებაში. რამდენიმე თვის განმავლობაში ჭიათურის მაზრა „კომიტეტის“ ხელში იყო: პოლიციის ნაწილები განიარაღებული იყო, მაზრაში განლაგებული სამხედრო პოლკი – ბრძოლაში დამარცხებული და იარაღაყრილი.

გარდა „პრაქტიკული“ მუშაობისა, სტეპკო თეორეტიკოსობასაც იჩენებდა, ჩამოყალიბებული ჰქონდა და ასწავლიდა რამდენიმე რევოლუციურ წრეს. ზაქარია გურული ჭიათურის ამბების გახსენებისას წერდა: „...გაფიცვა დაიწყო 23 იანვარს გრანდიოზული მიტინგით და დემონსტრაციით. მიტინგზე ვ. ინკირველის მიერ პირველად საჯაროთ ითქვა სოც.-დემ. პროგრამა“³⁵⁰. უნდა ვიგულისხმოთ, რომ „ინტელექტუალის“ და თავზეხელაღებული „პრაქტიკოსის“ სახე მის გავლენას ბანდაზე განსაკუთრებით აძლიერებდა. გადმოცემით, სტეპკო იოსებ ჯულაშვილს თავის მშობლიურ სოფელ ფამფალეთში, ერთი მწყემსის ქოხში მალავდა.

სტეპკო ინკირველი ბაქოში „უკანასკნელი დიდი საქმის გასაკეთებლად“ გაემგზავრა, შემდეგ თეორიულ სამუშაოზე გადასვლას გეგმავდა. თურმე ბევრჯერ ჰქონია ნათქვამი მეგობრებისთვის, იარაღს ცოცხალი თავით არავის დავენებდნენ. ბევრჯერ შეკამათებულან ამ საკითხზე. სხვებისთვის გამოუვალ სიტუაციაში იარაღის დაყრა კეთილგონიერი ქმედება იქნებოდა, მაგრამ არა ინკირველისთვის. კოტე ცინცაძის განმარტებით, სტეპკოს „...სიკვდილის უმთავრესი მიზეზი ის იყო, რომ მას თავიდანვე გადანყვეტილი ჰქონდა, რა პირობებშია არ უნდა ჩავარდნილიყო, წინააღმდეგობა გაენია. მას რომ წინააღმდეგობა არ გაენია, ის ალბათ, დღესაც ცოცხალი იქნებოდა: ციხიდან შეიძლებოდა მისი განთავისუფლება, ანდა სასჯელის მოხდა, რადგან ის ძლიერ ახალგაზრდა იყო“³⁵¹.

იმ დღეს პოლიციელები ბინაში ისე შევიდნენ, ტერორისტებმა ვერც კი შეამჩნიეს – სტეპკო და თომა ჩაის სვამდნენ. პოლიციელებმა მათ პასპორტები მოსთხოვეს. სტეპკო ვითომდა პასპორტის ასაღებად ადგა და განჯინისაკენ გაქანდა, სადაც რევოლუციური ჰქონდა შენახული. ამოიღო რევოლუციური და ორი პოლიციელი მოკლა. ამასობაში პოლიციელებმა თომას თავში იარაღი ჩაარტყეს და უკვე მოსაზღვრე ოთახიდან ინკირველს ტყვიები დაუშინეს. სტეპკოს დის, მინიკას ცნობით, ის ვინმე ვალოდია ესაძემ მოკლა. „...მიცვალეზულს გადაართვენ სურათი (ფოტო – ი. მ., ლ. ხ.) ისე დამახინჯებულად და დაასაფლავეს ბაქოში ახალ საზოგადო სასაფლაოზე“³⁵². მძიმედ დაჭრილი თომა ჩუბინიძე ბაილოვის ციხეში მოათავსეს, იარაღის მთელი სა-

350 ზ. გურული, მოგონება, 2005 წ., გვ. 12-13.

351 „რევოლუციის მატჩანე“, გვ. 113.

352 „რევოლუციის მატჩანე“, 1923 წ., №1, 2, გვ. 175.

* გურიამი ინკირველის პატივსაცემად ხალხური ლექსი შეიქმნა:

ვინც საქმე ჰქმნა საკირველი,
მოვიგონოთ ის პირველი.

ბრძოლის ცეცხლში დაფრფლილი

ჩენი სტეპკო ინკირველი.

მოგიზგიზე და უმანკო

გული დანვა, როგორც დანკომ,

მტარვალეზმა როცა მოკლეს,

დაიკენესა მთელმა ბაქომ.

ც. ნიკოლაიშვილი, შ. თავართქილაძე, სოფელი ბახვი, 2003 წ., გვ. 168.

წყობი კი პოლიციას ჩაუვარდა ხელში.

ამ ამბებმა ძალზე დამორგუნველად იმოქმედა ჯგუფის წევრებზე: თეოფილე კაკრიასვილმა აჩინა, სტეპკოს დალუპისთვის ბაქოს პოლიციაზე შური უნდა ვიძიოო, მას აპყვენდა აკაკი დალაქიშვილი და ვანო შიმშანოვი. მოუხედავად ამხანაგების შეგონებისა და თხოვნისა, მათ დაარღვიეს დისციპლინა და ჯგუფიდან ნაეიდნენ. ნასულეებს არც ფული მისცეს და არც იარაღი. მათ იარაღი იმოვეს და ფულის საშოვნელად ვილაც „არტელჩიკს“ დაესხნენ თავს. ურთიერთსროლის დროს კაკრიასვილი დაჭრეს და დაიჭირეს, ერთ კვირაში გაასამართლეს და ჩამოახრჩვეს.

საქართველოში დაბრუნების შემდეგ (ბაქოში მხოლოდ ხუთი კაცი დარჩა), 1908 წლის ზაფხულში, თომა ჩუბინიძის ციხიდან გამოსახსნელი თანხის მოპოვების მიზნით „ბოევია დრუჟინამ“ თბილის-მანგლისის ფოსტაზე მოაწყო თავდასხმა. ოთხ-ცხენიან ფოსტის ეტლს სამი ყუმბარა ესროლეს. აფეთქების ძალამ ცხენები და მცველები ხრამში გადააგდო. ცხენოსანი ჩაფრები გაიფანტნენ და ხრამიდან დაუნყეს თავდამსხმელებს სროლა, თუმცა სროლა დიდხანს არ გაგრძელებულა – ერთი ჩაფარი მოკვდა, დანარჩენებმა იარაღი დაყარეს. ნადავლი 21 000 მანეთი იყო. ძარცვის შემდეგ თავდამსხმელები ფულით ხელში ოქროყანის ფერდობებით ფუნიკულიორისაკენ გაემართნენ. მათ ნამოენიათ მანევრებზე მიმავალი კაზაკთა ასეული, ატყდა სროლა, მოკლეს კოლია ბრეგვაძე, რომელიც ავად იყო და აღმართში სირბილი ვერ შეძლო³⁵³ და დაჭრეს დათიკო ჭიბბრიშვილი, რომელიც უგონო მდგომარეობაში ეგდო ფუნიკულიორის ერთ ხეში და პოლიციამ იქ მიაგნო.

კოჯრის გზაზე ძარცვიდან ნამოლებული ფულიდან 10 000 მანეთი ბაქოს ბოლშევიკური ორგანიზაციის სახელზე გადაეცა შაუმიანს, დანარჩენი თომა ჩუბინიძის ბაილოვის ციხიდან გამოპარვის ორგანიზაციას მოხმარდა. ამავე ციხეში იმავე დროს იჯდა კობა-სტალინი. მის გამოსხსნაზე არავის უფიქრია უბრალო მიზეზის გამო: თომას სიკვდილით დასჯა ემუქრებოდა, კობას კი – ციმბირში გადასახლება, საიდანაც გამოპარვა მაინცდამაინც დიდ სიძნელეს არ ნარმოადგენდა. თომას ციხიდან გამოსხსნის ამბავი, ამ კრიმინალური დრამის თითოეული დეტალი უდიდესი რისკის შემცველი და იმავდროულად უარესად გამომგონებლური მოქმედებებით ხასიათდება. ჯერ ამოარჩიეს თომას საკნის ზედამხედველი, ვინმე ილია, რომელსაც კოტე ცინცაძე სახლში ესტუმრა და პირდაპირ გამოუტყდა საუბარში, რომ ბოლშევიკი იყო და თანაპარტიელი მეგობრის გამოსხსნას გეგმავდა. მეორეჯერ ილიასთან ბუდუ მდივანი მიიყვანა. ბუდუმ თავისი მჭევრმეტყველებით ზედამხედველი თომას განთავისუფლების სურვილით აანთო. რამდენიმე კვირის შემდეგ ილიას ეს საქმე თავის საქმედ მიაჩნდა.

საჭირო იყო ისეთი გეგმის შედგენა, რომ გაქცევა ილიას მორიგეობის დროს მომხდარიყო. ფორმალურად ისე უნდა მოეწყობა, თითქოს გაქცევა შემცველი ზედამხედველის მორიგეობის დროს მოხდა („ის მეორე მორიგე ყოვლად საძაგელი ადამიანი იყო, პატიმრებს სასტიკად ეპყრობოდაო“, – წერს ცინცაძე).

ციხეში ყოველ დღით პატიმრებს თვლიდნენ. ყოველი გადათელის დროს, გეგმის მიხედვით, თომა საპირფარეოში უნდა მჯდარიყო. უკუჩ მართლა აშლილი რომ

353 ბრეგვაძე ანარქისტების პარტიის წევრი იყო და „ბოევია დრუჟინამ“ შესვლა სურდა. იმ დროს სოციალ-დემოკრატებმა სასიკვდილო განაჩენი გამოუტანეს ქუთაისის ციხის უფროსს აბშილავას. ბრეგვაძეს „...ასეთი პირობა დაუდეთ: თუ მიიღებდა და აღიარებდა ბალშევიკურ იდეას და თან აბშილავას მოკლავდა, გუგუფში მივიღებდით“, – წერდა ცინცაძე. ორშაბათობით აბშილავა გუბერნატორთან დადიოდა მოხსენების გასაკეთებლად. მას დაუდარაჯდნენ, „შეუხტენ ეტლში, მოკლეს აბშილავა, ორი მცველი სასიკვდილო დასჭრეს (აგრეთვე დაიჭრა ქუჩაში მიმავალი ბავშვი – ი.მ., ლ. ხ.) და მიიმალენ უგზო-უკვლოდ“. რეეოლუციის მატჩანე“, გვ. 112.

ჰქონდა, ის მთელი ერთი თვის განმავლობაში საფალარათო წამალს სვამდა. ციხის ადმინისტრაცია ისე შეეჩვია თომას საპირფარეოში ყოფნას, რომ გადათვლის დროს საპირფარეოს გაუსინჯავად ინიშნავდნენ მის ციხეში ყოფნას. საჭირო იყო ბორკილების გადახერხვა. ეს პატიმარმა ილიას მორიგეობის დღეს მოახერხა. გადახერხილი რგოლი ხელოვნურით შეცვალეს, ისე, რომ თვალით არაფერი ეტყობოდა. ასევე აუცილებელი იყო თომას საკანში ჩასმული ჯაშუშის მოკვლა. ზედამხედველის მიერ შეტანილი სტრიქონი ჯაშუშს ლიმონათში ჩაუყარეს. მართალია, ის არ მოკვდა, მაგრამ სამი დღე კომაში იმყოფებოდა, რაც სრულიად საკმარისი იყო გეგმის განსახორციელებლად.

გაქცევის სხვა დეტალები და კონსპირაციული ბინის მისამართი პატიმარს კოტემ პირადად მიანოდა. ის ციხეში დაუკავშირდა ქართველ ბოლშევიკს, „პოლიტიკურების“ მამასახლისს, რომელსაც ციხის ყოველ კუთხეში მისვლის საშუალება ჰქონდა. კოტემ ამ მამასახლისის ნათესავად გაასალა თავი და მას ციხეში ესტუმრა. შეხვედრა მოეწყო დერეფანში, სადაც თომას უნდა გაეელო. მამასახლისმა კოტე დერეფანში მიმავალ თომას „ნარუდგინა“ და კონსპირატორებმა ამ შეხვედრისას გაქცევის დეტალები დააზუსტეს.

გაქცევის ღამე ილიამ ციხის ალაყაფთან პოსტზე დაყენებული გოროდოვოი არყის საყიდლად გააგზავნა. ამის შემდეგ ილიას მიერ მიცემული ზედამხედველის ფორმაში გამოწყობილი თომა, რომელმაც მანამდე ბორკილები მოიშორა, დაუბრკოლებლად გავიდა ციხიდან და მეორე დღეს უკვე ბაკურიანში იყო.

მეორე დილას პატიმრების გადათვლის დროს თომა კვლავ არ აღმოჩნდა საკანში. მეორე ზედამხედველმა და ციხის უფროსის თანაშემწემ ჩათვალეს, რომ ის, როგორც ყოველთვის, საპირფარეოში იყო და ილიამ მორიგეობა გადააბარა. ციხის ადმინისტრაციისთვის ბოლომდე გაურკვეველი დარჩა, როგორ გაიქცა თომა ციხიდან.

1909 წელს, თომას გამოპარვის შემდეგ, კოტე, ბაჭუა, იგია თომა და ამბაკო სამანიშვილი ბაქოში ბრუნდებიან (ჯგუფის სხვა წევრები საქართველოში არიან), აქტიურად იწყებენ სხვადასხვა ტერორისტული გეგმის შემუშავებას, მათ შორის საფოსტო გემის ხელში ჩაგდებას. შუშიანი, ბუდუ მდივანი, ალიოშა ჯაფარიძე – ბაქოს ბოლშევიკური ცენტრის სხვა ხელძღვანელობა „ძალიან გვეხმარებოდა ამ გეგმის განხორციელებაში“, – წერდა ბაჭუა. აქედან არაფერი გამოვიდა და „ოთხეულმა“ მალე ბაქო დატოვა.

მთელი ჯგუფმა საქართველოში გააგრძელა „პარტიული მუშაობა“. დათიკო ჭიპარიშვილის მეტეხის ციხიდან გაქცევის მოწყობის პროცესში პოლიცია ვერაზე საიდუმლო ბინა აღმოაჩინა და დაიჭირა ვანო კალანდაძე, ილიკო ჭაჭიაშვილი და ელისე ლომინაძე, რომელიც გერმანე მგალობლიშვილის პასპორტს ატარებდა. ამ გვარ-სახელით მიუსაჯეს მას კატორღა. იმავე ზაფხულში ბაქოში დააპატიმრეს ის-მაილა ჭუმბურიძე, რომელიც შემდეგ კოლია ლორთქიფანიძესთან და მერკვილაძის სხვა რაზმელებთან ერთად ქუთაისის ციხეში ჩამოახრჩვეს. 1908 წლის დამლევეს ჯგუფის უმრავლესობა განაგურებულ იქნა. დარჩნენ ბაჭუა კუპრაშვილი, კოტე ცინცაძე, თომა ჩუბინიძე და ამბაკო სამანიშვილი. ორ უკანასკნელს ჩამოხრჩობა ჰქონდა მისჯილი, ციხიდან იყენენ გაქცეულები, ამიტომ მათი რაიზე საქმეში მონაწილეობა ძალზე საშიში იყო. ქალებიდან ანეტა სულაქველიძე და ფაცია გალდავა ჭლექით იყვნენ დააყადებული.

გადაწყდა გორის ხაზინის ქვეშ ხერელის გაყვანა, მაგრამ ამ დროს ბაჭუა დაიჭირეს. ხერელის გაყვანა მაინც დაამთავრეს, თუმცა საქმე გასკდა და ყველა მონაწილე დააპატიმრეს. ბაჭუა ჩელიაბინსკი გადაასახლეს. მან მოახერხა იქიდან გამოქცევა. გორში ჩავარდნის შედეგად დაჭერილ ამხანაგებს ბაჭუა, კოტე და ამბაკო სამანიშ-

ვილი ეხმარებოდნენ. ამასობაში ილიკო ჭაჭიაშვილი მეტეხის ციხეში გარადიცვალა. ელისე ლომინაძე, ვანო კალანდაძე და დათიკო ჭიაბრიშვილი კატორღაში გაგზავნეს. ვანო კალანდაძემ სარატოვის ციხეში დაღია სული. ელისე ლომინაძე კატორღის და გადასახლების მოხდის შემდეგ საქართველოში ჩამოვიდა და მალე გარდაიცვალა. თომა ჩუბინიძე და მარო ბოჭორიძე გორის ხაზინის გაძარცვის მცდელობის გამო გამოძიებაში იმყოფებოდნენ. ამავე დროს საზღვარგარეთიდან ჩამოიყვანეს კამო, რომელიც თავს გიჟად ასალებდა³⁵⁴.

1911 წელს მარტოდ დარჩენილმა კოტე მუდუ მდივანის და კამოს დების დახმარებით მოაწყო კამოს ფსიქიკური საავადმყოფოდან გაქცევა. სცენარი ბაილოვის ციხიდან გაქცევის მსგავსი იყო – კოტე მოსიყდა და „რევოლუციური რელსებზე“ გადმოიყვანა საავადმყოფოს დარაჯი, გვარად ზრადინი. ამ დარაჯის საშუალებით კამოს ქლიბი შეუგზავნეს. დათქმულ დღეს კამომ ბორკილები და სარკმლის ვისოსები გადახერხა, საავადმყოფოს დარაჯები წინასწარ შეგზავნილი მორფით გაყენებული „პერაშკებით“ იყენენ მონამული. თუმცა დოზა პატარა გამოდგა და არ დაეძინათ, მაგრამ კამო მიანიც „გამოეპარათ“: მან საავადმყოფოს სარკმლიდან თოკით მოახერხა მინაზე ჩამოცოცება. რამდენიმე დღის შემდეგ ის საზღვარგარეთ გაიქცა.

ჯგუფის ბოლო ტერორისტული აქტი 1912 წელს შედგა. ამ დროს საზღვარგარეთიდან კამო დაბრუნდა სპარსეთის რევოლუციის ერთ-ერთი ხელმძღვანელ გიგო მათიაშვილთან ერთად. თან ჩამოიტანეს იარაღი. გადამწყდა „რაიზე პატარა ექსის“ გაკეთება“ კატორღაში მყოფი ამხანაგების მისამუშევრებად. თავდასხმა მოაწყვეს ფოსტის ტრანსპორტზე კოჯრის გზაზე, მაგრამ ფული ვერ წაიღეს. ფოსტის გამცილებელმა ბადრაგმა წინააღმდეგობა გაუწიათ და თავდამსხმელები ხელცარიელეები უკუიქცნენ.

სანამ მეორე საქმეს გაჩარხავდნენ, პოლიციამ თბილისში მათიაშვილი და კამო დაიჭირა, ქუთაისში კი – ბაჭუა, რომელიც ქუთაისის ციხიდან გაქცეული ამბაკო სამანიშვილის დასახმარებლად იყო ჩასული. „მაგრამ სანამ მე მასთან ჩავიდოდი, პროვოკატორ კვიმსაძეს გადაყურდა და მისი წყალობით ორივე დაგვიჭირეს, თან მიგეყურეს ვასიკო წიგნავაძე“.

ბაჭუა კუპრაშვილს, კამოს, გიგო მათიაშვილს და მარტია დოლაძეს სასამართლომ ჩამოხრჩობა მიუსაჯა, მაგრამ რომანოვების გამეფების სამასი წლის აღსანიშნავად ჩამოხრჩობა 20-წლიანი კატორღით შეუცვალეს. კატორღაში დაიღუპნენ დათიკო ჭიაბრიშვილი, გიგო მათიაშვილი, ილიკო ჭაჭიაშვილი. ამბაკო სამანიშვილი სასამართლოდან გაქცევის დროს მოკლეს. ფაცია გალდავა 1914 წელს მოსკოვში ჭლექით გარდაიცვალა. 1917 წლის რევოლუციამ ციხეებიდან გათავისუფლა ბაჭუა კუპრაშვილი, კამო, მარო ბოჭორიძე, კოტე ცინცაძე. თომა ჩუბინიძე 1919 წელს დუშეთის მაზრაში ბოლშევიკური აჯანყების დროს მენშევიკებმა მოკლეს. არკადი ელბაქიძე 1919 წელს დენიკინის წარმომადგენელზე, გენერალ ბარათოვზე, თავდასხმისას დაიღუპა³⁵⁵. 1921 წელს აკაკი დალაქიშვილი შემთხვევითმა ტყვიამ იმსხვერპლა. ვანო შიმშანოვი 1921 წელს ჭლექისაგან გარდაიცვალა. 1922 წელს ელბაქიძის აღმართზე, დღემდე საიდუმლო ვითარებაში, ველოსიპედით მიმავალ კამოს მანქანა დაეჯახა და მოკლა. 1928 წელს კოტე ცინცაძე ჯგუფის შემქმნელმა და მეთაურმა

³⁵⁴ საინტერესოა, რომ იმ ექიმთა საექსპერტო ჯგუფში, რომელსაც უნდა გამოეკვლია, მართლა შეურაცხადი იყო თუ არა კამო, დუშეთის ხაზინის გამტაცებლის იოსებ გედევანიშვილის ძმა იყო შესული.

³⁵⁵ გენერალი ბარათოვი დენიკინის არმიისათვის მოხალისე ოფიცრებს აგროვებდა.

სტალინმა განჯაში გადასახლა, სადაც ის ორი წლის მერე გარდაიცვალა³⁵⁶. მარო ბოჭორიძე 1930 წელს ავტოკატასტროფაში დაიღუპა, ბაჭუა კუპრაშვილი კი 1937 წელს დახვრიტეს. იმავე წელს დახვრიტეს ბუდუ მდივანი მთელი თავისი ოჯახით. 1938 წელს დახვრიტეს ბარონ ბიბინიშვილი.

ასე დასრულდა ამ გამორჩეული და ღირსშესანიშნავი ტერორისტული ჯგუფი-სა და მისი წევრების ისტორია. „...სანამ ერთი კაცი მაინც იყო გარეთ, იარალი არ დაგვიყრია“, – ამთავრებს ბაჭუა კუპრაშვილი თავის მოგონებებს...

³⁵⁶ საინტერესოა ცინცადის ბედი. 1921-22 წლებში, საბჭოთა საქართველოს ჩეკას თავმჯდომარედ ყოფნისას, ის დაუკავშირდა ლევ ტროცკის, რომელიც ექვსი თვე თბილისში „დასასვენებლად“ იმყოფებოდა. მათი მჭიდრო ურთიერთობა არ შეწყვეტილა კოტეს გადასახლების („უკლონიზმის“ ბრალდებით) შემდეგაც. ტროცკის არქივებში შემონახულია მათი მიმოწერა, სადაც კოტე „ქვირფას ლევ დაეიდრის“ შესჩივის, როგორ „გაყიდეს“ ზოგიერთებმა პარტიულ ბილეთებზე ბოლშევიკური იდეალები, ლენინის მოძღვრება და ა. შ. ამავე წერილებიდან ვიგებთ, რომ ტუბერკულოზით დაავადებულმა კოტემ იცის, რომ მალე მოკვდება, მაგრამ იმედს იტოვებს, რომ მომავალი თაობები დაინახავენ ნამდვილი ბოლშევიკების სიმართლეს (ასეთად თავის თავს და ტროცკის ჯგუფს მიიჩნევს) პარტიის „ოპორტუნისტული ფრთის ბიუროკრატიული მანქანის“ წინააღმდეგ. თავის მხრივ, ტროცკიმ კოტეს სიკვდილს ვრცელი წერილი მიუძღვნა, სადაც მას „ქველი ბოლშევიზმის ყველაზე უფრო მიმზიდველი ფიგურა“ და „ნაზი ტერორისტი“ უწოდა. www.1917.com/Marxism/Trotsky/BO/BO_No.../Main.html

ეპილოგი

„ნალმა-უკულმა“ გადახნული საქართველო, ანუ „ნითელი“ ტერორი

მეფის მთავრობის მეცადინეობით 1910-იანი წლებიდან პოლიტიკური ტერაქტებისა და ექსპროპრიაციების სიხშირე საგრძნობლად შემცირდა (ერთ-ერთი უკანასკნელი, ყველაზე გახმაურებული ტერაქტი, 1911 წლის სექტემბერში ანარქისტ-კომუნისტის მიერ სტოლიპინის მკვლელობა იყო), თუმცა სისხლის სამართლის დანაშაულებები ისევ მრავლად ხდებოდა, რაზეც იმდროინდელი პრესაც მეტყველებს. 1917 წლიდან ბოლშევიკების ხელისუფლებაში მოსვლის შემდეგ რუსეთში ტერორისტული აქტივობა, შეიძლება ითქვას, მთლიანად ამოიძირკვა, რადგან თვით ახალი სისტემა იყო დამყარებული ტერორისა და ძალადობაზე. „მარქსიზმმა და ლენინის მიერ განვითარებულმა ნეჩაეურმა სტრუქტურამ სიკვდილი შემოიტანა ჩვენს სამყაროში... 1917 წელს რუსეთში მოხდა კოლექტიური თვითმკვლელობა საზოგადოებისა და სახელმწიფოში (1921 წელს იგივე მოახდინეს ჩვენთანაც)“, – წერდა მერაბ მამარდაშვილი³⁵⁷. 1921 წლის 25 თებერვალს საქართველოში საბჭოთა წესწყობილება დამყარდა. სამი წლის განმავლობაში საქართველოში ძალაუფლება მენშევიკების ხელში იყო, მაგრამ უმეცარი და წინდაუხედავი პოლიტიკის გამო მათ ყველაფერი დაკარგეს და მართვის სადავეები ბოლშევიკებს დაუთმეს. „ამ ხანაშიც (იგულისხმება 1921 წელი – ი. მ., ლ. ხ.) ქართველი ხალხის ნაწილ ფენებში ჯერ არ გამქრალიყო რუსოფილური ტენდენციები და რუსთან შეტაკებაში მისმა ხელმძღვანელმა წრეებმა ღირსეული ბრძოლა ვერ აწარმოეს.“³⁵⁸ თავისი პოლიტიკით, სულიკვეთებით და მსოფლმხედველობით (დამოუკიდებლობის დასაწყისში მაინც) ჟორდანის მთავრობა (ქვეცნობიერად) მიმართული იყო ჩრდილოეთისაკენ, მოსკოვისაკენ და არა დასავლეთისაკენ, ევროპისაკენ. ალბათ, არის ჭეშმარიტების მარცვალ ცნობილი ტერორისტის, ვანო ალიხანაშვილის სიტყვებში, როცა ის ამბობდა, რომ „...ჩვენებური ხალხების და განსაკუთრებით ქართველების ბუნებაზე და ფსიქოლოგიაზე ზედგამოჭრილია ბოლშევიკური მუშაობა და ყალყზე შემდგარი იარაღით ხელში რევოლუციონური ბრძოლა“³⁵⁹. და სწორედ „ყალყზე შემდგარმა“ ქართველმა და რუსმა ბოლშევიკებმა საქართველოს დაპყრობისას (ასევე მომდევნო წლებშიც) ცარიზმთან ბრძოლისას შეთვისებული ტერორისტული უნარ-ჩვევების წყალობით იმდენი სისხლი დაღვარეს, რასაც მხოლოდ საქართველოს ყველაზე სასტიკი დამპყრობელი დაიკვებინიდა (სტალინისა და ბოლშევიკებისათვის დითირამბების მგალობელი ალიხანაშვილი კომუნისტებმა 1937 წელს საიქიოს გზას გაუყენეს). ამ ქმედებებს ბოლშევიკები კონტრევოლუციური ძალების საწინააღმდეგო აუცილებელი ზომებით ამართლებდნენ.

³⁵⁷ მ. მამარდაშვილი, 2007 წ., გვ. 112.

³⁵⁸ ს. ზალდასტანიშვილი, საქართველოს 1924 წლის ამბოხება, 1989 წ., გვ. 10.

³⁵⁹ ვანო ალიხანაშვილი, შსსს ფონდი 93, აღწერილობა 2, საქმე 1153, გვ. 2.

ბოლშევიკების ძალადობამ და ე. წ. „წითელმა“ ტერორმა სისტემური და გეგმიური ხასიათი მიიღო. ტერორი იქცა საბჭოთა ხელისუფლების მთავარ იარაღად ადამიანთა განადგურების, დამონების, დემციონებისა და ღირსების აყრის საქმეში.

„წითელი“ ტერორი რუსეთში 1918 წელს დაიწყო. საბაზად გამოყენებული იყო 30 აგვისტოს პეტროგრადის ჩეკას უფროსის ურიცკის მკვლელობა და იმავე წელს ლენინზე მომხდარი თავდასხმა. რეპრესია ყველა „კონტრევოლუციურ“ ძალას შეეხო. ჩეკას ხელ-ფეხი გაუხსნეს და ნება მისცეს, პირადი შეხედულებისამებრ ემოქმედა და იმდენი მძევალი აეყვანა, რამდენიც საქმისთვის იყო საჭირო. პირველი 500 მძევალი უკვე ოქტომბერში იყო დახვეტილი და ამით დაიწყო საყოველთაო „წითელი“ ტერორი, რომლის ვირუსი შემდეგ მთელ ყოფილ იმპერიას მოედო.

1921 წელს ირაკლი ნერეთელი სხვადასხვა ქვეყნის სოციალისტებს სწერდა: „...მას შემდეგ, რაც დამოუკიდებელი საქართველო დაიპყრეს, დაიწყო საქართველოს მუშათა კლასის საუკეთესო ძალების ფიზიკური განადგურება. ქართველი მებრძოლების გადარჩენის ერთადერთი საშუალება ეს ევროპული პროლეტარიატის ჩარევაა. ნუთუ ევროპის პროლეტარიატი დაუშვებს, რომ ათასობით მისი ამხანაგი, თავისუფლებითვის და სოციალიზმისთვის სიცოცხლეს მსხვერპლად რომ სწირავდა, სასტიკი დამპყრობლის ხელიდან დაიღუპოს?“ ევროპის პროლეტარიატმა ყურის ან შეიბერცა. როცა გლობალურ ინტერესზე საუბარი, იქ პატარა ქვეყანა და ერი, როგორც კოზაკი აქლემებს შორის, ისე იჭყლიტება. საბჭოთა რუსეთი იმდროინდელი მსოფლიო სიტუაციიდან გამომდინარე ხედავდა, რომ „სამხედრო ჩარევა და საქართველოს ოკუპაცია“ საერთაშორისო საზოგადოების მხრიდან მძაფრი რეაგირებისა და გართულებების გარეშე ჩაივლიდა, რაც გამართლდა კიდევ. სხვადასხვა წყაროების მიხედვით ლენინი³⁶⁰ საქართველოსთან მიმართებაში თითქოს უფრო მოქნილ და შემრიგებელ პოლიტიკას უჭერდა მხარს, თუმცა, თუ გავიხსენებთ ლენინის მიერ წარმოთქმულ სიტყვას 1921 წლის 28 თებერვალს, საქართველოს გასაბჭოების მესამე დღეს, სადაც ის ამბობდა, რომ თურმე ქართველი კაპიტალისტები შარს ეძებდნენ, რათა სამართარი მოქმედება დაეწყო და საჭირო იყო კავკასიაში აღმოცენებული ხანძრის ჩაქრობა³⁶¹, და ასევე გავიხსენებთ სტალინის დეპუტას ორჯონიკიძისადმი: დასტურია ქალაქი აილე, ყველაფერს ნათელი ეფინება. ვინ მისცემდა ამ დასტურს სტალინს? რა თქმა უნდა, ბოლშევიკური ცკ-ს მაღალი ეშელონები და საკუთრივ ლენინი. თვითონ სტალინი საკუთარ მომხრეებთან ერთად ძალ-ღონეს არ იშურებდა საქართველოს დასაპყრობად – „მას არ სურდა იმის დაშვებაც კი, რომ მისი სამშობლო რუსეთის სახელმწიფოსაგან დამოუკიდებელი ყოფილიყო...“³⁶²

თუ ვინმეს ეგონა, რომ საქართველო რუსების შემოსვლის შემდეგ ისევ დამოუკიდებელ, თუმცა წითელ რესპუბლიკად დარჩებოდა, ძლიერ შეცდა. საქართველოს გასაბჭოების ერთ-ერთი სულისჩამდგმელი და ამავე დროს, საქართველოს ავტონომიის მომხრე საბჭოთა რუსეთის შემადგენლობაში, ფილიპე მახარაძე 1921

³⁶⁰ ლენინის საინტერესო დაბასათებას იძლევა გერონტი ქიქოძე, როცა ამბობს: „...აღმოჩნდა, რომ ევროპული კულტურის ელემენტები შედარებით ცოტაა რუსულ სოციალიზმში... პლენანოვმა და ლენინმა ერთი და იგივე მისტიური სლავიანოფილური სული გამოაშაარავეს, მხოლოდ პირველმა ან აულს უფრო იმპერიალისტურ-ლიბერალური გამოხატულება მისცა, მეორემ უფრო იაკობინურ-კომუნისტური. არსებითად ორივენი რუსეთის გაფართოებისათვის ოცნებობენ. მხოლოდ პლენანოვს უცხო ტერიტორიების ანექსია სწყურია, ლენინს კი უცხო იდეების და სულიერი კულტურის განადგურება“. გ. ქიქოძე, ეროვნული ენერჯია, 1919 წ., გვ. 111.

³⁶¹ ლ. თოიძე, ინტერვენცია, ოკუპაცია, ძალდატანებითი გასაბჭოება, ფაქტობრივი ანექსია, 1991 წ., გვ. 7.

³⁶² სტალინი ისტორიასა და ისტორიკოსთა შეფასებებში, 2002 წ., გვ. 6.

ნლის 6 დეკემბერს ლენინს სწერდა: „...საქართველოში ნითელი ჯარის შესვლამ და საბჭოთა ხელისუფლების გამოცხადებამ მიიღო დაპყრობის ხასიათი, ვინაიდან შიგ-ერთი ამ დროს არავინ არც კი ფიქრობდა აჯანყების მოწყობას; ...საბჭოთა ხელისუფლების გამოცხადების მომენტში საქართველოში არ აღმოჩნდა არც პარტიული უჯრედი, არც უბრალო პარტიის ცალკეული წევრები, რომელთაც შეეძლებოდათ ხელისუფლების ორგანიზაცია. ნათელია, რომ ამ საქმეს ხელი მოჰკიდეს უმეტეს შემთხვევაში საექვო ან პირდაპირ დამნაშავე ელემენტებმა...“ საქართველოს დაპყრობის შემდეგ რუსეთის კომპარტიის ცკ-ს კავკასიის ბიურო და მე-11 არმიის ხელმძღვანელობა (თურმე ნითელმა არმიამ იხსნა ქვეყანა ევროპელი კაპიტალისტების ბატონობისაგან და ის წარმოადგენდა „პროლეტარული ხელისუფლებისა და თავისუფლების დამცველს“, – წერდა გერმანიის კომუნისტური პარტიის ერთ-ერთი დამაარსებელი კლარა ცეტკინი³⁶³, რომელმაც 1924 წლის აჯანყების შემდეგ საქართველოში იმოგზაურა და საკუთარი შთაბეჭდილებები აღწერა წიგნში „Кавказ в огне“) ფაქტობრივად არაფერს ეკითხებოდა საქართველოს ცკ-ს და საქართველოს რევკომს, რომელსაც ფილიპე მახარაძე თავმჯდომარეობდა. „...ამგვარად დედა-აზრი ამ ცვლილებათა, რომელიც მოხდა აქ თებერვლის შემდეგ, – ამბობდა 1924 წლის აჯანყების სასამართლო პროცესზე „დამოუკიდებლობის კომიტეტის“ წევრი იასონ ჯავახიშვილი, – ფაქტიურად მდგომარეობს არა ხელისუფლების შეცვლაში (ქართველი მენშევიკებისა ქართველ კომუნისტებზე), რასაც ჩვეულის მეროე ხარისხივანი ხასიათი აქვს, არამედ საქართველოს დამოუკიდებლობის მოსპობაში. ამ გარემოებამ თვით ქართველი კომუნისტების რიგებში გამოიწვია გადახრები, ე. წ. „უკლონიზმი“, ქართველი ერი კი აიძულა დასდგომოდა აჯანყების გზას“³⁶⁴.

მაგრამ არათუ ბოლშევიკები, ქართველი მენშევიკებიც ისე იყვნენ დაბრამბე-ბული (ან მიძინებული) მოძმე რუსული სოციალ-დემოკრატიის ნათებით, რომ ვერ ჭვრეტდნენ რუსეთთან მოსალოდნელი ომის საფრთხეს, ბევრი მათგანი კი რუსე-ბის შემოსვლაში ვერანაირ სამშრობებს ვერ ხედავდა: „რა გაჭაჭირეო საქმე, ერთი სოციალისტური პარტია მოდის, მეორე მიდისო“, – ამბობდნენ ისინი.³⁶⁵ საბჭოთა რუსეთი საქართველოს „გაშვებას“ არსად რომ არ აპირებდა, ამის კარგი დასტუ-რია გრიშა ურატაძის მოგონება (სხვა უფრო მნიშვნელოვანი არგუმენტები რომ არ მოვიშველიოთ). ის, როგორც საქართველოს დემოკრატიული რესპუბლიკის წარმო-მადგენელი, რუსეთში მოლაპარაკებებზე 1920 წლის აპრილში ჩავიდა და სტალინს

363 К. Цеткин. Кавказ в огне, 1926 წ., გვ. 196

364 ს. ზალდასტანიშვილი, საქართველოს 1924 წლის ამბოხება, 1989 წ., გვ. 10-11. რაც შეეხება „უკლონიზმს“ – კოტე ცინცაძე და ბუღუ მდივანი, რომლებიც საქართველოს დაპყრობის შემდეგ ხელისუფ-ლებაში მოვიდნენ, ეროვნული ინტერესების დაცვის საბაბით არათუ დაკავებული თანამდებობიდან გადაიყენეს, არამედ პირველი მალევე დაიჭირეს და გადაასახლეს, მეორე კი 1937 წელს დახვრიტეს. ორივეს „გამოაშკარაებებში“ წამყვანი როლი ითამაშა სერგო ორჯონიკიძემ, რომელიც ცდილობდა საქართველოს, როგორც ერთ ავტონომიურ ოლქად, შეყვანას რუსეთის შემადგენლობაში. როგორც ირკვევა, „უკლონიზტი“ ქართული ინტერესების გატარებას ცდილობდნენ: სურდათ ქართული ფილიპევიკრათი, ყოფილიყვნენ დამოუკიდებელი (ან ნადავრად დამოუკიდებელი) საგარეო ურთიერ-თობებში, ქართული კულტურული ფასეულობების შენახვასა და გადარჩენაში. ანუ, ფაქტობრივად, სოციალ-ფედერალისტების იდეები განეხორციელებინათ. ალბათ, უნდა აღინიშნოს, რომ სწორედ ამ ე. წ. „უკლონიზტების“ დამსახურებაცაა ის, რომ საქართველო რესპუბლიკის სახით შეუერთდა რუ-სეთს და არა ავტონომიის სახით, რაც სტალინს და ორჯონიკიძეს სურდათ. ასევე ირკვევა, რომ ისინი ხშირად „ამლაშებდნენ“ – ცდილობდნენ, შემოეღოთ კანონი, რომელიც საქართველოს მოქალაქეობას ჩამოართმევდა ქართველს, რომელიც „არაქართველზე“ დაქორწინდებოდა...

365 რ. გაბაშვილი, რაც მახსოვს, დაბრუნება, ტ. 3, 1992 წ., გვ. 351.

მეხვდა. ძველი ამბანაგების შეხვედრა ძალზე ცივი გამოდგა. ურატაძე სტალინის კაბინეტში იჯდა, როცა იქ კამერევი შემოვიდა. ისინი ერთმანეთს გადაეხვივნენ, გადაკონტეს და კამერევა მას უთხრა: „Ах вы, грузинские славоярдеишы! Вы хотите уйти от нас и один есть шанлык и пить кахетинское вино! Шалшы. брат. не так легко! Мы вас не так легко выпустим...“³⁶⁶ ვითომ ხუმრობით ნათქვამ ამ სიტყვებში დამოუკიდებელი საქართველოს ქართველი დიპლომატი სიმართლეს მხოლოდ რამდენიმე ხნის შემდეგ აღმოაჩინეს.

საქართველოს მთავრობამ თავის დროზე სრული უუნარობა გამოიჩინა, არ შექმნა ბრძოლისუნარიანი არმია, პირიქით, მთელი ყურადღება გეარდიაზე, საკუთარი პარტიის დამცველზე გადაიტანა. როცა ქართველებმა დახმარებისთვის ფრანგებს მიმართეს, ერთ მაღალჩინოსან ფრანგს უთქვამს: – რატომ უნდა ვაბრძოლო ჩვენი ფრანგი ჯარისკაცები და ვალვრეინო ფრანგული სისხლი, როდესაც თქვენს მთავრობას, რომელსაც შეეძლო 200 000 ქართველი მეომარი გამოეყვანა, მისი ერთი მეოთხედიც არ გამოუყვანია თავისი სამშობლოს დასაცავადო³⁶⁷. რუსეთი ადრე თუ გვიან სრულ იზოლაციაში მოქცეულ საქართველოს მაინც დაიპყრობდა, ძალთა შეფარდება განსხვავებული იყო, მაგრამ, ალბათ, არა ისე სამარცხვინოდ, როგორც 1921 წელს მოხდა. ის, რაც საქართველოს დაატყდა თავს, დიდწილად მენშევიკების „დამსახურება“ იყო. „1918-1921 წლების საქართველოს დემოკრატია, რომელიც ს.-დ.-ის (სოციალ-დემოკრატების) დიქტატურის, ე. ი. მემარჯვენე ფრთის მარქსიზმის, ფორმა იყო, წარმოადგენდა საქართველოში საბჭოთა დიქტატურის გამარჯვების მოსამზადებელ პერიოდს“, – აღნიშნავდა ცნობილი ისტორიკოსი და იურისტი ზურაბ ავალიშვილი³⁶⁸. მენშევიკებმა უზარმაზარი ტერორისტული მანქანის ანაბარა მიატოვეს საქართველოს დაუცველი მოსახლეობა, თვითონ კი საზღვარგარეთ გადაბარგდნენ.

საქართველო მკაცრი და დაუნდობელი დიქტატურის ქვეშ მოექცა და კულტურულ ავტონომიურ ერთეულად, რუსეთის განაპირა გუბერნიად გადაიქცა, როგორც ეს მეფის ხელისუფლების დროს იყო. ისევ და ისევ ადგილი ჰქონდა აცდებულ დამოკიდებულებას ქართველი ხალხის ეროვნულ და კულტურულ ტრადიციებთან, მართლმადიდებლურ ეკლესიასთან, რომელიც თბილისის თავზე წითელი დროშის ამფორი-ალებელს სერგო ორჯონიკიძეს კონტრრევოლუციის მთავარ ბუდედ მიაჩნდა.

ის, რასაც წლების მანძილზე მეფის რუსეთი ცდილობდა, გაეკეთებინა ქართული ეკლესიის მიმართ, აღმატებულ ხარისხში განახორციელეს ქართველმა კომუნისტებმა რუსი მენტორების დახმარებით. ეს იყო ნამდვილი ბარბაროსული შეტევა ქართული ეკლესიის წინააღმდეგ, რომელიც ისტორიულად ქართველი ადამიანისთვის უფრო მეტი იყო, ვიდრე მხოლოდ სალოცავი ადგილი. წმინდა მენობებს ანგრევდნენ, მათ სოფლის კლუბებად, სანყობებად და თავლებად აქცევდნენ. მხოლოდ 1922-23 წლებში საქართველოში 1500 ეკლესია დაანგრიეს. ერთ ღამეს გურიიში თავს დაესხნენ მღვდლებს და ყველანი გაკრიჭეს, ზოგიერთი სიცოცხლესაც გამოასალმეს (სამღვდელოების წარმომადგენლებს ამგვარად მარტო რუსები და ბოლშევიკები როდი ექცეოდნენ. 1905 წლის რევოლუციური გამოსვლების დროს, გურიის კომიტეტის

³⁶⁶ ოპ. თქვე ქართველო თეთრგვარდიელებო! ჩვენგან ნასელა გინდათ, რომ მარტო მიირთვათ მწვა-ღი და კანური ლეინო? ცელკობ, ძმობ, ასე ადვილად არ გამოვა! ჩვენ ასე ადვილად ვერ გაგიშვებთ.... Г. Ураташ. Воспоминания грузинского социал-демократа, 1968 წ., გვ. 68-69.

³⁶⁷ დ. ვაჩნაძე, ქართული ეროვნული ძირები და რუსული ბოლშევიზმი, 2004 წ., გვ. 70.

³⁶⁸ ზ. ავალიშვილი, საქართველოს დამოუკიდებლობა 1918-21 წლების საერთაშორისო პოლიტიკაში, 1990 წ., გვ. 11

ბრძანებით, „ურჩ“ და „შავრაზმელ“ მღვდლებს, რომლებიც გააფთრებით ებრძოდნენ ახალ (მარქსისტულ) მოძრაობას, ძალით კრეჭდნენ და კლავდნენ. ისიც აღსანიშნავია, რომ ზოგიერთი სასულიერო ძირი რევოლუციის ავანგარდში მოექცა: მღვდელი გიორგი ერქომაიშვილი ტერორისტებს იარაღით ამარაგებდა; დიომიდე შილაკაძე დღისით წირავდა, ღამით კი ტერორისტობდა³⁶⁹). ამ ვანდალური აქტის შემდეგ უკვე ქართველებმა, თავიანთი წინამორბედების (რუსების) მსგავსად, დაიწყეს ეკლესიების ნგრევა და მათი ქონების კონფისკაცია. გურიაში ყველა მოქმედი ეკლესია იყო დანგრეული, თავს იმით იმართლებდნენ – გურულებს ღმერთის არა სწამთო. კლარა ცეტიკინი კი გურიაში ანტისაბჭოთა აჯანყების ერთ-ერთ მთავარ მიზეზად სწორედ ანტისაეკლესიო პოლიტიკას ასახელებს. ცნობისათვის: 1917 წელს ქართულ ეკლესიას 1527 ბერი და 1700 მღვდელი ჰყავდა, საბჭოთა ხელისუფლების დამყარების პირველსავე წლებში მათი რიცხვი 100-მდე დავიდა³⁷⁰.

რუსები და მათი ქართველი დამქაშები არც კი ცდილან ქართველი ხალხის გულის მოგებას დიპლომატიური, ცივილიზებული გზით, ისინი პირდაპირ ძალადობასა და ტერორზე გადავიდნენ, რითაც დათრგუნეს და ღამის გაანადგურეს ქართველობა (ერთხანს საბჭოთა მთავრობამ თითქოსდა ღმობიერება გამოიჩინა და საბჭოთა ნყოფის მონინაალმდეგე დაპატიმრებულ სამოცდაათამდე ინტელიგენტს ნება დართო საზღვარგარეთ გასულიყო, მაგრამ ეს გამოწვევის შემთხვევა იყო). რეპრესიები უკლებლივ ყველა თენამ განიცადა, თუმცა უმთავრესი დარტყმა ქართულმა ინტელიგენციამ და თავდაზნაურობამ იგემა. თბილისში მოქმედი „სამეულის“ წევრი, ბოლშევიკი ლევან ლოლობერიძე სიამაყით აცხადებდა, თავადაზნაურობის პროცენტი საქართველოში ნულამდე დავიყვანეთო³⁷¹. ანგარიშსწორება მიმდინარეობდა ყოველგვარი ძიებისა და სასამართლოების გარეშე, ადგილობრივი ფუნქციონერების პირადი შეხედულების მიხედვით, იმავე მეთოდებით, რაც მომდევნო წლებში საბჭოთა ხელისუფლების ხელნერად იქცა, ერთ-ერთი პირველი აპრობაცია კი ამ მეთოდმა ქართველებზე გაიარა. 1922 წლის 22 დეკემბერს პარტიის ყველა სამაზრო კომიტეტსა და აღმასკომს სერგო ორჯონიკიძის ცირკულარი დაეგზავნა, რომელიც მოითხოვდა სოფლად მემამულეთა და თავად-აზნაურთა ბატონობის აღკვეთას, ან ორჯონიკიძის გამოთქმით, თავად-აზნაურთა „გამოშიგენას“³⁷². ამით ბოლშევიკებმა გლეხები ნააქეზეს, რათა მათ ანგარიში გაესწორებინათ მემამულეებისათვის. გლეხობის ერთი ნაწილი დაერია თავადაზნაურობას, მემამულეების ოჯახებს, სასულიერო პირებს – მათ სახლებიდან აგდებდნენ, ქონებას იტაცებდნენ, წინააღმდეგობის გამწვევით ადგილზე კლავდნენ. გლეხობის ამ ნაწილს აქტიურად ეხმარებოდა საბჭოთა მინისტრია, რომელიც ყველა ურჩ მონინაალმდეგეს აპატიმრებდა. ამ ბაქანალის გამო ოჯახები მიეხსნა და ტყეებში გაიხიზნენ, საქართველოს სხვადასხვა კუთხეში კი შეიქმნა მებრძოლი რაზმები ღამურაძის, კასრაძის, მათითაიშვილის, გვარდუხაძის მეთაურობით, რომლებიც ხოცავდნენ ამ დარბევების მომწყობთ. ბოლშევიკები ტყეში გახიზნული რაზმების ლიკვიდაციისათვის ყველანაირ ხერხს მიმართავდნენ:

369 „...როდესაც დაიწყო ძველი მეფის ჩამოგდებაზედ პოლიტიკური მუშაობა დიომიდემ... მღვდლის ფორმა გაიძრო და ღობეზედ მიაკიდა. იბრძოდა მხოლოდ რომე ჩაგრული ხალხის განთავისუფლებაზედ...“ – წერდა მელქისედეკ გუნთაიშვილის ძმა აპოლონი საკუთარ დღიურებში. ა. გუნთაიშვილი, რეული 1.

370 ც. ნიკოლაიშვილი, შ. თვართქილაძე, სოფელი ბახვი, 2003 წ., გვ. 167.

371 „სახალხო განათლება“, 1989 წ., 5 იულისი.

372 იქვე.

აპატიმრებდნენ და ძველად აპყავდათ მეგრძოლების ოჯახის წევრებს. მათი ადგილ-სამყოფელის დადგენის მიზნით მძევლებს სასტიკად ანამებდნენ და ფიზიკურად უსწორდებოდნენ³⁷³.

ახალ საბჭოთა ხელისუფლებაში მოსულთ არავითარი გამოცდილება და ცოდნა არ გააჩნდათ. ამიტომაც გასაკვირი არ უნდა ყოფილიყო მათი მტრული დამოკიდებულება ინტელექტუალური ძალებისადმი. ისინი ახალ რეჟიმთან უმეტესწილად პირადი ძალაუფლების მოპოვების მიზნით ან მეტოქეებთან (უშთავრესად მენშევიკებთან) ანგარიშსწორებისთვის თანამშრომლობდნენ. რაიმე რევოლუციურ იდეალებსა და რომანტიზმზე ლაპარაკი იქ სრულებით ზედმეტი იყო.

გასაბჭოებამდე გურიამში³⁷⁴ ბოლშევიკური ორგანიზაციები გაუქმებული იყო, ამიტომ საბჭოთა ხელისუფლების დამყარებისთანავე ბოლშევიკები აქტიურ მოქმედებებზე გადავიდნენ – ძალით თუ დაყვავებით ცდილობდნენ ახალ-ახალი წევრებით საკუთარი ცარიელი რიგების შევსებას. ცდილობდნენ, რომ ყოველ დანესებულებასა თუ უწყებაში ძველი კადრები ახალი გამოუცდელი „კომსომოლებით“ ჩაენაცვლებინათ, რისთვისაც სასწრაფოდ ჩამოაყალიბეს ახალი კადრების მოსამზადებელი კურსები.

ოზურგეთში „ნითლების“ შემოსვლის შემდეგ გამართულ პირველ კრებაზე აპოლონ ნულაძეს უთქვამს: „ბოლშევიკები ოზურგეთში მოვიდნენ მარტის თვეში, მარტი ცვალებადი თვეა. აპრილის თვეში კი, მარტის ნახევები რომ გათავდება, ბოლშევიკები ნაველენ და ჩვენ, მენშევიკები, მოვალთო...“³⁷⁵

თუ როგორ და როდის ნავიდნენ ბოლშევიკები, ეს ისტორიიდან ყველამ მშვენიერად ვიცით. დასაწყისში ხელისუფლება შედარებით „ზომიერ“ რეპრესიებს ატარებდა, რათა გურულები არ აებუნტებინა. ციხეებში შერბილებული რეჟიმი არსებობდა და ნამდვილ ანტისაბჭოთა ბუდეს წარმოადგენდა, და „ვინც დაუჭერილი გადარჩა ცოტა შერცხვენილად სთვლიდა თავს ამხანაგების წინაშე“³⁷⁶. მაგრამ ეს „ზომიერი“ რეპრესიები ხანმოკლე და მოჩვენებითი იყო და სულ მალე იწყეს ხალხის მასობრივი დახვერთა სხვების დასაშინებლად, რასაც გარკვეული დროის შემდეგ მიაღწიეს კიდევაც. მაგალითად, 1922 წელს 26 მაისის აღსანიშნავად გურიის სხვადასხვა რაიონებში მიტინგები გაიმართა. ერთ-ერთ თავყრილობაზე სოფელ ფიჩხის ჯვრის ეკლესიის გალავანში შეკრებილ უამრავ ხალხს კომუნისტებმა ცეცხლი გაუხსნეს და ყუმბარაც ესროლეს. ამ ამბავმა დიდი აღშფოთება გამოიწვია მოსახლეობაში. თვით კომუნისტები მიხვდნენ საკუთარ სიბრძნევებს და ამ თავდასხმის ორგანიზატორები სამსახურიდან მოხსნეს და ბათუმში გაამწყვდეს. ისინი შიშით გარეთ ვეღარ გამოდიოდნენ და გურიამი ცხვირის შემოყოფას და საკუთარი ოჯახის ნახვასაც ვერ ბედავდნენ. ის ბოლშევიკები, რომლებიც განსაკუთრებით აქტიურობდნენ და სიმცაცრეს იჩენდნენ მოსახლეობის მიმართ, ძალადობრივი სიკვდილით ასრულებდნენ სიცრცხლეს. „...ერთ მშვენიერ ღამეს გურიის სხვადასხვა თემებში უგზო-უკვლოდ „დაიკარგა“ რამდენიმე კომუნისტი... ეს იყო ის ზომა, რომელსაც გურიის ხალხი მიმართავდა უკიდურეს შემთხვევებში მეფის მთავრობის დროს ზოგიერთი პირების წინა-

373 „სახალხო განათლება“, 1989 წ., 5 ივლისი.

374 გურიამი განვითარებული მოვლენები ზოგადად საქართველოში მომხდარი ამბების ანარეკლია. თვალსაჩინოებისთვის გურიის რეგიონი იმიტომ ავირჩიეთ, რომ სწორედ აქედან დაიწყო რევოლუციური ეპარტახილები, აქედან გავრცელდა მარქსიზმი მთელ საქართველოში.

375 დაახლოებით იმევე დროს, ხონში, ამ წიგნის ერთ-ერთი ავტორის ბებუის ძმა წაილილინებს: „გაზაფხულდა, მოვა ია, მას მოჰყვება უორდანია...“, რისთვისაც კედელთან მიაყენებენ და დახვერტენ.

376 ს. გოგიბერიძე, ბრძოლა სამშობლოსათვის, 1991 წ., გვ. 13.

ნააღმდეგ. ეს ტერორისტული აქტი... გამოიხატებოდა აღნიშნულ პირთა მოპარვაში და სრულიად დაკარგვაში³⁷⁷.

1922 წლის დამლევს დახვრეტები და ეგზეკუციები მთელ საქართველოში მიმდინარეობდა. ხალხის დასასჯელად ქვეყნის ყოველ კუთხეში განსაკუთრებული რაზმები იგზავნებოდა. არც გურია ყოფილა გამონაკლისი. „გურიის ხალხის დასამორჩილებლად არანორმალური, ნახევრად შეშლილი ბოროტი... ობოლაძე“ გაიგზავნა³⁷⁸. გურიაში ეს „მივლინება“ საშა ობოლაძისთვის პირველი არ ყოფილა, 1905 წელს ის სხვა გურულ ფორალებთან და „ნითელრაზმელებთან“ ერთად ნასაკირალზე კაზაკებს ებრძოდა. ობოლაძე ავტობიოგრაფიაში წერდა: „...1906 წელს სათავეში ჩავუდექი სამხედრო ორგანიზაციას (ის ხელმძღვანელობდა მთანმინდის ტერორისტთა ჯგუფს - ი. მ., დ. ხ.)... ჯგუფს გააჩნდა საკუთარი სტამბა და ჰყავდა თავიდან ფეხებამდე მუდმივად შეიარაღებული 60 კაცი... თითონ კობა-სტალინი გვიჭერდა მხარს... გადაუჭარბებლად ვიჭყვი, რომ იმდენი ტერორისტული აქტი, რაც მე წილად მხვდა კავკასიაში, არავის შეუსრულებია. 1906 წლის პირველ ნახევარში ყველა ტერორისტულ აქტს ვასრულებდი პარტიის დავალებით, მეორე ნახევრიდან კი დამოუკიდებლად“³⁷⁹. 1905 წლის რევოლუციის დროს ის ბაქოსა და საქართველოში მოღვაწეობდა, რამდენჯერმე იყო დაპატიმრებული³⁸⁰.

შემოსვლისთანავე ნითლებმა გურია რვა საოქმედო რაიონად დაყვეს. მაზრას სათავეში ჩაუყენეს სამაზრო კომიტეტი, რაიონებს - რევეკომის თავმჯდომარეები. ყველა რაიონში ჩამოყალიბდა მილიციონერთა რაზმები „ჩონის“ (Части Социого Наружения) სახელწოდებით. ამ რაზმების დანიშნულება იყო კონტრევოლუციონერთა, მენშევიკთა განადგურება. თავდაპირველად „ჩონის“ ხელმძღვანელი იყო საშა ობოლაძე, შემდეგ კი ვალიკო ტალახაძე.

როგორც ამბობენ, გურიაში ასეთ სისასტიკეს მოსახლეობისადმი თვით ალიხანოვ-ავარსკიცი არ იჩენდა. ბოლშევიკებს კი თავის გასამართლებლად ის არგუმენტი მოჰყავდათ, რომ გურია ცნობილია, როგორც მენშევიკური მხარეო, გურიაში მთელი გლეხობა აღდგა ჩვენს წინააღმდეგო.

ოზურგეთის მაზრის პოლიტიბუროს უფროსი მელიქიძე 1923 წ. სერგო ორჯონიკიძისათვის გაგზავნილ მოხსენებაში წერდა: „(გურია) ცოტ-ცოტა ცელქობს, მაგრამ ალბათ მალე მოვა ჭკუაზე... ამხანაგი ობოლაძე როგორც საფრთხობელა, ჩვენს მტრებს არ აძლევს მოსვენებას. ირგვლივ გაისმის მუქარა, ადგილი ჰქონდა ტერორიზებასაც. მაგრამ ხუთეული ისმენს და ხერეტს. 6 იანვარს დახვრეტილი იქნა 8 კაცი. ამ დღეებში, ალბათ კიდევ დაეტკებენ „ცოცხალი უფასო სურათებით“. სიკვდილით დასჯის პროცესი მეტისმეტად გამარტივებული გახდა, ხალხს კონვეირული სისტემით ხოცავდნენ, „როგორც ხარებს ჩიკაგოს სასაკლაოზე“. ერთხელ თურმე ობოლაძეს უთქვამს: „ერთი ჩავიარო ჯურუყვათში და ჩავხოცო ათი-თორმეტი კაციო“. მისი სახელით ბავშვებს ამინებდნენ, ადამიანების წარმოდგენაში ის „სატანა, კაციჭამია ურჩხული იყო“.

377 ს. გოგიბერიძე, ბრძოლა სამშობლოსათვის, 1991 წ., გვ. 21.

378 ვ. მგელაძე, რუსეთის მობრუნება საქართველოში, 1991 წ., გვ. 45.

379 „სახალხო განათლება“, 1990 წ.

380 ერთხელ, როცა ობოლაძე ციხეში იჯდა, თბილისის პოლიცემისტერმა მის არაჩვეულებრივი სილამაზის ცოლთან რომანი გააბა, რამდენიმე თვის შემდეგ კი მიატოვა. როცა ობოლაძე ციხიდან გამოვიდა, პოლიცემისტერს თავზე იარაღით დაადგა და აიძულა, რომ ყოფილი მეუღლე ცოლად შერთო.

როცა საჭირო გახდა, ბოლშევიკებმა შემოირიგეს მენშევიკების მთავრობის მომხრეების ნაწილი, ასევე ციხეებიდან გამოუშვეს სისხლის სამართლის დამნაშავეები, რომლებიც თავის სამსახურში ჩააყენეს. მთავრობამ ეს ხალხი შეიარაღა, ხელფასი დაუნიშნა და რაიონის დამცველთა, ე. წ. „ბახმაროს“, რაზმში გააერთიანა, რომელსაც ქურდებისა და მძარცველების თარეში უნდა აღეკვეთა. მაგრამ იმის მაგივრად, რომ ბოლშევიკების ბრძანებები შეესრულებინა, ეს „თავზეხელაღებული, ბევრი უპარტიო და იარაღის მოყვარული“ ქეიფობდა, არავის ემორჩილებოდა, ხშირად კომუნისტებს სცემდა და შეუარცხყოფას აყენებდა. უფრო მეტიც, მათ კომუნისტების მიერ ნაბრძანები არც ერთი ტერაქტი არ შეუსრულებიათ და ხშირად იმ ადამიანებს, რომელთაც ხელისუფლების მხრიდან რეპრესიები ელოდათ, წინასწარ აფრთხილებდნენ. ეს ადამიანები გურიის სრული ბატონ-პატრონები გახდნენ.

რასაკვირველია, ახალი მთავრობა ასეთ თვითნებობას ვერ შეურიგდებოდა. ცოცხალი თბილისიდან ბრძანება მოვიდა, რაზმები რკინიგზის დასაცავად გამოიყენეთ³²¹. სინამდვილეში კომუნისტებმა მათი ლიკვიდაცია გადაწყვიტეს, მაგრამ გურიამ ამის გაკეთება რთული იყო; საჭირო გახდა მათი ტერიტორიიდან გაყვანა. მთავრობამ რაზმის ერთ-ერთ მეთაურთან, ყოფილ სახალხო გვარდიელთან, გოგია ლლონტთან მოლაპარაკება გამართა. მან მოლაპარაკების შედეგები საკუთარ თანამებრძოლებს მოახსენა, ისინი დაეჭვდნენ. ამასთან, ერთმა ყოფილმა ფირალმა, ვითომდა ბოლშევიკებს შეკედელბულმა მანქანაზე, მათ მოსალაოდნელი რეპრესიების შესახებ აცნობა. მანქანას თქმით, ერთ-ერთ სადგურზე ვაგონს, რომელშიც რაზმელები ისხდებოდნენ, მოხსნიდნენ და ყველას ამოხოცავდნენ³²².

გოგია ლლონტს მისი თანამედროვენი ასე ახასიათებენ: „გოგია არც მინის მუშა გამოდგა და არც დურგალი. იგი უფრო იარაღის კაცი იყო. გვარდიაში მსახურობდა. ვალოდა გოგუაძესთან იბრძოდა „ბრანევიკზე“ (ჯავშნოსან მატარებელზე – ი.მ., ლ.ხ.), ტანად პატარა იყო, დაბალი, ჩაფსკენილი, მთლად ძარღვი, კაი მსროლელი, სწრაფი, ერთ ადგილზე ვერ გააჩერებდი. თვალები ჰქონდა ელექტრონივით, ღამე ანათებდა. ჩვენ იგი უიარაღოდ გვ ჩვიანხავს. თოფთან ეძინა, თოფთან ჭამდა, თოფთან სვამდა. ოჯახში ღორს რომ დაკლავდნენ, გოგია ცხრა მთას იქით გარბოდა – სისხლის ეშინოდა, მაგრამ თუ ვინმეს განამწარები ჰყავდა, იმის სისხლს დალევდა. ობოლაძე რომ ჩააძალა, ამხელა ხრონგი, ორმეტრიანი წითელი მხეცი, იმ დროიდან გაგვიმწარდა ცხოვრება. დამალვა გაუჭირდა. ძაღლებივით დასდევდნენ“³²³.

ვისზეც ეჭვი ჰქონდა, რომ გოგია ლლონტს ეხმარებოდა, ობოლაძე სასტიკად უსწორდებოდა. პირველად ის სწორედ მანქანას ოჯახს დაესხა, სახლი გადაწვა და მანქანას პატარა ბიძაშვილი ცეცხლში შეაგდო. ვალში არც ლლონტის რაზმელები რჩებოდნენ – მათ მოკლეს გურიის მაზრის ცხენოსანი მილიციის უფროსი მდინარაძე, რამაც ობოლაძე კიდევ უფრო მეტად გააცოფა. კომუნისტებისა და რაზმელების დაპირისპირება უკიდურეს ფაზაში შევიდა. გოგია ლლონტი თურმე ობოლაძეს აფრთხილებდა – „დატოვე ოზურგეთი და წადი, თორემ ცოცხალს არ გაგიშვებო“.

ერთ დღეს რაზმელებს ინფორმაცია მოუვიდათ, რომ ობოლაძე ორი კაცის თანხლებით ლიხაურში დაბანაკებულ თავის რაზმთან მიემგზავრებოდა. რაზმელები ჩაუსაფრდნენ, მაგრამ ფრთხილმა ობოლაძემ, რომელიც არავის ენდობოდა, სხვა გზა აირჩა. იმ იმედით, რომ ის იმავე გზით დაბრუნდებოდა, რაზმმა სასწრაფოდ შეიცვალა

³²¹ ცუცა მეგრელაძე-ჯანიაშვილის მოგონება, ფურცელი 6.

³²² იქვე, ფურცელი 7.

³²³ ხალხის ქომაგი გოგია ლლონტი, 1991 წ., გვ. 14.

დისლოკაციის ადგილი, რაც ბევრ საფრთხესთან იყო დაკავშირებული (მთელი გურია ნითელარმიელებითა და მილიციონერებით იყო სავსე) და გზაზე ჩაუსაფრდა.

ამასობაში ობოლაძე რაზმთან ერთად თავს დებს ხავთასების ოჯახს, სადაც მენშევიკები იკრიბებოდნენ ხოლმე, გადაუნვა სახლ-კარი, შემდეგ მაგრად იქიფა, ოჯახის უფროსი და მისი შვილი ილია დააპატიმრა, თან წამოიყვანა და ოზურგეთისკენ გაემგზავრა.

12-კაციანი ჩასაფრებული რაზმი ბევრმა ადგილობრივმა მცხოვრებმა ნახა – იმ დღეს, პარასკევს, ოზურგეთში ბაზრობა იმართებოდა და უამრავი ხალხი მიდი-მოდოდა. რაზმელებმა მათი დაკავება მოინდომეს, რადგან შეეშინდათ, რომ ვინმეს მათი ადგილსამყოფელი არ გაეცა, მაგრამ ხალხის რაოდენობა დიდი იყო, თანაც ყველა მიხვდა, რა საქმისთვის იყვნენ ისინი მოსული და ამით აღრფთოვანებულები არწმუნებდნენ, ნურაფრის გეშინათო; მართლაც, არც ერთ მათგანს კრინტი არ დაუძრავს.

ობოლაძე და მისი ხელქვეითები, სანიკიძე და ჩუბინაშვილი, ფაეტონით მიემგზავრებოდნენ, ობოლაძე შუაში იჯდა გიტარით, ფეხებში კი ჩხავერით სავსე ჭურჭელი ედგა. ფაეტონს ასი ცხენოსანი მოუძლოდა, გვერდებზე – მილიციონერები. ობოლაძის თანმხლები ჯარის რაოდენობის დანახვაზე რაზმელები შეცბნენ, მაგრამ უკან დახევა შეიძლება უფრო სამიში გამომდგარიყო და ამიტომ შეტევაზე გადასვლა არჩიეს.

ჩასაფრებულებმა ეტლი ძალიან ახლოს მიუშვეს და ცეცხლი გაუხსნეს. მოულოდნელობის ეფექტმა და დიდძალმა დალეულმა ღვინომ გაამართლა. სანიკიძე და ჩუბინაშვილი ადგილზე დაილუპნენ, დაჭრილი ობოლაძე ეტლიდან გადახტა, გზის პირას ქვების გროვას ამოუფარა და მაუზერიდან სროლა დაიწყო. თავდამსხმელებმა ცხენებიდან ჩამოსულ რუსებს ცეცხლი დაუშინეს და მიწასთან გააკრეს. ღლონტი ერთი რაზმელის თანხლებით საფრიდან გამოვარდა და ობოლაძისკენ გაექანა. ობოლაძემ ღლონტი კისერში დაჭრა, მაგრამ მან მოახერხა, ობოლაძე ხელყუმბართი აეფეთქებინა, იარაღი აართვა და გაძლიერებული ცეცხლის თანხლებით სხვებთან ერთად სამშვიდობოს გავიდა.

ყველაფერი ისე სწრაფად დამთავრდა, რომ მთვრალმა რაზმმა ვერც კი მოისახრა, რა მოხდა. სიბნელეში რუსები ერთმანეთს ვერ ცნობდნენ და ცხენებსაც ვერ პოულობდნენ. ამბობენ, ამის შემდეგ შექმნა ხალხმა ეს ლექსი:

ატყდა სროლა კვაჭალათზე,

ჩააძალღეს ობოლაძე.

გურიაში რა გინდოდა,

თუ სიკვდილი არ გინდოდა.

ობოლაძის მოკვლამ განარისხა ხელისუფლება და ის მეორე დღესვე შეუდგა ადამიანთა განადგურებას. ოზურგეთის ციხიდან გამოიყვანეს 13 პატიმარი, რომლებიც ობოლაძის მკვლელობამდე დიდი ხნით ადრე ისხდნენ ციხეში და წარმოდგენა არ ჰქონდათ, რა მოხდა, მიიყვანეს მკვლელობის ადგილზე და დახვრიტეს.საგანგებო კომისიამ დახვრიტა ოთხმოცამდე კაცი, უმთავრესად სოფლის მასწავლებლები, რომელთაც არც ობოლაძისა და არც ღლონტის სახელი და გვარები გაგონილი არ ჰქონდათ³⁰⁴. დახვრიტეს ხავთასი და მისი შვილიც. იმ ღამესვე კომკავშირლებმა გოგია ღლონტის სახლი დაწვეს. მოგვიანებით ტყეში გახიზნული რაზმის ნაწილი ბოლშევიკებთან ბრძოლას შეენირა, ზოგი საზღვარგარეთ გაიქცა. გოგია ღლონტი მეუღლესთან ერთად ჯერ თურქეთში, შემდეგ კი საფრანგეთში გადავიდა.

ობოლადე ვალიკო ტალახაძემ შეცვალა. მის დროს ჩამოყალიბდა ე. წ. „ტროიკები“, რომელთაც შეედლოთ ნებისმიერი ადამიანისათვის სასიკვდილო განაჩენი გამოეტანათ და მაშინვე შეესრულებინათ. „...ყველა წამიობით იხვერიტებოდა. ათი ხან თუთხმეტი და ერხელ 25 კაციც დახვრიტენ ერთ ღამეს, თორემ ორი და სამი ყოველ ღამეს ხრეტდენ... და ყრიდენ მიწაში...“³⁸⁵ სასჯელის სისრულეში მოსაყვანად თურმე სპეციალურად ვიღაც ოსი ჰყავდათ ჩამოყვანილი, რომელიც მაუზერიდან თავში ვააროლით კლავდა სიკვდილმისჯილებს. ერთ ღამეს 60 კაცი დაიხვრიტა³⁸⁶. სმირად ისმოდა განწირულთა ყვირილი: „რატომ მკლავთ, რას მერჩითო!..“

ალექსანდრე ლლონტი იხსენებდა, ბავშვობაში როგორ წაიყვანეს სკოლის მოწაფეები ექსპურსიაზე ლიხაურის ციხის სანახავად. „ორიოდე კილომეტრი გავიარეთ და კვაჭალათის გადასახვეთან საზარელი სურათი ენახეთ: ზვინად ეყარა ახალდაბოცილთა გვამები. ადამიანთა სისხლი და ტვინი ერთმანეთში იყო არეული. ამ სანახაობამ ბავშვები შეგვაშინა, ყველას ენა ჩაგვივარდა...“

მსგავსი რამ ხდებოდა მთელი საქართველოს მასშტაბით. ბოლშევიკების „გამეფების“ შემდეგ სისხლიანი ტერორისა და განუკითხაობის ლოგიკური შედეგი 1924 წლის საყოველთაო აჯანყება იყო. „ნაადრევმა გასაბჭოებამ საქართველოში გარკვეული პერიოდის მანძილზე გააძლიერა მენშევიკები და გამოიწვია ფართო მასობრივი აჯანყება 1924 წელს... თვითონ სტალინის აღიარებითაც საქართველო წაღმა-უკულმა უნდა გადახსულიყო,“ – ნერდა ლეე ტროცკი³⁸⁷. სათანადოდ მოუმზადებელი აჯანყება სასტიკად იქნა ჩახშობილი, ვინაიდან „შეთქმულებმა მეტი რომანტიზმი გამოიჩინეს, ვიდრე საღი პოლიტიკური გონიერება“³⁸⁸. თუ რა „ენთუზიაზმით“ უსწორდებოდნენ აჯანყებულებს, ამას სენაკის მაზრის კომუნისტური რაზმის მეთაურის დავითაიას „კაციჭამიური“ განცხადებაც ცხადყოფს: „თითოეულ კომუნისტს გვწყუროდა ღვირსავით გვესვა აჯანყებულთა სისხლი“³⁸⁹. შეადარეთ ეს სიტყვები ალიხანოვ-ავარსის დამსჯელი ექსპედიციის ერთ-ერთი მონაწილის ნათქვამს, რომელიც გაზეთ „ივერიაში“ (1906 წ., 8) დაიბეჭდა: „ჩვენ გამოგვაგზავნეს მეორედ დავიპყროთ კავკასია, ცეცხლითა და მახვილით. ჩვენი მოვალეობა ჩვენ წმინდად უნდა შევასრულოთ. აი, როგორც ამ ჭიქას, ისე დავლევთ სისხლსაც...“ ამ სიტყვების მთქმელი „სისხლის-მსმელები“, ერთი რუსი და მეორე ქართველი, ერთსა და იმავე „მტერს“ – ზოგადად ქართველ ხალხს ებრძოდა და ანადგურებდა.

სერგო ორჯონიკიძე რკპ (ბ) ცენტრალური კომიტეტის 1924 წლის ოქტომბრის პლენუმზე გაკეთებულ მოხსენებაში აღნიშნავდა, რომ ბოლშევიკების წინააღმდეგ აღდგა „მენშევიკების მიერ დაშინებული“ თითქმის მთელი საქართველოს მოსახლეობა, და მოიყვანა სხვადასხვა ციფრებით: როცა 1904-05 წლებში ბოლშევიკების პარტია მხოლოდ რამდენიმე ასეულ კაცს მოითვლიდა, მენშევიკთა რიგებში 15 ათასი წევრი იყო;

1920 წელს მენშევიკთა პარტიის ყრილობაზე თავი 60 ათასმა წევრმა მოიყარა, მაშინ მხოლოდ თბილისსა და თბილისის მაზრაში 12 ათასი მენშევიკი და მხოლოდ 500 ბოლშევიკი იყო;

1921 წელს გურიაში მენშევიკებს 8600 წევრი ჰყავდათ, ბოლშევიკებს 600-მდე; „გურიაში გლეხობა უკიდურესად შეგნებულა, – ამბობდა ორჯონიკიძე, – ყოველი

³⁸⁵ ა. გუნთაიშვილი, რვეული 9.

³⁸⁶ ხალხის უმთავრესი გოგია ლლონტი, 1991 წ., გვ. 40.

³⁸⁷ ლ. თოიძე, ინტერვენციაც, ოკუპაციაც, ძალდატანებითი გასაბჭოებაც, ფაქტობრივი ანექსიაც, 1991 წ., გვ. 118.

³⁸⁸ გ. ქიქოძე, თანამედროვის ჩანაწერები, 2003 წ., გვ. 67.

³⁸⁹ „სახალხო განათლება“, 12 ივლისი, 1989 წ.

ცოტად თუ ბევრად გავლენიანი და შეგნებული გლეხი რომელიმე პარტიის წევრია – ან მენშევიკია, ან ბოლშევიკია, ანდა კიდევ ესერი. უპარტიო გავლენიან გლეხს ხურიანში ძნელად თუ იპოვი და აი, ამ სამნახევარი წლის მანძილზე ჩვენ ვერ მოვახერხებთ გურული გლეხობის გამოსხნა მენშევიკებისაგან, მაშინ როცა საფუძვლიანად და გადაჭრით გამოვიხსენით მენშევიკებისაგან თბილისის, ბათუმის, ფოთის და საერთოდ საქართველოს მუშები... ეს მუშები 1921 წელს მასობრივად გამოეხმარნენ მენშევიკთა მთავრობის მონოდებას შაშხანი თხელში გამოელაშქრათ ჩვენ წინააღმდეგ, როცა მენშევიკებს შეეუტიეთ”³⁹⁰.

საქართველო ყველა კუთხეში აჯანყების სისხლში ჩახშობას უამრავი უდანაშაულო ადამიანის სიცოცხლე ემსხვერპლა, მათ შორის ბავშვების, ქალების და მოხუცების³⁹¹. ოფიციალური ცნობებით, აჯანყებაში სულ 980 კაცი დაიღუპა, ნოე ყორღანის სხვა ციფრი – 5000 მოჰყავს, რაც, ალბათ, უფრო ახლოს არის სინამდვილესთან (არსებობს კიდევ განსხვავებული მონაცემებიც – 15 000 მოკლული). ცეტკინის თბილისში ვიზიტის დროს მას შავებში ჩაცმული სამი ქალი (მათი მენშევიკი ქმრები დახვრეტილი იყვნენ) ესტუმრა, რომლებმაც გადასცეს დოკუმენტი, სადაც აღწერილი იყო, რა მოხდა სინამდვილეში 1924 წლის აჯანყების დროს. მათი მონაცემებით, მარტო თბილისში 250 მუშა იყო დახვრეტილი, მთელი ქვეყნის მასშტაბით კი – 6 ათასზე მეტი გლეხი და მუშა³⁹². ოფიციალურ წყაროებში მითითებული იყო მხოლოდ მსხვილი და ცნობილი თავად-აზნაურების, ოფიცრებისა და მემამულეების სახელები, მუშებისა და გლეხების კი საგულდაგულოდ იყო მიჩურმავებული, თითქოს მათ აჯანყებაში მონაწილეობა არც კი მიუღიათ³⁹³.

დასჯილთა რიცხვი ბევრად ნაკლები იქნებოდა, – ნერდა ცეტკინი, – რომ არა ადგილობრივი გლეხობა, რომელიც კატეგორიულად ითხოვდა ამ პუტჩის მოთავეების გასამართლებას და საკადრისად დასჯას. გლეხები საკუთარი ხელით ხოცავენენ აჯანყებულთ, მათ, როგორც ყაჩაღებსა და ბანდიტებს, ისე ექცეოდნენ³⁹⁴. აჯანყების მცირე მასშტაბობით შედარებით, – აგრძელებს ავტორი, – ეს ციფრი დიდია (მხედველობაში აქვს ოფიციალური მონაცემები – ი. მ., ლ. ხ.), მაგრამ არცთუ ისე დიდია ქვეყანაში, სადაც იარაღის ტარება და მოხმარება ჩვეულებრივ ამბად ითვლება და ყოველი მამაკაცის უფლებას წარმოადგენს... სადაც ყველას, განსაკუთრებით გლეხს, თავის ქოხში იარაღის პატარა სანყოფი აქვს³⁹⁵.

ცეტკინი ეჭვქვეშ აყენებდა იგივე შავოსანი ქალების მონაყოლს და საერთოდ მსხვილი აჯანყების ამბავს. მისი აზრით, შეთქმულება ფართოდ იყო ჩაფიქრებული, მაგრამ ცუდად ორგანიზებული (რაც სიმართლეს შეეფერება – ი. მ., ლ. ხ.) და

³⁹⁰ ლ. თოიძე, ინტერვენცია, ოკუპაცია, ძალდატანებითი გასაბჭოება, ფაქტობრივი ანექსია, 1991 წ., გვ. 123.

³⁹¹ გურიანი უფრო მეტი მსხვერპლი იქნებოდა, ოზურგეთში ფილიპე მახარაძე რომ არ ჩასულიყო. მან განუკითხავად დაპატიმრებულნი ვაათაისუფლებინა. ასე შეუნარჩუნა მან სიცოცხლე ნიგნის ერთ-ერთი ავტორის ბაბუას, კირილე მახარაძეს.

³⁹² К. Цеткин. Кавказ в огне, 1926 წ., გვ. 8.

³⁹³ 1924 წლის ამბოხების ერთი მონაწილემ გიზო ანჯაფარიძემ, რომელსაც შეეძლო თავი გადაერჩინა და თურქეთში გადასულიყო, მაგრამ თავისი დაპატიმრებული თანამოძმეების ბედი გაიზარა და თვითონ ჩაბარდა ბოლშევიკებს, განაცხადა: „...თუ ხალხი ვანადგურდა, რალა საჭიროა მაშინ დამოუკიდებელი ან დამოკიდებული საქართველო ქართველების გარეშე? ეს ხომ მეფის რუსეთის ძველი მოხელეების ოცნებაა!”

³⁹⁴ К. Цеткин. Кавказ в огне, 1926 წ., გვ. 116.

³⁹⁵ იქვე, გვ. 49.

ფართო მხარდამჭერა ვერ მოიპოვა. გურიამიც კი, სადაც ამბოხებამ უფრო მნიშვნელოვანი ხასიათი მიიღო, მეოთხე დღეს იყო ლიკვიდირებული³⁹⁶. რადგან აჯანყება მუხანათურად მოხდა, ამიტომ საბჭოთა წყობილების წარმომადგენლები იძულებული იყვნენ. დაეცვათ მუშურ-გლეხური სახელმწიფო, საქართველოს ნაციონალური დამოუკიდებლობა და საკადრისი პასუხი გაეცათ მტრისთვის³⁹⁷.

კლარა ცეტკინის მიერ გამოთქმული აზრი ის მუდმივი ფორმულირებაა, რაც არაერთხელ გამოუყენებია რუსულ ხელისუფლებას სხვის საშინაო საქმეებში ჩასარევად. სხვის ტერიტორიაზე საკუთარი მოქალაქეების დასაცავად ან ჩაგრულთა მასების „ტრანზიისაგან“ გასათავისუფლებლად. ეს ფორმულა დღემდე რუსების საგარეო პოლიტიკის აქტიუალურ ნაწილად რჩება.

ცეტკინი ისეთი თავგამოდებული ენთუზიაზმით, ისე დაბეჯითებით ცდილობს დაარწმუნოს მკითხველი, რომ ქვეყანაში სერიოზული არაფერი მომხდარა (ლეონიდ უტიოსოვის სიმღერისა არ იყოს, Всё хорошо. прекрасная маркиза. Дела идут и жизнь наша...³⁹⁸), რომ აჯანყების ნიშნები და მისი შედეგები არსად შეიმჩნევა (გოგირდის აბანოებშიც კი (!)), რომ საქმეში ჩაუხებდავ ადამიანსაც კი მაშინვე სანინალმდეგო აზრი ებადება. ავტორი თითქოს შიშობს, რომ არ დაუჯერებენ და სქელტანიან ნიგნად გარდასახული მისი შრომა ფუჭად ჩაივლის. ცეტკინი ნერდა ვირტუალური, გამოვლილი საქართველოს შესახებ, ნერდა იმის შესახებ, რის ნახვა და გაგონებაც სურდათ მას და მის მასპინძლებს – ქართველ და რუს ბოლშევიკებს.

აჯანყების ჩახშობის შემდეგ ხალხში თავისუფლებისაკენ ლტოლვა მაინც არ ჩამქრალა. ამ ამბებიდან ცოტა ხანში თბილისში გურიიდან მასწავლებელი ქალი ჩამოვიდა. ალბათ, ხალხს აჯანყების დამარცხების გამო გული გაუტყდაო, – შეეკითხნენ მას, რაზეც მასწავლებელმა უპასუხა: რას ბრძანებთ! მთელი გურია იმას გაიძახის, ერთი კვირა ხომ მაინც თავისუფლად ამოვისუნთქეთ, რა ვუყო რომ პირველი აჯანყება სუსტი გამოდგაო!...³⁹⁹ ქართველებში დამპყრობლების წინააღმდეგ ჩარჩენილი ბოლბა და პროტესტი არ ქრებოდა⁴⁰⁰, მაგრამ მომდევნო წლების არნახვლემ რეპრესიებმა და ტერორმა ეს მუხტი ლამის მთლიანად ჩააქრო, რამაც უზარმაზარი წვლილი ჩვენში ატარებულ „მეხუტი კოლონას“ – რენეგატ ქართველებსაც მიუძღვით.

შემდგომ წლებში რუსეთის ხელისუფლებამ მარტო ქართველი პატრიოტებისა და უდანაშაულო ადამიანების მოკვლით როდი იჯერა გული, მან იმ ქართველების განადგურებასაც მიჰყო ხელი, ვისი დახმარებით და უშუალო მონაწილეობით მოხდა საქართველოს გასაბჭოება და მას მოყოლილი ყველა სისატიკე და ძალადობა. „მოსკოვის ტერორის აპარატმა, – ნერდა დავით ვაჩნაძე, – წლიდან წლებამდე სრისა და ბოლოს მთლიანად განადგურა და მოსრისა ქართული კომუნისტური პარტიის წრეები თავისი ხელმძღვანელი ხალხით: მთავრობები, მინისტრები, პარტიის ცკ-ს მდივნები, ადმინისტრაციის ცენტრი – თითქმის ყველა დაბრალბულნი ეროვნულ „გადახრებში“⁴⁰¹. აპოკრიფული ცნობებით, ერთ-ერთმა „უკლონისტმა“, ბუდუ მდივანმა, როცა 1937 წელს დასახვრეტად გაჰყავდათ, თურმე ჯალათებს უთხრა: „დასახვრეტი კი არა, ნა-

196 კ. Цеткин. Кавказ в огне, 1926 წ., გვ. 45.

197 იქვე, გვ. 49.

198 „ყველაფერი რიგზეა, მშვენიერო მარკიზა. საქმე მიდის და ცხოვრებაც უდარდელია...“

199 ზ. ზალდასტანიშვილი, საქართველოს 1924 წლის ამბოხება, 1989 წ., გვ. 42.

400 თურმე 1841 წლის გურიის ჯანყის, ანუ „პუნტის“, ჩახშობის მრავალი წლის შემდეგაც მისი ერთ-ერთი მონაწილე გოგია ვადაჭკორია ყოველ ახალი წლის დილას თოფს ჩრდილოეთისაკენ მიაბრუნებდა და უკიუნიებდა – სიკვდილი... რუსებს! ზ. ტულუმი, მოგონებები ნინოშვილზე, გურული ლექსიკა, 2008 წ., გვ. 8.

401 დ. ვაჩნაძე, ქართული ეროვნული ძირები და რუსული ბოლშევიზმი, 1957 წ., გვ. 107.

კუნებად ვარ ასაქნელი, ეს ღორისშვილები რომ საქართველოში შემოეუშვი”.

მაგრამ ეს მოხდება შემდეგ, მანამდე კი, 1924 წლის ზაფხულში, სადგურ ყვირილაში, თითქმის იმავე ადგილას, სადაც 32 წლით ადრე მომავალი ქართული მარქსისტული ჯგუფი, შემდგომ „მესამე დასად“ ნოდებულის, სამი დღის განმავლობაში ბჭობდა, რა გზა აერჩია საქართველოს განვითარებისთვის, გასრულდა კოსმიური სიმეტრია: აჯანყებაში მონაწილეობის ბრალდებით აყვანილი ხალხი, უმრავლესობა ყოფილი სოციალ-დემოკრატი, ბოლშევიკებმა ვალიკო ტალახაძის მეთაურობით რკინიგზის ვაგონებში გამოკეტეს და ტყვიამფრქვევებით დაცხრილეს. თვითმხილველების გადმოცემით ვაგონებიდან ადამიანის სისხლი ნიაღვარად დიოდა...

ა

- აბაშიძე სოკრატე 83
 აბდუშელიშვილი ზუბიკო 83
 აბშილავა 143
 აზატოვი 110
 ალაიძე კოლა 107, 108, 110
 ალექსანდრე (ალექსანდრე IV, იმერეთის მეფე) 79
 ალექსანდრე II 17, 22, 26, 45, 46, 47, 48, 66, 71
 ალექსანდრე III 46
 ალიხანოვი 42, 43, 172, 174
 ალიხანოვ-ავარსკი მაქსუდ 37, 64, 86-88, 93, 102, 113, 153, 156, 182
 ალიხანაშვილი ვანო 88, 122, 147, 182
 ალშიბაია გიორგი 102, 112
 ალშიბაია ვასო 102
 ამბროსი 63
 ამილახვარი ბარძიმ 80
 ამირეჯიბი შალვა 105
 ანტონ II 61
 არდანტი ჰანნა 12
 აქსელროდი 87

ბ

- ბაკუნინი მიხეილ 20, 21, 22, 47
 ბალაბანსკი 135, 136
 ბალმაშევი სტეპან 17
 ბანძელაძე გერასიმე 40
 ბარათაშვილი ზაალ 80
 ბარათოვი 145
 ბეგინი მენახიმ 10, 16
 ბენიარი ელეიზად 14
 ბერბერა სტანისლავ 18
 ბერდიაევი ნიკოლაი 59
 ბერია ლავრენტი 138
 ბერიძე სიო 80
 ბიზინეიშვილი ბარონ 92, 113, 122, 127, 133, 134, 135, 139, 146, 195
 ბიგაევი ნ. 6, 112
 ბოლქვაძე იოთამ 62
 ბონჩ-ბრუევიჩი 33
 ბორიანცი სტეპკო 52
 ბოჭორიძე მარო 139, 145, 146, 194
 ბოჭორიძე მიხო 134, 135, 194
 ბოჭორიძე ბაბე 124, 133, 194
 ბრეგვაძე კოლია 143

გ
გაბაშვილი რევაზ 24, 35, 51, 56, 83, 84, 95, 102, 106, 110, 149, 172
გაბრიელ ჭყონდიდელი 79
გაბუნია ალექსანდრე 55
გალდაეა ფაცია 124, 130, 144, 145, 193
გამყრელიძე სამსონ 41
გარფილდი ჯონ 16
გაგეჭკორი ევგენი 83, 103
გეგეჭკორი საშა 103
გეევარა ჩე 36
გედევანიშვილი იოსებ 106, 108, 109, 110, 111, 112, 145, 187
გეიფმანი ანა 17, 50
გერცენი ალექსანდრე 20, 21, 22, 24, 31, 58
გეარჯალაძე კონია 83
გოგელია კომანდო 105
გოგუაძე ალფეს 103
გოგუაძე ელოდია 56, 58, 93, 94, 100, 101, 154, 186
გოლიცინი 61, 66
გორკი მაქსიმ 125
გრიაზნოვი ფიოდორ 11, 54, 113, 114, 115, 116, 117, 118, 119, 189
გრინევიცკი 45
გუნთაიშვილი მელქისედეკ 102, 151
გურიელი ლევან 91
გურული ზაქარია 139, 140, 142
გურული ქაიხოსრო 62

დ
დავრიშვილი (დავრიშვილი) იოსებ 105, 108, 109, 111, 112, 122
დალაქიშვილი აკაკი 54, 124, 131, 143, 145, 193
დარახველიძე საშა 122, 124, 127, 129
დარეჯანი 62
დებილი 39, 76
დევიძე ტატო 81
დიასამიძე ნიკოლოზ 81, 82, 83
დოდაშვილი სოლომონ 60, 68
დოლაძე მარტია 125, 145
დონატა 14
დოსითეოს ქუთათელი 62
დუმბაძე ვლადიმერ 57, 141

ე
ებრალიძე ილიკო 131, 133
ევთიმე 62
ელბაქიძე არკადი 124, 131, 145, 192
ენგელსი ფრიდრიხ 9, 25
ერეკლე II 57, 61

ერისთავი ვარლამ 61
ერმოლოვი (მთავარმართებელი) 62
ერმოლოვი (კაპიტანი) 94-96

3

ვადაჭკორია დომენტი 113, 158
ვანნაძე დავით 86, 103, 150, 158
ვანნაძე გიორგი 80
ვახვახიშვილი ტასო 107
ველიამინოვი 62, 125, 131, 133
ვიტე სერგეი 50
ვლადიმირი 59
ვორონცოვ-დაშკოვი 7, 37, 38, 50, 52, 53, 88, 93, 99, 102, 129, 177

ზ

ზაიჩნევესკი პეტრე 46
ზასულიჩი ვერა 11, 48
ზაქრადე სტეფანე 41, 42, 43
ზდანევიჩ-მაიაშვილი გ. 25

თ

თაზიშვილი ტარიელ 61
თათუზოვი გიორგი 42
თამამშევი 30, 132, 182
თაქთაქიშვილი ივანე 108, 110, 111
თაქთაქიშვილი ილია 107, 110, 111
თევდორე მღვდელი 59
თევზაძე ნოე 43
თვარელიძე არჩილ 121
თიკანაძე ვარდენ 95, 96, 183

ი

იმედაშვილი იოსებ 32, 120
იმერლიშვილი გაბო 81, 82
იმერლიშვილი ილიკო 65, 178
ინკირველი სტეპკო (ივანე) 122, 124, 127, 129, 130, 141, 142, 191, 196
ირემაშვილი იოსებ 31, 68
იუნგერი ერნსტ 50

კ

კაკაბაძე იოსებ 31
კაკრიაშვილი თეოფილე 124, 131, 143
კალანდარიშვილი დიმიტრი 31
კალანდარიშვილი ნესტორ 91, 175
კალანდაძე ვანო 123, 126, 145, 192

კალაძე რაჟდენ 31

კალიაევი ივან 11

კამენევი 150

კამო (ტერ-პეტროსიანი სიმონ) 53, 56, 64, 91, 92, 104, 109, 114, 122, 124, 125, 126, 127, 128, 129, 131, 133, 134, 135, 136, 137, 138, 141, 145, 192

კასრაძე გიგო 128, 129, 131, 133, 135, 137

კასრაძე გიორგი 128, 129, 131, 132, 133, 134, 135, 136, 137

კასრაძე ლეო 128, 129, 131, 132, 133, 134, 137, 138, 151

კაჩაროვი ტიგრან 53

კაჭარავა გედენია 140

კენკიშვილი გოგია 101

კერესელიძე გიორგი (გოგი) 107, 108, 110, 187

კერესელიძე ლეო 107, 110, 111, 187

კელამოვი 54

კვიციანიძე ისიდორე 31

კირიონი 59, 63, 64, 175

კრასინი 125, 128

კრილენკო 33

კუპრაშვილი ბაჭუა 54, 83, 95, 101, 110, 121, 122, 123, 124, 126, 127, 128, 129, 130, 133, 134, 139, 141, 144, 145, 193

კურნატოვსკი 62

კურუკი ეფიმ 65, 66

ლ

ლავროვი პეტრე 11

ლასხიშვილი გიორგი 22, 31, 58, 63, 105, 106, 109, 110, 111, 188

ლალაშვილი იოსებ 71-77, 179

ლენინი (ულიანოვი ვლადიმერ) 37, 55, 58, 60, 89, 120, 122, 126, 127, 128, 135, 146, 147, 148

ლეონიდი 63, 64

ლეჟავა პროკოპი 54

ლესელიძე (გენერალი) 91

ლინკოლნი აბრაჰამ 16, 77

ლიონიძე სოლომონ 57, 58

ლომაძე მიხეილ 80

ლომინაძე ელისე 122, 124, 125, 126, 131, 133, 144, 145, 192

ლომინაძე სერაპიონ 50

ლორთქიფანიძე გრიგოლ 36, 70, 139

ლორთქიფანიძე ვლადიმერ 58

ლორის-მელიქოვი მიხეილ 45, 130, 131, 132

მ

მაზიტაშვილი (მაზიტოვი) 107, 108

მაზმანოვი სტეფანე 127

მაზმანოვი ელენე 126

მაზნიაშვილი გიორგი 106
მათიაშვილი გიგო 145
მათითაიშვილი სერგო 100, 103, 151
მაისურაძე ვანო 42, 65, 101, 120, 134
მაკინლი უილიამ 16
მამარდაშვილი მერაბ 18, 20, 30, 48, 51, 147
მამაცაშვილი გარსო 42, 174
მამაცაშვილი გრიშა 42, 174
მანუგალაძე ელადიმერ 123
მარატი უან პოლ 48
მარტინოვი პეტრე 108, 111, 112
მარქსი კარლ 8, 9, 20, 22, 29, 99, 114
მასხარაშვილი სეროჟა 112
მატა პარი 109
მაჭავარიანი 80
მახარაძე კირილე 157
მახარაძე ფილიპე 27, 34, 50, 68, 84, 85, 86, 88, 94, 98, 105, 149, 157
მგელაძე ვლასა 33, 34, 51, 56, 115, 118, 121, 153, 172
მდივანი ბუდუ 12, 83, 88, 103, 124, 143, 144, 145, 146, 149, 159, 195
მდივანი სვიმონ 83, 103
მეგრაბიანცი არშაკ 114, 115, 117, 189
მეზენცევი 11, 23
მეზურნოვი ბაღდო 121, 128, 129, 130, 13, 134, 136
მელიქიძე სერგო 153
მერუჟკოვსკი დიმიტრი 47, 59
მერკვილაძე აფრასიონ 97-99, 184
მესხიშვილი მარიამ 132
მირიანი 59
მიქაბერიძე პლატონ 54, 112
მურავიოვი მიხეილ 22
მურავიოვი სერგეი 22

ნ

ნაკაშიძე ტიფო 91
ნაკაშიძე მიხეილ 141, 178
ნებიერიძე ილია 38, 40, 41, 42, 43, 44
ნეჩაევი სერგეი 46, 47, 48, 147
ნიკოლაძე ნიკო 24, 30, 31, 171
ნიკოლოზ I 21
ნიკოლოზ II 21, 33, 49, 53, 67, 97
ნიკონი 63-66, 177
ნილუსი სერგეი 21
ნინოშვილი (ინგოროყვა) ეგნატე 31, 32, 85, 171
ნისი ერნესტ 111
ნობელი ალფრედ 55

ო

ობოლაძე საბა 103, 153
 ოკუჯაბა ვალოდია 54
 ორბელიანი გრიგოლ 79
 ორბელიანი ალექსანდრე 60
 ორჯონიკიძე სერგო 38, 148-151, 153, 156, 157, 198
 ოძელაშვილი არსენა 80

პ

პაიჭაძე პორფილე 98, 99
 პესტელი პაველე 59, 60
 პეტრე I 59
 პლესანოვი გიორგი 22, 26, 29 87, 89, 99, 137, 148
 პოპელი 58
 პუზირევსკი 62
 პუშკინი ალექსანდრე 48, 60

ჟ

ჟორდანია ნოე 12, 31, 32, 33, 35, 53, 55, 68, 79, 83, 85, 115, 120, 137, 147, 157, 170

რ

რამიშვილი ნოე 12, 53, 60, 120, 170
 რამიშვილი ისიდორე 31, 53
 რიჟინაშვილი აბრამ (იცკა) 54, 176
 რისაკოვი 45
 რიჩარდსი მარტა 109
 რობაქიძე გრიგოლ 93
 რომანოვი ანდრეი 112
 რუნიჩი 102
 რუსანოვი თეოფილაქტე 61, 62

ს

სამანაშვილი ამბაკო 124, 139, 144
 სახოკია თედო 32, 55, 71, 72, 75, 76, 77, 179
 სვანიძე ტიხონა 42, 43
 სვანიძე-მონასელიძე ა. 131
 სტალინი იოსებ (ჯულაშვილი, კობა) 7, 12, 14, 18, 29, 30, 31, 37, 40, 49, 58, 60, 61, 68, 84, 101, 109, 113, 116, 117, 120, 121, 122, 123, 124, 126, 128, 131, 135, 141, 143, 144, 147, 148, 191
 სტაროსელსკი ვლადიმერ 92, 93, 182
 სტეპნიაკ-კრავეჩინსკი სერგეი 11, 23
 სტიუარტი უილიამ 50
 სტოლიპინი პეტრე 22, 24, 38, 50, 55, 99, 125, 129, 147
 სტურუა გიორგი 41
 სულაქველიძე ანეტა 122, 124, 130, 144

ტ

ტალახაძე ვალიკო 153, 156, 159
ტორმასოვი 61
ტრეპოვი 11, 48, 113
ტროცკი ლევ 9, 28, 116, 137, 146, 156
ტურიკიანცი ზაქრო 65, 66

უ

ულამი ადამ 22, 23, 31, 46
ურატაძე გრიშა 31, 51, 86, 89, 102, 116, 150, 181
უტიოსოვი ლეონიდ 158

ფ

ფალავეანიშვილი იასონ 81
ფრუიძე მათე 112, 188

ქ

ქადეიშვილი დათა 95, 183
ქართველიშვილი ალექსი 65, 66, 81, 82
ქართველიშვილი გრიგოლ 40
ქართველიშვილი სანდრო 81, 82
ქარსიძე არსენ 64
ქარცივაძე ბარნაბა 94
ქიაჩელი ლეო 140
ქიქოძე გერონტი 33, 68, 148, 155, 156

ლ

ლლონტი გოგია 154-156
ლლონტი ლუკა 91
ლოლობერიძე ლევან 151

ყ

ყიფიანი დიმიტრი 77, 78, 178
ყიფიანი 62
ყიფშიძე ალექსანდრე (ფრონელი) 93, 182

შ

შავიშვილი ხარიტონ 123, 124, 134, 136, 195
შალაყმაძე პავლე 54
შარაშენიძე რაფიელ 90
შარდენი ჟან 79
შევარდნაძე დათიკო 92, 93, 97

ჩ

ჩაადავეი პეტრე 19, 20
 ჩარკვიანი კოტე 40, 42
 ჩერნიშევსკი ნიკოლაი 20, 21, 23, 24, 31
 ჩერქეზიშვილი ვარლამ 47, 105
 ჩიგოგიძე დიმიტრი 92
 ჩიტაძე შიო 112, 188
 ჩოდრიშვილი მიხა 51, 74, 136, 195
 ჩოდრიშვილი მელანია 128
 ჩოდრიშვილი ზაქრო (ზაქარია) 41
 ჩუბინიძე ლექსო 81, 82
 ჩუბინიძე თომა 124, 139, 140, 141, 142, 143, 144, 145, 192
 ჩხარტიშვილი გრიგორი 48
 ჩხეიძე კარლო 12, 31, 83, 94
 ჩხენკელი აკაკი 12
 ჩხიკვიშვილი ბენია 87-89, 180, 181

ც

ცაგარელი ლადო 108, 109, 111, 112
 ცეტიკინი კლარა 149, 151, 157, 158
 ცინცაძე კოტე 51, 55, 97, 101, 116, 120, 121, 124, 125, 128, 138, 139, 140, 142, 143, 144, 145, 146, 149, 191, 193
 ციციშვილი გიორგი 80
 ციციშვილი ესტატე 30
 ცხაკაია მიხა 28, 31, 68

წ

წერეთელი აკაკი 45
 წერეთელი გიორგი 85
 წერეთელი კაკი (ირაკლი) 12, 83, 148, 172
 წერეთელი მიხაკო 35, 36, 45, 49, 105, 110
 წიწწივაძე ვასიკო 145
 წითლაძე არსენ 31

ჭ

ჭაჭავაძე ილია 12, 23, 25, 28, 31-33, 45, 69, 81, 83, 84, 87, 88, 92, 171

ხ

ხავთასი ილიკო 41, 155
 ხარაბაძე იოსებ 54
 ხერხეულიძე ლევან 105, 106
 ხერხეულიძე ნიკოლოზ 61
 ხომერიკი ნოე 1, 54, 89
 ხრამელაშვილი 63

ჯ

ჯავახიშვილი სანდრო 44

ჯავახიშვილი იასონ 149

ჯალალედინი 36

ჯაფარიძე ალიოშა 54, 144

ჯიბლაძე სილიბისტრო (სილვა) 8, 34, 52, 72, 101, 114, 115, 118, 123, 170

ჯიბუტი ხარება 101

ჯორბენაძე ერასტი 65, 90, 178

ჯორჯაძე იოსებ 80

ჯორჯაძე არჩილ 73, 77, 78, 105

ჯორჯიაშვილი არსენა 115-118, 189

კ

კასანიდი 15

კაქსტაუზენი 121

კეროდე 13



დენოსტრადი თბილისში. 1905 წ. 22 ოქტომბერი





1905 წ. 22 ოქტომბერი. კახაკები სათავადაზნაურო გიმნაზიაში



რატოს... რამიშვილი(მარცხნიდან მეორე), ნოე ჟორდანია,
ადიბისტრო ჯიბლაძე



ილია ჭავჭავაძე



ნიკო ნიკოლაძე



ევნატე ნინოშვილი – მარქსიზმის ერთ-ერთი პირველი მქადაგებელი საქართველოში



რევaz გაბაშვილი



ბომბების დამზადების
სპეციალისტი ულასა მგელაძე



კაკი წერეთელი: „რას შვებით, თქვენა ლუპავთ რუსეთის დემოკრატიას!“



გოროდოვოი



ჟანდარმერიის ოფიცერი



დარაჯი (კარიკატურა)



მეეზოვე (კარიკატურა)



გრიგო მამაცაშვილი



„ძალიან ჩუმი“ ტერორისტი გარსო მამაცაშვილი



ფორინცოვის მოედანი. მარჯვნივ ალიხანოვის საკონდიტრო, რომლის მეპატრონე ტერორისტებმა მოკლეს.




მეტეხის ციხე



„ციმბირელი პაპა“
ნესტორ კალანდარიშვილი



სპარსეთის რევოლუციაში
მონაწილე „გურჯები“



ტერორისტების საყვარელი „ფორთოხალი“ – ხელნაკეთი ბომბები



აბრამ (იუკა) რეჟინამუილის პანაშვიდი



მეფისნაცვალ
ვორონცოვ-დაშკოვი
და ქართული ეკლესიის
მტერი ეგზარქოსი
ნიკონი



ეპისკოპოსი კირიონი



დაშნაკების შეიარაღებული ჯგუფი



დაშნაკების მიერ მოკლული
ბაქოს გუბერნატორი
მიხეილ ნაკაშიძე



ტერორისტები ერასტი ჯორბენაძე
და ილიკო იმერლიშვილი



სასულიერო სემინარია –
რევოლუციონერთა „სამჭედლო“



„პირველი
ტერორისტი“
იოსებ ლალიაშვილი



შიო დედაბრიშვილი
(არაგვისპირელი)



თედო სახოკია



რუსული ტერორის მსხვერპლი
ფიმიტრი ყიფიანი

აღღესი გოგობია (ჯორჯიანი) –
რევოლუციონერი-მოჯირითე
(მარცხნივ)



„გურის რესპუბლიკის“ მთავრობა. პირველ რიგში მარჯვნიდან მეორე –
„პრეზიდენტი“ ბენია ჩხიკვიშვილი



მეორე რიგში მარცხნივ მენშევიკი ბენია ჩხიკვიშვილი, მარჯვნივ – ბოლშევიკი ფილიპე მახარაძე



„სატანა“ გრიშა ურატაძე



დაავაღღეთ საეართველოს
ანაობრებელი გენერალი
ალიხანოვ-ავარსკი



ვანო ალიხანაშვილი (გურული) –
ალიხანოვ-ავარსკის
მკველელობის ორგანიზატორი და
ერთ-ერთი თანამონაწილე



ვიცენ-გუბერნატორი ალექსანდრე
სოფიძე (ფრონელი)



„წითელი“ გუბერნატორი
ვლადიმერ სტაროსელსკი



ხასაკირალის ბრძოლის მეორე დღე



ლომისკარელის ხატის ქურდი და რეკეტირი დათა ქადეიშვილი



„სივაჟუკაცით და პატიოსნებით“ განთქმული მენშევიკი ვარდენ თიანაძე



მებრძოლი აფრასიონ მერკვილაძე
ჯინიდან პირველი) დედასთან და დებთან
თანად



მოკლული „წითელრაზმელი“



დახოცილი „წითელრაზმელები“, ცენტრში – აფრასიონ მერკვილაძე




კახელი „ტყის ძმები“



ქართველი „შაურაზმელები“



ტერორისტი და დამოუკიდებელი
საქართველოს გმირი ვალოდია
გოგუაძე, პარიზი



ვალოდია გოგუაძის უაგენისანი მატარებელი

დუმეთის ხაზინის „ექსის გმირები“:



„ლენერალი“ იოსებ გედევანიშვილი



გიორგი კერესელიძე



ლეო კერესელიძე (ცენტრში) და „ქართული ლეგიონის“ წევრები



გიორგი ლაშვილი



მოკლული ბომბისტი მათე ფრუიძე



ფედერალისტი შოი ჩიტაძე
– „უწყინარი და
ღვთისმოყვი“ კახაკის
მავერული

შოი ჩიტაძის გვამი
„მიზელის“
სააუადმყოფოში





გენერალი გურამური – კავკასიელი
„კრამოლნიკების“ მკერი



არსენა გურამური –
გურამურის მკვლელი



„დამსახურებული“ ტერორისტების ჯგუფი, 1924 წ. მეორე რიგში, მარჯვნიდან პირველი – არსენა გურამური, გურამურის მკვლელის მონაწილე



ლბიდას „აფაგენა ჯორჯიაშვილი“



ტროვანაკია როცდანი, ბარჯუნივ თამამშევის ქარვასლა



„ბოევია დრუჟინას“ „ლოკოპოტივი“ და მთავარი ტერორისტი იოსებ ჯუღაძევილი – კობა, ატალინი



„ბოევია დრუჟინას“
პიონერები: მარცხნიდან –
ვანო კალანდაძე, სტეპკო
ინსკირველი, კოტე ცინცაძე




არკადი ელბაძიძე



ელისე ლომინაძე



თონა ჩუბინიძე ციხეში



„მუდამ მოძრავი რევოლუციონერი“ კამო



აკაკი დალაქიშვილი



ფაცია გალდავა



მეორე რიგში მარჯვნიდან მეორე ბატუა კუპრაშვილი, მარცხნიდან მეორე კოტე ცინცაძე



ბოლორიძე



ბაბე ბოჭორიძე



ქუტაისის ციხე – პირველ რიგში მარცხნიდან პირველი
აიალ ბოჭორიძე



ბუღუ მდივანი



ბარონ ბიბინეიშვილი –
კამოს მემატყიანე



მუშა მისა ჩოდრიშვილი –
ტერორისტების მარჯვენა ხელი



ხარიტონ შავიშვილი




მოკლული
სტეპკო ინკირველი



რევოლუციონერები ციხეში




ქუთაისის ციხე



ციხის საკანი, საიდანაც 1907 წლის
26 სექტემბერს 36 პატიმარი გაიქცა.



ფიგურატარებულ „აბდოთა კავკასიის“ თანამშრომლებთან
აჭართელოს დაპყრობის სამზადისში, 1920 წ.



„რბი“ აღდგენი თბილისში. 1921 წლის თებერვალი



„ნათელ არმიასთან“ ბრძოლაში დაზოცილი ქართველი მეომრები. 1921 წ.



საქართველოს დელეგაცია საბჭოების IX ყრილობაზე. მოსკოვი 1921 წ.
დეკემბერი. N 10 საშა ობოლაძე, N 17 ლევან ლოლობერიძე



აბა ობოლაია მკვლელი „იარაღის კაცი“ გოგია ლლონტი (მარჯვნიდან მეორე)



ღლონტი (პირველ რიგში მარჯვნიდან მეორე) რაზმთან ერთად